




6  
9-C  
9



5-19-69



X ~~XVI~~ 13 33-34

6-19. C. 28.


# OFFICINA

IOAN. RAVISII

TEXTORIS

PARS PRIMA

*Opus nunc recens post omnes Editiones  
fidelissimè recognitum, et copio-  
sissimo locupletatum  
Indice*



VIRTUTE DVCE,



COMITE FORTVNA.

VENETIIS, apud Ioan. Gryphium,  
M D L X V I.

A 6

1000

1

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

1000

# INCVLPATI

## VIRI AC RARI

litterarum, & efflori meritissimè

Boluaco Niuernensi, Na-

gran-aticorum gymnasio

Ioan. Rauilius Textor

niuernensis S. D.



### REQVENS

inculpatissime quòd es

pè dixerim parvus,


quis, tuæque opera,

que beneficium scriptis agnosceret

tiam uerbis ullis remeuerunt

qui silentio meo tam diuturno in flatibus etiam

buccis, & multo irascere stomacho, atque hoc ipsum uitio uerterent, dicerentque me indignum, de quo quisquam benemereri debeat, quum, ut causabantur, pleraque ex partes rationis animantes abhorreant ab huiusmodi nota. nam & ciconia parentes, à quibus uitam accepit, senio sessos nutrit, & succollat, & glires suis genitoribus, dum senuerunt, eadem succurrunt pietate, uelut meritum refundentes. Alij item, quibus eadem placebat sententia, conuicijs me incessabant, & huiusmodi uerbis alloquebantur: Næ tu es homo egregie malus Textor, dignusque multis plogis, & cicatricibus, qui magno meae tuae dispendio non agnoscis, per quem profeceris. hic (de te loquebantur) te nutriti à puero; & , ut inquit Simo Terentianus, fecis, ex seruo, ut esses libertus; & , quod habuit summum pretium, persoluit tibi; tu tamen pateris eius memoriam apud te frigescere, quem, uelut numen aliquod terrenum, deberes suscipere, & reuereri; cuiusque effigiem, si sciperes, domi haberes in larario; quum quidquid es, si quid saltem es, id totum sis eius officio, ei que uitam cum doctrina referre debeas acceptam. adde quòd magna est ambobus affinitas, eadem utrique patria, cuius ille flos est, & primum specimen, & in qua tantis sis ab omnibus, ut inhumanus habeatur & incivilis, qui transeunt





ego ratione maculam hanc  
aberis, aut inquam excusatio-  
eliquis insa- ratum, in quem  
ingerunt? His illorum uerbis  
isplarent; caput me pudere ui-  
umque absuit, quin ipse mihi  
meis Musis supplicio, aborti-  
is marito deuouerim, ut cum  
satis in ea pependi cruce, post  
discussis hinc inde rationibus  
eberem trisleri, aut affici peni-  
dentius egisse, quam si quid in-  
sssem. præcedentia quidem ar-  
ro. contra uerò alia emerferunt  
naferunt, ut non tantum non me  
ne in posterum quidem scribere.  
ulte agant, qui suis ineptijs illu-  
taminant, exemplo illius Chærii,  
quam laudis pepererunt Alexan-

dro. quantum enim famæ parcuriunt doctorum monumenta, tan-  
tum dedecoris asferre. solent penitendæ, & uiles indoctorum nu-  
gæ. itaque si quid hætenus tibi nuncupassem, plus multò fuligi-  
nis & tenebrarum, quam lucis induxisset tuo nomini. nam nihil  
est in me, quod tuis laudibus respondere ualeat. nihil neque scri-  
bo, neque loquor, quod semitari & pagani magistelli non noue-  
rint. nihil nisi triuiali percussum moneta dico. Qua nam igitur  
doctrina tibi, homini dico omnibus uirtutum numeris absolutissimo,  
satisfacere potuisssem? quod si potuisssem; adhuc tamen mihi fue-  
rat timendum, ne irascereris, grauateque ferres & dolenter, si  
te in ora uulgi conijcerem, quum ea sis natura, ut malis laudum  
tuarum testimonia in præcorlijs hominum delitescere, quam lin-  
guis uersari. ego te noui, tanquam meos ungues. at si quid certi ex  
tuis moribus potui colligere & explorare; tu non es ex eorum nu-  
mero, quibus aures inanibus præconiorum fumis pruriunt, & ti-  
cillantur. fuitiles istæ gloriolæ non plus te mouent, quam lip-  
pum pictæ tabulæ, fomenta podagram, Auriculas ciuharæ colle-  
ctæ sorde dolentes, ut inquit ille. omnia tibi sordent, nisi quæ  
ueram olent uirtutem. Suspiciari posses me hoc dicere, adulandi

studio, nisi tam alienum esset mihi assentari, quàm  
 ribus aurem præbere. id ego ausim de me præ  
 quam placuisse mihi parasitis & blanditores, ne  
 nunquam acrius refugisse me, quàm parasiti per  
 forte suspicetur à labijs meis dissentire præcordi  
 eum me semper nosti, in primore cuius fronte legi  
 quod quamvis hac tempestate non usquequaque sit  
 sem tamen infucatum illum naturæ rigorem excute  
 trahendus ad scalas gemonias, aut insuendus culeo  
 pente & simia. Vides igitur, ut ad institutum r  
 uno me mouerint argumenta, ut nihil ad te scriber  
 tandem tamen inuitum me hæc recusantem expi  
 in me amor, & mea in te benevolentia, coegitque  
 liminarem adijcere, quamvis intellerem titulum  
 dis est titulus, fore tibi molestum & odiosum. sed ut  
 tet ut æqui bonique consulas. hoc ego feci, non ut par  
 tum cognosceres, quum, ut inquit Cicero, si uitam pro tua dignita  
 te effunderem, nec minimam quidem tuorum in me meritorum par  
 tem uiderer affectus, sed ut eorum calumniis declinarem, qui me  
 suspendunt naso, quod nullo dum, ac ne uerborum quidem testimo  
 nio, exhibuerim me gratum. porro nominis perpetuitatem ma  
 gis mihi ex te polliceor, quàm tibi ex hoc opere meo. Si autem  
 percontaris, quale sit ipsum opus, & quid ego sentiam? dicam id,  
 quod res est, ne quis canilletur fœtus meos mihi blandiri. illud  
 primum omnium non inficiabor, me omnia siustillatim fere ab au  
 ctoribus emendicasse. nihil priuato iuri præter laborem tribuo:  
 quem si quis improbet; nullam spem futuræ laudis mihi relinquo.  
 & ut occurram censorum lituris & spongijs, tota hæc Officina si  
 milis est Horatianæ corniculæ. alienis plumis circumquaque uesti  
 ta. quam licet plerique probent, & in his Petrus Dansius,  
 homo plurimæ doctrinæ & eruditionis: non sum tamen adeò ne  
 sciens mei, neque ita pendeo totus ab aliorum iudicio, ut eas lau  
 des uelim agnoscere, quas nec honestè possum, nec iure debeo.  
 nolo mihi Suffenus esse, aut simias imitari. quæ suos fœtus, quam  
 libet deformes, pro formosissimis admirantur. si quid tamen ex  
 multis paleis fructus collegi; te & ceteros lectores rogo, ut ex  
 cipiatis plausibiliter. contra uerò si quid per incuriam mihi non  
 elatum lapsum est; frequenter autem lapsum est; partem ex


# LA NVNCVPATORIA.

e meis occupationibus, quibus quum hæc im-  
 munda hora obruebar, idque adeo, ut uix otium  
 caput, aut ad mungendas nares. nam, ut tu  
 nosti, non poteram assidue præesse typis,  
 et totos dies erudiendis iuuenibus impen-  
 dit opinor, suffecissem operi, nisi in ema-  
 nque typographorum erratis labo-  
 ri inuisset honestissimus, matura-  
 rinæ adolescens Guido Mom-  
 adus, Ludecianus patricius.  
 Vile homo probatissime,  
 quola hæc ama.

et caper

10, 6

100



# IO. RAVISII TEXTORIS, NIVERNENSIS, IN SVAM

*Officinam ad eximium, & litteratissimum virum  
D. Gausfredum Pompadoræum Petragori-  
tensem Archidiaconum, utriusque in-  
ris professorem acutissimum;*

## P R A E F A T I O.



Mnium, qui latius quam suis hactenus  
iuverunt moniti, neminem propè  
unum inuenias, Certe litteratissimo,  
qui ubiq; suorum operum calumnias Mò-  
morum; & obelos posteritatis effugerit,  
quique nullibi acceperit vulnus. hoc do-  
cent auctorum elegantissimi, quorum scri-  
pta quamuis inculpatà, & omnibus eloquentiæ calamistris  
decenter comperta uiderentur: plerisque tamen in locis Ari-  
starchorum lituris expuncta sunt. Hic arguitur, ut nimis ie-  
iunus; illius oratio plus cutis, quàm carnis habere dicitur:  
alius uerbis confragosis ampullari, alius humi repere: in hoc  
affectatà culpatur obscuritas, in illo stilus nimis languidus  
& eneruis: in summa, nihil reperiēs, quod suis dentibus li-  
uor non configat. Et quod omnium molestissimè fero, non  
eruditi & frugi homines solum hanc prerogatiuam sibi uen-  
dicant, sed inepti quoque, & qui carent naso, eandem licen-  
tiam iuxta induunt. ita, ut uenatici canes, & uillatici eo-  
dem modo ferinam olfacere uideantur, uelintq; capræ Rhi-  
noceroti nasuto haberi similes. Sunt quineriam, qui laudi  
sibi uertunt cum egregio hoste pugnam suscepisse, ut alien-  
na uirtute (quod propria nequeunt) in opinionem uulgi  
quocunque modo introrepant, seq; in populi admirationem  
intrudant utcumque. alii quàm quid coram idiotis legunt,  
ne nihil scire uideantur, audent tamen de Sibyllæ foliis iu-  
dicare, suq; censuræ cum aliis symbolum ferre. Sed fallun-  
tur haud dubiè, & suis cruribus asciam illidunt. nam plu-



## TEXTORIS PRÆFATIO

ta ipsi accipiunt, quàm inferant uulnera. inustum enim  
 ab eruditis unicum stigma instar multorum est, præstatque  
 sexcentas ab huiusmodi latratoribus plagas accipere, quàm  
 à litteratis unam. quidquid dicitur ab erudito, æternum  
 est, & nescit finem. quod ab insulsis, euanescit tam citò,  
 quàm ipsi sunt uani. quod si unquam primis sæculis fuerit  
 hoc malum, nunc iuualescit maximè, ita ut uix reperiatur  
 opus, quod uel non sit mancum ac mutilum, aut stolidis  
 istorum nebulonum iudiciis planè corruptum. Quid est in  
 causa, quamobrem Fabij institutiones oratoriæ nobis tene-  
 brose uideantur, lectoresq; omnes tertio quoque uerbo su-  
 spensos retineant? fors hominum temeritas: qui quum au-  
 ctoris mentem non uident, omnia inuertere, & rotundis  
 quadrata mutare ausi sunt; feceruntque oraculum, quod per  
 somnium noctu uiderant. qua etiam fæce historiam Plinij  
 naturalem ubique perunxerunt, dum non intellectam de-  
 torserunt in suum phantasma, ne lectorem destituisse uide-  
 rentur, seque ignorantiae conuicisse. ego, ut uerè dicam, ex  
 alieno periculo mihi timeo, terroremq; (utinam uanum) cõ-  
 fingo. quis enim gregarius miles in dextram aurem securus  
 dormiat, si uideat principi suo malè esse? quis, uellicatò  
 Cicerone, suis auribus non timeat? quem, notato Virgi-  
 lio, calumniæ metus non terreat? atq; eò magis, quòd acri-  
 us semper in neotericos sæuiatur. homines enim huius sæ-  
 culi propè omnes consueuerunt in se ipsos furere, alter in  
 alterum quadrigas conuiciis onustas iaculari, uiperis nimi-  
 rum similes, quæ parentes dicuntur impetere. uide Apo-  
 logias, uide occultas Satyras, quæ nunc euentilantur, &  
 excuduntur. quotusquisq; nostri temporis habetur in pre-  
 tio, qui tot Archilochos non habeat, quot præcones? pau-  
 cis ab hinc annis Seruius, de Latina lingua benemeritus, flo-  
 ruit. iam Beroaldinis annotationibus uapulauit. Beroal-  
 dus item nunc cum fœnore recipit talionem. omnes enim  
 (qui saltem corruptum non habent olfactum) quamuis labo-  
 rem eius non improbent; sic tamen stilum auersantur, ut si-  
 bi, suisq; liberis eius lectione interdican. nullus gramma-  
 ticorum plenior obsequio posteritatem demeruit, quàm  
 Laurentius Valla; nemo purius indicauit: Mancinelli ta-



## IN SVAM OFFICINAM.

men iam passus est limam, qui & ipse postea limatus est. Politiano uiro, utriusque linguæ doctissimo, Marullus poeta iam dedit uulnus, idemque lege talionis accepit. quo anno hæc imprimebantur, nescio quis semidoctus Anglus ausus est in Erasimum, uirum planè & sine lenocinio doctum, insurgere, annotationesque, quas Mercurij cuiusdam opera Græcanicis referit laminis, euentilare. audio & fuisse quendam nebulonem, qui opus doctissimi & eruditissimi Budæi de Asse dixerit esse uelut otiosum, infrugiferum, ac nemini utile, & non magni referre cognoscere, quæ sint partes assis, quàm uariæ ponderum & nummorum species. cuius nomen si compertum haberem, peius cruce & furca lueret; nec ad commiserationem me flesteret, etiam si flecter sanguine. Te ne oportuit nebulo perperam de tanto Galliæ monstro iudicare, tantumque uirum putida tua censura proscindere? qui tamen unus inuidiosam Athenis reddit Lutetiam, facitque, ut omnes propè ceteræ nationes palmam desperent eloquentiæ? hic, si litteris merces exolueretur, regi deberet esse, quod Archelao fuit Euripides, Ennius Africano, senatui Rom. Cicero: & te nō pudet immundum ex ore tuo sterquilinum in hunc uomere? Nihil de te loqui audeo Faber modestissime. plagæ tuæ mihi excutiant lacrymas, tantumque dolorem attulerunt, ut amicis indigeam, qui me perinde ac te consolentur. nescio cui te comparē, nisi Actæoni: quem ut sui canes laniarunt, ita quoque qui ex tuis uigiliis fructum & commodum ceperunt, qui, te præuio & anteambulone, philosophiæ latebras incolumes peruaferunt, in te rostro & dentibus sæuiunt. sed sis bono animo: aderunt, aderunt, qui ulciscuntur, facientque tuos istos canes suorum pænitere latratuum. imò iam affuerunt. nunquid enim prospicis plerosque ex illis (indigni sunt qui à me nominentur) iam non pleris, quàm histriones fieri, & ab eruditis haberi uelut indoctos? indoctos autem? imò & planè barbaros, ipsisque adeò barbaris ineptiores. luent, luent, & uiui & mortui, flammisque (quibus scripta tua digna dixerūt) ipsi perferent. impingent, ne dubites, in eruditorum carnificinas, in quibus nullus futurus est commiserationis locus. iam in Epithetis meis tibi condolueram, neque tamen urgen-

# TEXTORIS PRÆFATIO

te beneuolētia (quam habeo in litteratos genuinā) potui nō iterum misereri, ut docerem, quod prius dixi, nullū esse quātumuis doctum, qui huiusmodi Libitinārū morsus, & rabiem declinet. Quis ergo, tot eruditis uapulanti- bus, securum me putet dormire somnū? quis porrectis pedibus nihil timen- tē quiescere? quum ēt si rosas loquerer, essent tamē, quibus meæ rosæ olerent urticā. omniū linguas cohibere uelle, ma- nifestaria est dementia. culpā apud oēs deprecari, tam diffi- cile est, quā facile a multis naso suspendi. ne multis agā, sa- lubrius mea sententia nō est cōsiliū, q̄ ueniam præfari, & suscepti operis causam percontaturis dicere. demum si quis obloquatur, & me aspergat conuiciis, pili & assis nō facere. Primum omniū nemo est, ut opinor, neq; ex eruditorū tur- ba, neq; ex plebeiorū grege, qui manibus ac pedibus nō eat in Saliustii sententiā dicētis: omnibus hominibus, q̄ sese stu- dent præstare cæteris aiantibus, summā opē enitēdū, ne ui- tam silentio trāseant, ueluti pecora, quæ naturā uētri prōnā, & obediētia finxit. nos. n. præter pp uoluptates nāti sumus, & aliorū accepimus animā, quā ut otio Epimienidis somnū indormiamus, & ut proci Penelopes aliis certātibus, soli ni- hil faciamus nisi numerū. Quid a porcis differemus, si mul- tos menses stertāmus instar gliriū, & purissimæ aquæ sordidū lutum præferantius? cōmodemus aures Catoni, qui dicebat reddendam esse uitæ rationē. sequamur laudabilē gymnōsō- phistarū consuetudinē, apud quos impransī abibāt, qui nullū diurnæ operē fructum afferbant. Ægyptiæ adhæreamus iu- uēntuti, cui lege fuit cautū, ne cibo prius uesceretur, quā cētū & octoginta stadia percurrisset. adiciamus oculos mo- ribus Spartanorū, qui ablegatos a se pueros non prius domū redire permittebant, quā parentibus honori, & patriæ utili- tati esse possent. Fuit, fuit primis sæculis tantū uirtutis stu- dium, ut summā in labore felicitatē reponerent. qua causā Menander dicebat, Deum otiosis nō adesse, Epicharmus bo- nos laborem sequi, timidos nihil unquā assequi. Heraclides quoque Lycius unum librum laboris laudibus dicauit, quo aiebat nihil in rebus humanis magis frugiferum geri posse. Quibus persuasus argumētis, aliquem ex dactylothea mea carbunculum in linguæ Latinæ gazophylacium cōferre uo-

lui, quòd hominem sic oporteat uiuere, ut se aliquando ui-  
 xisse doceat posteros. qua.n.per maximũ louẽ opera rectius  
 ingeniũ exercere? non ne præstat hoc ipsum facere, quàm  
 plebeculã ad medullas corrodere cũ cauidicis, homines im-  
 punè occidere cũ medicis, mercatorũ instar lucro immori, &  
 honores aulicorum ritũ ambire? sequi uolo Amasis Ægy-  
 ptiorũ regis edictũ laudabile, qui (ut est apud Herodotum)  
 sanxit, ut singuli quotannis apud cuiusq; præfecturæ præsidẽ  
 profiterentur, unde uiuerẽt. quod qui non facerent, illis po-  
 na extremũ suppliciũ esset. sed fac meũ hoc pensum non esse  
 magni momenti. minorẽ saltẽ præstabo culpã, quã qui nihil  
 omnino parturient. per me nõ stat, quin melius agam. natura  
 est in causa, quæ eã mihi dorẽ nõ dedit, quã fortunatis inge-  
 niis, quibus in manu est, ex tempore (si insperatã declamãdi  
 necessitas occurrat) eleganter dicere, & copiosè. Arguerem  
 me pigritiæ, nisi certò scirẽ me plus olei multò consumpsis-  
 se, quã plerosq; alios, qui tamen multis præcurrunt parafrã-  
 gis; doctrinaquẽ & eloquentia tantum me præcedunt, Ante  
 alios quantum Pegasus ibat equos. Si quis dicat iam nobis  
 abundè esse uoluminum: quotsum tamẽ propterea camillari  
 eos attinet, qui multa scribunt, & cumulũ augent? quũ Theo-  
 phrastus trecenta librorum uolumina ediderit, Chrysippus  
 septingenta, Empedocles tria & quadraginta, Atteius Capi-  
 to consul sexaginta? constat Sèruũ Sulpiciũ centũ & octo-  
 ginta libros de iure ciuili edidisse, Galenum de medicina cẽ-  
 tũ & triginta. debemus ægrefetre thesaurũ nostrũ augeri, &  
 ærarium crescere? Sed admittendi sunt soli maximè eruditi.  
 Cur ita? an qui habent plenã auro crumenã, argenteos qua-  
 drantes ab aceruo reiciunt, & minorem respuunt monetã?  
 hoc illis improprium, qui sunt usq; adèd polyposi, ut ol-  
 factũ prorsus careãt, neq; triticum ab autena & lolio possint  
 intèrnoscere. non est idẽ omnium gustus: & quod ad hu-  
 ius stomachum facit, illi nauseam parit: quod hunc excitat,  
 alium sopit. hinc fit, ut aliis placeat breuitas, alii luxuriãtẽ  
 uerbis & sententiis malint orationẽ. Præterea si nihil un-  
 quãm recens imprimeretur, periculum esset, ne tandem lit-  
 teræ naufragium facerent, & perirent ab radice. uides enim  
 uel iniuria temporum, uel hominum incuria, opera & uigi-



## TEXTORIS PRÆFATIO

Ias multorum iam periisse, quorum nomina plurimi à nobis  
 sunt, & pleno ore ad cælum feruntur, atque etiam frequēti  
 omnium uoto desiderantur. ubi nunc sunt Accij, Pacuij, Æ-  
 schyli, Afranii, Anacreontis, Archilochi, Philetæ, Aristopha-  
 nis poetarum, & aliorum plus quingentorum monumenta?  
 ubi Annales Andronici, trægædiæ, comædiæ, & satyræ En-  
 nij, Plauti centum & triginta fabulæ, Saturnalia; Syluæ,  
 Medea & Orpheus Lucani? ubi Manlij Astronomica, Val-  
 gij & Cornelij Galli elegiæ, Licinij Calui Quinctilia, Var-  
 ronis Leucadia, & Cese nia Getulici? quis habet Labe-  
 rij, & P. Syri mimos, C. ij Bassi Lyricos, & Furij Bibaculi  
 iambos? quis Porcij Licinij, Valerij Æditui, Cinnæ, Do-  
 mitij Marfi, Pædonis A. Pinouani epigrammata? perierunt  
 magno posterorum dispendio, grauique iactura. & quum  
 legamus non paucas oratorum centurias olim floruisse,  
 unicus propè Cicero, diis calamitatem nostram miseranti-  
 bus, nobis remansit. euauerunt M. Æmilij Lepidi Spu-  
 rij & Lucij Albinorum, Albutij Sili, Licinij, Calui, duo-  
 rum Carbonum, ac totidem Gracchorum orationes, cum  
 Asinij Polionis declamationibus. Nec minore damno hi-  
 storiographorum opera exciderunt. Q. Curtius, Dion Cas-  
 sius, Herodianus, Liuius, Ammianus, Marcellinus ad nos  
 peruenerunt, sed fracti, manci, mutili & laceri. amissimus  
 bellum Numantinum Asellij Sempronij, Germanicum Aufi-  
 dij Bassi. ex quadraginta libris Poibij quinque tantum su-  
 persuerunt. quæ omnia quanto posteritatis incommodo,  
 quantaq; ruina perierint, uel cæco appareat. hanc ergo cla-  
 dem qualibuscunq; subsidiis resarciamus, & quâuis maiores  
 longo sequamur intervallo, audeamus tamen. propius ibi-  
 mus, si ad summa nitamur, q̃ si præsumpta desperatione cir-  
 ca ima substiterimus. faciamus quod à tribunis militum so-  
 let; qui quū egregios bellatores amiserint; copias tamen di-  
 spalatas quibuscunq; possunt homūculis instaurāt, ne omni-  
 no uictoria cecidisse uideantur. crescet nobis maior gloria,  
 quàm si nullam nostri memoriam posteris relinquamus. Vi-  
 de cui probro se reddant obnoxios, quibus perpetuæ sunt se-  
 riæ, quiq; cōpressis manibus sedent, & in otio contrahunt  
 marcorem. contra uerò quantum famæ sibi cōparauerint, in

## IN SVAM OFFICINAM

quot annos suum propagauerint nomē, qui nullū tēp oris pūctū fructu uacū permiserunt fluere. Pli. iunior perire omne tēpus arbitrabatur, quod nō impetiretur studiis. Apelles nullā diem ducebat sine linea. Porcius Cato detestari solebat, si qua dies inanis per incuriam effluisset. Qu. Hortensius orator nullū diē abire sinebat, quin uel in foro diceret, aut extra forū meditaretur. tantum erat gloriæ, & uirtutis studium apud maiores. quorū uestigiis si uellemus insistere, magna passim foret expectatio, bonas artes iure quodā postliminij desitu in nitore redituras. sed omnia pessum eunt, quia nos gulæ mancipia, & Epicuri de grege porci nihil aliud studemus, q̃ ut pascamus uentrē, corporū genus curiosi. satis est, si probē saginati appareamus populo, posteritatis nulla cura: quasi uerò nobis tantū nati simus, neque patriæ aut amicis quidquam debeamus. sumus tygribus masculis nō multū dissimiles, quibus nulla est sobolis suæ curæ. Superest ut aliquid de historia dicamus, quā idē sumus aggressi, quod apud Gelliū dicat Phauorinus, uiuendum esse moribus præteritis, qui cognosci nequeunt, nisi maiorum intelligatur uita. intelligi autē non potest, nisi per manus relinquatur nepotibus. de cuius utilitate multis uerbis non est differendū. Huc omnes tanquam suos unguis tenent. facit in primis, ut dum eorū uitā legimus, qui sua culpa in discrimen aliquod ceciderunt, aliena fruamur insania, & pedem ab his reuocemus, quæ aliis naufragiū attulerunt. nunquid suaue est alieno infortunio sibi præcauere? in transitu fluuiorum, qui primi tentant uadū, aleam fortunæ periculosa subeunt: qui à tergo sequuntur, possunt periculum declinare, si uelint. Si nihil haberemus de antiquitate, quā uiuendi cōsuetudinem sequeremur? essemus uetustissimis illis Arcadibus similes, quibus quoniam nulla erat rerū experientia, nulla cognitio, belluino more degebant, ac nudi uagabantur. quos qui ad meliorem cultum redegerunt, in deorum indigitamenta relati sunt. præterea nulla est ars aut disciplina, quæ maiorem sine tædio uoluptatem afferat. medicinam plerique obducto supercilio contractisque naribus auersantur ut immundā, & olentem putidē, ipsosq; medicos cū nausēa refugiunt, uelut scarabeos stercorei bubulo se impenetrātes, & cum uulnera-



## TEXTORIS PRÆFATIO

riis aliquid habentes cōmune, qui saniosa tractant ulcera, & admotis manibus ipsum pus exprimunt. Vtriusque iuris & legum studia plerisque non admodum probantur, quod lucri magis, quā uirtutis causa appetantur. Theologiam fastidiunt quamplurimi, ut laboriosam & nimis tetricā, quæ nihil habeat festiui, nihil marcentem lectoris stomachum irritans. cuius etiam sectatores in contemptum, & risum uenerunt, quod mortalium uideantur insolentissimi, & neminē prae se ducāt hominem, seque primos omnium rerū esse uelint. contrā uerò Historiam nulli refugunt, amplectuntur omnes, nulli nō lubenter audiunt. cuius scriptores tanto quondā in pretio fuerunt, ut ad audiendum Lium, non humiles solum & gregarii homines, sed clarissimi quoque principes ab extremis Hispaniarum finibus Romam usq; turmatim uenerint. Iosepho propter libros de captiuitate Iudaica scriptos Romani statum crexerunt. Antipater Hieropolitanus Seueri principi, Clitarchus Alexandro, Dexter Theodosio, Amyntæ Macedonum regi Hellanicus Mitilenæus, Eratosthenes Cyrenæus Ptolemæo Euergeti ob scriptas historias coeperunt familiarefcere, nec aliam ob causam Demetrius Poliorcetes Hieronymum Rhodium magna mercede sibi domesticum fecit. Si quis dicat iam esse nobis affatim auctorum, qui hoc scribendi genus securi sunt: respondebo nullū propterea detrimentum ex copia nasci. si quem poeniteat meæ lectionis, aliō se conferat. nolo quēquam iurare in uerba mea. insulsus est, & caret naso, quæ nequit eligere, quod est sibi usui, aut refugere, quod detrimento. At carere potuissimus hoc opere: & maximo possemus auctore. Vna & altera uestis possunt homini sufficere; aliæ tamen propterea non reiciuntur. Scripserant de gestis Alexandri Clitarchus, Polycratus, Onesycritus, Antigenes, Istrus, Aristobolus, Cares, Philippus Chalcidensis, Ptolemæus, Antidides, Philo Thebanus, Antisthenes, Menechmus Sycionius, Nymphis Heracleotes Potamō Mitylenæus, Sotericus Asites, Arrianus, Plutarchus: neq; tamen probro datū est Curtio, quæ eandem retexuerit telam. Vide quæ habent præcones Imperatorum uitæ, ut præter alios obscurioris famæ, Tranquillum, Dionem Cassium, Ælium Spicianum, Iulium Capitolinum, Ælium Lampridium, Vul-

catium Gallicanū, Trebellium Pollionē, Flauium Vospiciū,  
 Sextū Aurelium Victorem, Eutropiū, Paulum Diaconū, Am-  
 mianum Marcellinū, <sup>qu</sup> Proponium Lætum, & nostra ætate Ba-  
 pristam Egnatiū: qui tamen oēs eundem torserunt funē, incu-  
 dē oēs eandē tuderunt Vitas quoq; Rom. pōtificū. scripsere  
 quā plurimū, ut Dan<sup>us</sup>, Anastasius, Guido Rauēnas, Sigis-  
 bertus monachus, Hugo Florianus, Sicardus præsul Cremo-  
 nensis, Gotfredus Viterbiēsis, Martinus Carfulanus, Landul-  
 phus Carnotēsis canonicus, Sazomenus presbyter, Gervasius  
 Ricobaldus, Ptolemæus Lucēsis, Antonius p̄sul Florentinus,  
 postremò Platina, Lat<sup>us</sup> oēs. præter Græcos, Eusebiū Cæsariē-  
 sem, Sozomenū Salaminū, Socratē Cōstantinopolitanum, &  
 Zonorā. quos si secutus fuero; quis erit obiurgationi locus,  
 quæ mei culpandī ratio? qui causabitur plura nunquam scri-  
 ptorum, q̄ nunc extitisse monumēta, ibo inficias. Vnde ergo  
 septingenta uoluminū millia sibi collegisset Ptolemæus Phi-  
 ladelphus? unde tria milia Tyrānion grāmaticus? cui etiam  
 opinioni si accederē; propterea tamen nō faterer mittendū  
 esse litteris & labori repudiū. Stultē mihi suadere uidentur,  
 qui aiunt tantisper supprimenda esse opera, dum concesseri-  
 mus fato. quis meum defuncti opus emaculabit? quis addet,  
 aut detrahet, ubi postulabit locus? quis inuertet, si oporteat,  
 aut in his recantabit, quæ nō probabuntur populo? quis cum  
 laruis luctantiū calumniis refellet? Adhæc palam est multos  
 esse ardeliones, qui quum studio laudis immoriantur, neque  
 tamē aliquid dignum laude partuiire ualeāt, instar Horatia-  
 næ corniculę plumas suffurantur alienas. ut nescio quis mihi  
 notus, cuius nomini parco, qui ex aliquot meis qualibuscun-  
 que Dialogis frugē sibi fecit, laudē præripuit, & alieni labo-  
 ris solus gratiam hausit. quod omnīū confessione tam turpe  
 est, q̄ iniquum eos metere, qui sementē non fecerunt. Sed,  
 ut hæc omittamus, certā in sp̄e uocor multa in hoc opere cul-  
 patū iri, multa fore, quæ prodigiosa, aut etiā incredibilia ho-  
 minum uidebuntur iudiciis. quæ si recta uideantur; nō pude-  
 bit me cū Stesichoro palinodiā canere, aut certe incudi red-  
 dere. capita plerunque modicis de rebus adieci, ut de le-  
 nonibus; ancillis, abstemiis, cocis, & multis eius farinæ. quod  
 si quis rideat, & notet carbone; ad causæ meæ patrociniū

jubebo eos in medium prodire, qui ex minimis itidem rebus scribendi argumenta desumpserunt. Edidit Antonius librum de sua ebrietate; Homerus unum de laudibus uini, alterum de bello ranarum; Ephrem Syrus de uituperatione risus, Marcion Græcus de raphano, Pythagoras de bulbis, Diocles de rapo, Phanius physicus de urtica. quod si non arguuntur fecisse; nec ascribendum erit uitio, si minimarum rerum quandoque historias collegero. Ne tamen erratis meis ubique patrocinari & fauere uidear, unum est, in quo ipse culpam agnosco, & Græcas historias Latinis, Latinas barbaris, & oratoria poeticis, passim confudero. quod à me factum est non inficitia, sed laboris magnitudine: cui quum nequirem superesse, parendum fuit necessitati. Iam satis luctatum est cum maledicis. nunc superest, ut ad te nostra dirigatur oratio, Gaufrede litteratissime, dicamq; quid me mouerit, hanc operis mei præfationem egregio tuo nomini cōsecrare. Hoc fecit illud litterarum & uirtutis studium, quo à teneris annis totus prurire cœpisti, & cōflagrare, doctosq; omnes genuina quadam beneuolentia prosequi. existimabam præterea fore mihi uituperio, si non reminiscerer tuæ beneuolentiæ, qua me tyrunculum, & in primis litteris collegam tuum supra filiem amabas, idq; adeò, ut ceteros oēs cōdiscipulos præ me uno nihili faceres. ubicunq; tibi occurebam, nunquā sine risu me alloquebaris. dextrā (quod dici solet) à tertio usq; iugere mihi porrigebas, magnum & euidentis tui candoris, tuæq; amicitiae argumentū. præterea Blasius Madronetus Securiacus, tuus cliens, bonarum litterarum audissimus heluo, (ut de Vicensi Catone scribit Cicero) nominis tui præco assiduus, non desistebat quotidie me præsentem multa de uirtutibus tuis, multa de litterarum & litteratorū amore, immodicè prædicare, meiq; amorem in dies tibi cre-scere affirmabat iuramento. quo ductus argumento docere uolui me non esse ex eorum grege, qui beneficium nunquā agnoscunt, & apud quos interit statim gratia. quod famuli tui munus tam sincera fronte accipies, quā beneuolo datur animo. Vale homo perpaucorum hominum, clarissimæq; uirtutis & litteraturæ; & scribendum in calce huius operis tuo nomini epigramma expectes aliquantis per.



# MORTEM QVI SIBI VARIIS MODIS CONSCIVE-

RVNT, AVT SE ALIIS COM-

*miserunt occidendos.*



Lucretia puella, rarum Romanæ castitatis lumen, ægrè ferens purissimum suæ pudicitiae florem ab infami & turpissimo tyranno Tarquinio iuniorè Tarquinij Superbi, Romanorum propterea regum ultimi, filio fuisse corruptum, & stupratum, impatiens acceptæ iniuriæ palam se occidit, fecitque, ut populus scelus ulcisceretur, & regum principatum excuteret. cuius mortis quotiescunque venit in mentem, lacrymis nequeo temperare, sed nec puellæ satis misereri, aut stupratorem conuiciis ad saturitatem aspergere, ac deuovere. Claudianus lib. 1. in Eutropium, Visceribus frustra castum Lucretia ferrum Merfit. Stroza pater lib. 1. Eroticon. Vltà nefas animo, propriaq; Lucretia dextra, Inuictò occurreret clara pudore tibi. Sabellicus. Nec ferro occubens casto traiecta cruore Fœdasset patrios moriens Lucretia vultus.

Lucretius poeta phisicus sumpto amatorio poculo, eò furoris raptus est, ut manum sibi intulerit, natus annos plus paulò quadraginta. quin etiam eo priusquam moreretur, de lirio, diu antè fertur laborasse: neque ad scribendum carmen animum appulisse, nisi interfecta, interuallataq; infania. Politianus in Nutricia,

Nec qui phyltra bibit, nimioq; insanus amore,  
Mox ferro occubuit, sic mentem amiserat omnem.

M. I. Brutus unus ex his, qui Cæsarem 23. uulneribus in senatu confoderunt, ab Augusto & Antonio Iulii mortem ulciscantibus apud Philippos expugnatus, desperata iam uictoria manum sibi intulit, iuuantè Stratone rhetore, anno suæ ætatis trigésimo, ne in manus inimicorum ueniret. Pamphilus Saxus,

Se gladio fodit Brutus, Cato fodit & ille,

Quem timuit Cæsar, quem coluere patres.  
historiam audivit scierit, eat ad Plutarchum.

Qui rei

Porcia filia Catonis, audita morte Bruti mariti apud Philippos interfecti, ferrum poposcit ad inferendam mortem. quod quum amici recusassent, carbones hausit, & inaudito mortis genere uitam finiuit. auctores Plutarchus & Val. Max. lib. 1. Epist.

Coniugis audisset fatum quum Porcia Bruti,  
Et substracta sibi quæreret arma dolor;  
Nondum scitis, ait, mortem non posse negari:  
Credideram satis hoc uos docuisse patrem.  
Dixit, & ardentes auido bibit ore fauillas.  
I nunc, & ferrum turba molesta nega.

C. Cassius post interfectum Cæsarem ab Antonio & Augusto bello petitus, castra cum Bibulo iunxit apud Philippos. uerum quum inclinatum uideret aciem, ultro sibi mortem intulit eodem pugione, quo in Cæsarem usus fuerat, auctore Plutarcho. uel, ut alii malunt, Pindaro liberto ingulandum se præbuit. quod probat Iouianus de fortitudine bellica, dicens: Potuisset Cassius, etiam si Brutus ceciderat, reparare exercitum, nec tam repentino consilio, famulo iugulum suum præbere.

M. Antonius audita per falsum rumorem Cleopatæ morte, seipsum gladio confodit, partim amore uxoris, partim desperatione rerum, quod ab Augusto uictum se ægre ferret. de hac morte Paulus Orosius sic inquit: Antonius se ferro transuerberauit, ac semianimis ad Cleopatram in monumentum (in quod se mori certa condiderat) perlatus est. item Propertius lib. 3. Castraque Pelusi Romano subruta ferro, Antonique graues in sua fata manus. Item Suetonius in Augusto: Obsessaq; Alexandria, quò Antonius cum Cleopatra confugerat, breui potitus est. & Antonium quidam seras conditio nes pacis tentantem, ad mortem adegit, uiditq; mortuum. Item Eutropius lib. 7. rerum Romanarum: Victus est, inquit, ab Augusto nauali pugna clara & illustri apud Actium, qui locus in Epyro est, ex quo fugit in Ægyptum, & desperatis rebus, quum omnes ad Augustum transirent, ipse se interemit. hoc multis uerbis prosequitur Plutarchus in eius uita.



Cleopatra, mortuo Antonio marito, ubi intellexit se ab Augusto in triumphum referuari, causa declinandę eius ignominia, brachium aspidi mordendum prębuit, Cæsare Psyllos ueneficos, qui serpentis uenenum ę uulneribus haustu reuocarent, & exurgerent, frustra admonente. Plutarchus scribit eam habuisse uenenum in laminula quadam concaua, quam sub crine occultabat: sed tamen neque corpus deformatum, nec aliud ullum apparuisse ueneni signum, nec aspidę ab ullo conspectam, sed tractus duntaxat uisos, ipsiusq; brachium duas notas habuisse leuiter impressas, & humidas. quibus Cæsar uidetur fidem dedisse. nam in triumpho, Cleopatraz imaginem tulit cum aspide mordicus affixa. Propertius de ea lib. 3. sic inquit: Fugisti tamen in timidi uaga flumina Nili, Accepere tuę Romula uincla manus. Brachia spectauī sacris admorsa colubris, Et trahere occultum membra soporis iter. Item Horat. lib. 1. Car. Fortis & asperas tractare serpentes, ut atrum Corpore combiberet uenenum, Deliberata morte ferocior sęuis Liburnis, scilicet inuidens Priuata deduci superbo Non humilis mulier triumpho. uide Plinium lib. 21. cap. 3.

Nexra, & Charmione, Cleopatraz ancillę, spontaneam dominę mortem imitatz sunt, auctore Plutarcho. ac semiuiuę repertę, reginę iam mortuę coronam capite delapsam reponentes, immodico magni animi argumento.

Cato Uticensis minor, primi pronepos, dolens, & grauatę ferens Pompeium (cuius partes fouebat) a Cæsare (cui aduersabatur) superatum, suo quoque gladio incubuit, lecto prius Platoni Phædone de Animę immortalitate. cuius audita morte Cæsarem dixisse ferunt, & se Catonis inuidere glorię, & suę Catonem inuidisse. sic autem abiit de uita, ut testimonio Ciceronis, causam moriendi nactum se esse gaude ret plurimum. Dictus est Uticensis ab Utica urbe Africę, in qua se occidit, auctoribus Plinio lib. 5. & Gellio lib. 13. de eius morte pleriq; meminerunt. Lactantius, Multi ergo, inquit, ex his, qui æternas esse animas suspicabantur, tanquam in cœtum migraturi, sibi ipsis manus intulerunt, ex Romanis Cato, qui fuit in omni sua uita Socraticę uanitatis imitator. item paulo post, Homicidę, inquit, illi omnes philosophi, &

ipsæ Romanæ sapientiæ princeps Cato, qui antequàm se occideret, perlegisse Platonis librum dicitur, qui est scriptus de Æternitate animarum.

C. Carbo propter perpetuam in populari ratione leuitatem, morte uoluntaria se a seueritate ciuium uindicauit, quoniam autem duo eiusdem nominis fuerunt, ambo magni oratores, non constat mihi satis, uter duorum uitam sponte reliquerit. Cicero de clar. Orat.

P. Crassus Crassi oratoris frater, iuris peritus, quum factionem sequeretur Marianam, ne in manus inimicorum incideret, seipsum interemit.

P. Licinius Crassus consul contra Aristonicum Eumenis filium profectus, exercitu suo profligato barbarum quendam ad inferendam sibi mortem prouocauit, ne ab hostibus traheretur captiuus.

App. Claudius Regillianus, stuprata Virginia Virginij Centurionis filia, in carcerem à populo crimen ulciscente coniectus, sibi manus intulit.

Cor. Merula flamen dialis, partium Syllanarum, ingresso urbem Mario, uenas, in Iouis æde sibi succidit, ut contumeliosæ mortis damnationem effugeret. auctor est Val. Max.

Dolabella Cæsarianus, interfectorum Cæsaris hostis acerrimus, multis præliis in Syria cum Cassio congressus est, à quo postremò uictus, gladio se transfuerberauit, causa declinandæ maioris ignominiae.

Fla. Fimbria ciuis iniquissimus, Asiam prouinciam ingressus, arreptis imperii insignibus, à Sylla postmodum Pergami oppressus est, & à corrupto exercitu destitutus. itaque rerum desperatione sibi mortem intulit.

Lucinius Macer prætorius, repetundarum postulatus, ubi per nuncium intellexit Ciceronem sibi aduersari, faucibus laqueo constrictis uoluntaria morte penam præuenit. auctor Val. Max. de Mortibus non uul.

T. Manlius, non is, qui filium securi percussit, sed alter Iuris pontificii peritus, iudex inter Macedones accusatores & filium Silanum constitutus, audita causa ita pronunciauit: Quum probatum sit, Silanum, filium meum, pecuniam accepisse, ipsum repub. & prole mea indignum iudico. itaque

Silanus à patre repudiatus, dolore animi se suspendit proxima nocte : cuius exequiis neque pater interfuit , neque suadentibus ut adesset, aures præbere uoluit . auctor Val. Max. de Seueritate .

Fuit alter L. Silanus Claudii principis gener, qui erepta sibi Octauia, dataque Neroni, præ dolore gladio suo incubuit, idque die nuptiarum, ad augendam inuidiam . auctor Corn. Tacitus lib. 12.

C. Marius iunior à Sylla è Mithridatica uictoria redeunte cum toto exercitu fusus, in oppidum Præneste se recepit. ubi obsessus, quum nulla effugij pateret rima aut uia salutis se Pontio Telesino præbuit, iugulandum . auctor Liuius Priusquam autem Sylla rediret in urbem, Marius uniuersam propè nobilitatem interfecerat . quæ res fuit in causa, ut superatus ueniam desperaret . ferunt Syllam ex eiusdem exercitu duodecim millia morti dedisse .

Gn. Gnorbanus uictus a Sylla exsulauit apud Rhodios : ubi comprehensus seipsum interemit. ideo autem à Sylla bello petitus est, quòd eius legatos de pace uiolauerat . auctore Liuius .

Oppia Vestalis stupri comperta, sibi mortem intulit, grauioris supplicij metu, ne scilicet uiua sub terra defoderetur instar Floroniæ alterius puellæ .

Orestilla M. Plancium maritum in Asiam cum 60. nauibus profectum secuta, Tarenti ex morbo decessit, cuius dum celebrarentur exequiæ, & cremaretur cadauer, Plaucius doloris impatiens, & appetens mortis, in rogi se coniecit: quem togatum calceatumq; corpori uxoris iunxerunt amici . auctor Val. Max. de Amore coniugali .

Pomponius Atticus eques Rom. Ciceronis amicus, in ultima senectute morbo correptus, seipsum cibi abstinentia necauit. multa fuerunt in eo laude & comendatione digna, quæ quamuis ab instituto sint aliena, placet tamen in mediū afferre, ut legentium prosint moribus . Tanta in primis fuit erga domesticos facilitate, ut iurauerit cum matre non agnaria se nūquam in gratiā rediisse: cum sorore pariter nullam gessit simultatem: distitans cum his minimè irasci oportere, quos diligas . abstinentia præterea singulari, uitæque



luxu, ambitione & cupiditate rerū alienarū, ut qui præter patrimonium nihil unquam appetiuerit, nihil ædificauerit, nihil emerit. fuit & litium maximè fugiens, popularesq; factiones Vatiniāno prosequēbatur odio. propterea quum uidisset rempublicam tumultu Cinnano turbatam, Athenas concessit, ut illic tranquillè uiueret, nemine studia interpellante. eruditis omnibus mirum in modum fuit, adeò ut pulsum ab urbe Ciceronem, & Brutum fugientem magna iuuerit pecunia. mendacium nec dicebat, nec etiam poterat pati. quapropter omnes inimici res suas ei curandas dabant, & seruandas. Cor. Nepos in eius uita.

Taurea Iubellius Campanus, capta à Fuluiο Capua, coniungem primū ac liberos, postremò seipsum ad pedes imperatoris gladio transfixit, ne quid indignum aut ignominiosum captiuus pateretur. auctor Liuius.

Fannius Cepio deprehensus in coniuratione aduersus Augustum, sibi mortem consciiuit. Martialis lib. 2.

Hostem quum fugeret, se Fannius ipse peremit:

Hic rogo furor est, ne moriāre mori?

Aria mater (nam fuit eiusdem nominis filia) damnato Pæto marito, fodit corpus gladio, quem uulnere educens ipsi Pæto querenti dedit, ut idem post faceret. Martialis lib. 1. Castra suo gladium quum traderet Aria Pæto, Quem de uisceribus traxerat ipsa suis, Si qua fides, unū, quod feci, non dolet, inquit; Sed quod tu facies, hoc mihi Pæte dolet.

Festus Domitiani amicus, dum mentagra usq; ad desperationē remedii laboraret, gladio se traiecit, prius tñ amicos consolatus. quā eius mortē Martialis lib. 1. sic describit:

Indignas premeret pestis quum rabida fauces,

Inq; ipsos uultus serperet atra lues, &c.

Cor. Gallus poeta elegiographus, Virgilii amicus & coætaneus, ab Augusto præfectus Ægypti designatus, Thebarū ciuitatem spoliāsse dicitur. propterea quum repetundarum postularetur, furtiq; & populatæ accusaretur prouinciæ, nobilium indignationem formidans, sibi mortem intulit anno suæ ætatis 43. auctor Ammianus Marcellinus, qui lib. 17. rerū gestarū sic inquit: Longè autē postea Cornelius Gallus res tenens Romanas, Ægypti procurator, exhaustis ciuitatē



plurimis interceptis. reuersusq; quum furtorum arcesseret  
 & populatæ provinciae, metu nobilitatis acriter indigna  
 tæ (cui negotium spectandum dederat imperator) stricto in-  
 cubuit ferro. Item Ouid. lib. 3. Eleg. Tu quoq; si falsum est  
 temerati nomen amici Sanguinis, atque animæ prodige Gal-  
 le tuæ. Item Politianus in Nutricia: -ceu Galli Mima Cithe-  
 ris Personam falsæ lasciua Lycoridos affert. In scænam, &  
 docto clausam se iactet amanti, Dum miser ipse suo fodiat  
 præcordia ferro. Item Propertius lib. 2. Et modo formosa,  
 qui multa Lycoride Gallus, Mortuus inferna uulnera lauit  
 aqua. Alia tamen causa ad inferendam sibi mortem motum  
 uolunt plerique, q̃ scilicet Augusti domo ei fuisset interdi-  
 ctū, ut scribit Tranquillus. alii ob linguā nimis effrænā. quod  
 & Ouidius uidetur probasse, ubi ait: Non fuit opprobrio ce-  
 lebrasse Lycorida Gallo, Sed linguā nimio nō tenuisse mero.

Syllius Italicus poeta, incurabilis morbi tædio, uolunta-  
 riam oppetiit mortem annos natus 75. Politianus in Nutri-  
 cia de eo sic scribit: Ipse obiit plenusq; æui, natoq; super-  
 stes, Aspera congenito fixus uestigia clauo.

Sophronia Romana, Christiana Lucretia, quū uim Decij  
 principis sibi quotidie insidiantis non posset declinare, ar-  
 repto gladio per cōsensū mariti se cōfodit. auctor Eusebius.

Nero Domitii & Agrippinæ filius, fax totius orbis, impu-  
 raq; scelerum omnium sentina, post maiora numero flagitia  
 hostis patriæ a senatu iudicatus, ne quid suis meritis dignum  
 pateretur, aut collo in furcam coniecto uirgis cæderetur, (ut  
 ait Eutropius) urbem egressus, sequentibus Phaone, Epaphro-  
 dito, Neophitoq; & Spadone Sporo, semet ictu gladii transe-  
 git, ad quartū urbis milliariū, adiuuante trepidantē manum  
 impuro Eunuchō. Periiit autem anno ætatis suæ 32. cuius in-  
 teritu uniuersa Roma adeo gauisa est, ut plebs induta pileis  
 manumissionum, tanquam seuo exempta domino triumphar-  
 ret. Ausonius, Matricida Nero proprij uim pertulit ensis.  
 Sidonius, Marticida Nero proprio se percurit ense. Pontanus  
 de stellis lib. 3. Sic errant miseri manes atque umbra  
 Neronis: Sic Otho, quique in se ferrum strinxere nefan-  
 dum. Suetonius ait eum in inferenda sibi morte adiutum fuisse  
 se ab Epaphrodito à libellis, Eutropius à Sporo.

# MORTEM QVI SIBI

Otho imperator quamuis mollissimè semper uixisset, adeò ut ad muliebres accederet munditias: uictus tamen à Vitellio apud Bebriacum, ausus est sibi mortem consciscere, quamuis multas haberet copias, possetque uictoriam sperare. quod fecisse odio bellorum ciuiliu dicitur. propterea Martialis lib. 6. eius mortem Catonianæ anteponebat. Cato enim interfecit se Veicæ, copiis iam profligatis, ne in hostes incideret; Otho uerò adhuc integro exercitu, ne bella ciuilia gererentur. uerba epigrammatistæ sunt hæc:

Quum dubitaret adhuc bellis ciuilibus Enyo;

Forſitan & posset uincere mollis Otho:

Damnauit multo saturum iam sanguine Martem,

Et fodit certa pectora nuda manu.

Sit Cato, dum uiuit, sanè uel Cæsare maior:

Dum moritur, nunquid maior Othione fuit?

De huius imperatoris morte alij quoq; meminerunt. Iouianus lib. 3. de stellis, ut supra. itè Sextus Aurel. Victor: Hic, inquit, à Vitellio primum apud Placentiam, dehinc apud Bebriacum uictus, semet gladio transfixit, anno ætatis suæ 37. adeò amabilis militibus propriis, ut pleriq; corpore eius uiso suis manibus mortem sibi consciuerint. Item Ausonius: Mox Otho famosus, clara sed morte potitus. Tranq. quoque in eius uita sic inquit: Post hæc sedata siti, gelidæ aquæ potione, duos arripuit pugiones, & explorata utriusq; acie, quum alterum puluino subdidisset, foribus adopertis artissimo somno quieuit. & circa lucem demum expergefactus, uno se traiecit ictu infra læuam papillam: irruipientibusq; ad primum gemitum, modò celans, modò detergens plagam, exanimatus est, & apud Veliternam (ita præceperat) funeratus, 38. ætatis anno, & 95. die imperit.

Petreius dux Pompeianus à Cæsare in Hispania superatus se ferro & inedia interemit.

Labus Marſus in calamitate Mæcedonica (quum celer hostis premeret) seque natumque gladio traiecit, ne uictoris Octauii uultum sustineret: auctor Pontanus de fortitudine bellica.

Gordianus senior audita filii morte, qui pro patria in bello occubuerat, laqueo se suspendit iam octogenarius, par

tim dolore amissi filii, partim ne traheretur captiuus. Am-  
mianus Marcellinus lib. 26. In Africa, inquit, superior Gor-  
dianus in imperium raptus, aduentantium periculorum an-  
goribus implicatus, uitam laqueo spiritui intercluso, pfudit.

Galerius imperator, quum Christianos omnibus, quibus  
potuerat, tormentis affecisset, tandem in morbum incidit,  
cuius impatientia, gladio sibi latus aperuit. Baptista Egna-  
tius ait illud tedium uitæ ei irrepisse ex genitalibus paula-  
tini putrescentibus.

Valerius, dum cuni Valeria Tusculana filia nescius con-  
cubuisse, agnita postmodum culpa, se præcipitauit. auctor  
Aristides apud Plutarchum.

Papirius Romanus quum sororem Ganusiam grauidam fe-  
cisset, & illa gladio à patre misso sibi corpus confodisset, se  
ipsi quoque mortuæ sorori dedit comitem. auctor Chry-  
sippus lib. 1. Rerum Italicarum apud Plutarchum.

P. Catienus Philotimus patronum adeò dilexit, ut hæres  
omnibus bonis institutus, in eius rogum se coniecerit. auctor  
Plin. lib. 7. cap. 36.

M. Lollius infamatus regum muneribus in toto Oriente;  
interdicta amicitia à C. Cæsare, Augusti filio, uenenum bibit.  
Plin. 9. cap. 35.

Idem Plinius lib. 36. cap. 24. scribit Cn. Procleium Au-  
gusti Cæsaris familiarem in maximo stomachi dolore, gyp-  
so potu consciuisse sibi mortem.

Catulus Luctatius Orator, qui Marii collega fuerat in cō-  
sulatu, & de Cymbris unà triumphum egerat, ab eodem po-  
stea mori iussus, inclusus domi, accensis carbonibus se sus-  
focauit. auctor Plutarchus in Mario, & Valerius Maximus.

Agrippina à Trierarcho, aliisq; Neronis satellitibus in-  
terfecta, Meneſter eius libertus se ferro tranſegit. incertum  
caritate in patronam, an metu exitii. auctor Cor. Tacitus  
lib. 14.

Adnotatum est in chronicis M. Porcium Latronem præ-  
stanti uirum memoria, duplicis quartanæ tædio manum sibi  
admouisse, atque ita functum fato.

Labienus poeta uidens libros suos ob nimiam carpendi  
libertatem publico decrero comburi, suis superuiuere non



potuit, monumentis, ac propterea spontaneâ oppetiit mortē.

Messalla Coruinus orator, ante biennium quàm moreretur, ita memoriam ac sensum amisit, ut uix pauca uerba coniungeret. ad extremum uerò enato circa os ulcere, inedia se confecit. auctor Celsius.

Longinus Adriani imperatoris legatus, à Decebalo Dacorum rege (in quem certabat) circumuentus, ebibito ueneno seipsum interemit. auctor Dion. Cassius.

Adrianus imperator Mastorem quendam barbarum (quo propter robur & audaciam plerunque usus fuerat in uenationibus) partim minis, partim pollicitationibus impulit & coegit, ut cædem sibi inferret, circumscripsitq; locum sub mamilla, quem Germogenes medicus demonstrauerat. quo letaliter percusso, sine dolore expirauit. testis idem Cassius. hoc autem fecit incredibili membrorum omnium cruciatu impulsus, qui etiam morbi subtercutanei dolore multos è se natu prius extinxerat, ut scribit Sextus Aurelius.

Sabina imperatrix eiusdem Adriani uxor, seruilibus prope iniuriis ab eo affecta, ad mortem cucurrit uoluntariam, quòd tam immane ingenium humaniq; generis perniciem pertulisset. auctor idem Aurelius.

Florianus imperator, qui Tacito successit, dolens Probum militiæ peritum à magna exercitus parte fuisse electum, sibiipsum uenas incidit, effusq; sanguine consumptus est. auctor idem Aurelius.

Julianus imperator factus in Italia, acto per costas pugione, in ignem se abiect, eodem Aurelio teste.

Diocletianus imperator à Licinio & Còstantino grauiter litteris obiurgatus, quòd Maxentio diceretur fauisse, metu ignominiosæ mortis uenenum hausit. testis idem Aurelius.

Magnentius à Constantio imperatore apud Lugdunum superatus, admotò parieti gladio (ut ictum iuuaret) corpus sibi confodit. quo audito Decentius eius frater præpostera Iaquei morte uitam finiuit apud Senonas. auctor Pomponius Lætus.

Pater Licinii Cecinnæ, uir prætorius, ob diuturnæ ualitudinis tædium ac dolorem, sese opio necauit.

Empedocles Siculus poeta immortalitatem nouo mortis



genere affectans, se in Ætnam coniecit. unde Horatius in arte, Dicam, Siculiq; poetę Narrabo interitum. Deus immortalis haberi Dum cupit Empedocles, ardentem feruidus Ætnam Infiluit. Item Ouidius in Ibin, Aut tu Trinacrii salias super ora Gygantis, Plurima qua flammās Sicanis Ætna uomit. Item Lactantius lib. 3. de falsa sapientia, cap. 18. Multi ex his, qui æternas esse animas suspicabantur, tanquam in cælum migraturi essent, sibi ipsis manus intulerunt, ut Cleantes, & Chrysippus, ut Zeno, & Empedocles, qui se in ardentis Ætnæ specum intempesta nocte deiecit, ut quum repentē non apparuisset, abiisse ad deos crederetur. Item Politianus in Nutricia, Ceu maximus ille Ærionas &c.

Sardanapalus Assyriorum rex ab Arbaeto, seu Arbace præfecto, ob mollitiem, muliebresq; munditias (nam habitum mentitus femineum inter puellas fusos tractabat & pensā, omnesq; lasciuia anteibat, & libidine) bello petitus, ubi uidit res suas profligari, & pessum ire, & iam ad triarios redigi, ne captiuus traheretur, pyram in regia ingentem struxit, eoq; comportata supellectile, ductisq; amicis domino supresse nolentibus, incendio se dedit: & hoc solo uirum se docuit, quod non expauerit mortem. Iustinus hæc. Ouidius in Ibin,

Inq; pyram tecum carissima corpora mittas :

Quem finem uitæ Sardanapalus habet.

Sidonius, Non medis caput Arfacem profabor, Nec quā diuite (quum refugit hostem) Arsit Sardanapalus in fauilla. Sabellicus in Hunnii originem,

Vltimus ille fuit regni corruptor auiti,

Cuius delicias, & mollia sceptrā superbus

Non tulit Arbaetus, sed fortia comparat arma,

Aggrediturq; senē, uictumq; ad nobile fatū Compulsi.

Archilochus poeta Parius, repudiū ac repulsam passus in nuptiis Neoboles Licambis filiæ sibi promissæ, Iambis tum primū a se repertis satyricè adeo & grauius Lycamben ipsum deuouit, & infectatus est, ut eum cum filia ad furcam impulerit. Vnde Horatius, Archilochum proprio rabies armauit Iambo. Et Ouidius in Ibin, Post modo si perges, in

te mihi liber Iambus, Tincta Lycambæo sanguine tela dabit. Politianus in Nutricia: licet acrem effusus in iram, Ore Lycambiadas rabioso occiderit ambas Archilochus.

Iudas (ut omnes compertum habent) quum Deum iudæis prodidisset, & exili pecunia exposuisset uenalem, tandem ad se rediens, & sceleris perpendens grauitatem, desperata uenia, quæ tamen proditi clementia sperari poterat, ad laqueum properauit, & notissimo diuinæ ultionis argumento crepuit medius.

Cleombrotus, seu Theombrotus ex Ambracia, quum legisset opus Platonis de animarum immortalitate à Socrate inscriptum, spontè se præcipitauit. Ouidius in Ibin, Vel de præcipiti uenias in Tartara saxo, Vt qui Socraticum de nece legit opus. Lactantius, Quid, inquit, Ambraciotæ ille, qui quum eundem librum perlegisset, præcipitem se dedit, nullam aliam ob causam, nisi quòd Platoni credidit. quod si scisset Plato, ac docuisset à quo, & quomodo, & quibus, & quæ ob facta, & quo tempore immortalitas tribuatur, nec Cleombrotum impegisset in mortem, nec Catonem. Cicero lib. 1. quæst. Tuscul. Callimachi, inquit, epigramma in Ambraciotam Cleombrotum est, quem ait, quum nihil ei accidisset aduersum, è muro se in mare abieciisse lecto Platonis libro.

Hannibal Amilcaris filius, dux Carthaginienis, post L. Cornelium Scipionem patrem Scipionis maioris superatū, Sempronium ad Trebiam, C. Flaminium ad Thrasimenum magnis cladibus affectos, P. Æmilium apud Cannas cum toto exercitu deletum, Claudium Marcellum occisum, à Scipione iuniore postremò uictus, & fucatus ad Antiochum primū, deinde ad Prusiam Bithyniæ regem confugit. de cuius fide dubitans, quoniam uidebat Flaminium legatum à Romanis missum, ac se paulatim à militibus circumspectum, tenenum, quod in anulo gerebat, hausit.

Asdrubal dux in tertio bello Punico à Scipione Æmiliano uictus, in medias urbis flammæ sese cum filiis iecit. sed quoniam multi eius nominis fuerunt, uide, ut de quo loquaris, intelligas.

Aristarchus grammaticus Alexandrinus homo doctissimus

quum hydropisi laboraret, seipsum cibi abstinencia interfecit, annos natus 72. Hic ille est Aristarchus, qui sub Ptolemæo Philometore floruit, olympiade 106. cuius & filium erudit. scripsit commentarios supra nulle. discipulus fuit Aristophanis grammatici. fuit autem censura adeò critica, seueroq; iudicio, ut prouerbio locum penè fecerit. eos enim uocamus Aristarchos, qui nihil non examinant, & omnia diligenter expendunt. duos habuit filios Aristarchum & Aristagoram degeneres, & patri omnino dissimiles. fuit alter eiusdem nominis Tegeates poeta, Euripidis còtaneus, quem Æsculapius morbo liberauit.

Calanus Indus unus ex Brachmanibus (quo nomine dicebantur Indorum philosophi) ex ipsa India ad Persidem usq; Alexandrum secutus, ultrò & nullo cogente in rogam se còiecit. quod uidens Alexander, percontari cœpit, uellet ne aliquid mandare moriens. tum ille, nihil, inquit: propediem te uidebo, nec multis pòst diebus Alexander ueneno interiit. Cic. lib. 12. quæst. Tus. Calanus Indus, inquit, indoctus ac barbarus in radicibus Caucaſi natus, sua uoluntate uiuus combustus est. idem lib. 1. de Diuin. ad mortem proficiſcens Calanus Indus quum incederet in rogam ardentem, ò præclarum discesſum, inquit, è uita, quum (ut Herculi contigit) mortali corpore cremato, in lucem animus exceſſerit. quûq; Alexander eum rogaret, si quid uellet, ut diceret. optime, inquit: propediem te uidebo. quod ita contigit. nam Babylo-niæ paucis pòst diebus Alexander est mortuus. testes etiam, Val. Max. de Miraculis, & Plutarch. in Alexand.

Cleomenes dux Lacedæmoniorum ab Antigono uictus, ad Ptolemæum se recepit, à quo benignè primùm exceptus, postmodum à Nicagora proditiſonis accusatus, in carcerem detrusus est. ubi cum aliquot aliis uoluntariâ oppetiit mortem. Mortuû rex pelle nudauit, & affixit cruci, auctore Plutarcho. Herodotus ait Cleomenem à ſuris incipientem, se detruncasse, carnesq; è tibiis ad femora, è femoribus ad coxarum uertebras proſcidisse, atque in reſcindendo utero expiraſſe.

Dinocrates Meſſenius, uicto primû Philopomene Achæorum duce, ab ipsis postremò Achæis ſuperatus, mortem ſibi



## MORTEM QUI SIBI

intulit, ne in eorum ueniret poteitatem. auctor Plutarchus in Philopomene.

Demosthenes Atheniensis, dum Antipatri (qui Alexandro successit) odiū incurrisset, decerneretq; Demades ut capite plesteretur, aufugit in Calabriam Ægæi maris insulam. ubi ab Archia Tyrio comœdiographo & Antipatri satellitibus deprehensus, sumpto calamo, quasi prius epistolam ad Antipatrum daturus, uenenum illic inclusum ebibit. Habuit Demosthenes patrem eiusdem nominis admodum pauperem, ut qui coltellos factitaret. hic quum non esset apta satis pronuntiatione, multitudinemq; & tumultum expauesceret, ppe litoris marini sonitum dicere assuescebat. litteram R difficile enunciabat, quam calculis in os coniectis proferre conabatur. nunquam dicebat, nisi præmeditatus: propterea de eo Pytheas prædicabat, Demosthenis enthymemata luccernam olere. Non ignoro plerisque hoc uisum iri superuacaneum: dabitur tamen uenia, opera enim dedita excerpō, quæ ad doctrinam conferre uideo.

Eratosthenes Cyrenæus, Callimachi poetæ discipulus, & præfectus bibliothecæ Ptolemæi quum diuturno quoque morbo torqueretur, neque remedium inueniret, cibum sibi substraxit, & inedia se peremit, anno suo ætatis 70.

Menippus Phœnix philosophus Cynicus, quum esset eorum numero, qui auri cupiditate pruriunt, & inexplabilium rerum libidine torrentur, amissis diuitiis laqueo uitam finiuit. auctor Diogenes Laertius.

Mithridates iunior, qui annis 56. bellum cum Romanis uaria gessit uictoria, post occupatam Asiam, Qu. Oppium, & Aquileium in uincula coniectos, Rhodum oppugnatam, Athenas per Archelaum præfectum occupatas, à Lucullo primum, demum à Pompeio superatus, postremò a Pharnace filio adolescente ingratisimo (qui à patre ad Pompeium defecerat) bello petitus & obsessus, uenenum hausit. quo nihil ad mortem propter sumptum antidotum proficiens, auxilio Galli cuiusdam militis Virigis nomine se interfecit.

Monyma Milesia, & Veronica Chia, duæ Mithridatis uxores, audita eiusdem miserabili fortuna, per Bochiden eunuchum, ambæ uitam spontè reliquerunt. nam Monyma pri-



num se suspendit . sed quum corporis gravitate contractus esset laqueus , ò execrandum , inquit , diadema , quo neque in tam tristi ministerio uti possum . Bochidi postmodum se dedit iugulandam . Veronica uerò calicem ueneni hausit , quo per uenas serpente , quum durius torqueretur & langueret , Bochidis quoque auxilio accelerauit sibi mortem .

Statyra quoq; & Roxana Mithridatis sorores , quæ annos ferè 40. uirginitatem seruauerant , hausto ueneno fraternam mortem comitatae sunt . potest tamen dubitari an eo perierint : quoniam Plutarchus scribit Roxanam à Statyra in puteum demersam . nisi fortasse hoc ad alias eius nominis sit referendum .

Citrolaus dux Achæorum uictus à Q. Cæcilio Metello apud Thermopylas , ueneno sibi mortem consciuit . auctor Liuius lib. 52.

Nicias Dux Atheniensis , imperator contra Syracusanos cum Demosthene missus , rebus infelicitè gestis , captus est cum collega : amboq; in carcerem detrusi , sibi manus intulere , ne hostibus essent ludibrio . Videur autem hic Demosthenes alter esse ab eo , de quo iam sumus locuti .

Homerum poetarum omnium facilè principem ferunt , quum iam senio confectus ad quosdam nautas diuertisset , propositumq; ab eis ænigma nequisset dissoluere , pudore motus se suffocasse laqueo . quod ego planè iudico fabulosum . neque enim credibile est , uirum illum philosophiæ peritissimum tanta rerum experientia præditum , tam leui , tamque nullo argumento uitam relinquere uoluissè . nam quæ fuerat ignominia inanem , & friuolam remigum quæstionem ignorare ? imò uerò prudentiæ maiori tribuitur , nihil abiectis & semitariis hoc genus homunculis respondere , quum uulgò dici soleat , Asinum plura posse percontari , quàm respondere philosophum , quare neque hoc probo , neque comprobantibus pedariam fero sententiam .

Athenienses & Lacedæmonii quum de Thyretium agro inter se contenderent , tandem ita pepigerunt , ut trecentis militibus summam rei committerent , qui sua pugna omnium litem dirimerent . ubi omnes interfecti sunt , præter unum Othryadem Lacedæmonium , qui ne solus in castra rediret

## MORTEM QVI SIBI

seipsum inter hostilia cadauera gladio confixit. auctor Val. Max. de fortitudine.

Ferunt Pontium Pilatum patria Lugdunensem, nefarie in CHRISTVM sententiæ meritis dedisse pœnas, sibiq; mortem intulisse. auctor est Gregorius Turonensis.

Tam tibi sit mitis Ponti Pilate Megæra,

Tamq; tuæ moneant lacrymæ Plutona ferocem,

Quàm merito periiit fato te iudice CHRISTVS.

Themistocles Athenien. Nicoclis filius, inuidia ciuium relegatus, ad Artaxerxem confugit. a quo dum in patriam pugnare cogeretur, uitam cum morte uolens commutauit, hausto sanguine taurino, quem ideo pestiferum potu scribit Cælius, quod celerrimè coeat, atque obdurescat. porro sanguis taurinus recens, anhelitus difficultatem, ac præfectionem infert cum spasmus præualido.

Plutarchus quoq; scribit Midam, contracta ex somniorum diritate, animi ægritudine, quum formidabilis affectio in dies augeretur, nec occurreret remedium mali, tauri sanguine copiosius hausto, concessisse ab humanis.

P. Terentius, amissis 107. fabulis, quas è Græcis Latinas fecerat, & conuerterat ex Menandro, se submersit. quod quamuis plerique falsum opinentur, credibile est tamen. si enim permulti amisso thesauro ad mortem properauerint, quanta mentis ægritudine uidentur tibi laborare, qui momento perdunt & in nictu oculi, quod improbo labore, diuturnis uigiis, magna olei impensâ, longo antè sæculo fabricauerunt, demum accuratiore studio incudi reddiderunt, & ad ultimam reuocauerunt limam? Est (si periculū non fecisti lector) insania, & rabies maior, quàm ut fidem possit capere.

Theoxena mulier a Philippi Macedonum regis militibus in mari septa, quum nullum salutis effugium uideret, in mare se deiecit, maritum, qui prius eadem morte perierat, secuta. idq; ne in regis potestatem ueniret. Vide Bononiensem commentatorem in Suetonium.

Democles puer, dubium maiore pudicitia an forma pulchriore, quum a Demetrio Poliorcete ad stuprum traheretur, neque uim tyranni posset effugere, se in proximum aquæ feruentis lebetem coniecit, atque ibidem enecauit. Pulchrum

chrum dii boni facinus, omniumque facundiarum magniloquentia dignum.

Hipponax poeta Iambographus & amarulentus, grauiter ferens & indignanter se à Bubalo pictore, deformi facie pictum, ad propellendam iniuriam, tam grauiter in eum scripsit & inuectus est, ut laqueo uitam finire coegerit, unde Horatius in Epodo. Qualis Lycambe spretus infido gener, Aut acer hostis Bubalo. Et Hipponactæum præconium pro infami nota posuit Cicero in epistolis familiaribus, ita scribens: Eumque additum iam tum puto esse Calui Licinij Hipponactæo præconio.

Cleanthes philosophus cognita animarum immortalitate, uitam sponte reliquit, & uoluntariam oppetiit mortem. Laetantius: Multi (inquit) ex his, qui æternas esse animas suspicabantur, tanquam in cælum migraturi essent, sibi ipsis manus intulerunt, ut Cleanthes & Chrysippus, ut Zeno & Empedocles.

Cambyfes & Zary Dianæ sacerdotes & Magi missi ad insinuandam Taurino Episcopo idololatriam, quum operam lussissent, ac nihil profecissent, gladiis suis se confoderunt.

Sesostris Ægyptiorum rex, seu senio, seu morbo, siue alia fortuna, oculis captus, seipsum interfecit.

Decebalus rex Dacorum à Traiano secundum uictus, ne in Romanorum potestatem ueniret, sua manu usus interiit, mortuique caput Romam perlatum est. auctor Dion. Cassius.

Anaxagoras philosophus ab Atheniensibus in carcerem coniectus, quod Solem (quem illi pro deo habebant) ignitum dixisset lapidem, uenenum hausit.

Ecelinus tyrannus post infinita propè flagitia & crudelitatis exemplis, tandem in bello (quod contra Martinum Turrianum Mediolani principem suscepit) uulneratus, more frendentis bellux uulnus discepit, eoque miseram euomuit uitam.

Volaterranus scribit Petrum de uineis ex Capua iurisperitum fuisse, qui dolens se ob suspicionem coniurationis à Federico secundo (cui prius erat carissimus) relegatum, capite parieti illiso, mortem sibi intulerit, composito prius de consolatione libello.



Iuba rex Mauritanie à Cæsare superatus sibi quoque mortem conscivit . cuius filius puer Romam in triumphum ductus est .

Circa Celenum Phrygiæ oppidum , quum hiatus terræ , & ingens uorago multos absorberet , essetque responsum ab oraculo , uoraginem ipsam non prius clausum iri , quàm ad pacanda numina aliquis eò se dmitteret ; Anchurus Midæ regis filius , datis genitori & Cimotheæ uxori complexibus , equum ascendit , & intrò se demisit . auctor Plutarchus in Parallelis ; qui de Curtio adolescentis Romano idem commemorat .

Cyane puella a patre Cyanippo incognito per uim stuprata , ubi tandem auctorem sceleris agnouit , illum prius , demùm se ipsam interfecit . auctor idem Plutarchus , testem aduocans Dositheum lib. 3. rerum Sicularum .

Vxor Æmilii adolescentis zelotypiæ morbo affecta , dum suspicaretur maritum alterius puellæ rapi desiderio in sylvas profectum secuta est . ubi quum ad explorandam rei ueritatem , in dumis & uepribus delitesceret , à canibus feram esse opinantibus laniata est . recognita , Æmilius se ipsum interfecit . auctor idem Plutarchus , qui apud Sypharim Italiæ oppidum hoc commemorat factum .

Calluce filia Lyci , hominis sanguinarij & hospites immolantis , relicta à Diomede , (quem Troia redeuntem benigne susceperat , & à paternis liberauerat insidiis ) laqueo se suspendit . auctor apud eundem Plutarchum Iubas lib. 3. rerum Africanarum .

Bylsaltia quoque puella , à Calphurnio Crasso (quem proditi patris uictorem fecerat ) relicta , sibi ferro iugulum transuerberauit .

Gidica Pomminij Laurentini uxor , dum Comminium priuignum maximè deperiret , neque tamen ad concubitum posset inducere , suspensio spiritum intercepit . auctor Dositheus apud Plutarchum .

Anius rex Tuscorum dum filiam Saliam à Catheo adolescente raptam non posset comprehendere , in fluuium se demisit , quem à suo nomine fecit appellari Anionem .

Lactantius ait Democritum sua sponte caput obtulisse morti .



**Superatis** ab Alexandro Magno Atheniensibus, Democra-  
tes Atheniensis, (qui Macedonum opibus semper obstitit)  
uenia desperata, gladio se transfixit. auctor Cur. lib. 5.

**Dioxippus** Atheniensis surrepti inter epulas aurei poculi  
falsò accusatus, dum oculorum coniectum & iniuriam ferre  
non posset, gladio se interemit. accusabatur autem non  
sine inuidia. nam ægre ferebant Macedones Horraram Ma-  
cedonem armatum ab eo inermi, spectante rege, duello ui-  
ctum, & resupinatum. auctor Curtius lib. 8.

Idem Curtius ait, Boudiceam Britannorum reginam &  
Pœnium Postumum eius præfectum à Romanis duce Sueto-  
nio superatos, mortem sibi intulisse, hunc gladio, illam ue-  
neno.

**Plutarchus** apud Gellium lib. 15. ait Milesias uirgines re-  
pentè sine ulla euidenti causâ, uoluntatem cepisse obeundæ  
mortis, ac deinde plurimas uitam suspendio amisisse. cui ma-  
lo ut mederentur Milesi, decreuerunt, ut quæ corporibus  
suspensis demortuæ forent, nudæ cum eodem laqueo effe-  
rentur. quo facto ait uirgines pudore tam inhonesti funeris  
deterritas uoluntariam amplius non petiuisse mortem. *Plu-  
tarch. de Virtut. mul.*

**Hippo & Mileria** Scedasi Bœoti filix à iuuenibus Sparta-  
nis stupratæ & in puteum coniectæ sunt, occultandi scele-  
ris causâ. quod ubi resciiuit pater, ad filiarum tumulos se ip-  
sum confecit. auctor Cælius.

**Xanthus** apud eundem, Cælium auctor est, Cambleta Ly-  
dorum regem, eò uoracitatis progressum, ut nocte quadam  
uxorem quoque absumpserit. quumque summo mane illius  
manum in ore comperisset, semet iugulasse.

**Timagoras** quum Meletem Atheniensem liberali forma  
adolefcentem deperiret, eiusdem iussu se dedit in præceps,  
ut qui in omnibus puero uellet obsecutum. cuius rei pœni-  
tentia ductus Meles, eandem quoq; subiit mortem. auctor  
idem Cælius.

**Tymantes** Cleonæus Athleta quum & uiribus senio de-  
fectis, & desuetudine ingentem arcum non posset intende-  
re, quem iuuenis lunabat & flectebat, furori adeò indulsit,  
ut eam tantum ob rem gladio se perforauerit. auctor Cælius.

## MORTEM QVI SIBI

Idem ait Tereum perpetrato in Philomelam scelere ac Ityn, sibi mortem consciuisse, mortuoq; sacra instituta anniuersaria. in quibus ordeï loco; calculis utebantur.

Derceto Semiramidis mater, cum filiam ex adulterio conceptam in desertis exposuisset, tandem facti & sceleris pœnitentia in lacum se præcipitem dedit. auctor idem Cælius.

Laurentianus Florentinus citra ullum corporis incommodum, citraq; euidentem morbi causam in puteum se coniecit. auctore Cælio & Crinito, qui ait se auditorem eius aliquando fuisse. qua etiam morte se extinxit Petrus Leonius uir in philosophia excellens, & insigni prudentia. Idem Crinitus.

Næra quoque uirgo in Salentinis ægre ferens se ab eo repudiatam, cui pro coniuge pacta erat, eodem mortis genere uitam finiuit. auctor Pontanus de fortitud.

Mithridates à Pompeio superatus, filiam nomine Dirapim Menophilo eunucho seruandam commisit in castello quodam, Sinthorio nomine. quod quum Manlius Priscus obsedisset, defensoresq; deditionem parantes Menophilus sentiret, gladium in uiscera sua compegit, ueritus, ne captiua puella raperetur, & uiolaretur. auctor Ammianus Marcellinus lib. 16.

Argobastes quum Valentinianum iuniorem apud Vienne dolo strangulasset, ut eidem in imperio succederet, à Theodosio mortem ulciscente superatus, sua se manu percussit. auctor Paulus Diaconus.

Asmundæ rege Danorum in pugna occiso, Gumnilda eiusdem uxor spiritum sibi ferro surripuit, uirumq; fato insecuta est. auctor Saxo gramm. lib. 1. hist. Danicarum.

Hadingus rex Danorum suspendio se uulgo spectante suffocauit præ dolore, quem ex Hadingi Sueonum regis morte conceperat. auctor idem Saxo.

Rolno quoque Danorum rex exprobratæ sibi turpitudinis dolore, uoluntaria morte se consumpsit. Idem auctor.

Starcarterus itidem rex Danorum pœnitentia ductus, & Lennum quendam per nefas occidisset, eius filio Hathero se præbuit occidendum.

Galeatius Mantuanus, Papæ quum hibernaret, puella

(quam unicè amabat) per iocum imperante, se in fluuium deiecit. auctore Pontano.

Socrates Athenis capitis damnatus, uolens hausit uenum. unde Ouidius in Ibin: Sollicitoq; bibas, ueluti doctissimus, olim, Imperturbato quod bibit ore reus.

Adraustus Gorgij filius dum Athym Crœsi filium suæ fidei creditum in uenatione apri loco percussisset, se super eiusdem tumulum confodit. auctor Herodotus.

Sargapises Thomyris filius à Cyro rege Persarum captus, dum manicas & brachiorum uincula eximi sibi impetrasset, seipsum interfecit. auctor Herodotus.

Idem ait Praxaspe uirum inter Persas opibus & dignitate pollentem, è turri præcipitem se dedisse.

Boges Persa, amicus Xerxis, ab Atheniensibus & Cimone Milciadis filio obsessus, licet accepta fide posset egredi, abnuuit tamen & ad extremum perstitit. inde ubi in moenibus nihil comneatus fuit reliquum, accenso rogo liberos, coniugem, concubinas, familiam interemit, eosq; omnes in pyram coniecit. deinde omne aurum urbis atque argentum è muris desperfit in Strymonem, ac postremo se in rogam coniecit. auctor Herodotus.

Petrus Trafeas Patavinus, uir Catoniana disciplina & seueritate, propter suspicionem affectatæ libertatis à Nerone damnatus, sibi uenas soluit.

Quis ambigit diuina factum ultione, ut Herodes rex Iudeæ, Antipatri filius, post interfectos Alexandrum, Aristobulum, & Antipatrum filios, trucidatos item innocentes ad intercipiendum sacrum uirginis partum, uermibus ad extremum toto corpore scatentibus mortem sibi conscuerit? auctor Iosephus.

Pyramus adolescens & Thysbe puella, incredibili amore flagrant, quum impediēte parentum suspitione suis uotis satisfacere nequirent, pepigerunt, ut certo die in remotum locum se reciperent. quò quum prior uenisset Thyf be, metu lænæ ibidem repertæ profugit in latebras relicto capitis tegumento. quod arripiens læna uenienti post Pyramo coniecturam præbuit & argumentum deuoratæ amasiæ, mortemq; sibi propterea conscuiuit. Thysbe paulò post



reuerſa, ubi mortuum amantem conſpicata eſt, longioris ui-  
tæ pertæſa, ſuo ſe gladio confodit, &c. Strozâ pater lib.  
1. Eroticon, Pyramus exemplum præbet, miſerandaque  
Thysbe: Quos rapuit ſimili mors uiolenta modo. Item  
Calentius in Epigrammatis,

Pyramus & Thysbe miſeri ſine crimine amarunt,

Occidit hic propria ſeuus uterque manu.

Et quos unus amor tetigit, nox una peremit,

Enſis & unus; & hæc coniegit urna duos.

Item Architrenius lib. 1. - ibi ſerui Pyramus enſe

Vindicat egreſſum, Thysbe lugubria fati, &c.

Eriſiſthonem poetæ fabulantur ob neglecta Cereris ſa-  
cra, in tantam ſanem redactum, ut propria membra deuo-  
rauerit, ſeq; ipſum corroſerit. addunt & filiam eius Metra  
nomine, in uariis formas Neptuni beneficio mutari ſolitâ:  
unde natum adagium, Mutabilior Metra Eriſiſthonis. Ouid.  
lib. 8. Met. Ipſe ſuos artus lacero diuellere morſu Cœpit,  
& infelix minuendo corpus alebat. Idem in Ibin, Vtq; pa-  
ter ſolitæ uarias mutare figuras, Plenſ inextincta conticia-  
re fame. Item Pamphilus Saxus, in Ele. Talis erat ieiuna fa-  
mes, Eriſiſthona quondam Impleuit miſerum quum ſera  
peſte ſua.

Lychione Dædalionis filia, Dianæ (cui ſe præferebat) ſa-  
gittis conſoſſa eſt. cuius dum celebrarentur exequiæ, pa-  
ter in puellæ rōgum ſeſe coniecit. Poetæ fingunt eum ab  
amicis, ne in ignem deſiliret, impeditum, fuiſſe mutatum  
in uolucrem. unde Ouid. lib. 11. Metam. Ut uerò ardentem  
uidit, quater impetus illi, In mediōs fuit ire rogos: quater  
inde repulſus, Concita membra fugæ mandat.

Didonem ſuo gladio incubuiſſe pro comperto eſt: ſed non  
omnes eandem mortis cauſam aſſerunt. ſcribit Auſonius (&  
ita ſe habet rei ueritas) hoc ab ea factum, ut mortuo mari-  
to Sichæo caſtitem ſeruaret uidualem, & furias Iarbæ. Ge-  
tutorum regis declinaret. uerba eius ſunt hæc: Sed furias  
fugiens atque arma procacis Iarbæ, Seruauī fateor morte  
pudicitiam. Auſonium ſecutus Maſullus Didonē ſic iuducit  
loquentem: Nec mihi Phryx nocuit, nec enim Phryga noui  
mas ullum, Cura ſed antiqui caſta tenaxq; tori: Quam ne

coniugio Libyci uiolare tyranni Cogerer, hac cecidi fortiter usa manu. Vtrique succinit Rhennius, seu, ut aliis placeat, Priscianus in Geographia Dionysij de situ orbis dicens: Qua regnans felix Dido per sæcula uiuit, Atque pudicitiam non perdit carmine ficto. Contrà uerò Virgilius hoc ipsum adscribit impatientiae doloris, quem ex Æneæ fuga conceperat. quod tamen fabulosum est. Virgiliū pleriq; omnes Poetæ Latini securi sunt. Ouidius in primis lib. 3. Fastorum & in Epistolis sic ait: Præbuit Æneas & causam mortis & enssem, Ipsa sua Dido concidit usa manu. Item 14. Metam. Item Sylius lib. 2. Ipsa pyram super ingentem stans saucia Dido, Mandabat Tyriis ultricia bella futuris,

Ardentemque rogam media spectabat ab unda

Dardanus, & magnis pandebat carbasa fatis.

Item lib. 8. Item Angelus Politianus in Manto,

At Phœnissâ rogam sæuo furiata dolore

Incendet moritura, trucesq; in uota uocabit

Eumenidas, mox & Phrygium, prohi tristia dona,

Ah niueum per pectus aget miserabilis enssem.

Anna Beli regis filia post mortem sororis suæ Didonis, Carthaginem ab Iarba occupatam relinquens, ad Batrum Melitæ insulæ regem nauigauit. quo demum relicto, mare ingressa in Laurentum litus delata est. ibiq; ab Ænea cognita, & hospitio suscepta est, non sine mutui cum eo amoris suspicione, adeò ut in odium Lauiniæ ueniret. cuius insidias ut declinaret, se in Numycium fluuium præcipitauit. unde Ouid. lib. 4. Fast.

Corniger hanc tumidis rapuisse Numycius undis

Creditur, & stagnis oculuissè suis.

Item alibi: - Placidi sum nympha Numici,

Amne perenne latens, Anna perenna uocor.

Euadne Martis filia in rogū mariti sui Capanei apud Thebas mortui, dum celebrarentur exequiæ, se coniecit. Ouidius lib. 5. Tristium, Cernis ut Admeti cantetur & Hectoris uxor, Ausq; in accensos Iphias ire rogos? Idem lib. 3. de Arte, Accipe me Capaneu, cineres miscebinus, inquit Iphias, in medios desiluitq; rogos. Idem Martialis lib. 4. Epigram. Statius lib. 12. Propertius lib. 1. Ouid. lib. 3. de

## MORTEM QUI SIBI

Ponto. 'Iphias, &c.

Hylonome femina centaura & biformis, mortuo marito  
Cyllaro, gladio suo incubuit. Ouid. lib. 12.

Vt uider extinctum, dictis, quæ clamor ad aures

Arcuit ire meas, telo, quod inhæserat illi,

Incubuit, moriensq; suum complexa maritum est.

Biblis Mileti filia ex Cyane, quum fratrem Caunum miserè deperiret, neq; eius concubitus posset assequi, urgentibus furiis se occidit & in fontem postea Nayadum beneficio mutata est. Ouid. 1. de Arte:

Biblidida quid referam? uetito quæ fratris amore

Arfit, & est laqueo fortiter ulta nefas?

Hercules induta tunica Nessi Centauri cruore tincta, in tantas furias raptus est, ut præ impatientia doloris sese in Oeta monte combusserit. Ouid. ad Liuiam: Qualis in Herculeæ colluxit collibus Oetæ, Quum sunt imposito membra cremata Deo. Claudianus in III: consul. Honorii: Iuga deseris Oetes Herculeo damnata rogo. Item Statius lib. 12. Thebaidis.

Theseo in Cretam ad Minotaurum nauiganti Ægeus pater Athenarum rex præceperat, ut si confecto monstro incolumis rediret, ad lætitiæ argumentum albis uteretur uelis, ut prospectantibus è portu amicis, supersticis uitæ fidē præstaret. Theseum tamen cepit obliuio mundari. propterea quum iisdem (quibus uenerat) remigraret uelis, fecit ut pater nihil de filio sibi promittens, è scopulo in mare se deturbauerit, & aquis nouum imposuerit nomen. Plutarchus. quàm fabulam uel (si mauis) historiam Catullus longo admodum prosequitur filo. Calentius quoq; lib. 1. Elegiarum. Item Ouidius in Ibin:

Vt qui Theseæ fallacia uela carinæ

Vidit, & Iliaca missus ab arce puer. Huius rei etiam Cælius lib. 10. Lectionum antiquarum cap. 25.

Hæmon Thebanus iuuenis quum amore incredibili Antigone Oedipi & Iocastæ filiam deperiret, ad eius tumultum mortem sibi consciuit. fuerat autem Antigone iussu Creontis (qui uetuerat Græcorum cadauera inhumani) iugulata, quod Polynicem fratrem mortuum noctu sepelire



uoluisset . de huius adolescentis morte Propertius lib. 2.

Sappho puella ex Lesbo insula , è Leucade Epiri promontorio se præcipitauit , quòd à Phaone liberali forma adolescente ( quem supra fidem hominum deperibat ) mutuò non redamaretur . Statius lib. 5. Siluarum : - saltusq; ingressa uiriles , Non formidata temeraria Leucade Sappho . Et Politianus in Nutricia : Sed tandem Ambracias temeraria saltat in undas . Item Politianus in Eleg. Mascula quæque suos cantat moritura calores , Leucadii Sappho crimen honorq; freti . Vide Volater.

Græcis Thebas obsidentibus , quum Tyresias uates prædixisset Thebanos expugnatum iri, nisi eorum ( qui serpentinis dentibus prognati fuerant ) aliquis se morti deuoueret : Menecæus ut patriæ salutis consulere, ipsis Thebarum moribus gladio se confodit , confossum ad hostes deturbauit . quo uiso protinus abierunt Græci . Statius lib. 1. Theb.

Iocasta filia Creontis , & uxor Laii uidens filios suos Etheoclem & Polynicem mutuis uulneribus interfectos, horrore tanti facinoris mortē sibi intulit . Statius lib. 11. Theb.

Hannibale Saguntum urbem Hispaniæ Romanis amicam obsidente , Mopsus Cretensis fauens Saguntinis, ubi filios uidit interfectos , temperare sibi non potuit, quin se præcipitaret ē turri , & filiis comitem daret . Sylius lib. 2.

Atque pater gemino natorum funere Mopsus, &c.

Phædræ Hippolyti nouercam furis Veneris usq; adeò torruerunt, ut laqueo spiritum sibi interceperit, quòd priuigni ( cuius amore æstuabat impatienter , & pruriebat ) concubitus non posset exorare . moriens tamen scelerata mulier , litteras reliquit , quibus Hippolytum stupri arguebat, suaq; mortis uocabat auctorem . Ausenius :

Suasi quod potui , tu alios modò consule . dic quos ?

Phædra , & Elisa tibi dent laqueum aut gladium .

Athamas , Rex Thebarum , furiis agitatus Learchum filium dedit morti . propterea Ino Cadmi, & Hermionis filia , & eius uxor sibi timens, cum altero filio Melicerta se in mare præcipitem dedit . quos in deorum indigitamenta poetæ retulerunt . Cyprianus : Melicertes & Leucothea præcipitantur in maria , & fiunt postmodum maris numina . Oui-

dus lib. 4. Metamorph. Seq; super pontum nullo tardata timore Mittit, onusq; suum.

Phyllis Lycurgi Thracum regis filia ægre ferens se relictam, & spretam à Demophoonte Thesei filio, quem unicè deperibat, & ab expeditione Troiana redeuntem hospitio exceperat, uitam laqueo præfocauit, in amygdalum postea (ut fabulantur poetæ) conuersa. Pamphilus Saxus, Exemplum tribuit mortis mihi nobile Phyllis, Pendebat longa corpus inane trabe. Pontanus lib. 3. de Stellis.

Ajax Telamonis filius, ægre ferens mortui Achillis arma (quæ supramodum appetebat) Vlyssi data fuisse, inuidia motus, & in rabiem conuersus mortem sibi intulit. Ouidius lib. 13. Metam.

Hectora qui solus, qui ferrum, ignesq;, Iouemq;, &c.

Iphis puer liberali facie, quum Anaxaretem puellam incredibili amore prosequeretur, neque tamen readamaretur ab ea, laqueo se suffocauit, atq; onus infelix elisa tauce pependit, inquit Ouidius lib. 14. Demum quum celebrarentur exequiæ, puella mortui misera, se quoque interfecit. Pontanus de Stellis lib. 3.

Auctolia Vlyssis mater, quum falso nuncio audiuiisset filium apud Troiam occubuisse, laqueo uitam finiuit.

Amphion Iouis filius interfectis ab Apolline quattuordecim liberis se ipsum gladio interemit. Ouidius in Ibin,

Addit ut fidicen miseris sua funera natis,

Sic tibi sint uitæ tædia iusta tuæ.

Althea Thyestis (alii Thestium scribunt) filia, & Oenei Ætolia regis uxor, quum audiuiisset Meleagrum filium suis fratribus intulisse mortem, se præcipitauit, combusto prius fatali stipite, quo cremato Meleagrum ex fato periturum au dierat. Boccacius in Genealogia.

Britona nympa Cretenſis quum eſſet formoſa, perpetuoq; uirginitatis uoto, uenationi uacaret, ad uim & ſuprum Minois regis declinandum ſe in aquas dedit precipitem.

Brotheus Vulcani filius propter oris deformitatem illuſus in rogam deſiluit, ibique uitam incendio finiuit. Ouid. in Ibin, Quodq; ferunt Brotheum feciſſe cupidine mortis, Des tua ſuccenſæ membra cremanda pyræ.

Æolus Rex uentorum audito Canaces filię cum Machareo fratre incestu, ad eam gladium misit, ut scelus uoluntaria morte dilueret, & ulcesceretur. quod ille fecit. Plutarchus in paral.

Ceyx Alcyones maritus ad oraculum nauigans naufragium fecit, & obrutus est aquis. quod indignanter ferens Alcyone, mortem mariti secuta, in mare se decurbauit, & in auem sui nominis mutata est. Ouidius in Ibin,

Nec tibi sit tumidis melior Neptunus in undis,

Quam cui sunt uisæ frater, & uxor aues.

Deianira Herculis uxor, audita mariti morte, superesse noluit, ac propterea dolore animi se peremit. Ouidius,

Impiâ quid dubitas Deianira morti?

Hesperie nympa Esacus, Priami filium, a quo adamabatur, persequentem fugiens, morsu colubri in herba latentis interfecta, fecit, ut Esacus ipse uitam sibi acerbam putauerit, & aquis se obruerit.

Erigone audita patris Icarī morte, laqueo se suspendit. Ouidius in Ibin. Statius lib. 5. Sylvarum,

Nec enim Marathoniam uirgo

Partius extinctum sæuorum crimine agrestum

Flenerat Icarium.

Euenus ægre ferens Marpissam filiam ab Ida filio Aphareti in certamine curuli superatam, ac propterea ex pacto nuptiis copulatam, se in Lycornam Ætolie fluium demisit, cui & imposuit nomen. auctor Domitius Calderinus. unde Ouidius in Ibin, Utq; uel Euenus torrenti flumine merisus, Nomina dēs rapidæ, uel Tiberinus aquæ. Ad hunc ferè modum Plutarchus, Euenus, inquit, Martis & Steropæ filius, ex Alcippa Oenomai filia Marpissam suscepit filiam. quam ab Aphareto in Choreia raptam insequens, dum comprehendere non posset, in Lycornam fluium se præcipitauit.

Iuturna Dauni filia post interfectam ab Ænea Turnum fratrem suum maritis impatiens, se dedit in aquas præcipientem.

Ilice Libyci Lydii filia, dum amores Martis contemneret, deo factum ulciscēte, in furorem uersa, è scopulo se demisit. Ouid. in Ibin, Lydia se scopulis ut uirgo misit ab altis, Dixerat inuito quæ mala uerba deo.



## MORTEM QVI SIBI

Athenienses dum mortui Herculis tutarentur liberos, quos insectabatur Eurystheus, ab oraculo acceperunt se ab Eurysthei liberatum iri incurratione, si quis è liberis Herculis semet inferis deuoueret. quo audito Macaria eiusdem filia sese spontanè morti obtulit. Cæl. & Erasmus in Chil.

Alcestis filia Perilai seipsam interfecit, ut umbra sua contenti manes, ægroto marito parcerent. Seneca in medea. Cō iugis facū redimens Phærei, Vxor impendit animam marito.

Tyro mulier Theffala mortuo marito, spontè oppetiit mortem. Baptista Pius lib. 2. Eleg.

Carmine conspicua est Tyro Pagasæa puella,

Quæ uoluit proprii fata subire uiri.

Hercules ab Iole connubio reiectus, Oechaliam' puellæ patriam diripuit. dolore facti Iole, se præcipitem è muro dedit: auctor Plutarchus.

Charondas Tyrius, quum legem tulisset, ne quis armatus ueniret in concionem, & tamen ipse rure ueniens, præter spem aliter fecisset, monitus legis ab eo, qui proximè sedebat, uitam spontè reliquit, & gladio suo incubuit, quum tamen culpam dissimulare potuisset, aut defendere. Valer. Max. de Iustitia.

De Amata Lauiniæ matre, quo modo, & quam ob rem spiritum sibi laqueo interceperit, uide in eorum historia, qui suspensio, & cruce uitam finiuerunt.

Quum L. Opimius consul C. Gracchum Agrarias leges contra auctoritatem senatus ferre molientem sustulisset, Herennius Siculus, quo & aruspice & amico usus semper fuerat Gracchus, comprehensus, dum in carcerem traheretur, capite postî carceris illiso spiritû deposuit. auctor Val. Max.

Coma latro frater Djogenis latronum ducis ad P. Rutilium ductus, dum interrogaretur de genere belli è seruis & latronibus moti, capita in crura demisso, sibi ipsi spiritum interclusit. auctor Valer. Maxim.

## PARENTES LIBERORVM

### INTERFECTORES.

**I**domeneus Deucalionis filius, & Cretensium rex, quum iuouisset se immolaturum eum, qui primus Troia redeunti occurreret, filiam fortè fortuna repertam immolauit. Vo-

laterranus.

Darius rex Persarum Ariobarzanem filium interfecit, quod is Alexandro promississet, se patri insidiaturum, & mortem intentaturum. Plutarch. in Paral.

Stesibrotus ab Epaminonda patre Thebanorum duce interfectus est, quod contra mandatum patris manum cum hostibus Lacedæmoniis conseruisset, quamvis parta uictoria. ibidem Plutarch.

Manlius Torquatus itidem filium securi percussit, quod in Samnites contra edictum pugnasset, quamvis hoste profligato ad suos uictoriam retulisset. unde Virg. lib. 6. Sæuumq; securi, &c. Liuius lib. 8.

Brutum à Romanis expulsus, quum filius prodere uoluisset, paterna cecidit manu. auctor Aristid. apud Plutar.

Romanis in Latinos certantibus, Cassius signifer Crassum Brutum filium occidit quod is patrem prodere, & hostibus portas aperire uoluisset. auctor Plutar.

Persis Græciam infestantibus, Pausanias Lacedæmoniorum dux 50. auri talenta, ut Spartam proderet, è Xerxe acceperat. quod ubi rescivit Agesilaus pater, filium in templo Palladis inclusum inedia consumpsit. idem auctor.

Medea ab Iasone, quem hospitio susceperat, & modum rapiendi uelleris docuerat reiecta, filios ex eo susceptos Dynimum & Thessandrum interfecit Virg. Ecl. 8. Sæuus amor docuit natorum sanguine matrem, Commaculate manus. idem in Culice. Oui. lib. 7. Metam. -utroque Sanguine natorum perfunditur impius ensis. idem lib. 2. Elegia. Idem lib. 2. de Arte: Propertius lib. 3. Nam quid Medæ referam, quo tempore matris, Iram natorum cæde piauit amor.

Athamas rex Thebarum furore correptus, Learchum & Eurycleam liberos pro leonibus occidit. Ouidius lib. 4. Metam. Deq; sinu matris ridentem & parua Learchum Brachia tendentem rapit, & bis terq; per auras, More rotat fundæ: rigidoq; infantia ferro Discutit ora ferox. idem lib. 6. Fast. Sta. lib. 2. Sil. Toruus adhuc Athamas insanos flectere arcus. idem lib. 1. Theb. Claudianus lib. 1. in Ruffinum; Hæc Athamantæ direxit spicula dextræ. Bab. Pius 2. Eleg. Qualis ad absumptum per tela paterna Learchum, Desinit

lacrymis saucia facta parens. Plinius quoque lib. 34. cap. 24. de hoc non nihil meminit.

Tantalus, qui in Phrygia regnavit, deis hospitio susceptis, Pelopen filium coctum membratim comedendum apposuit, ut eorum diuinitatem experiretur Seneca in Thyeste, Exceptus gladio paruulus impio, Dum currit patrium natus ad osculum, Immatura focus uictima concidit, Diuisusque tua est Tantale dextera, Mensas ut strueres hospitibus deis.

Leus Atheniensis ab oraculo monitus, Athenas ipsas perituras nisi tres filias immolaret, maluit oraculo parere, quam suis parere. Volater. auctor.

Agave Thebana mulier Pentheum filium Bacchanalia despicantem, cum ceteris Maenadibus interfecit. Virg. in Cullice: - quo quondam uicta furore, Venit Nyctileum fugiens Cadmæis Agave, Infandas scelerata manus, & cæde cruenta. Ouid. lib. 3. Met. Statius lib. 12. Thebaid. Seneca in Thebaide, Egit sorores mater, & gaudens malo Vibrante thyrsos prætulit fixum caput. idem in Oedipode.

Progne Pandionis filia ægre ferens sororem suam Philomelam à Tereo marito fuisse stupratam, Itym filium eidem comedendum apposuit. Ouid. 6. Met. Tendentemq; manus, & iam sua fata uidentem, Et mater mater clamantem, & colla petentem, Ense ferit Progne, lateri quâ pectus adhæret. idem lib. 2. Eleg. idem lib. 1. de Remedio. Sidonius, Siue prandia quis refert Thyestæ, Discerptum aut puerum, cibumque factum.

Perimele puella uim, & stuprum ab Acheloo passâ ab Hippodamante patre detestante facinus præcipitata est. Ouid. 8. Met. Quod pater Hippodamas ægrè tulit, inque profundum, Protulit e scopulo perituræ corpora natæ.

Althea ægrè ferens fratres suos à Meleagro filio interfectos, fatalem combussit stipitem, de quo Parcæ prædixerant Meleagrum non prius periturum, quam stipex ipse igni fuisset absumptus. hoc itaque modo natum emori fecit. Ouid. lib. 1. Tristium, Utque cremasse suum fertur sub stipite natum Testias, & melior matre fuisse soror.

Aidona uxor Zeti, Ithilum noctu imprudens occidit, dum unum ex filiis Amphionis, cuius uxori inuidebat, interfici-



cere uellet .

Artaxerxes Mnenon cognomento, Persarum rex, Darium filium cum quinquaginta aliis filiis interfecit, quòd ab eis insidiis peteretur. Trogus lib. 10.

Cambyses Cyri filius, Persarum rex, filium sagitta occidisse fertur, furore correptus, quo prius fratrem & grauidâ sororem dederat morti. Sabellicus.

Constantinus Magnus Crispum filium cum Licinio sororis suæ marito, incerta causa, morti dedit. Sextus Aurelius prodit hoc eum fecisse suâ Faustæ coniugis.

Dioscorus, pater beatæ Barbaræ, filiam multis prius tormentis affectam, ad extremum supplicio capitis affecit, quòd ad idololatriam flecti non posset.

Euristhenes, quum malè in bello pugnasset, ac propterea domui suæ ignominiam peperisset, inedia consumptus est à matre. Ouid. in Ibin, Obstrictusq; necem patiaris limine tecti, Ut legem pœnæ cui dedit ipsa parens.

Ptolemæus Euergetes à suis ob crudelitatem regno pulsus, filium, quem ex Cleopatra sorore susceperat, in Cypro occidit, eiusq; caput & pedes matri pro munere natalitio remisit. Liuius lib. 56.

Ptolemæus Auletes regno suo redonatus, quo ob flagitia fuerat eiectus, Cleopatram filiam & Archelaum eius maritum, quo Ægyptii in regnū asciuerant, occidit. Strab. lib. 17.

Deuteria mulier timens ne filia sua, quam nubilem & formosam habebat, à Theodeberto rege corrumperetur, eam in flumen præcipitauit apud Viridunum ciuitatem. auctor Gregorius Turonensis.

Apteras uetustissimus Græcorum Saturnū patrem castrauit, filios interemit, fratribus bella & ferrum intulit. Annius in Berosum.

Erichtheus bellum cum Euinolpo gerens, quum ab oraculo accepisset futuram sibi uictoriam, si filiam diis immolaret, paruit, & consensu Praxithæ uxoris puellam cecidit. Euripides apud Plutarchum.

Marius quoque Cymbrico bello profligatus, quum intellexisset se fore uictorem, si Calpurniam filiam diis daret uictimam, dedit, ut patriæ consulere.

## PARENTES LIBERORVM

Boges Persa ab Atheniensibus obsessus, ubi nihil habuisset commeatus in castris, liberos cum uxore primum, deum seipsum interfecit. auctor Herodotus lib. 7.

Deiotarus quum multos suscepisset liberos, omnes, excepto tantum uno, iugulauit, ut qui superfuturus erat, potentior fieret, & maiestatis augustioris. auctor Caelius.

Mithridates sanguinolentus ac crudelis in omnes fuit. nam matrem, fratrem ac filios tres impuberes, ac totidem filias interfecit, auctor idem Caelius.

Antonius Caracalla imperator Iuliam nouercam in uxorem duxit, cuius filium Getam nomine paulò post interfecit. Aelius Spartianus.

Virginus filiam Virginiam Icilio desponsatam spectante populo & palam interfecit, ut Appium Decemvirem, qui eam stuprare uelut seruam tentauerat, in odium & inuidiam populi traheret: quod & factum est. nam ut propter illatum Lucretiae stuprum Romani reges desierunt, ita quoque immoderata Appij libido finem fecit Decemvirorum magistraturae. auctor Liuius. Syllius lib. 13.

Herodes rex Iudaeae praeter innocentium caedem, tres quoque ex liberis sibi suspectos, Alexandrum, Aristobulum & Antipatrum morti dedit. Macrobius lib. 2.

Hippomenes Atheniensium princeps, filiam Limonem in adulterio deprehensam, unà cum equo feroci conclusit, nec huic, nec illi cibum praebens. equus igitur fame in rabiem actus, puellam deuorauit. hinc ortum adagium à Diogeniano positum: Magis impius Hippomene, Ouidius in Ibin:

Solaq; Limone poenam ne senserit illam,

Et tua dente ferox uiscera carpat equus.

Pyreus insula, quum maxima laboraret peste, propter interfectum ibidem ab Atheniensibus aprum Dianae sacrum, consultum oraculum, respondit: Finem mali futurum, si quis filiam immolasset numini. unus autem repertus est Embarus, qui filiam solenni ritu ornatam sacrificauerit. Erasmus in Chil.

Orchamus Leucothoam filiam ab Apolline stupratam, uiuam defodit. auctor Domitius in Ibin. Ouid. item lib. 4.

Lenogildus rex Hispaniae filium Hermogildum, quod à se  
cta pa-

Et a parentum abhorreret, ac Childeberti Francorum regis orthodoxi filiam duxisset in uxorem, morte affecit. Volater.

Lyfimachus, rex Pergami, Agathoclem filium fortissimum (cuius præcipua opera, multa bella feliciter gesserat) nouerca Arfinoe Ptolemæi sorore instigante, ueneno sustulit. auctore Trog.

Aulus Postumius Tiburtus filium securi percussit, quod occasione rei bene gerendæ, iniussus pugnam tentasset. auctor Val. de discip. mil. Liuius lib. 4. Mauult tamen hoc credere de M. Torquato, quàm de Postumio.

Arpiages filium comedit. Ouidius in Ibin, Vt puer Arpiagæ, referas exempla Thyestæ, Inque tui cæsus uiscera patris eas.

Ethearchus rex Cretæ suasu secundæ uxoris, Phronymam filiam per negotiatorem quendam nomine Themisonem, submergi fecit. auctor Herodotus.

## LIBERI PARENTVM

## INTERFECTORES.

**A**lcæon Eriphylem matrem interfecit, quod illa Amphiarum patrem, qui in bello Thebano terræ hiatu absorptus est, Polynici prodidisset, accepto monili aureo. Virgil. lib. 6. - mæstamque Eriphylem Crudelis nati monstrantem uulnera cernit. Seruius, & Diod. lib. 5.

Perrheborum rex Triopas dum tyrannicè nimis imperaret, à Carnaba filio tantæ feritatis impatienti occisus est. auctor Cælius.

Orestes Clytemnestram matrem interemit, in ultionem patris Agamemnonis, quem à Troia redeuntem illa cum Aegysto adultero interfecerat. Ouidius lib. 1. Eleg.

Et uindex in matre, patris malus ultor Orestes,

Aulus in arcanas poscere tela deas. Horatius lib. 2.

Nero, quum Agrippina matre facta sua exquirente acerbius, & corrigente grauaretur, eam uariis modis tentauit perdere. primò ueneno: sed quum sentiret eam antidotis præmunitam, solutilem nauem (cuius uel naufragio, uel cameræ ruina periret) commentus est: simulataque amicitia, Baias euocauit. quam nando euasisse, ut comperit,



inops consilii eam interfici iussit, quam prius stupro contaminauerat. Suetonius.

Trogus scribit Theffalonicem ab Antipatro filio interfectam, quum tamen uitam per ubera materna deprecaretur, idque, quod Alexandro fratri magis, quam sibi faueret.

Semiramidem à Nino filio interemptam produnt, quod eius concubitus & congressum optasset, quæ prius equi amore conflagrauerat. Cælius 37. lib. 12. & Iustinus lib. 1.

Ptolemæus Euergetes à Ptolemæo filio interfectus est: qui propterea (inquit Iustinus) Philopator, idest patris interfecto, uocari cœpit.

Ptolemæus filius Epiphanis matrem Cleopatram dedit morti. unde & Philometor eadem ratione dictus est, quæ præcedens Philopator.

P. Malleolus, teste Liuius, matre interempta primus omnium insuto culeo in mare præcipitatus est.

Mithridates, auctore Cælio, tantæ fuit impietatis, ut matrem, fratrem, filios tres, ac totidem filias interfecerit.

Ioannes Maria Ioannis Galeatii filius, dux Mediolani, Catharinam matrem, facta sua acerbius obiurgantem, in turri conclusit, & ibidem emori fecit. Volater.

Ouidius lib. 5. Metam. ait Agyrtem fuisse quendam, qui patrem interfecerit. - regisque Thoactes Armiger, & cæso genitore infamis Agyrtes.

Redeuntem Troia Vlysses Thelegonus filius ut ignotum occidit. Horatius lib. 3. Car. Declive contempleris aruum, & Thelegonii iuga paricidæ.

Ozias Amos prophetam patrem suum ueste per tempora transfixit, quod contra mandatum Hieroboam regis uerbum Domini prædicaret.

Ab Euandro quoque occisum fuisse patrem quidam prodiderunt, ut scribit Cælius lib. 6. Lectionum antiquarum.

Polydice Pterelam patrem Thebarum regem Creonti prodidit, & occidi fecit: ut Nisus à Minoe obsessus prodicione Scyllæ filiæ crinem amisit fatalem, atque ita interfectus est, auctore Seruio.

Friscus Actium Ferrariæ principem patrem suum in carcerem coniecit, atque ibidem fecit emori, quum ob indu-

**A**am nouercam , tum libidine dominandi . Volater.

Guillermus Iacobini Carrariensis filius patrem occidit , quòd ab eo spurius fuisset appellatus .

Orodes rex Parthorum , amisso filio Pacoro , qui in bello contra Ventidium occubuerat , in furorem propè uersus , ab altero filio Phraate occisus est . Volaterranus in Geograph.

Cosroes rex Persarum senio confectus , dum Medorsèm filium regni hæredem instituisset , ab altero Siroche natu maiore interfectus est . idem Volat.

Heraclius imperator Phocam patrem , multis prius contumeliis affectum , postremò interfecit , dominandi , ut credibile est , libidine Volater.

Oedipus cum Laio patre ignoto apud Phocidem congressus , ipsum nescius interemit . Ouidius in Ibin , Nec plus aspicias , quàm quem sua filia rexit , Expertus scelus est cuius uterque parens . Seneca in Thebaide , Genitorem adoratus impia strauit nece.

Cyane puella patrem Cyanipum , quòd ab eo per uim stuprata fuisset , gladio confodit .

Medullina quoque ab Aruntio patre ebrio uiolata , eidem mortem intulit . Plutarchus in Paral.

Peliam senio confectum dum filix à Medea persuasæ uellent ad iuuentutem reuocare , leberi feruenti impositum occiderunt . Erasmus in Chil.

Post Hannibalis bellum L. Ostius fertur primus patrem occidisse . auctor Plutarchus in uita Romuli .

Iulius Mansuetus ex Hispania rapaci legioni additus , imuberem filium domi reliquerat . is mox inter septimanos à Galba conscriptus , oblatum fortè patrem , & uulnere stratum dum semianimem scrutatur , agnoscens , cognoscensque , & exanguem amplexus , uoce flebili precabatur placatos patris manes , ne se ut paricidam insectarentur . Cor. Tacitus.

Fredericus imperator , Panormum profectus , Manfredi filii dolo interfectus est , quum annos xxxi . rebus præfuisset . Baptista Egnatius.

Nicomedes Prusiam patrem Bythinix regem dominandi libidine uita spoliavit.

Fabricianus matrem Fabiam interfecit , quòd illa Fa-

## FRATRVM, ET SORORVM

bitum Fabricianum maritum suum occidisset, ut liberius adulterium cum Petronio adolescente committeret. auctor Dositheus apud Plurarchum.

## FRATRVM, ET SORORVM

## INTERFECTORES.

**O**Edipus rex Thebarum moriens, filiis suis Eteocli & Polinici regnum alternis annis dimisit regendum. uerum quum Eteocles maior natu peracto anno fratri cedere noluisset, moto propterea bello, contractisque copiis, ambo mutuis se uulneribus interfecerunt. Virg. in Culice, Ac discordantes Cadmæo sanguine fratres, Iam truculenta ferunt infestaque lumina, corpus Alter in alterius iamque aduersatus uterque Impia germani manat pro sanguine dextra.

Medea cum Iasone fugiens, Ægyaleum fratrem membratim discerpsit, discerptum per agros passim proiecit, ut Æetem patrem se persequentem in colligendis filii ossibus remoraretur. Ouid. in Ibin, Et tua sic latos spargantur membra per agros, Tanquam quæ patrias detinuere uias. Idem lib. 3. Tristium.

Menalippus Oenei filius, dum in syluis aprum Calydonium uenaretur, à Tydeo fratre imprudente occisus est. Statius lib. 2. Theb. Pollutus placuit fraterno sanguine Tydeus.

Polytes quoque fuit quispiam, qui fratrem peremit. Stat. lib. 7. Theb. Cæsoque infamis fratre Polytes.

Atila rex Pannoniæ reuersus à Gallia, Budam fratrem (qui regnum occupauerat) de medio sustulit.

Antiochus mag. Seleuci filius mortuo patre fratrem uita exuit, ut solus principaretur, & regno frueretur.

Aristobulus rex Iudææ, Antigonom fratrem (quem prius regni consortem fecerat) falso postea insinulatum interfici iussit. Volater.

Romulus quum ad extruendos urbis muros, uallum aratro duxisset, uetuisseque, ne quis illud transiliret; Remus in ludibrium fratris ausus est transilire. quod iniquo ferens animo Romulus eidem eripuit uitam. Liuius. unde Lucanus, Fraterno primi maduerunt sanguine muri. Ouid. in Ibin, Utque Remo muros ausus transire recentes, Noxia sint capiti rustica tela tuo.



Theodebertus Chilperici filius, Francorum rex, à Theoderico fratre bello petitus, & ad extremum interfectus est. Volater.

Fernandus rex Castellæ Sanctij filius, Carliam fratrem regem Nauarræ peremit, ut Nauarram ipsam suo adiaceret regno. Vsq̃ue adeò libido principandi nõ præscribit sibi modũ.

Helenus Priami filius dum uenaretur, nescio qua fortuna Chaonem fratrem (à cuius nomine Chaonia dicta est) imprudens peremit. Seruius in 3. Æneid.

Inuidia (quæ alienam prosperitatem oculo irretorto nescit prospicere) fuit in causa, cur Cayn fratrem Abelem, cuius uictimas domino uidebat gratas, nefariè interfecerit.

Mempricus filius Maddam rex Britannia, Malyum fratrem exiit uita, ut eo mortuo principaretur.

Cunedagius quoque non alia ratione fratrem Morganum occidit, quo tẽpore Roma condita est, ut supputat Volater.

Canisignorus Veronensium princeps moriens Antonium & Barptolemæum filios reliquit heredes. quorum Antonius Barptolemæum fratrem de medio sustulit, quem in principatu consortem, aut parem ferre non poterat. Volaterranus.

Cambyssi Persarum regi uisus est per quietem nuntius ad esse, dicens: Mergidem fratrem solio sedere regio. qua ille uisione consternatus, Prexaspem Persam ad eum interimendum misit. auctores Trogus, & Herodotus. cui flagitio sororis quoque mortem adiecit.

Canis grandis, Veronensium princeps, fratrem Eriganũ (qui dum abesset, Veronam inuaserat) foris reuersus, obsedit, obsessum uicit, uictum dedit morti.

Henricus Alphonsi undecimi filius, Petrum fratrem multis homicidiis famosum, tandem interfecit magno omnium plausu. Volater.

Perinus Fregofus, Genuensium princeps, Nicolaum fratrem, doctrina moribusque insignem, ob suspicionem affectu principatus interfecit.

Pinus Ordellaphus Foroliuiensis, ut solus regnaret, Franciscum fratrem trucidauit, eius liberis in exilium missis. Auctor Volater.

Ptolemæus Philadelphus Argeum fratrem, à quo insidias

## FRATRVM, ET SORORVM

parari sibi intellexerat, interfecit; & alteri fratri, Magæ nomine, qui Cyrenis imperabat, bellum intulit. Pausanias apud Volaterranum.

Prolemæo Philopatori non fatis fuit patrem interficere, nisi in fratrem quoque & amicos gladio sæuieret.

Franciscus & Ludouicus Gonzagæ Vgolinum fratrem, simulata amicitia, cœnam inuitatum adhorti sunt, & interfecerunt, sola ad facinus inuidia moti, quòd Guido Gonzaga pater, Mantuanorum dux, ei soli principatûm reliquisset. Volaterranus.

Boleslaus, Vratislai Bohemorum regis filius, fratrê Vueneslaum, æquitatis & religionis obseruantissimum, & Abeli iusto persimilem, interfecit, Draomitia matrê sceleris conscia. idem Volater.

Ardieus Pamphyliæ tyrannus patrem senio confectum, & fratrê natu maiorem interfecit. auctor Plato lib. 10. de Rep.

Iam diximus tantam in Mithridate rege Ponti fuisse feritatem, ut matrem, fratrem, & sex liberos interfecisset. auctor Cælius lib. 16. Lectionum Antiq.

Ifacius Angelus imperator ab Alexio fratre (quem a Turcis captum redemerat) per summum scelus oculis, imperio, & uita priuatus est.

Frotho Danorum rex tres habuit liberos, Haldanum, Røem, & Scatonem. quibus, mortuo patre, æqua incessit regnandi cupiditas. quo factum est, ut Haldanus natu maximus duos iuniores interfecisset, & regnum paricidio suscepisset. auctor Saxo grammat.

Feugo quoque Horuendilium Danorum regem fratrem suum infidiis circumuenit: atque ubi paricidio datus est locus, cruenta manu funestam mentis libidinem satiauit, ut eo mortuo regnaret. idem lib. 3.

Idem Saxo lib. 6. historiæ Danicæ meminit cuiusdam Starchateri, quem inusitata fortitudine, uiribusque prodigiis ait fuisse, ut qui nouem fratres athletas simul pugnantes interfecisset, decem & septem uulneribus acceptis, amissæque maioris uiscerum parte.

Herminefredus Bertarium fratrem ui oppressit, ut soli sibi tranquillius & securius apud Thoringos liceret regnâ-

re . auctor Gregor. Turonen.

Orta inter Dardanum & Iasium contentione , Dardanus superior fratrem peremit . adeò consortem nescit potestas, adeò rara est inter necessarios caritas, ubi illa dominandi libido mentes hominum titillat .

Bela rex Pannoniæ, Polonorum copiis instructus, Andræa fratrè bello aggressus est, partaq; uictoria interfecit uictum.

Learchus Arcesilaum fratrem Cyrenæorum regem ægro tantem uenenò potauit, & eo modo strangulauit. Learchus demum ab Eryxo Arcesilai uxore lege Talionis interfectus est . auctor Herod. in Melpo.

Typhon Ægyptius fratrem suum Osiridem peremit, inuidia accensus. auctores Berosus & Seneca de sacris Ægyptiorum . Diodorus item , Compertum est, inquit , Osiridem Ægypto iustè regnantem à Typhone fratre impio ac nefario interemptum . quem in sex uiginti partes dissectum, cui libet eorum , qui tanti sceleris participes fuerant , partem dedit , ut ipsos defensores custodesq; regni fidos haberet.

Isis demum, Osiridis fratris mortem ultra, Typhonem alterum fratrem auxilio filii, qui Oros dicebatur, occidit . Annius in Berosum.

Henricus, cognomento Clericus, Anglorum rex, Robertum fratrem hostem habuit , quem in bello captum , oculis primum auulsis, in carcerem detruxit , ac demum pædore & inedia ibidem emori fecit . Volater.

Orodes Phraatis filius, Parthorum rex, Mithridatem secundum fratrem suum Babylonix obsedit, factaq; deditione in conspectu omnium quamuis supplicem interfecit . Deus te perdat ambitio, Quæ fratres armas in fratrum uiscera, quæq; Secutum a nato non finis esse patrem.

Ioram rex Iudææ, suasu Athaliæ uxoris , fratres interfecit, & nullū sceleris genus omisit, à nullo abstinuit flagitio.

Ioannes Iudæ pontificis filius, quintus Hebræorum pontifex , fratrem Iesum nomine, quem affectatæ dignitatis habebat suspectum, morti dedit .

Iugurtha Manastabilis filius nothus ; fratres suos Adherbalem & Hiempsalem, Micipsæ patrui sui filios, interfecit, ut solus Numidis imperaret. Sallust.



# FRATRYM, ET SORO. INTERFEC.

Friola Alphonſi Catholici filius, rex Hispaniæ, ab Aurelio fratre interfectus eſt, quum annos duodecim regnaſſet. Volaterranus.

Leucon ab Oxilocho fratre rege Ponti interfectus eſt, quòd cum eius uxore adulterii & inceſtus conſuetudinem haberet. Quid in Ibin, Aut pia te cæſo dicatur, adultera, ſicut Qua cecidit Leucon uindice, dicta pia eſt.

Mamertes quum Siſaphonis Corinthii fratris ſui filios regnandi libidine peremiſſet, ab ipſo Siſaphone membratim laceratus eſt. Ouidius in Ibin,

Trunca geras ſæuo mutilatis partibus enſe,

Qualia Mamertis membra fuiſſe ferunt.

Hefiodus poeta Aſcræus noctu iugulatus eſt ab Antipho & Crimeno fratribus: non tamen opera dedita, ſed per errorem, dum illi ſororis ſuæ interfectorem eſſe putarent.

Rheſus Maximī & Ameriæ filius, fratrem Simulum in uenatione uolens interfecit, ac propterea ei paterna domo interdictum eſt. Ariſtides apud Plutarchum.

Anachariſis philoſophus, Scythæ genere, dum Athenienſium leges apud ſuos introducere conaretur, ut patriæ conſuleret, à Caduido fratre eius loci rege per liuorem ſagitta conſoſus eſt. auctor Laertius.

Lucilla, M. Antonii & Fauſtæ filia, à Commodo fratre, in quem coniurauerat, depreheſa, ab eodem interfecta eſt. auctor Herodianus.

Maximianus Diocletiani filius Artemiam ſororem gladio percuffit, quòd relicta idololatriæ hæreſi, ad fidem ſe conuerſiſſet.

Critolaus Tegeates ſororem interfecit, q̃ ſibi è uictoria redeunti non gratularetur, quum tamen ceteri omnes ei applauderent. auctor Demarathus apud Plut.

Primus apud Romanos Horatius ob ſororem interfectam perduellionis reus factus eſt, dein abſolutus. auctor Liuius.

Cambyſes ſororem interfecit, quòd illa Simerdis fratris ſui à patre occiſi mortē lugeret uelut inultā. auctor Herod.

Polyphontes rex fratrem interfecit, q̃ ab eo inſidias & mortem parari ſibi intellexiſſet. auctor Gel. lib. 4. c. 3.

**R**Edeuntem ab expeditione Troiana Agamēnonem Clytemnestra uxor interfecit auxiliante Ægyſto, quocura stupri conſuetudinem habebat. Virgilius lib. 11. Ænei. Ipſe Mycenæus magnorum ductor Achiaum Coniugis infandæ prima intra limina dextra Oppetiit, deuicta Aſia ſubſedit adulter. Seneca in Agamemnone, Rex ille regum, ductor Agamemnon ducum, Cuius ſecutæ mille uexillum rates, Iliaca uelis maria texerunt ſuis, Poſt dena Phœbi luſtra deuicto Ilio, Adeſt daturus coniugi iugulum ſuæ. Idem alibi, Adeſt cruenta coniugis uictrix ſui. Iuuenalis ſatyra 6.

Danaus Beli filius quinquaginta habuit filias, quæ totidem Ægyſti filiis nupſerunt, factaſque ſimul coniuratione omnes maritos nocte una interfecerunt, præter Hypermnēſtram, quæ Lynceo, ſiue Lino, pepercit. Seneca in Hercule Furente, Nunc nunc cruentæ regis Ægyſti nurus Adeſte, multo ſanguine infectæ manus. Ouidius lib. 1. de Arte.

Scribit Volaterranus Albinam quandam Syriæ regis filiaſ duas & triginta habuiſſe ſorores, quæ totidem maritos interfecerunt: expulſasque propterea à patre ueniſſe in Britanniam, & à nomine Albinæ inſulam uocaſſe Albionem.

Alexander Pheræus, Theſſaliæ tyrannus, quum uxorem Thebem cuidam barbaro nudam plerunque oſtendiſſet, ab eadem factum ægreferente dormiens iugulatus eſt. Ouidius in Ibin, Inq; tuo thalamo iuguleris more Pheræi, **Qui** datus eſt leto coniugis enſe ſuæ.

Albionus rex Longobardorum, Cunimundo Gepidorum rege interfecto, eius filiam nomine Roſimundam ſibi copulauit. cui quum aliquando inter pocula, patris caluaria per iocum propinaſſet, irata puella non prius machinari deſtitit, quàm eum curauerit interficiendum. quo mortuo alium maritum Helmigem nomine ſibi copulauit, quem poſtea ueneno ſuffocauit.

Antiochus Deus cognomento, rex Syriæ, ab uxore Laodice ueneno interfectus eſt ob inductam alteram Berenicem Ptolemæi ſororem. Valerius Max.

## MVLIERES, QVÆ MAR. INTERF.

Antonius Verus imperator periit ueneno à Lucilla uxore propinato, ob Fabiæ consuetudinem, ad quam frequenter itabat. Volat.

Circe, uenefica mulier, Sarmatarum regē, cui nupserat, ueneno itidem fertur occidisse, arreptoq; regno subditos multum oppressisse. Sabellicus.

Gandolphus, qui in Burgundia pro fide martyrium passus est, dum uxorem adulterii insimularer, eiusdem opera ab adultero interfectus est.

Galeotus Foroliuii princeps Ioannis Bentiuoli filiam duxit in uxorem. à quo dum sperneretur puella, simulata ægritudine sicarios subornauit medicos, qui eum adorti in cubiculo confoderunt. Volater.

Semiramis, quum à marito Nino impetrasset, ut diē modò unum in regio sederet tribunali, obiretq; regium munus iuri dicundo, sanciendoq; quæ uiderentur, exploratis satellitum animis, Ninum ipsum apprehendi iussit, & in uincula coniici, ac postremò interimi. auctor Cælius.

Andreas, filius Caroli Pannoniæ regis, à Ioanna uxore, regina Siciliæ, interfectus est, quòd ignauus, & regno inutilis uideretur. Valater.

Fabia mulier Fabium Fabricianum interfecit, ut liberius posset lasciuire cum Petronio Valentino, liberali forma adolescentulo, quocum adulterii consuetudinem habebat. Plutar. in Paral.

Agrippina Tiberium Claudium principem maritum suū ueneno sustulit. auctor Plinius lib. 32. cap. 22.

Cursius libro 7. ait Barbarum quēdam Spitamenem, somno, & uino sepultum, ab uxore in castris Alexandri fuisse interfectum.

## VIRI VXORVM

### INTERFECTORES.

**P**rocris mulier, existimans Cephalum maritum alteram deperire puellam, eundem in syluas profectum secuta est, ut obseruaret quid faceret. quum ergo in dumis delitesceret, ac uepres concuteret, Cephalus opinatus esse feram, sagittis eam confodit. Ouid. lib. 7. Meta. Adagium est apud Erasimum, Procridis telum, De certis iaculatoribus, aut



ictu ex sententia iacto .

Nero Sabinam Poppeam uxorem calcis icu, quamvis pregnantem, interfecit, nulla impellente causa, sed sola bile & iracundia motus. auctor Cornelius Tac. lib. 16.

Chilpericus, Clotharii filius, Glosindam uxorem Athanagildi Gothorum regis filiam suasu Fredegundæ pellicis noctu iugulauit. Volater.

Constantinus imperator, Constantii & Helenæ filius, uxorem suam Faustam, cuius suasu Crispum filium prius interfecerat, in balneas ardentes coniectam interemit. auctor Sextus Aurelius.

Mirhridates rex Ponti uxorem Laodicem, qua mortua Hypsirateam duxit, cum sorore, matre, fratribus, ac liberis interfecit. auctor Herod.

Plinius lib. 14. scribit Egnatii Metentini uxorem, quod uinum bibisset è dolio, interfectam fuisse a marito, eumque cædis à Romulo absolutum Egnatius.

M. Cæcilius apud eundem Plin. lib. 27. accusat Calpurnium Bestiam, quod dormientes uxores ueneno peremerit.

Miratur Sabellicus, nec sanè mirum, quod miretur, Perian drum Corinthium inter eos numeratum, quos Græcia sapientes appellauit, qui Lysidem uxorem (alii Melissam scribunt) in pellicis gratiam interfecerit, sciens uolensque cum Cratea matre concubuerit, filiū relegauerit, & Corcyrensiū natos Haliarti excæcandos præbuerit, ut docet Herod.

Dacianus præses Alexandriam uxorem à beato Georgio ad fidem conuersam suspendi fecit, & interfici.

#### ALII PARICIDÆ.

**P**ROCA rex Albanorum duos habuit filios Amulium, & Numitorem, quibus regnum alternis annis dimisit regendum. quum autem prior Amulius regnasset, peracto anno fratri cedere nolit. quinetiam Lausum eius filium interemit, & Iliam eius sororem (ne qua inde manaret proles, quæ facinus ulcisceretur) inter Vestales inclusit. Ouid. lib. 4. Fastorum.

Xerxes, ob res infelicitè in Græcia gestas, adèd inter suos euiluit, ut Artabanus spem nactus occupandi regni, eū in regia interfecerit. auctor Trogus.

## P A R I C I D Æ

Childebertus Clodouei primi filius, fratris sui Clodomyri filios pupillos & clientes suos ad se uenire iussos, interfecit, ut eorum patrimonio potiretur.

Sigisbertus Clotarii filius, bellum cum Chilperico gessit, in quo Theodebertum eius filium post alia multa crudelitatis exempla interfecit. Gaguinus.

Egebertus Sicoberti filius, rex Anglorum, fratris filios, quos patre mortuo educabat, impuberes occidit. Volater.

Mamertes Corinthius filios fratris sui Sisaphonis regnandi libidine interfecit maximo suo malo. nam ubi Sisapho factum rescivit, eum membratim discerpfit. auctor Ouidius in Ibin.

Sextus Aurelius scribit Aurelianum imperatorem sœuum fuisse & sanguinarium, ut qui sororis suæ filium interfecerit.

Orcanes rex Turcarum, Celapini filius a Mose patruo, cuius fidei se pupillum commiserat, interfectus est, & regno spoliatus.

Thyestes Pelopis & Hippodamiæ filius Europam, seu Aërope fratris sui Atrei uxorem stuprauit, & ex ea duos suscepit liberos, Tantalum & Plythenem, quos Atreus ipse interfecit, interfectos fratri comedendos apposuit. Seneca, Tantalus prima hostia est, &c.

Pygmalion rex Tiri & frater Didonis, quum esset auri cupidissimus, Sichæum sororis suæ maritum, agri inter Phœnica ditissimum interfecit, ut mortui diuitias arriperet. Virgil. lib. I. Ænei. - ille Sichæum Impius ante aras, atque auri cæcus amore Clam ferro incautum superat, securus amorum Germanæ.

Childebertus Clodouei filius in Almarichum Gothorum regem sororis suæ Clotildis maritum bellum mouit, ac uictum uictor obtruncauit, quod Clotildem ipsam iurgiis, & uerberibus propter cultum orthodoxæ fidei quotidie inceseret. Volater.

Constantinus Magnus Licinium sororis suæ maritum pugna sæpius oppressum, & tandem apud Nicomediam uictum interfici iussit. Eutropius.

Eduardus secundus rex Anglorum uenatu rediens, ab Alfrieda nouerca uenenato poculo interfectus est. uolebat enim

scelerata mulier Eceldredum filium suum septennem principari. Volater.

Nuceria uxor Hebij, quum Firmum priuignum maligno prosequeretur odio, filios suos ad inferendam ei mortem incendebat. quod quum illi facere per pietatem abnuerent, dormientem gladio adorta est. auctor Dositheus apud Plut.

Constantinus Heraclii filius, quum annum unum imperasset, Martinæ nouercæ, laborantis filium imperare, ueneno interfectus est. Bap. Egnatius.

Pelops Tantali filius ex Hippodamia duos suscepit liberos, Atreum & Thyestem; ex Danaide puella Chrysippum patris ceteris cariorum. quem quum nouerca Hippodamia odio persequeretur, eius cruore manus impias contaminauit. Dositheus apud Plutar.

Ptolemæus Auletes, à Romanis regno Ægypti redonatus, quo propter flagitia eiectus fuerat, Archelai Cappadociæ regis filium, filiæ suæ Cleopatrx maritum. (quem Ægyptii regem sibi delegerant) una cum sore interfecit. Strabo lib. 17.

Spoliante Campanos Hannibale L. Imbricus filium Ruscium cum magno auri pondere Valerio Bestio genero suo seruandum commisit: quem tamen Valerius auaritia stimulante obruncauit, ut auro potiretur. Plutar.

Eadem causa Polymnestor rex Thraciæ Polydorum Priami soceri sui filium iugulauit. Mantuanus lib. 1. de Cal. Virg. lib. 3. Æneid.

Ægyptus Thyeste filius Atreum patruum suum adultus interfecit; mortemque Plysthenis & Tantali fratrum suorum ab ipso Atreo interfectorum ultus est.

Acrisius Abantis filius quum ab oraculo accepisset se eius manu periturum, qui ex Danae filia nasceretur: natum postea ex ea Perseum iussit exponi & submergi. compertus tamen in litore Perseus, à piscatore quodam nutritus est. inde ubi adoleuit, suamque rescivit originem, Acrisium ipsum interfecit. Volaterranus.

Draomitia, Bohemorum regina, Ludimillam socrum religionis obseruantissimam interfeci iussit. cuius suasu Boleslaus filius Vuenceslaus fratrem iam interfecerat. auctor



Volaterranus .

Io. Galeatius Barnabam socerum Mediolani ducem per prodicionem cepit, coniectumque in carcerem mori coegit, ut eo mortuo principatum arriperet.

Tiberius Nero Caligulæ nepotis, imperandi libidine conflagrantis, astu & dolo periit anno ætatis LXXVIII. imperii uerò XXIII. Egnatius.

Albertus imperator, dux Austriæ, & filius Rodulphi imperatoris, dum suasu Bonifacii pont. exercitum pararet in Gallos, à Ioanne fratris sui filio interfectus est.

Domitianus, auctore Tranquillo, Flauium Clementem patruelem suum (cuius filios etiam paruulos successores palam destinauerat) interfecit.

Tydeus, Oenei filius, Alcatum & Lycothæum nepotes apud Calydonem interfecit, ac demum Argos aufugit.

## A Q V I S S V B M E R S I .

**H**ylas Thyodamantis filius cum Hercule (cuius erat amicus) reliquisque Argonautis Colchos nauigans, dum aquam uellet haurire, urnæ pondere submersus est, multisque clamoribus ab ipso Hercule, sed frustra acclamatus. Virg. Ecloga 6. His adiungit Hylam, nautæ quo fonte relitum Clamassent, quum litus Hyla Hyla omne sonaret. Iuuen. Et multum quæsitus Hylas, urnamque secutus. Fabulantur poetæ eum à nymphis ob formam excellentem raptum. Propertius lib. 2.

Tandem haurire parat demissis flumina palmis

Innixus dextro plena trahens humero, &c.

Orontes, Troia diruta, cum Ænea in Italiam nauigans, naufragium fecit. Virg. lib. 1. Æne. Vnam, quæ Lycios, fidumque uehebat Orontem, Ipsi ante oculos ingens à uertice pontus In puppim ferit: excutitur, pronusque; magister Voluitur in caput. alt illam ter fluctus ibidem Torquet agēs circum, & rapidus uorat æquore uortex.

Leucaspis quoque eadem procella obrutus est, eodem Virgilio teste, qui 6. Æneid. inquit, Cernit ibi mæstos, & mortis honore carentes Leucaspim, & Lyciæ ductorem clas sis Orontem.

Palinurus, gubernator nauis Æneæ, dum obrepente som

no dormitaret, incautus decedit in mare. neque tamen tunc primum submersus est. sed quum portui (qui Velinus postea dictus est) adnaret, ab incolis pro bellua marina obrutus est. Virg. in fine quinti Ænei. idem in sexto, Ecce gubernator sese Palinurus agebat, & c. Ovidius in Ibin:

Aut ubi uentosum superaris naufragus æquor,

Contracta pereas, ut Palinurus humo.

Ælæus Priami filius ægrefcens Hesperie puellam, quæ fugientem insequabatur, morsu colubri in herba latentis fuisse interfectam, in aquas se dimisit: mutatus postea in Mercurum, ut poetæ fabulantur. Ovidius lib. 12. Metam. Dixit, & è scopulo, quem rauca subederat unda, Decedit in pontum.

Iam diximus Tiberinum regem se in Tiberim præcipitasse, & fluuiio (qui prius Albula dicebatur) nomen imposuisse. Ovidius in Ibin, & lib. 4. Fastorum. idem lib. 14. Sed Cypsis antè fuit.

Anna soror Didonis se in Numicium fluuium demisit. causam mortis uide in eorum historia, qui se occiderunt. Ovid. lib. 3. Fast. Corniger hanc tumidis rapuisse Numicius undis Creditur, & stagnis oculuisse suis.

Helle, filia Athamantis regis Thebarum, insidias hueret cum Phryxo fratre fugiens, arietem aurei uelleris conscendit, ut eo modo Colchos ueheretur. quos quum per mare ferret aries, contigit, ut puella perterrita in pontum caderet, & Hellesponto imponeret nomen. Ovid. lib. 4. Fastorum, Dicitur infirma cornu tenuisse sinistra Fœmina, quum de se nomina fecit aquæ. Idem in Epistolis Her. Propter. lib. 2.

Icarus Dædali filius à Creta cum patre fugiens, fretus alarum, quas fecerat pater, fiducia, dum altius in auras euolare, liquefactis à sole pennis cæreis in mare cecidit, quod ab eius ruina Icarium coepit dici. Seneca in Hercule Oethæo. Ovidius lib. 1. Tristium, Dum petit infirmus nimium sublimia pennis Icarus, Icareas nomine fecit aquas. Idem libro 8. Metam.

Læander speciosus puer ex Abido, quum in Seston urbem non multum remotam nauigaret ad amasiam suam Ero nomine, tempestate suborta periclitatus est. Ovid. lib. 3. Tristium, Si tibi tale fretum quondam Læandre fuisset, Non foret an-

# A Q V I S S V B M E R S I .

gustæ mors tua crimen aquæ . Stroza pater lib.1. Eroticon.

Cærelia mulier dum Baias nauigare , aquis obruta est .  
Martialis lib.1. Dum petit è Baulis mater Cærelia Baias , Oc-  
cidit infani crimine merfa freri .

Ægeus Thefei pater se submersit . causam uide in præce-  
denti capite .

Sappho quoque è Leucade Epiri promontorio se præci-  
pitauit . Statius lib.5. Syl. -factusque ingressa uiriles Non  
formidata temeraria Leucade Sappho .

Pharao , rex Ægypti , dum Israelitas persequeretur , ma-  
re rubrum uirga Moyfis diuisum ingressus cum toto exerci-  
tu periit , & submersus est . Politianus in nutricia , Vt rubra  
siccò pede transiit undas , Demerso insignem cecinit Pha-  
raone triumphum .

Ino uxor Athamantis se cum Melicerta filio demersit . ra-  
tio iam posita . Val. Flac. lib.8. -attonito qualis pede profilit  
Ino In freta , nec parui meminit conterrita nati . De Meli-  
certa seu Palæmone Statius lib.2. Syl. Talis in Isthmiacos  
ploratus ab æquore portus Naufragus imposita iacuit sub  
matre Palæmon .

Cæsarius Afer genere , & Iulianus presbyter apud Ter-  
racinam sub Claudio in mare præcipitati sunt Kalendis No-  
uembris .

Eupolis Atheniensis , poeta comædiographus , nauigans  
in Helleſpontum , quo tempore Lacedæmones opprime-  
bantur bello , naufragio periit .

Marcus Marcellus missus ad Massaniſſam in Africâ , periit  
naufragio paulò ante tertium bellum Punicum . auctor Li-  
uius . Cicero in oratione ad Pisonem , Marcus Marcellus ,  
inquit , qui ter fuit consul , summa uirtute , pietate , gloria  
militari , periit in mari .

Milo Tyrannus Pisæ , quum subditos multis afficeret tor-  
mentis & cruciatibus , ab eisdem in mare demersus est . Oui-  
dius in Ibin , Utq; Milo , sub quo cruciata est Pisa Tyranno ,  
Viuus in occultas præcipiteris aquas .

Menander Græcus poeta comædiographus , dum in exi-  
guo nataret fluuiò , ibidem submersus est . Ouidius in Ibin ,

Comicus ut liquidis periit , dum nabat , in undis ,

Et tua



Et tua sic Stygius strangulet ora liquor.

Misenus, Æneæ tubicen, dum Tritonem deum marinum ad tubæ certamen irritasset, ab eodem in mare deturbatus est. Virg. lib. 6. Æneid.

Oenomaus ab oraculo monitus se tunc periturum, quum Hippodamia nuberet, procis eam petentibus certamen proposuit, ut cum puella cursu contenderent, quæ propter Harpinnæ & Pſyllæ equorum celeritatem uidebatur insuperabilis: conuenerat autem, ut uicti interficerentur, uictores eam sibi haberent. quum ergo Pelops puellam deperiret, eius aurigam Myrtilum, largitione corrupit: quem propterea Oenomaus in mare (quod ab eo Myrtoum dictum est) demersit. Alii uolunt Myrtilum ab ipso Pelope præcipitatum, dum suæ prodicionis mercedem peteret. Ouidius in Ibin, Proditor ut scæui perijtque auriga tyranni, Qui noua Myrtos nomina fecit aquæ. Seneca in Thyeste.

De Pub. Terentio poeta comædiographo & Teoxena muliere, uide historiam præcedentem.

Licet Virgilius dicat Turnum ab Ænea interfectum, sunt tamen argumenta, quæ inficiantur: imò uerò Æneam à Turno adactum ad mortem inferunt, submersumq; in Numicio fluuiò, dum insequentem Turnum fugeret: quod & apud Virgilium fateti uidetur Venus pro Alcanio Iouem orans, desperato iam Ænea, ubi ait: Æneas sanè ignotis iactetur in undis, Et quancumq; uiuant dederit fortuna sequatur; Incolumen Ascanium liceat superesse nepotem. quum mortē prius Dido ei imprecata fuerat, ubi ait: At bello audacis populi vexatus & armis, Finibus extorris, complexu auulsus Iuli, Auxilium imploret, uideatque indigna suorum Funera: nec quum se sub leges pacis iniquæ Tradiderit, regno, aut optata luce fruatur: Sed cadat ante diem, mediaq; inhumatus arena: Item Iuuen. de Romulo fulminato, & Ænea submerso loquens: Alter aquis, alter flammis ad sidera missus. Ouid. quoque in Met. sic ait: Littus adit Laurens, ubi rectus arundine serpit In freta flumineis uicina Numicius undis. Hunc iubet Æneæ quæcunque obnoxia mortis Abluere, & tacito deferre sub æquora cursu. Corniger exequitur Venereis mandata suisq; Quidquid in Ænea fuerat mortale, repur

42. Item Tibullus lib. 2.

Decius imperator a Gotthis cum toto exercitu profligatus fugam arripiens, paludis uoragine absorptus est, nec postea inuentus. auctor Sextus Aurelius.

Argyropylos imperator, Zox uxoris & Michaelis Paphlagonis eius adulteri, dolo, inter balneas aquis immersus obiit. Bapt. Egnatius.

Aethestanus Edimundum adolescentem Anglorum regem in nauigio sine remige fluctibus perdendum exposuit, uno tantum comite. Volater.

Astorgius filius Galeoti Foroliuensium principis, quum longam obsidionem Cæsaris ab Alexandro pontifice patre missi sustinuisset, ad extremum uictus, & Romam ductus in Tiberim noctu præcipitatus est.

Britona, filia Martis, se in mare deiecit, ut stuprum Minois regis posset effugere.

Cæyx maritus Alcyones ad oraculum nauigans naufragium fecit, in auem postea mutatus, ut fabulantur poetæ. Ouidius in Ibin, Nec tibi sit tumidis melior Neptunus in undis, Quam cui sint uisæ frater & uxor aues. Seneca in Agamemnone.

Clodomyrus, Francorum rex, Gundebaldo Burgundiæ rege superato, Sigismundum eius filium unam cum sorore in puteum demersit.

Sfortia Attendulus, dum uni è ministris in Aterno fluuio periclitanti uellet succurrere, cum eo naufragium fecit. fuit is pater Francisci Sfortiæ.

Fredericus Enobarbus imperator, ad expeditionem Hierosolymitanam profectus, quum aliquot Armeniæ oppida iam cepisset, in amnis transitu periit.

Lycas quum uenenatam Herculi tunicam attulisset, ab eo in mare Euboicum deiectus est. Ouid. in Ibin, Quam qui dona tulit Nessæo tincta ueneno, Euboicasque suo sanguine cinxit aquas.

Phronyma puella ab Etearcho patre rege Crete, suasu no uerca, in aquas præcipitata est, Themisone quodam sceleris ministro. auctor Herodotus.

De P. Malleolo matricida, Galeatio Mantuano, Eue-

no patre Marpissæ (qui omnes submersi sunt) iam sumus locuri in præcedente historia.

Marullus poeta, Pontani discipulus, (qui a Politiano, æmulo & hoste suo, Mabilius dicitur, & quem ipse Ecnomum uocat) in amne Cecina submersus est.

Propertius lib.3. scribit Pætum quendam, in Ægyptum causa pecuniæ comparandæ nauigantem, fluctibus obrutum fuisse. sic enim pecuniam alloquens ait: Tu Pætum ad Pharios tendentem lintea portus, Obruïs infano, terque quaterque mari.

Argynus puer formosus (quem Agamemnon habebat in deliciis) itidem submersus est. idem Propertius lib.3. Sunt Agamemnonias testantia littora curas, Quæ notat Argini pœna minantis aquæ.

Quinctianus præses (sub quo passa est beata Agatha) dum flumen cum equis transiret, ab eorum uno excussus, & in aquas proiectus, miseram exhalauit animam.

Multi quoque ex martyribus eodem mortis genere extincti sunt, ut Ascla, Anastasius Aquileiensis, Florianus Hefychius, sub Diocletiano, Theogenes sub Licinio, Claudius tribunus sub Numeriano, Callistus Papa sub Alexandro imperatore, Symphorosa sub Hadriano. item Apollonius, Philemon, Bassus, Antonius, Protolycus apud Alexandriam, Callistus & Charisius apud Corinthum, Iocundianus apud Africam, Palatinus & Maxima uirgo, & infiniti alij hac morte celestem meruerunt lauream.

Roxana, & Statyra, Darij filia, duæ fuerunt Alexandri uxores seu concubinæ: quarum alteram Roxanam prægnantem Statyra in puteum demersit, solo ducta liuore, quod Macedones præcipuis honoribus eam cumularent. auctor Plut. in Alexandro.

Qui suis casibus, aut naufragio nomina  
aquis imposuerunt.

Ægeus, Atheniensium rex, mari Ægæo. Erithra rex mari Erithræo, seu rubro. Helle, soror Phryxi, Helleponto. Icarus, Dædali filius, Icareo. Myrtilius, auriga Oenomai, Myrtoo. Hesperides puellæ Hesperio. Tyrrhenus, rex Lydorum, Tyrrheno. Tiberinus rex Tiberi fluuio Tuscorum.



# AB EQVIS OCCISI,

Euenus Eueno. Marſyas tibicen Marſyæ. Anius rex Tuſcorum Anioni, qui & Anienus & Anien dicitur. Abſyrtus frater Medæ Abſyrto Colchorum.

## AB EQVIS OCCISI, ET diſcerpti.

**H**ippolytus falſò accuſatus & ſuſpectus ſtupri, Phædræ nouercæ illati, dum patris Theſei furorem fugeret, arrepta fuga ab equis diſcerptus eſt. Quid. lib. 5. Met. Excutor curru, &c. Idem lib. 3. Faſt.

Hic latet Hippolytus loris diſcerptus equorum,

Vnde nẽmus nullis illud aditur equis. Ibidem lib. 5.

Hippolyte infelix, uelles coluiſſe Dionem,

Dum conſternatis diripereris equis. Ibid. lib. 6.

Exciderat curru, loriſq; morantibus artus,

Hippolytus lacero corpore raptus erat. Idem in Ibin, Vel tua (ne pœnæ genus hoc cognouerit unus) Viſcera diuerſis ſciſſa trahãtur equis. Sabinus in epiſt. Demophoon tis ad Phyllidem, Non fratrem Hippolytum, cecidit miſerabilis ille, Pſæceps attonitis per fræta raptus equis. Seneca in Hippolyto quoque meminit.

Fuit alter Hippolytus martyr Romanus, qui pro C H R I S T I nomine ſub Decio principe, indomitis item equis aligatus & diſcerptus ſpiritum Deo reddidit.

Glaucus filius Siſyphi (qui apud Potniam regnauit) dum equas humana carne aleret, ab eiſdem poſtremo deuoratus eſt. Virg. lib. 3. Georg. Scilicet ante omnes furor eſt ingnis equarum: Et mentem Venus ipſa dedit quo tempore, Glauci Potniades malis membra aſſumpfere quadrigæ.

Metius Suſſerius, dux Albanorum, quoniam in bello Fidenatum pactum & fœdus ſocietatis cum populo Romano perfidẽ ruperat, captus poſtmodum uiuus quadrigis in diuerſa nitentibus laceratus eſt, iuſſu Tulli Hoſtilii. auctor Liuius, & poſt Liuium Gel. lib. 20. c. 1. Vnde Virg. lib. 8. Æn. Haud procul inde citæ Metium in diuerſa quadrigæ Diſtulerant (at tũ dictis Albane maneres) Raptabatq; uiri mendacis uiſcera Tullus. Per ſyluas ſparſo rorabãt ſanguine uepres.

Diomedes rex Thraciæ, dum equos ſuos humana carne aleret, ab Hercule, illac iter faciente, equis ipſis datus eſt

in pabulum. Ouid. in Ibin, Vt qui Threijci quondam præsepia regis Fecerunt dapibus sanguinolenta suis. Seneca, Suisque regem pabulum armentis datum. Claudianus, Diraque sanguinei uertit præsepia regis, Et Diomedæos gramine pauit equos.

Neocles, Themistoclis filius, equi morſu interijt. auctor Plutar. in Themistocle.

Brunechildis, Francorum regina, post multa flagitia spectante Cluthario, indomitis equis alligata, & membratim discerpta est. hoc scribitur in historia Adonis Viennensis.

Comminius à Gidica nouerca stupri falsò accusatus, metu Communi patris currum conscendit, & in fuga more Hippolyti ab equis raptim diltractus est. Dositheus apud Plutarchum.

Cælius lib. ii. Lætionum antiquarum scribit Taraxipum quendam fuisse in Isthmo ab equis interemptum.

Limone puella adulterij comperta, ab Hippomene patre data est equo famelico deuoranda. Ouid. in Ibin.

Licinius imperator, quum Herinam uirginem filiam suã (quòd Christiana esset) equis dedisset conculcandam, ab eorum uno morſu interfectus est.

Hercules regem Eubææ Pyrrhem, Bæotijs bellum inferentem, uictum equis discerpendum. exposuit apud Heraclium fluuium. auctor Plutar. in Paral.

Abderus unus fuit eorum, qui ab equis Diomedis Thraciæ regis interfecti sunt & deuorati. auctor Ægidius Masearius in Valerij Argonautica.

## EQVORVM LAPSV MORTVI.

**N**ipheus, Virg. lib. 10. Quin ecce Niphei, Quadrijuges in equos, aduersaque pectora tendit. Atque illi longè gradientem & dira frementem, Vt uidere, metu uersi, retroque ruentes Effunduntque ducem, rapiuntque ad licitora currus.

Leucagus. Virg. 10. Æneid. Excussus curru moribundus uoluitur aruis.

Ligeris frater Leucagi eodem quoq; modo excussus est. idem Virg. ibidem, Frater tendebat inermes Infelix palmas curru delapsus eodem.

## EQVORVM LAPSV MORTVI.

Clonius. *ibid.* Illum infrænis equi lapsu tellure iacentem Obtruncat.

Remulus. *Idem lib. 11.* Orsilochus Remuli (quando ipsum horrebat adire) Hastam intorsit equo, ferrumq; sub aure reliquit. Quo sonipes ictu furit arduus, altaq; iactat Vulneris impatiens arrecto pectore crura. Voluitur ille excussus humi.

Thymeres quoque equo suo excussus in bello interfectus est. *Idem Virg. lib. 12.* Et sternacis equi lapsum ceruicæ Thymerem.

Amycus. *Idem Virg. in eodem:* Turnus equo deiectum Amycum, fratremq; Diorem Congressus pedes, hunc uenientem cuspide longa, Hunc mucrone ferit.

Antonius Vicus. Pamphilus Saxus, Non equus Antoni sæua te morte peremit, Vice, licet corpus presserit illatum. Fræna trahens sed tu mortis tibi causa fuisti. Non poteras fato candidiore mori.

Agenor lapsu equi inserta ori manu extinctus est. *Ouid. in Ibin,* Utq; loquax in equo est elisus gutture Agenor, Sic tibi claudatur pollice uocis iter.

Bela, rex Pannoniorum, frater Andreæ, & filius Vazulis regum decessit lapsus equo membris luxatis & dilocatis, anno regni sui tertio.

Stenobæa Præti uxor, quum Bellerophontem ad coitum non posset inducere, eum coram marito stupri postulauit. Stenobææ uerbis fidem adhibens Prætus, Bellerophontem periculis obiecit, ac primum ad superandam Chimæram misit. quam quum uicisset, elatus uictoria in cælum Pegaso equo elato uoluit conscendere: sed ulciscente Nemese decidit. *Ouid. in Ibin,* Quiq; ab equo præceps alienis decidit aruis, Exitio facies cui sua penè fuit.

Seleucus Calinicius, Antiochi cognomento Dei filius, & Syriæ rex, ex equo lapsus excessit.

Lego in historiis Gallorum Philippum, Ludouici Crassi filium, equi lapsu itidem perisse.

Fulco Andagauensium comes, quintus rex Hierosolymarum, equo in caput uerso occubuit, quum regnasset annis undecim.



## A SERPENTIBVS OCCISI.

**L**Aocoon Troianus, percussa in uterum fatali machina, pœnam luiffe dicitur duobus filiis à serpentibus occisis. quibus dum præsidio esse uellet, eadem periit morte. Virgil. lib. 2. Ouid. in Ibin, Quàm puer Hypsiphyles, quàm qui caua primus acuta Cuspide suspecti robora fixit equi.

Euridice, Orphei uxor; Aristeum (à quo adamabatur) fugiens, morsu colubri in herba latentis interfecta est. Orpheus apud Ouidium lib. 10. Causa uiæ est coniunx, in quâ calcata uenenum Vipera diffudit, crescentesque abstulit an nos. Idem, Occidit in talum serpentis dente recepto. Idem in Ibin.

Hesperie puella Ælacum Priami filium (à quo itidem adamabatur) fugiens serpentis morsu periit. Ouid. lib. 11. Met. Ecce latens herba coluber, fugientis adunco Dente pedem strinxit, uulnusque in corpore liquit.

Orion quum se iactasset, nullum à terra monstrum produci posse, quod non conficeret, terra ipsa peperit scorpionem, à quo interfectus est. Ouidius lib. 9. Met.

Opheltes (qui alio nomine Archemorus dicitur) filius Lycurgi regis Nemeæ, dū negligenter, ab Hypsiphyle nutrice custodiretur, serpentis morsu extinctus est. Ouid. in Ibin, Quàm puer Hypsiphyles, quàm qui caua primus acuta Cuspide suspecti robora fixit equi. Statius lib. 2. Sylvarum, & lib. 5. Thebaidis.

Xanthus, historiarum auctor, tradit apud Plinium lib. 2. 5. Tillonem à dracone interfectum, ac demum herba (quam Balim dicunt) restitutum saluti.

Sulpicius in Lucanum ait Canopum, gubernatoré nauis Menelai, aspidis morsu apud Canopū Ægypti urbē occisum.

Politianus in Nutricia scribit Ampycidem in Libya serpentis morsu interfectum, ubi ait: Ampycidemque pium, Libycis quem strauit arenis Vipera, fatifero fauces accensa ueneno.

Demetrius Phaleræus, auditor Theophrasti, & præfectus bibliothecæ Ptolemæi Soteris, excessit ex morsu aspidis. Ouidius in Ibin.

## AB APRIS OCCISI.

Orestes, furore liberatus, quum Thisamenem filium imperio Mycenarum suffecisset, serpentis eadem morſu perijt. Ouidius in Ibin, Utque Agamemnonio &c.

Seneca in Medea scribit Idmona serpente in Libya caſum, ibiq; ſepultum, ubi ait: Idmonem (quamvis bene fata noſſet) Conſcidit ſerpens Libycis arenis. Ouidius tamen ſcribit ab apro interfectum, ut poſtea docebimus.

Iam diximus Cleopatram ab Auguſto ſuperatam, mordendum aſpidi porrexiffe brachium, ne in triumphum duceretur. Propert. lib. 3. Brachia ſpectavi ſacris admorſa colubris, Et trahere occultum membra ſoporis iter.

## AB APRIS OCCISI.

**A** Donis, Cynaræ ex Myrrha filius, Veneri ob formam cariſſimus, dum uenaretur, ab apro interfectus eſt. Ouid. lib. 10. Met. Fixerat obliquo iuuenis Cynaræius ictu, Protinus excuſſit pando uenabula roſtro, Sanguine tincta ſuo, trepidumq; & tuta petentem Trux aper inſequitur, totosq; ſub inguine dentes Abdidit, & fulua moribundum ſtrauit arena. Propert. lib. 1.

Martialis lib. 1. ait Dædalum quendam feris obiectum, ab apro laniatum fuiſſe. Dædale Lucano quum ſic lacereris ab apro, Quam cuperes pennas nunc habuiſſe tuas?

Idmonem uatem licet Seneca dicat à ſerpente interfectum, Ouid. tamen in Ibin, & Politiānus in Nutricia, ab apro occiſum uolunt. Ouidius ſic, Quique Lycurgidem laniauit ab arbore tractum, Idmonaq; audacem, te quoque rumpat aper. Sic Politiānus, Quid ue loquar te Glauce ſenex, plenumq; parente Idmona, fulminei proſtratum dentibus apri?

Anceus filius Aſtypalex Phœnicis, & Neptuni filiæ, rex Sami, dum uellet occidere aprum, agros ſuos uoſtantem, ab eodem eſt interfectus. Volat.

Bruthem Lycurgi filium ex arbore detractum aper laniauit. Ouidius in Ibin, Quiq; Lycurgidem laniauit ab arbore tractum Idmonaq; audacem, te quoque rumpat aper. Volat. tamen facit Anceum Lycurgi filium, Domitius uero Calderinus hoc ad Bruthem refert.

## A' LEONIBVS OCCISI.

**H**yas Atlantis ex Æthra filius dum uenaretur, a leæna interfectus est. Ouidius lib. 5. Fastorum, Dumq; petig latebras fœtæ catulosque leænæ, Ipse fuit Libycæ præda cruenta leæ. Mater Hyam, & Hyan mæstæ fleuere sorores, Ceruicemque polo suppositurus Atlas.

Paphages, rex Ambraciæ, dum occurrisset Leænæ canæ catulis suis stipatæ, ab eadem interfectus est. Ouidius in Ibin, Fœta tibi occurrat patrio popularis in aruo, Sitq; Paphagæ causa Leæna necis.

Satyrus & Perpetua martyres, quum nullis tormentis, nullisque comminationibus ab orthodoxæ fidei cultu diuertere possent, leonibus deuoti sunt, & ab eis deuorati, Valeriani & Galeni temporibus sub præside Tarnutio. Volaterranus.

Ignatius episcopus Antiochenus, quum neglectis tormentis constans in fide persisteret, iussu Traiani imperatoris leonibus destinatus est, & ab eisdem præfocatus.

## A C A N I B V S O C C I S I.

**L**inus, filius Apollinis ex Psamata Crotopij Argiuorum regis filia, à matre apud Nemeum fluuium expositus, ibidem à canibus laniatus est. Ouid. in Ibin, Quique uerecundæ speculantem membra Dianæ, Quique Crotopiadem diripere Linum. Statius libi. Theb.

Neanthus propter chelyn Apollinis temerè affectatam, deo uindice à canibus discerptus est. Politianus in Nutricia, Improbis hanc stultè chelyn affectare Neanthus Ausus, Apollinea pendentem sustulit æde: Quem tamen indocto ferientem pollice chordas, Vindice discepit rictu nocturna canum uis.

Euripides poeta noctu rediens à cœna Archelai regis Macedoniæ, canibus à Promero quodam æmulo immixtis, exinctus est. Politianus in Nutricia, Quemque regit rabidis lacerum pia Pella molossis. Ouidius in Ibin.

Thrasus puer Delius, Dianæ carissimus, à canibus ibidem interfectus est. Ouidius in Ibin, Prædaque sis illis, quibus est Latonia Delos, Ante diem raptis non adeunda Thraso.

Scribit Plinius lib. 7. Consyngem reginam propter liberiorum cum marito Nicomede rege Bithyniæ ac lasciuio-



## FERARVM MORSV EXTINCTI.

rem iocum, fuisse interfectam à regis cane.

Diogenes philosophus decessit ex morsu canis eodem die, quo Alexander Macedo in Babylone mortuus est. Volat.

Heracleus philosophus quum esset hydropicus, ad remedium seuo bubulo se unxit, atque Soli siccandum præbuit: sepultus itaque somno, à canibus laniatus est.

Actæon, filius Autonoes, dum inter uenandum Dianam in fonte nudam conspexisset, dea ulciscente in ceruum mutatus est, & à canibus suis laceratus. Ouid. in Ibin, item lib. 3. Met. Seneca in Thebaide.

Lucianus Sophista Samosatenus, qui Traiani temporibus floruit, à canibus laniatus est, non sine diuinæ ultionis suspicione. nam cum primum esset Christianus, à catholica fide postea deficiens, religionem insectari cœpit. Volater.

## FERARVM MORSV EXTINCTI.

**R**euocatus & Felicitas martyres, a Leopardis comestis sunt imperantibus apud Romanos Valerio & Galeno, sub Tarnutio præfide.

Milo Crotoniates, dum nimia roboris confidentia, arbor in geminas partes uellet diducere, manibus in medio conatu districtis ibidem retentus est, & à feris comestus. Pausanias apud Cælium ait à lupis fuisse deuoratum. Ouid. in Ibin, Utq; Milo robur diducere fissile tentes, Nec possis captas inde referre manus.

Saturninus, episcopus Tholosanus, dum acerrimè pro Christiana fide pugnaret, ferocis tauri cornibus alligatus, membris confractis, & illiso cerebro Domino spiritum reddidit.

Legimus apud Sybarim, pastorem fuisse Crathim, qui, quum in libidinem esset procliuior, capellam omnium formosissimā deperire cœpit. quumq; Veneris incendio agrius titillaretur, eam frequenter inibat, ac uti amicam gratè amplexabatur, non sine multa suauiatione. quinetiam munuscula ei offerebat, pabulum uidelicet lætius amœniusq; molles quoque substernebat accubitus, quibus uelut nympha decumberet, & mollius quiesceret. quod contemplatus dux gregis hircus, cæstro zelotypiæ agitatus, dormien-

rem adortus est, eiq; incipit illis. hoc ex historiis Græcis aduocant Volater. & Cæl.

Basilus Macedo imperator, quum annis xx. imperasset, a ceruo in uenatione percussus cornu, interiit.

Hatto, archiepiscopus Maguntinus, a muribus in Rheino fluuij deuoratus fertur, non sine maxima diuinæ uindictæ suspitione, quòd multitudinem pauperum (quibus se eleemosynam daturum simulabat) tempore famis in horreo fecisset concremari.

Euphemia uirgo, Philophronis senatoris filia, sub proconsole Prisco urbis & lenonibus obiecta, ab eisdem interfecta est.

Siluanus Tyri præsul, sub Diocletiano imperatore, amore Christianæ pietatis non grauitus est feriis exponi.

Priscus, Marcus, Alexander martyres apud Cæsaream Palestinae passi sunt sub Valeriani persecutione, & pro CHRISTI nomine à bestiis deuorati.

Flocellus martyr temporibus Antonij imperatoris passus est apud Augustudunum, & iussu Valeriani præsidis feris expositus, a quibus deuoratus est.

Germanicus sub M. Antonio, & L. Aurelio Smyrnæ passus est, ac post infinita propè tormenta, bestiis obiectus, a quibus fractim comminutus, uitam cum morte mutauit.

Pyrene puella, Bebrycis filia, in Pyrenæo monte ab Hercule compressa, atque a feris ibidem laniata est & sepulta. a cuius nomine monti quoque impositum nomen.

Gatis regina Siria (quæ postea Atergatis uocata est) piscibus data & deuorata dicitur. auctor Antipater Tarsensis apud Volater.

## FVLMINATI, SEV FVLGINE

## PERCVSSI.

**E**Nceladus gigas Terræ filius, a Ioue fulminatus est cum ceteris fratribus, quòd Iouem ipsum cælo detrudere uoluisset. auctor Ætnæ, Gurgite Trinacrio morientem Iuppiter Ætna Obruit Enceladum: uasti quoque pondere montis Æstuat, & petulans expirat faucibus ignes. Virg. lib. 3. Æneid. Fama est Enceladi semustum fulmine corpus, Vrgeri mole hac, ingentemq; insuper Ætnam

Impositum. Seneca in Hercule Oetæo, Scindetq; latus montis aperti Nondum Enceladus fulmine uictus.

De Typhæo gigante, Ouid lib. 3. Met. Nec quo centimanum deiecerat igne Typhæa, Nunc armatur eo. Lucanus, Vndat apex Campana fremens, cui saxa uaporat Conditus Inarimes æterna mole Typhæus.

De ceteris gigantibus Virg. lib. 6. Æneid. Hic genus antiquum terræ Titania pubes, Fulmine deiecti fundo uoluntur in imo. Seneca in Agamemnone, Quale canebas, quum Titanas, fulmine misso fregerè Dei.

Ajax Oileus, ab expeditione Troiana rediens, à Pallade fulminatus est, quod in eius templo Cassandram uirginem stuprasset. Virg. lib. 1. Æneid. Ipsa Iouis rapidum iaculata è nubibus ignem, Disiecitq; rates, eueritq; æquora uentis. Illum expirantem transixit pectore flammæ Turbine corripuit, scopuloque infixit acuto. Sylius lib. 14. Valer. Flaccus lib. 1. Argon. Ouid. in Ibin. Politianus in Ambra quoque meminit.

Phaethon, Solis & Clymenes filius, dum currum patris temere regendum suscepisset, equis insolidum aurigam non audientibus, fecit, ut totus conflagraret mundus; ac propterea fulmine percussus, in Padum cecidit, qui ab eo Phaethontæus dicitur. Lucretius lib. 5. Ignis enim superauit, & ambiens multa perussit, &c. Claudianus in quartum cons. Honorij, Sæuaretq; dies, terramq; & stagna propinqui. Haurirent radij. Plin. lib. 7. Padus à Græcis dictus Eridanus, ac pœna Phaethontis illustratus. Idem lib. 37. Phaethontis, fulmine icti, sorores mutatas in arbores populos poetæ dixere. Ouidius in Ibin.

Remulus, filius Tiberini regis, fulminè percussus est. Ouid. lib. 14. Met. Remulus maturior annis, Fulmineo periit imitator fulminis ictu.

Semele Bicchi mater Iouiali fulmine tacta est, quod Iouem ipsum orasset, ut secum tantus, quantus cum Iunone iaceret. Propert. lib. 3.

Capaneus, maritus Euadnes, in bello Thebano fulmine percussus dicitur. quod ideo fingunt poetæ: quoniam quæ scalis admotis muros uellet conscendere, iactu lapidum ab



inimicis oppressus est. Ovidius lib.4. Tristium, Quum cecidit Capaneus subito temerarius ictu. Idem lib.3. de Ponto, Notior est factus Capaneus fulminis ictu. Idem ad Liuiam, & Propertius lib.2.

Marullus in Epigram. mortem Autolemi fulmine percussus sic describit: Dixerat Autolemo flammæ cōsultus haruspex Die cauendas postero. Credidit, & rerum dubius demane, sub amnis Delituit Etrusci uadis. Sed neque sic factum effugit. Nam dum innatat Arno, Ictus crematur fulmine.

Salmoneus rex Elidis, quum Iouis fulmen in aere mentiretur, ut propterea crederetur Deus, ab ipso Ioue fulminatus est: Virg. lib.6. Æn. Vidi & crudeles dantem Salmonea pœnas, Dum flammæ Iouis, & sonitus imitatur Olympi. Quattuor hic inuectus equis, & lampada quasiâns, Per Graium populos mediâq; per Elidis urbem Ibat ouans, &c.

Anastasius imperator unum iam VII. & X. imperii annum ageret, ictu fulminis percussus interiit.

Menius, Lycaonis filius, quum patre in lupum uerso, & domo conflagrante Iouem detestaretur, ab eodem fulmine percussus est. Ouid. in Ibin.

Plinius lib.2. ait Martiam grauidam partu fulmine exanimato superuixisse citra ullum corporis incommodum. Idem scribit, M. Herennium decurionem sereno die fulmine ictum fuisse.

L. Piso apud eundem Plinium auctor est, Tul. Hostilium fulmine itidem suffocatum, quod quædam parum ritè fecisset, & sacrificio Iouem ipsum cælo deuocare uoluisset. auctor etiam Plutarchus in Numa Pompilio.

Æsculapius, Apollinis ex Coronide filius, Iouiali fulmine percussus est, quod Hippolytum mortuum ad uitam reuocasset, ut ait Plinius lib.29. cap.1. Vnde & Virg. lib.7. Æneid. Tum pater omnipotens aliquem indignatus ab umbris Mortalem infernis ad limina surgere uitæ, Ipse reproborem medicinæ talis, & artis Fulmine Phœbigenâ Stygias detruxit ad undas.

Zoroastres rex Bactrianorum, Oromasi filius, & artis magicæ reprobior, igne quoque cælesti absumptus creditur. Volaterranus.

## CRUCE, ET SVSPENDIO

Adimanthus rex Philefiorum, quum Iouem suis indignū sacrificiis iudicaret, ab eodem fulmine percussus est. Ouid. in Ibin, Quæq; in Adimanthum Philefia regna tenentem, A Ioue uenerunt, te quoque tela petant.

Afopu, Oceani filius, dum propter Æginam filiam a Ioue stupratam bellum suis undis in astra uellet gerere, ab ipso Ioue fulminatus dicitur. Statius, Donec ui tonitru sum motus & igne trifulco, &c.

Aurelius Carus quum biennio imperasset, in castris supra fluuium Tygridem exanimatus fulmine, occubuit. auctor El. Vopiscus.

Chore, filius Isahar, cognatus Moſis, ex leuitarum tribu natus, quum de sacerdotio cum Aarone contenderet, igne cælesti periit.

Prester, filius Hippomenis, quum deos detestaretur, itidem fulminatus est. Sabellicus.

Atrax quoque quum Dositheum uiolatam a Ioue prodidisset, Deo ulciscente ictus est fulmine. de utroque meminit Ouid. in Ibin; Aut Iouis infesto telo feriare trifulco, Vt satus Hippomene, Dositheosque pater.

Porphyrio, filius Sisyphi, paternam in deos imitatus impietatem, itidem cælesti suffocatus est igne. Ouid. in Ibin, Vt ferus Æolides, ut sanguine natus eodem,

Quo genita est, liquidis quæ caret Arctos aquis.

## CRUCE, ET SVSPENDIO

### MORTVI.

**O**Mnium, qui cruce perierunt, nemo maiore ludibrio affectus est, nemo pluribus tormentis afflictus, nemo frequentioribus plagis mutilatus, quàm intemeratæ uirginis innocens filius. nulla in eo peccati scintilla reperta est: nihil deliquit unquam: mundus ex munda matre natus est: mundè uixit: iusticiam & æquitatem uerbo semper & opere docuit. neque tamen puduit uerpos illos & recutitos canes, liuore & inuidia tabescentes, causam machinari, qua eum morti traderent. quam licet nullam reperissent: agnum tamen primùm flagellis ubique membrorum mutilauerunt, frontem corona spinea perforauerunt, faciem immundis deformauerunt sputis, colaphis immani-

bus totum caput contuderunt, latronis more uinxerunt, uinctum ad maiorem ignominiam traxerunt compitacim, & ad extremum inter latrones ueluti latronem suspenderunt. quod quum ad mortem non putarent sufficere, manus & pedes clauis, latus lancea confoderunt.

Illum ego de Libyca natum iurabo læna,

Arcadiasque inter delituisse lupas;

Cui tua crux lacrymas non nouerit, ò bone CHRISTE,

Ille erit & ferro durior & chalybe.

Dismas, Ægyptius natione, unus fuit eorum latronum, qui cum CHRISTO patibulati sunt. huic autem dominus in cruce pepercit, & statim post mortem sua clementia ad cælum euocauit.

Achæus rex Lydiæ, quum noua tributa a populo uellet extorquere, in factione populari suspensus est, pedibus sursum uersum erectis, & capite in aquas Pactoli demissio. Oui. in Ibin, More uel intereas capti suspensus Achæi, Qui miser aurifera teste pependit aqua.

Hadingus rex Danorum regressus è bello Suetico, ubi ærarium pecunia spoliisque bellicis furto uiolatum compertit, custodem eius Glumerum suspendio affecit. auctor Saxo gramm.

Dario, in Græcos bellante, Histæus Milesius, ab Harpago Darij tribuno captus, & cruci affixus est. auctor Herod.

Antayctes uir Persa, Sesti præfectus, ab Atheniensibus Xantippo Antiphronis filio duce captus, stipiti suffixus est. auctor Herodotus.

Amara Lauiniæ mater ægreferens filiam Ænæ copulatam, quam cōtra uotum patris Turno nuptram dari uolebat, se ipsam suspendit, & uitam laqueo finiuit. amabat enim Turnum, adeò ut quum existimaret eum mortuum, ad mortem ipsa cucurrerit. Virg. lib. 12. Infelix, &c.

Arachne Lydia puella, lanificii peritissima, ægreferens opus suum a Pallade (quacum certamen susceperat) confectum, laqueo iugulum præfocauit. Ouid. lib. 6. Met.

Non tulit infelix, laqueoq; animosa ligauit

Guttura. pendentem Pallas miserata leuauit:

Atque ita, Vince quidem, pende tamen improba, dixit.



## CRVCE, ET SVSPENDIO

Marsya tibicen ab Apolline uictus, pepedit laqueo. quod innuit Plin. lib. 16. cap. 45. Ibi, inquit, Platanus ostenditur, ex qua pependit Marsya uictus ab Apolline. Arnulphus, septimus Gallorum imperator, Bergamo capta, Ambrosium eius loci principem suspendio enecauit. Sabellicus.

Capronia uirgo Vestalis, stupri comperta, suspendio affecta est. oportebat enim eas in uirginitate persistere, quæ ministerio Vestæ allegabantur.

Helena post mortem Menelai à Megapentho & Nicostro to filiis Orestis fugata, in Rhodum ad Polyzo uxore Tlepolemi, siue Tlepolemi peruenit. cui quum suspecta esset ob uiri zelotypiam, eiusdem mandato arbori suspensa est. auctor Pausanias apud Volater.

Alexander Macedo mortuo Ephestione, quem unice diligebat, medicum eius Glaucum cruci suffixit. auctor Plutar. in Alexandro.

Beatus Andreas & Petrus pro CHRISTI nomine arboribus suffixi sunt; hic sub Nerone; ille sub Ægea proconsule; hic capite deorsum uersum demissio, ille sursum uersum erecto. de utroque Ioannes Fran. Mirandula sic scribit in hymnis: Extenditq; alacer, figendaque brachia latus Porrigit Andreas, uersaq; sub arbore pendet: Et caput in terram simili sub stipite Petrus Præbuit, atque lubens protendit in aera plantas.

Dorotheus & Gorgonius martyres pro Christiana pietate uitam suspendio finiuerunt sub Diocletiano imperatore: mortuorumq; corpora famelicis canibus obiecta sunt, quæ illæsa remanserunt.

Symeon, filius Cleophæ, post Iacobum fratrem domini Hierosolymarum episcopus, sub Traiano imperatoris patibulo spiritum emisit.

Zoe, Nicostrii martyris uxor, in furcam erecta, cum morte uitam inuitauit, partim crucis tormento, partim fumo, quem carnifices ad arboris radicem posuerant, suffocata.

Petrus Aulanus, tempore Diocletiani & Maximiani imperatorum, supplicio crucis uitam finiuit, sub Seuero præfide.

Bomilcar

Bomilcar, Amilcaris filius, Pœnorum dux, ueniens in suspicionem Carthaginienſium, cum Agathocle conſpiraffe, in medio foro patibulatus eſt. Ferunt autem eum, cruci iam affixum, magnis clamoribus, multisque conuiciis, ſubditorum ingratitudinem obiurgaffe, & inter clamores ſpiritum emiſſiſſe. Iuſtinus lib. 2.

Hanno Carthaginienſis (qui Philippi regis Macedonum floruit ætate) quum ob potentiam tyrannum uellet inducere, captus à ciuibus uirgis primùm caſus eſt, deinde effoſſis oculis, fractis que cruribus & manibus cruci affixus, auctor Troguſ.

Val. Beſtius à L. Imbrico affixus eſt cruci, quòd Ruſciũ, ipſius Imbrici filium, ſuæ fidei commiſſum interfeciſſet, ut eius auro potiretur. Ariſtot. apud Plutar.

Polycrates tyrannus Samiorum, & pater Siloſontis, quum tota uita feliciffimus fuiſſet, ad extremum ab Oræte Perſa comprehenſus, & in furcam erectus, docuit cum Solone nihil omni ex parte beatum. auctor Herodotus in Thalia, & Strabo lib. 14. Mantuanus de Fortuna Gonzagæ, Inuenies unum toto qui uixerit æuo, &c.

Sataſpes Perſa, Theaſpis filius, a Xerxe rege cruci affixus eſt, quòd Zopyri, filij Megabyſi, filiam uirginem uitiāſſet, quodq; etiam totam Africam non peragraſſet, quòd ſe feciſſe ad diluendum ſtuprum dixerat: auctor Herodotus.

Idem Xerxes Leonidem, Spartanorum regem ac principem, bellica uirtute clarum, iuſſit abſciſſo capite in cruce tolli. auctor Herodotus.

Simon, puer Tridentinus, ſedente Xyſto quarto pōtifice, die Veneris (quo CHRIS TVS pro nobis cruce immolatus eſt) a Iudæis clam comprehenſus, omnibusq; tormentis prius affectus, demum cruci affixus eſt.

Daphitas Grammaticus, quum reges conuiciis aſpergeret, & probris notaret, comprehenſus in Thoracẽ monte itidem erectus eſt in crucem. unde eſt adagiũ, Cauere Thoracem. Eraſ. in Chil. Strabo lib. 14.

Narſes rex Italiæ Sindualdum Brentorum regem prius uictum, donatumq; uenia, quum iterum rebellāſſet, captũ in trabe ſuspendit: auctor Paulus Diaconus lib. 2. de geſtis

Longobardorum.

Alexander & Epipodius martyres passi sunt apud Lugdunum sub Antonio Vero, & pro CHRISTI nomine, patibulo crucis affixi.

Claudius quoque, Asterius, & Menon, dum Christianam profiterentur religionem, & gentilem in se statueretur haresim, post multa suppliciorum genera, tandem in crucem erecti sunt, eaque morte spiritum domino reddiderunt.

S. Agricola, Vitalis magister, itidem pro fide orthodoxa suffixus est patibulo, temporibus Diocletiani & Maximiani imperatorum. Sabellicus.

Julia uirgo Carthaginensis, dum idola & simulacra deorum contemneret, Christianamque profiteretur religionem, eodem mortis genere animam efflauit.

Nemesius martyr sententia Æmiliani iudicis apud Ægyptum inter latrones patibulatus est.

Nestor episcopus eandem subiit mortem sub Decio imperatore, & Pollione præside.

Ludouicus Hütinus, Philippi Pulchri filius, rex Gallorum, Enguerranum quendam inter Gallos auctoritate & opibus pollentem crucifigi fecit. Volat.

Plerique alij uirâ suspēdio & furcâ clauferūt, ut Lycambes, Biblis, Phyllis, Momyia Michridatis uxor, Calluce, Anaxerete, Auctolia, Bubalus, Silantus T. Manlij filius, Iudas, Erigone. de quibus quoniam iam sumus locuti, nihil hic repetemus.

SITI, ET FAME MORTVI.

**E**rifichon, ut iam diximus, propter neglecta Veneris sacra ad tantam famem adactus est, ut propria membra corroserit. Ouidius lib. 8. Metam.

Sic epulas omnes Erifichonis ora profani

Accipiunt, poscuntque simul. cibus omnis in illo

Causa cibi est, semperque locus fit inanis edendo.

Pausanias ab Agesilao patre inedia consumptus est, quod pecuniam a Xerxe accepisset, ut Spartam proderet. auctor Chrysermus apud Plutarchum.

Sisigambis, Datij Persarum regis mater, inedia extincta est, quum cibo aliquandiu abstinuisset. Curtius lib. 4. de gestis Alexandri ait eam itineris continui labore, animique



ægritudine fatigatam, inter manus filiarum cecidisse. de-  
mum lib. 9. die quinto extinctam, quo mori statuerat, cibo  
& luce, dedita opera, sibi substractis.

Eurysthenes a matre inedia interfectus est, quòd malè in  
bello pugnasset. Ovidius in Ibin,

Oblitctusque famem patiaris limine tecti:

Vt legem pœnæ cui dedit ipsa parens.

Vgolinus, Pisanorum comes, quum a suis expulsus patriâ  
bello oppressisset, tandem captus per prodicionem, unâ cum  
liberis fame absumptus est.

Neocles, Sycioniorum tyrannus, a suis ob crudelitatem  
fame & frigore extinctus est. Ovidius in Ibin,

Aut ut oliuifera quondam Sicyone profecto,

Sic frigus mortis causa, tamesque tuæ.

Aristo Poeta ab Atheniensibus fame extinctus est, quòd  
suis carminibus eorum laudes fuisset infectatus. Ovidius in  
Ibin, Vt ue parum stabili qui carmine læsit Athenas Inuisus  
pereas deficiente cibo. Solent luculenti scriptores his mul-  
tum gloriæ comparare, quos suis dignantur monumentis.  
contra uerò inepti, qui suis modulis se non metiuntur, &  
multa supra vires audent, tantum probri & ignominiae affe-  
runt, quantum illi honoris & famæ. propterea non uerto  
crimini Alexandro, quòd insulsum uersificatorem Chæri-  
lum (quem præconem suorum dedignabatur facinorum) ine-  
dia suffocauerit, dicente eodem Ouidio:

Inclususque necem cauea patiaris, ut ille

Non profecturæ conditor historiæ.

Richardus secundus, Eduardi filius, puer admodum ab  
Anglis fame extinctus est, quòd inutilis regno uideretur.  
O duræ cœuicis populum, cui semper fuit moris secundum  
aut tertium quenque regum crudeliter enecare.

Cleantes philosophus, Zenonis discipulus, dum cibum si-  
bi subtraheret, ut cuidam morbo, quo laborabat, medere-  
tur, nimia inedia se peremit. Laertius.

Pomponius Atticus, Ciceronis amicus, morbo quodam  
in senectute correptus, se ipsum abstinentia cibi itidem suf-  
focauit. Cor. Nepos.

Gabinus presbyter, ciuis Romanus, iussu Diocletiani im-

peratoris in carcerem coniectus est, ibiq; fame extinctus, quòd Christianam profiteretur religionem.

Orator, Fortunatus, Felix, & Silinus, martyres, apud Alexandriam pro CHRISTI nomine fame & inedia interfecti sunt.

Murita martyr ab Elpideforo quodam Arriano in exiliū missus, ibidem fame & frigore extinctus, uitam cum morte mutauit.

Volaterranus ait Thaleta philosophum (dum Gymnicum certamen prospiceret) æstu & siti absumptum fuisse.

Benedictus sextus pontifex a Cincio, ciue Romano in carcerem detrusus, ibidem fame enectus est, uel (ut alij uolūt) strangulatus.

Bonifacius octauus, dum inimicitias cum Philippo Gallorum rege exerceret, rex Sciarram Columniensem in eum misit, qui captum pontificem in carcere fame extinxit.

## C O M B V S T I .

**P**erillus, rogatus a Phalaride tyranno Agrigentino, ut nouum tormenti genus ad plectendos reos comminiceretur, taurum æneum excogitauit, quo inclusi flammis suppositis perirent, & boum mugitus imitarentur. quam poenam primus expertus est. Ouid. in Ibin, Aere Perillæo uerus imitere iuuenços, Ad formam tauri conueniente sono, Idem lib. 5. Tristium, Ipse Perillæo Phalaris permisit in ære Edere mugitus, & bouis ore queri. Plin. cap. 8. lib. 34.

Macedon mulier (a cuius nomine Macedonia dicta est) igne cælesti unā cum marito absumpta est. Ouidius in Ibin,

Vt Macedon icta est rapidis cum coniuge flammis,  
Sic precor ætherei uindictis igne cadas.

Scribit Plinius lib. 7. Nat. hist. Aurolam consularem in rogo uiuum fuisse crematum.

Fama est Cæsum Bassum poetam lyricum in suis prædiis ardente Vesæuo, lateque uagantibus flammis cum uilla sua conflasse.

Eustachius Traiani aulicus, dum ceruum in uenatione sequaretur, uiso inter eius cornua crucis simulacro, auditaque hac uoce, Cur me persequeris, statim conuersus est unā cum Theophita uxore. quod ubi postea rescit Traianus,

ambos in tauro æneo comburi iussit. Volaterranus.

Plinius secundus, quum nihil in maiore negotio haberet, quàm rerum naturalium causas scrutari, periit in Vescui montis incendio, dum rationem uellet inquirere.

Polycarpus, Ioannis discipulus & Smyrnæ præsul, pro Christiana pietate palam, & spectante populo in amphiteatro combustus est. Volater.

Valens imperator, frater Valentiniani, prælio superatus a Gothis, in tugurio (quò spe salutis confugerat) ab eisdem crematus est. Sex. Aurelius.

Alexander Milesius, Polyhistor cognominatus, libertus Cor. Lentuli grammaticus, apud Laurentes ex incendio crematus est Syllæ temporibus. auctor Suidas apud Volaterr.

Alcibiades, Clyciæ filius, dum in Phrygia ab Atheniensibus exularet, percussorum (qui immitti fuerant) decreto uiuus in cubiculo crematus est. Ouid. in Ibin,

Clyciadæque modo circumdatus ignibus atris,

Membra feras Stygiæ semicremata neci. Iust. lib. 8.

Innocentius tertius iussit Almericum hæreticum (qui dicebat Ideas in mente diuina creare, & creari) apud Lutetiam comburi. Volat.

Clotarius rex Gallorum cum Conabro Britonum duce bellum gessit, uictumque interfecit, & Crominum, eius filium nothum, unà cum uxore ac liberis cremauit.

Medea ægreferens se ab Iasone relictam, sibi que Creusam seu Glaucam Creontis filiam superinductam fuisse, nouæ nuptæ dona quædam misit nuptialia, quæ eidem & toti domui incendium attulerunt. Propertius libro 2. Aspice quid donis Eriphyla inuenit amaris, Arserit & quantis nupta Creusa malis. Nigridius tamen apud Maserium ait, Corinthi fontem esse Glaucem nomine, in quem se illa præcipitauit, quum aduersus Medæ ueneficia ignesque id sibi speraret profuturum.

Saxo lib. 7. historiarum Danicarum ait Frothonem regem incendio consumptum fuisse, & in antro, quò confugerat, flamma & fumo fuisse suffocatum.

Phalaris tyrannus Agrigentinus, dum ciues suos multis torqueret suppliciis, a populo unà cum liberis & coniuge



## P R Æ C I P I T A T I.

crematus est, & in eodem tauro, quo reos puniebat, legem talionis suffocatus. Ouid. in Ibin,

Vtque ferox Phalaris lingua prius ense resecta, &c.

Nicias fuit inter uenatores quispiam uenandi ardore concitior, dum feras immixtis canibus ardentius insectaretur, in carbonariam præceps decidit fornacem. auctor Cælius cap. 59. lib. 12.

Plutarchus scribit Pythagoram philosophum uiuum fuisse a Cylonijs exustum. Laertius ait hoc factum fuisse in Nicoclis Crotoniatæ domo a quodam, quæ in disciplinam admittere nolisset.

Nigrinum quendam Ammianus Marcellinus fuisse scribit, qui propter excitatum bellum uiuus sit exustus.

Laurentius & Tiburtius martyres pro CHRISTI nomine incendium uolentes pertulerunt. Io. Fran. Mirandula lib. 2. Hymn. Iucunda incendia Laurens Suscipit, Empyrea multum irroratus ab unda, Atque per ardentes prunas illæsus abibat, Maiores in corde ferens Tiburtius ignes.

Emerita, Lucij Anglorum regis soror, pro Christiana itidem pietate flammis extincta, spiritum domino reddidit.

Fuerunt & alij permulti, qui incendio finiuerunt uitam, ut Empedocles, Dido, Euadne, Hercules, Sardanapalus, Catulus, Luctatius, Asdrubal, Porcia, Dædalion, Brotheus: quorum mortem reperies in eorum historia, qui se occiderunt.

Martyrum quoque plurimi hoc mortis genere uitam reliquerunt, &c.

## P R Æ C I P I T A T I.

**T**ROIA diruta, Troianisque profligatis, ne quid superesset reliquiarum, quod in posterum urbis & populi ruinam ulcisceretur; Vlysses Astyanactem, Hectoris filium, in præceps dedit mira quidem immanitate. Ouid. lib. 13. Met. & in Ibin, & Seneca in Troade.

M. Manlius (qui Gallos in obsidione Capitolijs obrepentes per ardua depulerat) conuictus de regno occupando consilium inisse damnatus, ex saxo Tarpeio præceps datus est. auctor apud Gellium M. Varro. Cor. Nepos scriptum reli-

quit, eum uerberando fuisse necatum.

Thessalus, (a quo Thessalia nomen sumpsit) Hæmonis filius; ab Eūryalo quodam aduena ex Ossa monte præcipitatus est. Ouidius in Ibin, Vtq; dedit saltus è summo Thessalus Ossa, &c.

Sabinis Romam obsidentibus, quum Tarpeia uirgo Capitolium prodidisset, armillarum & anulorum (quos illi gerebant) pactione, ubi in arcem introducti sunt, obsequii immemores puellam præcipitauerunt. Plutarchus & Liuius testes.

Lycas ab Hercule præcipitatus est, quòd ei tunicam, cruore Nessi tinctam, & ueneno imbutam, attulisset. Sabellicus, Ouidius in Ibin.

Lycurgus, Thracum rex, teste Lactantio, a suis in mare præcipitatus est, quòd primus mero aquam miscuisset.

Æsopus, fabulator Phrygius, quum uenisset Delphos, ibidem furci ab æmulis falso accusatus (phialam enim argenteam inter eius sarcinulas clam posuerant) de rupe insons præcipitatus est. Plut. de sera numinis uindicta.

Nauplius Palamedis pater, quum intellexisset Diomedem & Vlysem naufragio liberatos (quibus tamen hoc malum per insidias machinabatur) se ipsum præcipitauit. Seneca, Igne fallaci moriturus Argis Nauplios præceps cadit in profundum.

## SCALARVM RVINA MORTVI.

**E**lpenor, socius Vlyssis, ebrius apud Circen factus, scalarum casu periit. Martialis lib. 11. Pænè imitatus obit sæuis Elpenora fati, Præceps per longos dum ruit usque gradus. Ouidius lib. 3. de Tristibus & in Ibin.

Martialis ait Philostratum, quum in balneis Sinuessanis esset, nimio hauustu uini in ebrietatem lapsus scalarum casu, non tunc primum, sed paulò post extinctum.

Plinius lib. 7. ait Asclepiadem, medicum Prusiensem, suprema in senecta scalarum lapsu fuisse exanimatum. Sic qui ægrotis mederi consueuerat, qui è funere retulerat mortuum, faci insidias uitare non potuit.

**A**mphiaras uates dum apud Thebas præliaretur, terræ hiatu cum curru, cui insidebat, absorptus est. Propertius lib. 2. Non Amphiaræ prosunt tibi fata quadrigæ. Idem lib. 3. Tu quoque ut auratos gereres Eriphyla laceratos, Delapsus nusquam est Amphiaras equis. Ouidius lib. 3. de Ponto quoque meminit. Plutar. in Paral.

Quum ingens uorago Romæ paulatim excreseceret, & terram absumeret, responsum est ab oraculo, hiatum non posse definere, nisi quis intrò se demitteret. quo audito Curtius equo insidens illuc defiliit. Liuius lib. 17. Propertius lib. 3. Ouid. in Ibin.

Idem fecit Anchurus, Midæ regis filius, ut iam diximus in eorum historia, qui se occiderunt.

Paullo Æmilio in Pyrrhum Epirotarum regem rebellante, quum ab oraculo responsum fuisset Romanos fore uictores, si quis eorum in uoraginem se demitteret, Val. Torquatus sponte se obtulit. auctor Critolaus apud Plutarchum.

Chore, Darhan, & Abyron quum insurrexissent in Moysen & Aaronem, excitassentq; populum ad auferendū huic sacerdotium, illi principatum, protinus (ut scribitur Numeri cap. 16.) dirupta est terra sub pedibus eorum, & aperiens os suum deuorauit illos cum tabernaculis suis, & uniuersa substantia eorum, descenderuntq; uiui in infernum, operti humo, & perierunt de medio multitudinis.

## V E N E N O E X T I N C T I.

**C**onuenit Cæsarem Claudium imperatorem ueneno ab Agrippina uxore occisum. ubi autem, & per quem dato, discrepat. alij ab Haloto spadone præministratum, alij domestico per ipsam Agrippinam conuiuio, quæ boletum medicatum eidem talium ciborum auido obtulerat. quod confirmare uidetur Martialis lib. 1. Epig. dicens: Boletum qualem Claudius edit, edas. Et Ausonius, Claudius ambiguo conclusit fata ueneno. Item Plinius de Boletis loquens. Item Cor. Tacitus lib. 12.

Lotharius rex Gallorum, Ludouici quarti filius, decessit ex ueneno, ab uxore adultera, ut fertur, præministrato. eius quoque filius Ludouicus V. Blanchæ coniugis opera



eodem fato periit . Volater.

Mahomethes ex Arabia ortus uastata Syria, expugnataq; Damasco, eius regionis capite, quum Scænitas & Arabas suæ adiecisset ditioni, anno uitæ x l. ueneno a domesticis dato, periit. Bapt. Egnatius.

Constantinus imperator, Heraclij filius, quum annum unicum rebus præfuisset, Martinæ nouercæ dolo & insidiis uenenum hausit, quo suffocatus est.

Ioannes Zimisces imperator, post Nicephorum Phocam Constantinopolim profectus, ibidem post annum imperij sextum, & sex menses potionatus decessit.

Carolus Caluus imperator & Gallorum rex, ueneno a Se dechia medico Iudaici sanguinis dato interiit, quum Mantuæ in ualitudinem incidisset.

Henricus ex Lucelburgo imperator post Albertum a Cle mente pontifice designatus, dum superata Etruria, Florentinis salutem iam desperantibus immineret, ueneno in Eucharistia & pretioso CHRISTI sanguine dato periit, anno imperii quinto. illud autem uenenum datum est opera Roberti Siciliæ regis. Egnatius.

Iulius Pollio tribunus, & uenefica, nomine Locusta, Bruttianico iussu Neronis fratris uenenum dederunt bibendum. quod ita cunctos eius artus peruasit, ut pariter & spiritus eius raperetur. auctor Cor. Tacitus lib. 13.

Ferunt Diocletianum, è Dalmacia oriundum, post annum xx. imperij sui ueneno extinctum. cuius autem opera, non constat. Volat.

Ludouicus Balbus dum biennio cum Carolo Crasso fratre suo imperasset, ueneno sublatus est, relictis Carolo Simplicis, & Carolo Magno liberis.

Socrates ab Atheniensibus iniusta de causâ morti deuotus tritum in calice uenenum hausit. cuius uis dum in præcordia & uenas serperet, iacuit resupinus. Cicero lib. i. de Orat. in quæst. Tusc. Ouid. in Ibin.

Marullus in Epigrammatis scribit Biliotum astrologum aspersis ueneno boletis instar Claudij periisse, ubi ait:

Dum cauet astrologus perituris sidera nautis,

Dum sibi boletis non cauet, ipse perit.

Lucullum, imperatorem clarissimum, amatorio poculo periisse testis est Plinius lib. 23 cap. 3.

Hannibal, Amilcaris filius, post multas clades Romanis illatas tandem uictus, quum de Prusiae regis Bithyniae (ad quem confugerat) fide dubitaret, uenenum hausit, quod in anulo gerebat.

Aratus dux Sicyonius, quum multos tyrannos sua uirtute sustulisset, Philippo iuniori Macedoniae regi coepit esse formidolosus. propterea ueneno lento ac sensim dato ab eo positionatus est. Plutar.

Theramenès, Atheniensis philosophus, iussu triginta Tyrannorum instar Socratis in carcerem detrusus, ibidem uenenum hausit. quo hausto, Propinquo, inquit, Critiae: quoniam is erat, cuius insidiis moriebatur. Valerius de Fortit.

Alexander Macedo ab Iola praegustatore, Antipatri ad regnum aspirantis filio, ueneno potus est. uis autem ueneni, quod in Macedonia gignitur, tanta est, ut ferrum quoque exurat. Curtius testis est, uenenum illud per Cassandram allatum fuisse, traditumque fratri Iolae. conuenit inter scriptores Aristotelis infamia & maxima nora excogitatū. Qui, in Ibin, Nec tibi fida magis misceri pocula possint, Quam qui cornigero de Ioue natus erat.

Ladislaus, rex Apuliae, dum Florentinos bello aggredi, suaeque ditioni submittere constituisset, eorum opera & insidiis ueneno suffocatus est.

L. Vestius, a Caesare subornatus, & praemiis inductus, ut se de inferenda Pompeio nece, a Bibulo, Curione, Catone, Lucullo, & Cicerone (quos oderat) sollicitatum profiteretur: quum unum atque alterum, non sine fraudis suspitione nominasset, desperato consilii euentu, ab ipso Caesare interceptus ueneno creditur. auctor Suetonius, & Appianus lib. 2. bell. Ciuiliū.

Rosimunda, Cunimundi Gepidarum regis filia, interfecto primo marito Alboino rege Longobardorum, secundum quoque Helmigem nomine, Rauennae principem, ueneno praesentaneo perdere conata est. cuius partem quum hausisset, ubi sensit contagium per uenas serpere, euaginato gladio, eam coegit reliquam poculi partem bibere. quo facto

ambo suffocati sunt. Paulus diaconus.

Antharis, Longobardorum rex, Theolindæ maritus, quū sex regnasset annos, insidiis domesticorum apud Titium extinctus est uenenato poculo, nonis Septembris. auctor Paulus Diaconus lib. 4. de Gestis Longobardorum.

Cossinus, eques Romanus amicitia Neronis notus, quum lichene laboraret, uocatus Ægypto medicus, ut eius morbo medetur, quum cantharidum potum præparasset, interemit. Plin. lib. 29. cap. 4.

Scribit Eratosthenes apud Cælium, Demosthenē, uel, ut alij, Democritum præsidio ultimorū casuū cōsueſſe uenenuū gestare inclusum, quod etiam intrepidè hauserit, ne qd indignum sua uirtute a Macedonibus pateretur. nam quum in Antipatri (qui Alexandro successit) odium uenisset, sanxerat Demades, ut capite plecteretur. Plut. & Plin. lib. 33.

Philopœmen, seu Philopœmenes, magnus Græciæ imperator, quum apud Messenios in domicilium subterraneum neque auras, neque lucem exterius excipiens, fuisset impactus, hausto ibidem ueneno periit. uenenum autem porrexit Dinocrates Messeniorum dux, parta de illo uictoria. Plutar. in eius uita.

Seneca a Nerone præceptore coactus, ut quod uellet genus mortis eligeret, uenas medico præbuit: ueneno demum in balneo hausto, periit. Suetonius.

Victor tertius Pont. Max. quum unicum annum sedisset, mortuus est non sine maxima suspitione dati ab Henrico ueneni in calice, dum sacrificaret. Volater.

L. Tubulus sacrilegus ab exilio (quò propter multa flagitia missus fuerat) reuocatus, ne in carcere necaretur, uenenum hausit. auctor Asconius Pedianus.

Guillermus, dux Veronensium, nocte quadam cum Florentinis Veronam ingressus, a Carrariensibus captus, & ueneno sublatuſ est. Volater.

Anaxagoras philosophus, quum annis L x x i i. uiuisset, ab Atheniensibus in carcerem coniectus, quòd Solem (quē illi reuerabantur) ignitum lapidem uocasset, ibidem epoto ueneno interiit. Hermippus apud Diogenem. Plutar. in uita Periclis aliter sentit.



Aristobolus, rex Iudææ, captus a Gabinio, & Romam ductus, in carcere porrectum hausit uenenum.

Conradus imper. Frederici filius, periit ueneno, quod medici a Manfredi (qui imperio successit) pecunia corrupti dederunt.

Constans fama est, atque etiam Volaterranus scribit, Carolum VIII. Gallorum regem ueneno suffocatum. quod a ueritate non abhorret, quum in Sphæristerio præter spem, ac nihil sibi timens, exanimatus propè concidisse, ac paulò post expirasse dicatur.

Laodice, regina Syriæ, Antiochum, Deum cognomento, maritum suum ueneno extinxit, ob superindictam sibi Ptolemæi sororem Berenicem.

Themistocles, quum annum ætatis quintum & sexagesimum absoluisset, spectantibus amicis epoto sanguine taurino uitam finiuit. auctor Plutar. in eius uita. quod eum fecisse dicunt, ne in patriam (qua tamen pulsus fuerat) pugnare ab Artaxerxe cogeretur.

De Cleopatra, Lucretio, Baudicea Britannorum regina, & quibusdam aliis, ueneno itidem præfocatis, iam sumus locuti.

#### MORTE SVBITA MORTVI.

**P**linius lib. 7. cap. 53. Nullis euidentibus causis obiere, dum calciantur matutino, duo Cæsares, prætor & prætura perfunctus dictatoris Cæsaris pater: hic Pisis exanimatus, ille Romæ.

**Q.** Fabius Maximus in consulatu suo pridie Kal. Ianua. in cuius locum M. Orelus paucissimarum horarum consulatum petiit.

Item Volcarius Gurgis senator. omnes adeò sani, atque tempestiui, ut de progrediendo cogitarent.

**Q.** Æmilius Lepidus, iam egrediens, incusso pollice limini cubiculi.

C. Aufidius, quum egressus in senatum iret, offenso pede in comicio.

Legatus quoque (qui Rhodiorum causam in senatu magna cum admiratione orauerat) in limine curiæ protinus expirauit progredi uolens.

Cn. Bebius Pamphilus , prætura & ipse functus , quum a puero quæsisset horas .

A. Pompeius in Capitolio , quum deos salutasset .

M. Iuuenius Thalna consul , quum sacrificaret .

Serulius Pansa , quum staret in foro ad tabernam hora diei secunda , in P. Pansam fratrem innixus .

Bebius Iudex , dum uadimonium differri iubet .

M. Terentius Corax , dum tabellas in foro scribit .

C. Iulius medicus , dum inungit , specillum per oculum trahens .

A. Manlius Torquatus consularis , quum in cæna placentam appeteret .

L. Durius medicus Valla , dum mulsi potionem haurit .

Ap. Saufeius scriba , quum a balneo reuersus , mulsum bibisset , ouumque sorberet .

P. Quinctius Scapula , quum apud Aquilium Gallum cenaret .

Decimus Saufeius scriba quum domi suæ pranderet .

M. Ofilius Hilarus histrio , sumpta post cenam calida portione . Hactenus ex Plinio .

Caninius quoque primo die sui consulatus interiit . unde exiit Ciceronis iocus , Vigilantem habuimus Caninium cõsulem , qui somnum in suo consulatu non uidit . Macrobius , & Cic. lib. 7. epist. famil.

Fuit & Cn. Carbonis mors multum insperata , qui dum ventrem exoneraret in latrina , occisus est . Plutarchus in uita Pompeij .

Sertorium inter epulas incautum iugulauit Perpenna , idem Plutar.

Mithridates quoque senior , rex Ponti , morte repentina interceptus est .

Gandericus , rex Vandalorum , dum capta Hispali , Bæticiæ urbe , templum uellet prophanare , mortuus repente cõcidit . Volater.

Alaricus imperator apud Consentiam morte subita defunctus est . Paulus Diaconus .

Alphonfus septimus , rex Hispaniæ , in itinere sub arbore quadam repente excessit .

## GAUDIO, ET RISU

Andebuntus, rex Anglorum, in cœna nimio uini haustu cecidit extinctus.

Ægeas proconsul, post affectum martyrio Andream, a malo spiritu correptus, momento expirauit.

Nicanorem, Parmenionis filium, subita correptū morte, scribit Curtius lib. 5. de gestis Alexandri.

Periit & subita morte Andragoras, auctore Martiale, qui lib. 6. sic inquit: Lotus, nobiscum est hilaris, cœnauit & idē, Inuentus mane est mortuus Andragoras.

Argia sacerdos, a Cleobi, & Bithone filiis ad Dianæ templum in curru uesta, quum deam orasset, ut illis præmium daret pro pietate, & quod homini uideretur optimū, mortuos in lecto mane reperit. quod fuit argumento, matura morte nihil esse melius. auctor Cic. lib. 1. quæst. Tuscul. & Plut. in Solone.

Trophonius quoque, & Agamedes dum, ædificato apud Delphos Apollini templo, deum mercedem laboris postulassent, quodque homini esset utilissimum, paulo post itidem mortui inuenti sunt. Idem Cic.

Ioannes Guilmerius Corbinicus, (Corbinum oppidum est in finibus Eduorum) uir potens opibus, augusta maiestate, & Catoniana propè grauitate, dum in templo ad sacrificium & orationem se reclinaret, incerta causa & inexplorato mortis argumento, repente expirauit, iam plenus annis.

Petrus Calceonius, unus eorum, qui Ioannam puellam gallicam Anglorum expultricem flammis deuouerunt, dum radendam tonsori barbam committeret, in ipsa constrictura repente decessit. Valerandus Varanius, Sic & Calceonus (qui censuit esse cremandam) Pendula dum tonsor, secat excrementa capilli, Expirans cadit, & gelida tellure cadauer Decubat. ultrices sic pendent crimina poenias.

## GAUDIO, ET RISU MORTUI.

**I**mmodica periit lætitia Lacedæmonius Chilo, quum filium in complexibus teneret Olympiæ coronatum.

Sophocles, & Dionysius Siciliæ tyrannus, uterque accepto Tragicæ uictoriæ nuntio. Plinius cap. 37. lib. 7.

Lucianus & Sotades apud Crinitum, contra Plinij senten-



tiam, dicunt Sophoclem acino uux̄ periſſe. Val. Max. tamē & Volater. fouent partes Plinij. quorum uexillum ſequitur Politianus in Nutricia ſcribens: Quenq̄, ſenem meritæ rapuerunt gaudia palmæ. niſi fortasſe de Philippide intelligi malis.

Mulier Romana, filio poſt cladem Cannarum incolumi uiſo poſt falſum nuntium.

Philippides Comædiographus, quum in certamine poetarum præter ſpem uiciſſet, ac propterea lætiſſimè gaude-ret, inter illud gaudium repen-tè mortuus eſt. Gellius.

Philition Nicæus, poeta Comicus, (qui Socratis ætate flo-ruit) nimio quoque riſu mortuus eſt. Politianus in Nutricia, Implicitusq̄; Sophron, riſuq̄; Philition tandem Perditus.

Diagoras Rhodius, quum tres filios athletas eodem die uincere, & uictores coronari uidiſſet, populusq̄e gratula-bundus flores undique in eum iacerent, in ſtadio ſpectante populo in oculis & manibus filiorum animam efflauit præ lætitia. auctores Cicero lib.1. quæſt. Tuſc. & Gell. lib.3. noct. Attic. quibus in hac re idem eſt conſenſus, præter-quam quòd Cicero duos tantum filios Diagoræ coronatos, tres Gellius dicit.

Philæmon poeta, uidens aſinum ficus menſæ paratas co-medentem, tanto diffluxit gaudio, ut eo expirauerit. auctor Val. Maximus.

Ariſtoreles apud Gal. eſt auctor, Polycratam nobilem fœminam è Naxo inſula cognito repen-tè inſperato gaudio animam expiraſſe. Plut. de Claris mulier.

M. Iuuentius Thalna, conſul, dum ſacra diis exhiberet in Corſica, (quam ſuis auſpiciis ſubegerat) acceptis litteris, decretas ei a ſenatu ſupplicationes nuntiantibus, dum in-tento illas animo legeret, ante focum præ gaudio collapſus, mortuus humi iacuit. auctor Valerius Maximus, de morte non uulg.

## IN VENEREO ACTV MORTVI.

**C**Or. Gallus, & Q. Heterius eques Romanus in Ve-nere obiere. auctor Plin. lib.7. Quorſum autem (in-quit Valerius) attinet eorum cauillari fata, quos non

libido sua , sed fragilitatis humanæ ratio abstulit.

Arcibiades Atheniensis cum Timandra meretrice a Ly-  
sandro interfectus est , in actu uenereo , ut credibile est : in  
certum tamen . Plut. & Val.

Phaon , quum esset hominum pulcherrimus , a Mityle-  
næorum mulieribus ardentè appetebatur . unde factum , ut  
in adulterio deprehensus iugularetur . auctor Cælius.

Tertullianus in Apologetico contra gentiles ait , Speu-  
sippum philosophū de Platonis schola in adulterio periisse.

Cor. Tacitus ait , Tigillinum , præfectum uigilum & præ-  
torij inter stupra concubinarum & oscula , sectis nouacula  
faucibus , inhonestam clausisse uitam.

Iouianus Pontanus in opusculo de Obedientia , ait Bel-  
trandum cognomine Ferrerium , Barcellone (quæ urbs est  
Hispaniæ) in Venere expirasse .

Rodoaldus , Longobardorum rex , in libidine deprehen-  
sus , cum matrona interfectus est , Paulus Diac.

Ioannes xii. pontifex in adulterio comprehensus , itidē  
interfectus est . cuius mors eò turpior est , quò sanctiorem  
eum esse oportet , qui dignitate ceteros antecellit . Platina ,

## C I B O , E T P O T V N I M I O M O R T V I .

**A**rchefilaus Prytaneus immodico haustu uini periit , an-  
no suæ ætatis l x x v. Hermip. apud Diogenem.

Eusebius scribit , Domicium Afrum , cibi superfluitate re-  
dundantem , in cœna periisse.

Septimius Severus imperator dum membrorum omniū ,  
maximè pedum , dolorem pati nequireret , loco ueneni , ci-  
bum plurimæ carnis incoctæ auidus deuorauit : quem dum  
coquere non posset , cruditatem passus , expirauit . auctor  
Sextus Aurelius.

Valentinianus imperator , Quadorū legationi respōdens ,  
uoce inperus sanguinis amissa , sensu integer expirauit .  
quod ex intemperantia cibi , ac saturitate , qua artus diffu-  
derat , accidisse multi detulere . idē auctor Sextus Aurelius.

Ferunt & Iouinianū imperatorem ciborum in stomacho  
incoctorum cruditate periisse . testis Bapt. Egnatius.

Iam diximus Anglorum regem Andebuntum in cœna quā  
doque

LAPIDIB. OBRV. AVT MVR. RVI. 41  
doque tantū vini sumpsisse, ut eo suffocatus repētē excesserit.  
Gregorius Turonensis ait, Childericum Saxonem, quum  
aliquando ad ambas usque aures cibo se ingurgitasset, eo suf-  
focatum fuisse, & repertum in lecto mortuum.

Anacreon Teius poeta dum aliquando liberius Baccho  
indulgeret, acino uux passæ strangulatus est. Politicianus in  
Nutricia, Tandem acino passæ cadis interceptus ab uux.  
Val. Maximus.

## LAPIDIBVS OBRVTI, AVT

MVRORVM RVINA.

**C**ebrion, Priami filius, a Patroclo in bello Troiano saxo  
obrutus est. auctor Homerus,

Cycnus Neptuni filius, quum a patre habuisset, ut fer ro  
inuulnerabilis esset, ab Achille apud Troiam lapide extin-  
ctus est.

Atheniensibus in Eumolpum bellantibus, dum immine-  
ret fames, Pyrande quæstor a populo saxis obrutus est,  
quod triticum parcè suppeditaret. auctor Callisthenes apud  
Plutarchum.

Romanis in Gallos bellum gerentibus, dum annonæ ca-  
ritas iuualesceret, Cinna tritici largitionem surripiens, re-  
gnum affectasse creditus est, ac propterea saxis obrutus. Ari-  
stides apud Plut. testis.

Mardonius Persa (quem Xerxes apud Salaminem uictus  
cum exercitu reliquit, ut belli reliquias confoueret) ab Ari-  
mnesto Spartiata saxo obrutus est. quo fato præmonuerat  
eum periturum Amphiaræus. auctor Plut. in Aristide.

Neocles & Demopolis, Themistoclis filij, quum Athe-  
niensium memoriam refricuissent super legibus, quæ aduer-  
sus exules fuerant sancitæ, a paternis inimicis lapidibus ob-  
ruti sunt. Cæl. cap. 12. lib. 8.

Chrysantus Alexandrinus unā cum Daria uxore sub Nu-  
meriano imperatore pro catholica pietate saxis obrutus est.  
Volaterr.

Eusebius Sardus, præsul Vercellensis, a Constantino prin-  
cipe factus, ab Arrianis lapidibus oppressus est,

Paulina uirgo Romana, Artemij præfecti filia, saxis ob-  
ruta est sub Diocletiano, cum Candida matre, idque pro



CHRISTINOMINE. Volaterr.

Polydamas Herculanī roboris athleta, dum sub saxo ruīnam minante cum aliquot conuiuis cōnaret, omnesq; sibi timentes diffugerent, solus uirium confidentia remanlit; fore sperans, ut cadentem molem manibus sustineret: qua tamen oppressus est. auctor Pausanias apud Volaterranum, & Val. Maximus.

M. Postumus Regiliensis, in Equos Italiæ populos bel- lum mouens, dum militibus urbis prædam spopondisset, ac postea urbe capta eosdem elusisset, certatim ab omnibus sa- xis obrutus est. auctor Liuius.

Macrobius auctor est Vatinium in ludis gladiatoris fuisse lapidatum a populo.

Scribit Herodotus, Coem unum ex Alexandri ducibus à Mitylenæis comprehensum, & lapidibus interemptum.

Lycidas senator Atheniensis a suis interfectus est, quod pecuniam a Mardonio Persa, Athenarum inimico, accepisse crederetur. auctor Herodotus lib.9.

S. Stephanus, martyrum primus, pro CHRISTI NOMINE lapidibus oppressus est. Io. Fr. Mirand. Et lapides Stephanus dulces, torrentis amari Mancipiis scelerum.

Elphegus Cantuariensis archiepiscopus, pro Christiana pietate eandem subit mortem.

Vitalis quoque Mediolanensis, Onesimus, Metranus, Mammes, Magnus & Cyriacus martyres eodem oppressi sunt tormento.

Pyrrhus Epirota dum aduersus Antigonom Argos obside- ret, tegula, uel (ut mauult Trogus) saxo a uetula iacto inter- sectus est. Quid. in Ibin,

Aut ut Achillidem cognato nomine clarum,

Opprimat hostili tegula iacta manu,  
auctor Plutarchus in eius uita.

Henricus, Alphonsi octauī regis Castellæ filius, dum una cum pueris lusitaret, tegulæ casu periit apud Palantiam ur- bem. Ioannes xxi. pontifex, ruina cameræ (quam ædifi- cabant) oppressus est.

Clemente v. pont. Lugduni solenne sacrificium celebra- te, tantus agminatim confluit populus, ut Ioannes Britan-

nix dux cum multis alijs muri ruina occubuerit.

Athenæus philosophus, quum Romam uenisset, ruina domus, quam habitabat, oppressus est. Strabo lib. 14.

Sylvius & Falconius famuli Quinctiani Siciliae præfecti eadem morte perierunt.

Alidice, Alebæ Larissæi filia, unâ cum uiro Lycoride ruina domus extincta est. Ouid. in Ibin,

Lapsuramque domum subeas ut sanguis Alebæ,

Stella Lycoridæ cui fuit æqua uiro.

Tranquillus ait, Fidenis theatri ruina duo & uiginti hominum millia periisse.

IVGVLATI, ET STRANGVLATI.

**S**ergius Galba, quum Pisonem in conflata inuidiæ remedium adoptasset, in medio foro ab Othone iugulatus est.

Gandulphus martyr, suâ uxoris adulteræ, (cum qua diuortium fuerat) noctu ab adultero iugulatus est.

Commodus post tertiumdecimum imperii annum strangulatus est, Læto auctore, & Martia concubina. Sextus Aurelius ait Martiam prius tentasse, ut eum ueneno perderet.

Lucilla, Nemesii tribuni filia, Romæ in uia Appia sub persecutione Valeriani iugulata est.

Cethegus, Statilius, Gabinius, Cæparius, & Lentulus Catilinarij, in carcere iussu senatus strangulati sunt, Sallustius.

Galsonda Athanagildi Gothorum regis filia a Chilperico marito noctu iugulata est, suâ Fredegundæ pellicis. Volaterranus.

Antistius, auctore Plut. in senatu iugulatus est, quod ob Pompeium Syllanam sequi factionem uideretur.

Dinarchus Corinthius iussu Polypercontis iugulatus est, Plutarchus auctor.

Darius Caudemum Atheniensem, (quem de apparatu sui exercitus percontatus fuerat) recta monentem, iugulari fecit. Curtius lib. 3. de gestis Alexandri.

P. Cor. Lentulus prætor urbis, comprehensus in coniuratione Catilinæ, iussu Ciceronis iugulatus est in carcere. Sallustius,

# SAGITTIS CONFOSSE.

Amalasuntha Gothorum regina, Atalarici mater, a Theodato (quem mortuo filio regni socium ascuerat) in balneo iugulata est. Paulus Diaconus.

Gerontius Comes a militibus suis iugulatus est, quod Constantē Constantini filium fecisset perimi. Idem auctor.

Apries, ab Amasi superatus, datus est Ægyptijs iugulandus. Herodotus.

Albanus martyr a latronibus hoc mortis genere suffocatus est.

## SAGITTIS CONFOSSE.

**A**Chillem poetæ fabulantur nullibi membrorum præterquam in talo fuisse uulnerabilem, quod eam partem mater Thetis non abluisset Stygiis undis, ut ceteras. huc ergo iaculatus Paris, euerforem Troiæ peremit. Virg. lib. 6. Æneid. & Ouid. lib. 12. Metam.

Lycophron poeta Iambographus a quodam æmulo traiectus est. Ouid. in Ibin, Utque cothurnatum periisse Lycophrona narrant, Hæreat in fibris fixa sagitta tuis. Volat.

Acron rex Ceninensium, Romulo uictus, & sagitta confossus est. Vide Tortellium.

Anacharxis Scythæ, a Sauleo rege eodem modo extinctus est, quod alienæ gentis sacrificia imitaretur. auctor Herodotus. sunt tamen qui a fratre interfectum uelint.

Hyrene uirgo a Sisinnio pro CHRIST I nomine hanc oppetiit mortem.

Christina uirgo sub Iuliano hoc modo passa est.

Beatus quoque Sebastianus, ciuis Mediolanensis, sub imperatore Diocletiano.

De Procride, sagitta a Cephalo confossa, iam sumus locuti in Patricidis.

## PEDICULARI MORBO

### MORTUI.

**H**onorificus Vandalorum rex, quum octo annis Christianam religionem insectatus fuisset, morbo pediculari miserè periit. Volat.

Arnulphus imperator post Carolū Crassum, quum ad rapinas & templorum spoliaciones animum conuertisset, iusta numinum ira, paulò post pediculari morbo interiit.



Bapt. Egnatius.

Speusippum Eurymedontis filium, Atheniensem philosophum, sunt qui dicant mortem sibi intulisse. Plutarchus tamen efferuescentibus toto corpore pediculis interiisse.

Plinius lib. 7. Nat. hist. scribit Syllam erodente se ipso corpore, & supplicia sibi gignente interfectum. Plutarchus scribit, contractam carnis corruptionem in pediculos fuisse cōuersam: adeò, ut tunicæ omnes, thermæ, lauacrâ, dapes illius exundantis sordis implerentur, tanta uis epullulabat. quo circa per singulos dies ingrediebatur aquam, sed nulla erat utilitas. celeriter enim inualefcebat permutatio, & pædoris magnitudo omnia purgamenta superabat.

Pherecydes quoq; rerum diuinarum scriptor, eodem periiit morbo. Pherecydes Syrum, inquit Plin. copia serpentum ex corpore eius erumpente expirauit. de hoc extat Q. Sereni carmen: Sed quis non pauceat Pherecydis fata Tragædi? Qui nimio sudore fluens animalia terra Eduxit, turpi miserum quæ morte tulerunt.

Alcman unus ex clarissimis Græciæ poetis hac etiam fœditate periit: auctoribus Plinio lib. 11. & Plutarcho in Sylla, scribente, Ex posterioribus autem, Alcmanem (qui mirificus componendis cantilenis artifex fuit) hoc morbo periiisse ferunt. Politianus in Nutricia.

Ferunt ex antiquissimis Acastum Pelix filium hoc morbi genere (quæ phthiriasim appellant) interiisse. Plutarchus.

Callisthenes quoque Olynthius, dum carceris custodia teneretur; præterea & Mumius iurisconsultus eadem tæpassim membrorum corrosi sunt. Idem auctor in Sylla.

Traditum est (inquit idem Plutarch.) eum, qui in Cilicia belli seruilis auctor fuit, Eunum nomine, captum, Româq; perductum, ex phthiriasi mortem obiisse.

Platonem, philosophorum haud dubiè principem, sunt qui dicant in celebrandis amici nuptiis, quum quietus decumberet, animam de repenti exalasse. nonnulli in morbum incidisse, quem a corruptione pediculorum phthiriasim uocant. inquit idem auctor.

Maximianus imperator, ulcere inguinibus innato, quum decesset remedia, nec medici ob hominis immanitatem op

ferre auderunt, uermibus undique erumpentibus obije.

Herodes rex Iudææ, post trucidatos innocentes, quum in Apostolos Domini sæuiret, ad extremum tantæ feritatis luit pœnas. eruperunt siquidem in toto corpore uermes, qui dum uniuersum passim corpus eroderent, tyrannum coegerunt, ut desperato remedio gladium arriperet, eoque finiret uitam.

Herodotus in Melpomene scribit Pheretrimam Barcæorum reginam, immani crudelitate scæminam, deorum ultione, totam uermibus putruisse, eoque morbo miseram euomuisse animam.

Sunt qui dicant Antiochum Epiphanem, Syriæ regent, quum Hierosolymas peteret, curru delapsus, in hanc sortem incidisse, uermibusq; fuisse absumptum.

### IN CARCERIBVS MORTVI.

**I**vgurtha Manastabilis filius nothus, Micipsæ regis Numidarum nepos, propter Adherbalem & Hyempsalem fratres regni consortes occisos, a Mario bello petitus, uictus, & in triumphum ductus, postremò in carcerem coniectus est, ubi expirauit. Plut. in Mario.

Aldegisius, Desiderij Longobardorum regis filius, a Carolo Magno uictus, & in carcerem coniectus est: ubi & clausit uitam.

Cælestinus v. quum summo pontificatu se abdicasset, a Bonifacio octauo (cui rei summam commiserat) successore, in carcerem detrusus, & ibidem extinctus est.

Syphax rex Numidarum, quum a Romanis ad Carthaginienses defecisset, uictus a Scipione, & in triumphum ductus, Tiburi in custodia mortuus est.

Aristonicus ab Aquilio consule in triumphum ductus, & in carcere suffocatus est.

Henricus tertius, imperator, ab Henrico filio captus, & Leodij custoditus, pædore carceris miseram exhalauit animam. Bapt. Egnatius.

Agatha uirgo Catanensis sub Quintiano consule in carcere extincta est.

Romanus martyr sub Asclepiade præfecto in carcere præfocatus est.

Ioannes primus, pontifex a Iustino in carcerem coniectus, ibidem pædore emarcuit, & extinctus est.

Ioannes x i v. a Romanis inedia & pædore in carcere itidem interfectus est.

## I N' L A T R I N I S M O R T V I,

## A V T O C C I S I.

**L** Ampridius ait Heliogabulum, seu Elagabulum, naturæ portentum, fato a tali monstro pœnas reposcente, in latrina occisum fuisse, dum ventrem exoneraret. Plutar.

Cn. Carbo dum in Sicilia ventris onus poneret, iussu Pompeij in latrina itidem occisus est.

Felicula uirgo quum nullis tormentis aut pollicitationibus a Christiana religione diuertere posset, iussu Flacci comitis in latrinam detrusa est, & ibidem mori coacta.

Valerianus Ireneum & Abundium martyres in cloacam detrudi, & ibidem emori fecit, quod sanctæ Concordiæ corpus inde extraxissent.

## E X C O R I A T I.

**M** Arsyas ab Apolline (quem ad tibix certamen prouocauerat) uictus, & excoriatuſ est. Ouid. in Ibin, Mens quoque sic furis uecors agitur, ut illi, Vnum qui toto corpore uulnus habet. Idem, Nudaue directa pateant tua uiscera pelle, Vt Phrygii cuius nomina flumen habent. Claud. lib. 2. in Eutrop.

Manes hæreticus (qui diuinam solum in C H R I S T O naturam ponebat) a rege Persarum cute directa interfectus est, quod eius filium morbo laborantem interfecisset, quem tamen sanaturum se promiserat. auctor Suidas apud Volaterranum.

Barpholemæus Apostolus, regis Syriæ filius, iussu Astygis excoriatuſ est. unde Io. Fr. Mirandula in Hymnis, Hinc etiam pellem Ptolemæi filius ardens, Deposuit.

## F V M O, A V T V A P O R I B V S

## S V F F O C A T I.

**M** Inos rex Cretæ, quum Dædalum ad Siciliam usque persequeretur, a Cocalo eius loci rege (quem Dædalus multis obsequiis sibi demeruerat) per



proditionem captus, & in thermis suffocatus est. Ovidius in Ibin.

Q. Luctatius Catulus orator, collega Marij in consulari, ab ipso Mario mori iussus, inclusus in cubiculo candentium carbonum uapore suffocatus est auctor Val. Maximus.

Zoe Nicostrati martyris uxor a beato Stephano ad catholicam inducta pietatem, crinibus suspensa, fumo subter suffocante periit.

Thurinum fumi uenditorem fumo necatum fuisse scribit Erasmus in illius adagij explanatione, Termeria mala.

## MVLIERES PARTVS DOLORE

## M O R T V A E.

**T**Vulliola Ciceronis filia Pisoni primum collocata est, deinde Crassipedi, postremo Dolabellæ, a quo dimissa ex partu periit. uide epist. 5. lib. 4. fam. cuius initium est, Posteaquam mihi renuntiatum est de obitu Tulliæ filiæ.

Iulia, Cæsaris filia, & Pompeij uxor, quum inuita esset uestem coniugis humano cruore respersam, atque ex iis comitiis, quibus Pompeius & Crassus magna ciuium contentione consulatum obtinuerunt, domum temerè delatam, grauius aliquid uiro accidisse rata, subito partus dolore cecidit. Valerius de amore coniugali.

Iulia Clādilla, Caij Caligulæ imperatoris uxor, & Marci Syllani nobilissimi uiri filia, itidem in partu diē obiit. Suet.

## D E C O L L A T I.

**A**Lebas rex Larissæ urbis Thessaliæ, a suis satellibus ob crudelitatem obruncatus est. Ouid. in Ibin, Quosq; putas fidos, ut Larissæus Alebas, Vulnere non fidos experire tuo.

Cantharus fuit quispiam Atheniensis caupo, quem Athenienses ipsi ob maleficia & imposturas supplicio capitis affecerunt. auctor Zenodotus apud Erasmum. Valerius.

Philippus Maria, dux Mediolanensis, Italianum Foroliuiensem unum ex suis ducibus securi percussit, quod cum Florentinis (in quos bellum gerebat) diceretur clam consentire. Volater.

Sp. Cassius, affectatæ dominationis suspectus, supplicio capitali affectus est, domo eius diruta. Valer. de Seuer. Li-

uius libro 2.

Iulia comes Eulaliæ sub præfide Diacono capite truncata est. Volater.

Margarita, uirgo Antiochena, sub Olybrio eadem morte affecta est. Volater.

Sp. Melius ordinis equestris, largitione frumenti ex Etruria aduecti in plebem facta, ad regnum aspirare creditus est, ac propterea a Seruilio Hala obtruncatus. Liu. lib. 4.

Theodora, uirgo Antiochena, sub Diocletiano hac extincta est morte.

Timagoras Atheniensis capitali supplicio affectus est, quod Darium (ad quem legatus missus fuerat) more Persarum adorasset. Plutar.

Victor præsul Carteiæ urbis Hispaniæ sub Maximiano non procul Mediolano hoc supplicio uitam finiuit. Sabell.

Didus Iulianus imperator a Septimio Seuero successore suo in abditas palatii balneas ductus, extenta damnatorum modo ceruice, decollatus est. auctor Sex. Aurel.

Opilius Mactinus ab Heliogabalo, seu Elagabalo uictus, quinquagenario maior obtruncatus est.

Patricius Senensis in factione urbis Romæ securi percussus est. Plerique martyrum hoc supplicium uitam finiuerunt, ut Ansanus, Agathon, &c.

## FEBRE MORTVI.

**A**Ntipater Sidonius die suo natali semper febre laborabat, eoque morbo periit ultima senectute. Val. Max. de Miraculis.

Antonius Monachus febre itidem correptus quieuit in domino, ætate beati Gregorij.

Guido Petramala, Vbertinorum princeps, apud Nigrum montem hoc itidem morbo expirauit. Volat.

Columbanus monachus cœnobij Luxouiensis itidem.

Serena, Diocletiani uxor, dolore martyrum a marito interfectorum in febrem incidit, qua extincta est.

Tacitus imperator apud Tharsum febri itidem absumptus est. auctor Sex. Aur.

Titus Vespasianus in agro Sabino.

Antonius Pius duodecim millibus passuum ab urbe, apud

Loricos in uilla sua . idem Aurel.

Leo, Constantini Capronymi filius, eodem periit morbo.

Gosfredus, primus rex Hierosolymæ , anno uno post ipsam urbem captam .

Alexander Iudæorum pontifex quartana .

VENTRIS PROFLVIO.

**T**Raianus imperator, dum rediret ex Perside, apud Seleuciam Isauriæ ciuitatem ex uentris profluuiio periit, anno imperij sui x l i x. mense v i. Platina.

Henricus septimus imperator itidem .

ARTICVLARI MORBO.

Septimius Seuerus imperator decessit morbo articulari, septuagenario maior .

Iustinus iunior graui pedum dolore, anno imperij sui x i.

INTERCVTIS MORBO.

**H**eraclius imperator periit intercutis morbo , anno imperij x x x i i. Volater.

Michael Paphlago, eo morbo laborans , Michaellem Calaphatem hæredem instituit .

Crantor Solensis, Xenocratis auditor, eadem periit morte . Diogenes Laertius .

PESTE MORTVI.

**D**omitius Calderinus, patria Veronensis , natus annos x x x. decessit ex pestilentia . Volat.

Facius quoque Pisānorum comes, uir iustissimus, eodem periit morbo .

Zoe imperatrix , & Constantinus Monachus , eius maritus , eodem ferè tempore pestilentia interierunt .

Volaterranus ait beatum Ludouicum, a secunda expeditione in Saracenos redeuntem, pestilentia passim castra occupante unà cum Ioanne filio periisse .

Alphonfus undecimus rex Hispaniæ, dum Saraut & Zibatar oppida obsideret, eodem periit morbo .

M. Antonius imperator decessit pestilentia , sexta quàm ægrotasset die .

Michael Maurocenus dux Venetorum eodem periit modo . Volaterranus .

Furius Camillus octogenarius pestilentia Romæ interiit.



Plutarchus.

Oppianus poeta. (qui de piscibus scripsit) Roma in Cili-  
ciam patriam reuersus, ibidem ingruente pestilentia suffo-  
catus est, anno ætatis x x x.

Hostilianus Perpenna, paulò post assumptum impetium,  
eodem periit fato. Sex. Aurel.

Cælius scribit Paralium & Xantippum eodem suffocatos  
exitio. Plutar.

Io. Andreas, Ioannis Calderini præceptor, decessit Bono-  
niæ ex peste.

Lucius secundus summus pont. anno sui pontificatus x i.  
peste consumptus est.

Hermolaus Barbarus eodem modo Romæ expirauit, &  
in fata concessit. Crinitus lib. i.

### APOPLEXIA MORTVI.

**V**Alentinianus imperator contra Sarmatas (qui Panno-  
niam occupauerant) profectus, uoce aliquandiu amif-  
sa, apoplexia mortuus est. Paulus Diac.

Paulus secundus pontifex, dum post cœnam cum archite-  
cto Aristotele sermonem haberet, obruente crapula repen-  
tè ex apoplexia mortuus est.

L. Annius Verus, à M. Antonio ad imperij partem acci-  
tus, dum inter Altinum atque Concordiam iter faceret, apo-  
plexia itidem extinctus est. auctor Sex. Aurelius.

Franciscus Petrarcha in agro Patauino apoplecticus iti-  
dem mortuus est.

### SANGVINIS FLVXV MORTVI.

**G**Rimoaldus decimus, Longobardorum rex, dum nono  
die post phlebotomiam in brachio factam, sagittam in  
columbam direxisset, erumpente continuò sanguine expi-  
rauit. Diaconus de gestis Long.

Alexāder imper. Basili j filius erupentè naribus sanguine.

Atila rex Pannoniæ, multo uino potus, dum quiesceret,  
eruptione sanguinis (qui ei de naribus solitus erat effluere)  
suffocatus est. auctor Paulus Diaconus.

### P O D A G R A.

Lycon, seu Glycon philosophus Socraticus periit pōda-  
græ morbo, annos natus l x x i v. Laetius.

## CASIBVS DIVERSIS

Tyrannion grammaticus (qui tria librorum millia fertur habuisse) decessit iam senex morbo podagræ. Volater.

### DYSENTERIA.

Albertus, Austriæ dux, Pannoniæ & Bohemiæ rex, dum a Turcis in Austriam rediret, dysenterici morbo decessit, postquam biennio imperasset. Egnatius.

Theophilus imperator post Michaellem Balbum, dysenteria itidem periit anno x i i. imperij sui. Idem.

Eodem quoque morbo periit eius pater Michael Balbus, seu Thraulus.

Sanfonem, Chilperici regis filium, dysenteria expirasse, testis est Greg. Turonen.

Idem scribit Austrigildem reginâ eodem modo periisse.

### LATERVM DOLORE.

L. Crassus orator, quæstor interiit ex dolore laterum, quum in senatu contra Philippum consulem acerrimè declamasset. Cicero lib. 3. de Oratore.

Bonifacius nonus, anno x i v. & mense i x. sui pontificatus, eodem periit fato.

## CASIBVS ALIIS DIVERSIS

### MORTVI.

**A**Eschylus poëta in Sicilia in mœnibus urbis (in qua morabatur) egressus, aprico in loco resedit. super quem aquila testudinem ferens, elusa splendore capitis, (quod erat capillis uacuum) eandem perinde ac lapidi illisit, ut fractæ testudinis carne uesceretur. quo ictu mortuus est poëta. auctor Val. Max. & Polit. in Nutr. Æschylus aeris casu testudinis ictus.

Arrius Alexandrinus, Armodij filius, dum suam hæresim (qua filium ab æterna patris substantia conabatur abducere) passim disseminasset, acriusq; serperet, & eundo uires acquireret ipsum contagium, suæ tandem impietatis pœnas luit. etenim dum Cōstantinopoli secessum peteret, uentris exonerandi causa, fluentibus in foricam intestinis, miseram euomuit uitam, eius postea iudicium experturus, de quo perperam senserat. Vol. Sabell.

Constantinus Capronymus periit elephantiasi, quum annos x x x v. imperasset.

Orpheus Calliopes, & Apollinis filius, quum propter liberalem formam a mulieribus adamiaretur, ac nihilominus amore sui captas auerfaretur, uel quòd esset castissimus, aut (ut aliquibus placet) procliuiore in mares libidine, a Mænadibus inter Bacchi sacrificia occisus est. quique saxa & arbores cantu duxerat, & leones exarmauerat, duras mulierum ceruices emollire non potuit. Ouid. lib. 11. Met.

Pius tertius Pont. Max. ulcere cruris (quo diu laborauerat) ad extremum periit.

Diodorus Cronus, sapientiæ dialecticæ professor, pudore expirauit, lusoria quæstione non protinus ad interrogationem Scilbonis dissoluta. auctor Plin. lib. 7.

Eupolis poeta, Niciæ Atheniensis filius, primo die nuptiarum ruina lecti unâ cum uxore interfectus est. Ouidius in Ibin.

Lacides philosophus Cyrenæus excessit ex paralyfi circa Olimpiadem c x x x i v. Diogenes.

Pericles Atheniensis, Thucididis æmulus, in administranda rep. excessit morbo lento. Plutarchus.

Procopius tyrannus, insurgens contra Valentem principem, apud Natoliam Phrygiæ ciuitatem uictus, reflexis per uim arborem truncis alligatus & discerptus est.

Thimagenes Alexandrinus sub Pompeio captiuus Româ ductus, periit ex uomitu post cœnam. Volaterranus.

Anatholia uirgo iussu Faustianiani præsidis gladio per lætèra transfuerbçrata est.

Gregorius x i. pontifex Maximus, dum annis octo sedisset, intollerabili uesicæ dolore concessit in fata. Platina.

Cælius scribit Minyæ cuiusdam filias eo furore percitas, ut humanis carnibus uescerentur, imò etiam filios ad eam rem fortirentur, ac Leucippam Hippasum filium (quem petierat fors) dilaniandum exhibuisse.

Ioannem Scotum Christianæ theologiæ disciplina præstantem (dum erudiendis in Britannia pueris operam daret) facta cõpiratione discipuli sui graphiis occiderût. Crinitus.

Scribit Herodotus Psammenitum Ægypti regem potu sanguine taurino suffocatum.

Carolus Magnus Aquisgrani (ubi templum Martini ex-



## CASIBVS DIVERSIS MORTVI.

truxerat) decessit pleuresi.

Ibycus poeta a latronibus correptus spe prædæ, dum cultros iugulo uidit instare, præteruolantes grues obtestatus est. aliquanto post tempore dum homicidæ federēt in foro, rursumq; grues superuolarent, per iocum inter se susurrabant in aurem: Adsunt Ibyci ultores. quo sermone audito, homicidij suspectos habuerunt qui audiuerāt, correptosque tormentis ad uerum coegerunt, & ex eo quæstionem exercuerunt. atque re comperta scelus ulti sunt. Aufonius, Ibycus ut periit, uindex fuit alcinolans grus. Plut. apud Eras.

Carolus paruus, Roberti Siciliæ regis filius, Ioannam fratris sui Andreæ uxorem puluillo ori iniecto enecauit, quod illa maritum suum interfecisset. Volat.

Alexander Macedo Bessum Bactrianorum ducem, bello uictum, curuatis per uim arboribus alligauit: quas demum tanto impetu concitatas remisit, ut laniata passim membra disiecerint. auctor Plut.

Dirce mulier, dolēs maritum suum Licum Antiopæ amore captum, Antiopam ipsam tauri cornibus alligauit, ad cuius uociferationē protinus accesserunt Zethus & Amphion, eiusdem filij, qui ad ulciscendam iniuriam matri factam, tauro indomito Dircem alligauerunt, eaque morte extinxerunt. Propertius lib.3.

Atilius Regulus, Xantippi ducis Lacedæmoniorum insidijs ab Asdrubale captus, missusq; ad populum R. legatus, ut ex se uno & sene, Carthaginensium captiui pensarentur, dato in contrarium consilio, ad inimicos iuxta præstitam fidem redijt. a quibus in arcam ligneam coniectus, clauis introrsum adactis, efferatam Barbaræ gentis sæuitiam expertus est. demum palpebris oculorum infernè & sursum uersum confutis, Soli expositus, aliisq; postmodum multis tormentis lento peremptus fato. Claudianus, Prorogat æternam feritas tibi Punica palmam Regule. Cicero Ofic. Gel. cap.4. lib.6. & Val. de Crudelitate.

Arcadto martyri manus primùm, demum pedes, eoque modo cetera membra seriatim amputata sunt.

Andronicum martyrem Maximus præses circa uentrem papyris inflammatis fecit exuri, incensos clauos eius digi-

tis apponi, ignitum ferrum in os immitti, dentes excuti, con fractis maxillis linguam abscindi, ad extremū capite puniri.

Bassius episcopus a Perennio præside in eculeo primū suspensus, demum laminis ardentibus circa latera appositis excruciatuſ, ſuſtibus & ſcorpionibus cæſuſ, in ignem miſſuſ, duobuſ poſtremò uerubuſ a talo ad uerticem capitiſ confixuſ, ſpirituſ D e o reddidit.

Corona mulier, ſub Antonio imperatore arboriſ ramis per uim reflexiſ alligata, eiſdē in aera remiſſiſ diſcerpta eſt.

Minutia Veſtaliſ, ſuſpecta libidiniſ propter elegantem corporiſ cultuſ, uiua deſoſa eſt. Liuiuſ lib. 8.

Oppia quoque Veſtaliſ, comperta ſtupri, obruta eſt terra. Liu. eodem lib.

Hely ſacerdoſ, quū in filioruſ Ophni & Phineeſ delictiſ conueneret, eoſque relinqueret impunitoſ, de ſella cadens, fracta ceruice expirauit, domino diſſimulationem ulciſcente. Sabell.

Hadrianuſ quoque martyr extinctuſ eſt cruri fragio ſub Maximiano imperatore.

#### MORTVI QVI REVIXERUNT.

**A** Viola uir conſulariſ, auctore Plinio, in rogo reuixit. &, quoniam ſubueniri non poterat, præualeſte flam ma uiuſ crematuſ eſt. Val. de Mirac. Idem de L. Lami a traditur.

Celium Tuberoneſ ſunctuſ præfectura a rogo relatuſ idem ait ex teſtimonio Meſſallæ.

Ait & Corſidiuſ funere locato reuixiſſe, & locatoreſ ſuncriſ ab eo elatuſ.

Gabienuſ, fortiſſimuſ claſſiuſ Cæſariſ a Sex. Pompeio captuſ, eiſdē inſuſ inciſa ceruice iacuit in litore tota die. deinde quū adueſperaeſſet, petijt, ut Pompeiuſ ad ſe ueniret, teſtatuſ ſe ab inferiſ remiſſuſ, habere, quod nuntiaret. Plin. cap. 52. lib. 7.

Ferunt Glaucuſ quempiaſ mortuū præter omnium expectationem, guſtato mellito pharmaco, reualuiſſe. alij multis accurrentibuſ medicis, herba (quam draconem uocant) uitæ reſtitutuſ dicunt. auctor Eraſ. in explanatione illiuſ adagij, Glaucuſ poteſ melle reſurrexit.

## QVI IN MORTVOS

Æsopum ex Phrygia fabulatorem, Tyndareum quoque & Herculem reuixisse, testis est Cælius lib.8. Lectionum antiquarum.

Æschylus apud Volaterranum scribit, Palicos Iouis, & Thaliæ filios, mortuos semel iterum reuixisse. Macrobius libro 5.

Athena Cataldi (qui postea fuit episcopus) mater in partu mortua, ab ipso Cataldo primum nato ad uitam solo amplexu reuocata est. quod si uerum est, mirum in eo futuræ sanctitatis fuit ostentum.

## QVI IN MORTVOS

SAEVIERYNT.

**S**Eptimius Seuerus Clodio Albino (quem Cæsarem dixerat) tumultuanti caput abscidit, reliquumq; eius cadauer equo refugienti dedit conculcandum. Spartianus & Capitolinus auctores.

Achilles Hectorem Patrocli sibi carissimi interfectorem occidit, occisum ter circum Troiæ muros raptauit curru. quumq; instar frendentis belluæ immanitatem expleuisset, Priamo patri uenale cadauer exposuit. Cic. lib.2. Tuscul. quæst. Propertius lib.2. Virg. lib.1. Æn. Hom. lib.23. Il.

Apuleius Saturninus tribunus plebis, quum Gracchorū leges Agrarias uellet asserere, a Caio Mario & Lucio Valerio consulibus in Capitolio obsessus, deditiōem tandem facere coactus est. captus autem, fustibus & saxis cooperatus, ibidem expirauit. mortui caput C. Rabirius senator per conuiuia in ludibrium circumtulit. uide Suet. & Plin. de illust. uiris.

Cyrus rex Persarum, dum Sargapifem Thomyris Scytharum reginæ filium bello captum ad mortem impulisset: irata mulier non prius finem fecit furori, quàm mortuum ulta sit. contractis itaque copiis ita conflixit, ut maximam inimicorum partem, cum ipso etiamnum rege occiderit. nec tamen hoc euentu propterea emollita est animi rabies. mortui enim caput in utrem humano cruore plenum demisit, his uerbis insultans, Filij mei sanguinem hausisti, & meum sitiisti Cyre: at ego te cruore saturabo. auctor Her. lib.2.

Cambyfes rex Persarum mortuo Psammenito Ægypti rege (quem



ge (quem uictum ad hauſtum cruoris taurini coegerat) è Memphi in urbem Sain abiit, ibique Amasis cadauer è conditorio reuelli, reuulſum uerberibus cædi & uellicari, ſtimulis denique pungi, & contumelia infeſtari, ac poſtremo comburi iuſſit. Herod. auctor.

Idem Cambyſes Siſamenem iudicem (quòd iniuſtè, pecunia corruptus, iudicaſſet) interemit, interempto corium detraxit, detractum in lora contidit, eoq̃ue tribunal (in quo perperam & iniquè iudicauerat) operuit, atque Orané eius filium ibidem ſedere iuſſit, & periculò patris, ab iniquo iudicio cauere. idem auctor.

Oneſilus Gorgij Salaminiorum regis frater, quoniã Cyprios induxerat, ut Dario ſe ſubmitterent, comprehenſus ab Amathuſijs (quibus id uolebat perſuadere) obruncatus eſt: cuiusq̃ue caput ſupra urbis portas ſuſpenderunt. auctor Herodorus.

M. Craſſus facilè docet inexplebilem hominum auiditatem nullis auri cumulis, nulla bonorum myrmecia, aut drachmæ grandine expleri, ſed creſcere ſemper, & augeri copia. nam quum eſſet diſtiſſimus Romanorum, haberetq̃ tantum agri, quantum nec miluus oberret, ſibi tamen modum præſcribere, aut temperare non potuit, quin Parthos (quorum opes ſitiebat) aggredèretur. a quibus cū toto exercituſuſ, immodicæ libidinis dedit pœnas. nò ſolùm enim a Pomaxarte occiſus eſt, uerùm mortuo quoque inſultarunt inimici. cauſſam liquidem agnoſcentes, qua bellum ſuſceperat, in caput interfecti aurum liquauerunt, hisq̃ue irriſerunt uerbis: Aurum ſitisti Craſſe, aurum ad ſaturitatẽ bibe. L. Florus, & Sex. Ruſus.

Tarquinius Superbus Seruium Tullum ſextum Romanorum regem (ut regnò ſuccederet) morti dedit, cuius filiam nomine Tulliam in uxorem prius duxerat. ſclerata mulier eadem regnandi libidine, qua maritus, pruriens, ubi intellexit patrem interfectum, uehiculo ſe properè ferri iuſſit, ut interfectori gratularetur. quum autem inter eundem, comperto cadauere, equi & auriga conſtitiſſent, erubeſcerentq̃ mortuum conculcare, mulier neſaria curru ſuper faciem mortui parentis duci iuſſit. Sen. in Octa. Quid in Ibi.

Odio Ciceronis usque adeò exarsit Antoniùs, ut mortuū caput in mensa apponi uoluerit; perq; diem illud aspexerit, quousque tali spectaculo animum exatiasset. auctor Appianus lib.4. belli ciuili. Antonij quoque uxor Fuluia caput ipsum maledictis primū, ac diris execrata est. deinceps inspuens, gremio suo apposuit, acriusq; despiciens, linguam illi faucibus extraxit, eamq; acicula plerunque confixit. ut de Quintianus in Cleopoli; - Etiam foderet nec Fuluia linguam.

Sylla rerum potitus corpus Marii iam defuncti reuellit, atque disecit. quapropter talionem formidans corpora crē mari instituit. auctores Plinius & Cic. li: 2. de legibus.

Cleómenes dux Spartanorum fugatus ab Antigono, ad Ptolemæum se recepit: à quo benignè primū exceptus, mox Nicagoræ cuiusdam calumnia, insidiarum suspectus, se interfecit. interfectum rex pelle nudauit, cruciq; effixit. Plutarch.

Aroldus rex Anglorum, Cuntonis filius nothus, patri successit: quod ægreferens Andebunthus (qui erat legitimus) mortuum Aroldum refodi iussit, refossum in mare projci. Volat.

#### DE VARIO INHUMANI RITV.

**I**Nexpiabile quondam scelus creditum est sepulcra uisasse, adeò ut lex sacrum esse locum iusserit, ubi corpus hominis demortui iaceret; dicereturq; minxisse in patrios cineres, cui omnia sinistrè cadebant, & inauspicatè. Apud nos quoque Christianis damnatur cæremoniis, qui aut lotium in sepulcretis egerit, aut aliquid aliud ibidem fecerit immundum. neq; hoc ipsum apud nos solum religio sum est. nam nulla propè tam efferata gens est, quæ nō sentiat habendam sepulcrosū rationem, præter paucos Barbaros, qui quum belluino propè ritu inter se degant, nihil mirum, si aliorum uestigis nequaquam insistant. nunc de utrisque loquendum, his scilicet, quibus nulla est funerum cura, & illis, quibus maxima.

Lothophagi suos in mare defunctos abiiciunt, asseuerantes parum interesse, humo ne, an aqua, aut igne absumantur. Celsius cap.43. lib.9.

Albani olim nefas putabant, curâ mortuorum agere. Idē. Sabæi corpora. defunctorum eodem, quo stercus, modo ducebant: quinetiam reges reiciebant inter sterquilinia. ibidem.

Trogloditæ mortui cervice pedibus alligabant, & raptim cum iocis & risu efferebant, nullaque habita loci ratione, mandabant terræ.

Scytharum uerò mos longè melior. qui mortuos inter epulas, uorare causa honoris consueuerant.

Hircani non ad alium usum nutriebant canes, quàm ut eis sanctos uita uorandos obicerent: auctor Cic.

Atheniensibus tanta fuit sepulcrorum cura, ut si quis dux bello peremptos, sepulcro honestare neglexisset, capita plesteretur.

Macedonibus nullum fuit tam solenne militiæ munus, quàm suos sepelire.

Apud Hebræos cautum fuit lege, ne insepultum hostem relinquerent. Cælius lib. 9. cap. 43.

Antiquitus nemini licebat in urbe Roma sepeliri, nisi his tantum, qui optimè de repub. meruissent: quod Val. Publicolæ, C. Fabricio, & Postumio Tiburto concessum est. Cic. 2. de leg. Propterea ferunt Hadrianum imperatorem aureorum quadraginta pœnam statuisse in eos, qui in ciuitate sepulcrum fecissent. Crinitus lib. 21. cap. 12.

Ægyptij in domorum edificatione negligentes miro sumptu superbaque magnificentia construere sepulcra consueuerant, operæq; prodigiis pyramides, quod existimarent defunctorum domos sempiternas: uiuorum uerò domicilia esse uelut uitæ momento transeuntis diuersoria. idem mortuos condiunt, & eos domi seruant. auctor Cic. lib. 1. quaest. Tuscul.

Persæ cæra circumlitos itidem condiunt, ut magis diuturna sint cadauera. auctor Cicero.

Mos erat Magorum, non humare corpora suorum, nisi prius a feriis laniata. auctor Ciceró.

Pleraque Assyriorum corpora in locis palustribus fuisse condita feruntur. Cælius.

Apud Gerros, Scytharum populos, quum rex fato con-



cessit, corporis auferunt intestina, positisque inibi aromaticis herbis uentrem demum consuunt. Idem, cap. 45. l. 9.

Perfarum in luctu mos est detondere lugubri ueste coniuges ac liberos. ibidem.

Indi pulchrum putant diem fati præuenire: imò uerò se uiuos cremari iubent, coronatiq; deorum laudes cōcinnant: nullus honos solutis senectute corporibus exhibetur.

Solebant plerique Ethnici diebus nouem mortuos flere, unde Nouendialium sacrorum manauit consuetudo.

Apud Tauros quum rex moritur, carissimi quique sponte simul commoriantur.

Sindi tot pisces in sepulcra mortuorum mittunt, quot hostes interfecerunt.

Phryges marmoribus pro sepulcro suspendunt.

Massagetæ eos, qui morbo pereunt, tanquam impios canibus dant in prædam. bello uerò interfectos honore maximo prosequuntur.

Mos fuit plerisque populis mulieres conductitias (præfixæ uocabantur) comparare, quæ in eorum morte lugerent, quibus deessent parentes.

Mortuò apud Græcos uel principe, aut quouis alio magnæ auctoritatis uiro, duodecim hostes uelut uictimæ occidebantur, quemadmodum quosdam Troianorum Patroclo contumelauit Achilles.

Syllius Italicus lib. 13. uarios funerandi ritus describit his uersibus: - tumuli, & cinerum sententia discors:

Tellure, ut perhibent, is mos antiquus Ibera;

Exanima obscenus consumit corpora uultur.

Regia quum lucem posuerunt membra, probatum est

Hyrcanis adhibere canes. Ægyptia tellus

Claudit odorato post funus stantia saxo

Corpora, & a mensis exanguem haud separat umbram.

Exhausto instituit Pontus uacuare cerebro

Ora uirum, & longum myrrhata reponit in æuum.

Quid, qui reclusa nudos Garamantes arena

Infodiunt? quid, qui sæuo sepelire profundo

Exanimés mandant Libycis Nasamonés in oris?

At Celtæ, uacui capitis circundare gaudere

Ossa (nefas) auro, & mensis ea pocula seruant.  
 Cecropidæ ob patriam Mauortis sorte peremptos,  
 Decreuere simul communibus urere flammis.  
 At gente in Scythica suffixa cadauera truncis  
 Lenta dies sepelit putri liquentia tabo.

Porro lege fuit olim sancitum, ne quis sepulcrum faceret operosius, quàm quod decem homines triduo possent absoluerè. Cic. lib. 2. de leg.

Demetrius lege sanxit, ut mortui ante lucem efferrentur. Cic. ibidem.

Funerare in bello corpora primus docuit Hercules.

In exequiis cupressu fores ornare fuit moris, quod hæc arbor sit Plutoni sacra. Blondus.

Solon mortem suam lugeri iussit: contra uerò Ennius uetuit. Cic. in lib. de Senectute.

Cyrus apud Xenophontem inhihet, ne corpus suum auro, aut argento includatur, sed terræ mandetur protinus.

Tobias sepeliendis mortuis uacabat.

Machabæus inimicorum interfectorum cadauera sepeliri iussit.

Alexander Darii interfecti corpus matri cumulandum præbuit. Plutarchus.

Paulli Æmilij cadauer Hannibal hostis sepeliuit.

## BRUTA, ALIAQUE ANIMALIA honorata sepulcris, aut statuis.

**A**lexander equum habuit Bucephalum nomine, qui regio instratus ornatu, nullum alium ab Alexandro sessorem admisit, alios passim reiciens. propterea rex defuncto duxit exequias, urbemque muro circumdedit nomine eius.

Cæsaris quoque dictatoris equus neminem alium dorso recepit. idem homini similes pedes habuisse fertur, hac effigie locatus ante Veneris genetricis ædem. auctor Plin. Statuam eius graphicè describit Statius lib. 1. Sylvarum.

Equus Augusti Cæsaris mortuus, tumulo honoratus est.

Agrigenti complurium equorum tumulis superpositæ sunt pyramides. Plinius.

Cimon Atheniensis equabus ( quibus in olympico certamine tortium uiceras ) sepulcra erigi prope suum monumentum iussit . auctor Plutar .

Romæ fuit Coruus , qui humano sermoni assuefactus , omnibus matutinis euolans in rostra , Tiberium , Germanicum , & Drusum Cæsares nominatim , mox transeuntem populum salutabat . quem quum postea nescio quis ira percitus occidisset , a populo , factum ægreferente , saxis obrutus est , funusque aliti innumeris celebratum exequiis . Plinius cap. 43. lib. 10.

Xarippus dux Lacedæmoniorum Canes familiares ac domesticos curauit humandos . unum præcipuè in arce , cui loco Cynoraphium extitit cognomentum . auctor Plut .

Saxo lib. 5. Danicarum historiarum scribit Arfuitum Biononis filium cum cane & equo fuisse humatum .

Ceruus Syluæ ( qui uulnere uiolatus , causa fuit belli inter Troianos & Lætinis ) rosis & tumulto ornari meruit .

Herodotus lib. 2. scribit Feles mortuas magno luctu defleri ab Ægyptiis , demum ad sacra tecta deferri , ubi salse sepeliuntur in urbe Bubasti . Canes quoque in sua quisque urbe tumultant sacratis in loculis . Vrsos , qui sacri sunt , & lupos non multo uulpibus grandiores eo sepeliunt loco , ubi iacentes inueniunt .

Crocodilum , ubi mortem obiit , sale conditum factis in urnis sepeliunt . uiuenti gemmas & inares appendunt .

Lethargus Hippamonis equus mortuus cum mortuo domino inhumatus est .

Auram Atalantæ canem , quum Calidonia sus peremisset , brutò ab indigenis sepulcrum erectum est .

Geryonis canis Gargitios Cerberi frater , ab Hercule caesus , in Iberia monumentum habuit .

Marthes rex Ægypti cornicem habuit impendio mitem , adeoque cicurem , ut , quocunque fuisset imperatum , litteras deferret , sciens quò transuolandum , ubi fidendum , quiescendum ue foret . propter quod obsequium adeò mite , nulliusque stipendii indigum , rex dignam putauit , cui erigeretur tumulus . quod quoniam apud auditores ægrè capit fidem , si cui uideor hoc finxisse , uideat Celsium lib. 13. cap. 58. qui ex



Græcorum monumentis hoc ipsum aduocat.

Apud Persas equi, apud Molossos canes sepulcra & exequias meruerunt. unde Stat. lib. 2. Syl. - gemit inter bella peremptum Parthus equum, fidosq; canes fleuere Molossi: Et uolucres habuere rogam, ceruusque Maronis. Içē Stroza filius, suos de more Molossia uetusto. Condit terra canes, cineres nec lædit opertos.

## PESTILENTIÆ MEMORABILES.

**L**Eone Isauro imperante, tanta in urbe Constantino-  
poli scuitum est clade, ut tercenta & amplius ciuium  
millia peste & fame consumpta sint. Vol. & Egnatius.

Anno à uirginis partu M.CCCXLVIII. Florentiæ pestis tri-  
ginta hominum millia absumpsit. porro scribit Plinius Lo-  
cris & Crotone pestilentiam nunquam fuisse.

## SVPLICIIS APVD INFEROS

dammati secundum poetas.

**F**Abulantur poætæ Tantalum diis hospitio susceptis Pe-  
lopem filium apposuisse comedendum. ut eorum ex-  
periretur dignitatem, ac propterea ad inferos perpetua siti  
ac fame torqueri, aquis, & pomis pri imminetibus, quæ  
non possit arripere. Propert. lib. 2. & 4. Hor. in Epodo,  
Seneca in Octauia.

Sisyphus, Æoli filius, quoniam ex hospitibus alios saxo  
perimebat, alios calce in aquas præcipitabat, hanc apud in-  
feros luit pœnam, ut relabentem semper scopulum ad uer-  
ticem montis cogatur uoluere. Quid. lib. 4. Met.

Ixionem Theſſalum rota perpetua uolui dicunt, quod se  
Iunoni gloriaretur concubuisse. Tibullus lib. 1. Seneca in  
Hercule furente.

Tityus, Iouis filius, propter tentatam stupri Latonam,  
ab Apolline sagittis confossus est. hoc autem supplicio  
hunc torqueri dicitur, ut renascentes eius fibras, iecurq;  
uultur semper dilaniet. Ouid. 4. Metamor. & lib. 1. de  
Ponto, & Ibin.

Filiæ Danaï (quæ ab auo Belo dicuntur Belides) propter  
maritos noctu, excepto Lino, interfectos, perforatis ur-

nis, aquas apud inferos æternum hauriunt. Ouid. in Ibin. Tibul. lib. 1.

Prometheus Iapeti filius propter ignem Ioui surreptum formatumque luto hominem, a uulturibus roditur sub Cau-  
caso. Propert. lib. 2.

Theseus Ægei filius perpetuo damnatur otio, quod cum  
Pirithoo Proserpinam rapere uoluisset. Virg. lib. 6. - se-  
det, æternumq; sedebit Infelix Theseus. Seneca in Hippo-  
lyto, Rota resistat membra torquens, Tangat Ixion humū,  
&c. Idem in Agamemnone, Vbi ille celeri corpus euinctus  
rotæ In se refertur. Vbi per aduersum irritus, &c.

QVI SVIS INVENTIS PERIERVNT.

**T**hrasius, seu Thrasillius quum ad exorandas à Ioue plu-  
uias, Busirim docuisset hospites immolare, interfe-  
ctus est omnium primus. Ouid. in Ibin, Vt qui post annos  
sacri mōstrator iniqui, Elicuit pluias uictima cæsus aquas.  
Idem libro 1. de arte, Dicitur Aegyptus caruisse iuuantibus  
arua, &c.

Perillus quoq; ( ut diximus supra 34. ) in tauro æneo,  
quem ad reos torquendos excogitauerat, à Phalaride com-  
bustus est. Ouidius in Ibin, Aere Perillæo ueros imitere iu-  
uencos, Ad formam tauri conueniente sono. Idem lib. 4. De  
arte amandi, Et Phalaris tauro uolenti mēbra Perilli Tor-  
ruit, infelix imbuir auctor opus. Idem in Tristibus, Peril-  
lum primo, deinde Phalarim sic inducit loquentes: - ut mu-  
nus munere penſes; Da precor ingenio mūnera digna meo.  
Dixerāt, & Phalaris, Pœnæ mirande repertor, Ipse tuum  
præſens imbue, dixit, opus. Claudianus libro 1. in Eutrop.

Sic opifex tauri tormentorumque repertor,  
Qui funesta nouo fabricauerat æra dolori,  
Primus inexpertum Siculo cogente tyranno  
Sensit opus, docuitq; suum mugire iuuenctum.

Phalaris quoq; tyrannus eodem postea tauro inclusus &  
crematus est, quo alios prius suffocauerat. Ouid. in Ibin,  
Vtq; ferox Phalaris lingua prius ense reſecta,  
More bouis Paphio clauſus in ære gemas.

Pygmalion frater Anthæ, quum immolationem hospi-

tum docuisset, deorum aras suo sanguine instar cæterorum imbuir. Ovidius in Ibin, Frater ut Anthæi, quo sanguine debuit, aras Tinxit, & exemplis occidit ipse suis.

Diomedes ab Hercule datus est in pabulum suis equis, quos humano prius sanguine ipse pauerat. Ouid. in Ibin, Ut qui terribiles pro gramen habentibus herbis, Impius humano uiscere pavit equos.

Scyró latro in Attica à Theseo in mare præcipitatus est, quo prius hospites ipse deturbabat: cuius ossa mutata dictum in scopulos.

Icarus pater Erigones, quum Atticos usum uini docuisset, ab eis in ebrietatem lapsis interfectus est. Ovidius in Ibin, Muneribusq; tuis læderis, ut Icarus, in quem Intulit armatis ebria turba manus.

Ægesta Siciliæ fuit oppidum, in quo principatus est Æmilius Censorinus, qui noui tormenti inuentores muneribus cumulabat. cui quum Aruntius Paterculus, equum ex ære factum ad fontes perimendos excogitasset, eiusdem iussu primus eò coniectus est, & ibidem enecatus. auctor Aristides Milesius apud Plut.

## MORBI DIVERSI.

**A**lbugo est macula quædam in oculo, a colore subalbido, qui ex glutinosa pituita procedit. Plin. Quæ alligata oculi, albugines tolli dicuntur.

Alopecia morbus est in capite humano ex uitio humorum proueniens. dictus à uulpe, quam Græci Alopecæ dicunt, quod crebro hoc genus morbi pariat: uel ex proprietate urinae eius animalis, quæ ut aspersæ herbæ arescunt, neque renascuntur nouæ: ita quoque pilos decurrit hic morbus. qui postea non succrescunt. uocatur aliter Alopeciasis. & Alopecades uaser seu uulpio dicitur. Plinius ait hunc morbum Lingux herbæ radice combusta & trita, emendari.

Angina morbus est acutissimus, fauces occupans & stranguans, qui aliter Tonsæ seu Tonsillæ dicitur, ab Hippocrate & Galeno Synanche: tracto etymo ab ango uerbo, quod hominem angat. Plaut. Vellē me in anginam uerti, ut huic aniculæ fauces præoccuparem. fit autem quando nec tu-



mor, nec rubor ullus apparet, sed corpus aridum, & uix spiritus trahitur. Arethæus medicus dixit, morbum hunc ex frigore frigidisq; potionibus generari. Anginæ genera tria sunt Synanche Cynanche, Parasyanche. Iulius Modestus apud Macrobiū testis est Angeronæ deæ olim sacrificatum, quod populus R. hoc morbo, præmissis uotis liberatus sit.

Amphimerinon febris est quotidiana, quæ ex humoribus corruptis, ac præsertim pituita, coalescit. Plinius cap. 10. libro 28.

Apoplexia, seu Apoplexis dicitur subita percussio, & uelut quædam consternatio: quam qui patiuntur, dicuntur Apoplectici. hoc modo periit Valentinus subiti sanguinis eruptione. si fiat in parte corporis tantum, Hemiplagia dicitur. hunc morbum Latini Stuporem uocant. Galenus ait in Apoplexiis totum corpus sensu priuari ac motu, solumq; superesse anhelitum: qui si prohibeatur, maxima est & acutissima apoplexia. fit autem hic morbus interdum fulminis ictu, interdum morbo.

Argema est morbus oculorum, quum uleus circulum oculi infestat. Irim Græci, & Leucoma a candore nominat, Latini Albuginem. fit autem quando ex plaga tenui uenis fractis sanguis suffunditur toti oculo, deinde nigrescit.

Aurigo morbus est, qui aliter Regius dicitur. nomen habet à colore auri, quem bilis per totum corpus diffusa representat. quo qui laborant, Auriginosi uocantur.

Arquatus morbus dicitur a uarietate colorum arcus cælestis, quos affectorum facies reddit. Plinius scribit hunc morbum & Ictericum eundem esse cum Regio morbo, ab Icterone autem, quam nos Galgulum dicimus. de hoc Lucretius libro 4.

Lurida præterea sunt quæcunque tuentur

Arquati, quia luroris de corpore eorum.

Semina multa fluunt, simulacris obuia rerum,

Muitaq; sunt oculis in eorum denique mixta,

Quæ contage sua palloribus omnia pingunt.

Plutarchus scribit Alphon morbum esse quendam, quo uis laboraret Atollia, Artaxerxis filia, nihilominus a

patre in uxorem ducta est .

Arthritis dicitur articulorum affectio , sicut Pleuritis , costarum ; & Nephritis , renum .

Apophtosis dicitur pruritus palpebrarum , quum pili earum decidunt , quarum Diabros , Distochiasis , Phthiriasis etiam sunt vitia .

Amaurosis morbus . est visum impediens incolumi pupilla , ferè citra ullum dolorem .

Amblyopia idem propè est cum Amaurosi , quando ita premuntur oculi , ut exerti perseuerent , & plus iusto patentes sunt , ut contingit athleticis in certamine compressis .

Aphæ ulcera sunt in ore summo , infantibus plerunque peculiaria , vitio lactis (quo nutriuntur) calido humore corrupti . oriuntur & in prouectis ætate , quando humoribus calidis concurrentibus tumescunt ora aspectu sanguineo .

Ancurysma tumor est arteriæ præclusæ è sanguine , & spiru causam trahens . fit autem quum uulnerata arteria pelliculis nequaquam superinducitur .

Anorexia est morbus quidam , quo affecti cibum respulsi , & fastidiunt : pelliturq; olfactu aceti , & aliis odoribus acutis .

Atrophia morbus est maciem contrahens , quando corpus non alitur , continuo aliquibus decedentibus , & nullis succedentibus .

Acrocoëdona ulcera sunt verrucis similia , ubi sub cute coit aliquid durius , & interdum paulò asperius .

Apostemata dicuntur corruptiones carnum , musculorum , uenarum , & arteriarum , quæ initio rubra & dura sunt : demum , quum maturuerunt , multam emittunt saniem .

Branchus species est Catharri guttur arripiens , quando fauces arteriarum asperitate læsæ sunt .

Bubonocèle morbus dicitur , quando intestinum usque ad inguen duntaxat eruperit , aut decubuerit .

Batrachus est tumor sub lingua maximè pueros infestans .

Bulimus dicitur morbus , quum ob famem stomachus deficit , paulatimq; adeò frigescit , ut extremæ partes destituatur . curatur autem aceti , aut panis calidi olfactu : aut si extrema membrorum calida aqua abluantur .

Cærium genus est ulceris , dictum a faui similitudine , quâ

habet. Plinius Ramorum fici teneri cauliculi cum melle ulceribus (quæ Cæria uocantur) illinuntur.

Cancer canceris, morbus est nascens in omnibus fere corporis partibus, sed maxime in mammis mulierum, quæ naturali menstruo nõ purgantur. Ouid. lib. 2. Met. Utq; malum latè solet immedicabile cancer Serpere, & illæfas uitæ tis addere partes. Cato de Re rustica, Cancer, cancri, ponit in masculino: Eadem, inquit, brassica uulnera putrida, Cancrosq; purgabit. Aliter Carcinoma, seu Carcinus dicitur. Crinitus ait Cancrum differre ab Elephantiasi: quòd Cancer unicũ duntaxat membrorum occupet, Elephantiasis uerò uniuersum corpus suo passim contagio depascatur.

Carbunculus est tuber, seu uicium proueniens ex inflammatione: diciturque ab igneo carbone propter inflammationem. super eum pustulæ eminent maxime nigræ, interdum subliuidæ, aut pallidæ, in quibus sanies esse uidetur. hunc morbum Græci Anthracem uocant. Plin. lib. 26. ait, Carbunculum in Italiam primum uenisse L. Paulo & Qu. Martio censoribus, ac esse peculiare Narbonensis provincie malum.

Carcinoma sunt qui idem esse putent cum Cancro, nisi quòd maxime in superioribus partibus circa faciem, nares, & aures prouenit. Cato ait hũc morbũ sanari brassica trita.

Cephalæa morbus est acutus & pestilens, qui totum caput infestat. qui dimidia solum capitis parte laborant, hemi cranici dicuntur. Cephale caput significat.

Condyloma tuberculum est insanabile, nascens circa coram podicis, proueniens ex inflammatione: in quo sunt eminentes tumores, figura rotunda, nũc molles, nunc duri. tres autem præcipui podicis morbi sunt Rhagadia, Hemorrhoids, Condyloma.

Cordapsus morbus tenuioris intestini, quem iuniores Iliacum nominant.

Coriægo morbus est pecoris bubuli, quum pellis ita tergori adhæret, ut apprehensa manibus a costis deduci nequeat. prouenit hic morbus, si bos ex aliquo languore maciem contraxerit, aut sudans in opere, postea refrixerit.



Coriza morbus humore nasū obturans, Latine Grauedo.

Cynanche dicitur pituita crassa in fauces & ceruicem delata, qua maximè laborant canes . unde etiam tractum etymum , Tunc uox nihil potest exprimerè.

Chiragra dicitur manuum morbus , quo qui laborant, Chiragrici dicuntur . Horatius, Nodosa corpus nolis prohibere chiragra.

Chemosis morbus est oculorum , quando ex tumore uehementi utraq; palpebræ connectuntur , ut uix liceat conuiuere.

Crethe est tuberculum, quod nascitur in palpebra, hordei similitudinè . unde & Hordeolum uocatur.

Chalazia, morbus est præcedenti similis , quando tuberculum album modo grandinis innascitur .

Cophosis aurium morbus surditatem afferens .

Cion, seu Cionida tumor est in gutture , quando scilicet excreescens caro in faucibus ex Rhèumate impedit uocem.

Calculus morbus est in renibus , proueniens ex defectu concoctionis. fit etiam in uesica ; tum appellatur Lithiasis .

Cardiacus morbus est in ore uentris, qui accidit cum febre acuta, & motu arteriarum frequenti, recreaturque flabelli uentilatione .

Celiacus uentris morbus , quum emollita aluo , liquida egeruntur causa debilitatis . causa morbi est superfluus, & frigidus cibus, continua frigora, aut calores uehementes.

Cirfocele morbus est colectorum, quum tumescentes uene scrotum implent , fitq; testiculorum alter maior altero.

Catoche & Cathalepsis morbus est inter Lethargum & Phrenesim medius, melancholico humore cum febre ueniens, quo affectus oculos quandoque apertos, quandoque concretos & immobiles habet sine sensu.

Caros species est Lethargi, uehementè somnū inducens.

Cachexia est malus corporis habitus omne alimentum corrumpens quando corpus longo morbo extenuatum refectiōem ob debilitatem non accipit . prouenit etiam quandoque à retentiōe excrementi.

Comitialis morbus est tantam animi consternationem afferens, affectumq; adeò mente alienatum & attonitum red-

## MORBI DIVERSI

**dens**, ut tremantibus membris, uenisq; palpitantibus in terram decidat. unde & Caducus dicitur. uocatur etiā Hercules, quod eo laborauerit Hercules. item Morbus sacer, quod in eam maximè partem sæuiat quæ sit sanctissima. Comitialis autem, quod primus Romanorum (qui eo laborauit) affectus sit in comitiis. huic morbo præcipuè sunt obnoxij uiri, qui atra bile uexantur, & ingenio clarent.

**Dysenteria** est intestinorum exulceratio, qua qui laborant, uocantur Dysenterici. Latine Tormina dicuntur. prouenit quandoq; ex cibo, aut acuto, aut minime concocto.

**Dysuria** uocatur urinæ difficultas, dum uelicæ passionibus urinam ipsam supprimunt.

**Dispnoea** est difficultas spirandi.

**Discoia** appellatur difficultas auditus.

**Dracontium**, morbus est apud Indos & Ægyptios, proueniens in membris musculosis, ut gutture, brachiis, coxis, cruribus.

**Diabetes** est morbus renum, qui inueteratus ex prauo humore congesto maximam inducit sitim. curatur superflui humoris euacuatione.

**Elephantus, Elephantia, seu Elephantiasis**, morbus est similis lepræ, crebras in summa corporis parte gignens maculas, ac tumores, rubore paulatim sese in atrum uertente. hoc affectus morbo omnes corporis partes neuulis quibusdā rubris inflantur. nomen tractum ab elephanto animali, cuius cutis ulcerosis uallibus exaratur. scribit Plin. morbum hunc in Italia non fuisse antè Cn. Pompeij tempora. de hoc Lucr. lib. 7. sic inquit: Est elephas morbus, qui propter flumina Nili Gignitur. Ægypti in medio, nec præterea usquā. Galenus Elephantiasim inter infantiles morbos numerat. differt a lepra, quoniā lepra habet cutis imperiginem quandam, & uelut scabiem: elephantiasis uerò non cutem solum, sed neruos & ossa uiciat.

**Encanthis** morbus est oculorum, quum in ipsorum angulo tuberculum est, quod palpebras parum diduci patitur. est autem nautis frequens.

**Epialos** species est febris ex pituita frigida procedens.

**Epiphora** morbus est oculorum, quum humoris descen-

sauguntur oculi . Plinius ait carnem peponum Epiphoris oculorum prodesse . Columella, Magadarim contusam con-  
 sperfa polenta ipsum morbum suppressere .

Epinyctis<sup>us</sup> ulcus est aciem hebetans , & in cingulo oculi  
 perpetim humor emanans : quem morbum ait sanari illitis  
 porri sectiui foliis .

Ectropia morbus est oculorum Lagophthalmiæ contra-  
 rius, dum palpebræ deorsum conuertuntur.

Emphyisma, seu Sympylis dicitur tumor, & inflatio palpe-  
 brarum .

Epicauma ulcus est sordidum , ex cuius purgatione humi-  
 da , quæ sunt intus , effluunt .

Epulis tumor est iuxta dentem genuinam, quandoque cū  
 febre & dolore uehemente, adeò ut hiscere hominem pro-  
 hibeat .

Empyema morbus est thoracis , procedens uel ex sangui-  
 ne commaculato, uel alicuius uisceris ulcere .

Enterocellæ morbus est intestinorum diffluentium in te-  
 sticulo . Martialis lib. 10. Enterocellarum fertur Podaly-  
 rius Hermes.

Epneumatosis dicitur uentris inflatio humoribus pitui-  
 tosis in uapores resolutis ex mediocri calore .

Emphyisma est spiritus inflatio sub cute . fit quandoque  
 in uentre & in intraneis .

Erores morbus est melancholiæ, ex nimia amoris ægritu-  
 dine proueniens, qui curatur uini potatione , balneis , spe-  
 ctaculis , & aliis rebus iucundis , mentem ab eo tormento  
 auocantibus .

Ephialtes morbus est, quo affecti noctu se strangulari pu-  
 tant , aut membris aliquibus detineri ; aut ex alto cadere ,  
 aut uoce & parata uenere, prohiberi : hic si inueterauerit,  
 apoplexiam , aut epilepsiam asseret . prouenit ex atra bile,  
 & crassis humoribus ad cerebrum tendentibus .

Febres sunt uariæ : Quotidiana , quæ accidit pituitosis ,  
 quandoque pueris hyemali tempore , & senibz ob nimium  
 cibum, uel in uita maximè otiosa . hæc certam habet perio-  
 dum, & aliquando desinit . hæc Græci uocant Aphemeri-  
 nam . Putris febris cognoscitur ex pulsu arteriarū inæqua-



scere & inflari . quo morbo qui laborant, explere sitim nequeunt . Horat. Crescit indulgens sibi dirus hydrops , Nec sitim pellit, nisi causa morbi Fugerit uenis, & aquosus albo Corpore languor.

Herculanus morbus est ex eorum numero, quibus nulla medicorum ope succurri potest . nasciturq; quoties caro in humorem crassum & spumidum colliquefcit . uocatur aliter Diuinus, seu Sacer, quod diuinam, id est, rationalem animi partem uiolet .

Hydrocellæ morbus est, quum intestina defluunt ac colliguntur . Martialis lib. 12. Omnes quem modo colei timebant, Dicentem rumidas in hydrocellas .

Hypisphasma dicitur ruptio uenæ ex ictu & uenæ plerumque procedens .

Hyptasmus est conuersio stomachi ex humore imperate.

Harpe est humor ex flaua bile proueniens, qui totum corpus late corripit .

Hæmorrhoids genus morbi, quo affecti sanguinis fluxum patiuntur . Plinius ait, Allium poru, uel cibo, uel illitu priuatim contra hæmorrhoidas prodesse .

Icterus est diffusio bilis per totum corpus, quæ interdum nigra, interdum flaua est: diciturq; ab Ictero aue, cuius aspectu sanatur . cognoscitur hic morbus ex colore oculorum, quando quod album est, fit luteum . procedit tam ex splene affecto, quam ex hepate . eo laborans nulla cibi appetentia mouetur, alba egerit excrementa . uocatur aliter Regius, Arquatus, & Aurigo . Martialis lib. 11. Dicet & ictericam si forsitan altera mœcha.

Ileos morbus gracilioris intestini, quo affecti dicuntur Ileosi .

Impetigo est scedatio cutis cum pruritu . affert autem morbum squamosum scabiei similem, totum corpus dehonestantem . Serenus, Si uero uitium est quod ducit ab impete nomen, Hoc maütina poteris cohibere salua . Aliter Petrix, & Petigo dicitur .

Intertrigo fit quando nerui in aliqua corporis parte contrahuntur . Cato ait morbum hunc sanari posset, si surculus absinthii pontici feratur sub anulo .

Ignis sacer numeratur inter mala ulcera . cuius duo sunt genera : alterum subrubicundum , quod fit in pectore , lateribus , aut plantis : alterum in summa cutis exulceratione , sed sine latitudine . dicitur sacer , propter admirationem , quòd nihil habeat cum aliis morbis simile , uel ab Hercule , qui eo laborauit .

Lepra morbus est idem cum Elephantia , aut non multum dissimilis . de quo intellexisse uidetur Horatius , dicens : Ut mala quem scabies , aut morbus regius urget . hunc alio exulcerari , sanatiq; cum origano , testis est Plinius lib. 20 . Similitudinem habet cum Psora , sed altius aliquando penetrat , pulmonemq; adeò corrumpit & putrefacit , ut eo affecti rauescant , ægreque loquantur , & respirent .

Lychenes masculini generis dicuntur oris ulcera , fursuram cutis excitantia , latinè Mentagra dicitur . Martialis lib. 11 . Non ulcus acre , pustulæ uel lucentes , Nec triste mentum sordidiq; Lychenes . Fuit hic morbus Romanis ignotus usque ad principatûm Tiberij , auctore Plinio lib. 26 . cap. 1 . Aliter etiam uocatur Lychen .

Lichiasis uocatur morbus calcularis : alij ocularem faciunt in conuersis palpebris . si in renibus accidat , aut uesica , procedit ex defectu contortionis .

Lyenteria uocatur intestinorum dissolutio , quum cibis non perficitur , sed egeritur incoctus . Lyenteriam qui patiuntur , dicitur Lyenosi .

Lippitudo uitium est oculorum , humorem & lacrymas emittentium , quo Horatius fatetur se laborasse , ubi ait : Hic oculis ego nigra meis collyria lippus , Illinere .

Lagophthalmia morbus est oculorum , quando contractis supernè palpebris apertis dormitur oculis , instar leporis .

Leucomata maculæ sunt profundæ in oculis .

Lycantropia species est melancholiæ , quum more luporum affectus noctu in somnis ululat .

Lethargus morbus est Phrenesi contrarius , dormitans , & ex atra bile proueniens . cui consanguineus Vaternus , alter obliuione , alter somno semisepultus . in lethargo præter somni appetentiam , est quædam mentis alienatio , & rerum propè omnium obliuio . Boethus , Lethargum patitur com

mūnem illufarum mentium morbū, fui paulisper oblitus eft. hoc affecti dicuntur Lethargici.

Leonthiafis capitur pro Elephantiafi, quodd hoc morbo affecti frontem Leonis modo corrugatam habeant.

Mentagra eft faciei morbus, nomen fortitur a mento, a quo oritur: occupatq; interdum totos uultus, oculis tantū immunibus. dēfcendit nonnunquam in colla, pectusq; ac manus fœdo cutis furfure. uocabulo Græco Lichen, feu Lichēnis dicitur. Mentigo uerò morbus eft pecorum.

Melæthean Plutarchus in Phocione ait eſſe morbū, quo laborauerit Dimarchus Corinthius: morbi tamen non exprimit qualitatem.

Nephritis eft renū morbus, qui inter acutos numeratur, de quo fortē intellexit Horatius, dicens: Si latus, aut renes morbo teneantur acuto. Nephritici dicuntur omnes, qui hoc morbo laborant.

Nauſea uocatur ſtomachi faſtidium, ob circumſtāntem prauum humorem. cui propē ſimilis Anorexia, id eſt, ciborum inappetentia.

Narce eſt alicuius membri torpedio ſeu labore, ſeu frigore ſtupēſcentis. Narco des dicitur, qui hoc patitur, a Narco piſce hoc malum inferente, qui & Torpedo appellatur.

Ozenia morbus eſt, quum multa ulcera ac cruſtæ ſunt circa nares, quæ foetidum reddunt odorem, & olfactum impediunt.

Otalgia eſt aurium morbus, quum intus fiunt quidā ſoni.

Pernio morbus eſt pedum ex frigore proueniens, & maximē calcaneum infeſtans, quem rapo domeſtico, ſi ſeruē imponatur, ſanari, teſtis eſt Plinius.

Petigo maculoſus eſt morbus, totum plerunque uultum præter oculos occupans. aliter uocatur Impetigo ab impetendo.

Phrenēſis morbus eſt conturbans mentem, & inſaniam plerunq; excitans. ſit autem, quum quis uanas imagines accipit. Poſſidonius ſcripſit Phrenēſim tumorē eſſe mēbrarum circa caput cū febris acuta, qui mētem alienat. prouenit autem ex flaua bile. ſi humida eſt, ſomnos facit pro ſuſcitos: ſi ſicca, uigilias: ſi humida, cum paruo frigore ſtultitiant.



## M O R B I D I V E R S I

Phthiriasis appellatur morbus pedicularis, quo Sylla, Pherecydes & alij plerique, ut iam diximus, perierunt.

Pituita est morbus capitis proueniens ex catharro; Græcè Phlegma dicitur. est autem origo omnium languorum, qui ex distillatione fiunt. quum expirat extrinsecus, uarios tumores producit. intrinsecus uerò cohibita, urentes edacesq; morbos parit. Horat. in epist. Præcipue sanus, nisi quum pituita molesta est. Pituitosi hoc morbo affecti.

Pleuritis, seu Pleuresis est dolor laterum, quo affecti dicuntur Pleuretici. quo morbo periit Lucius Crassus, eloquentium iurisperitissimus. affert plerunq; febrem, tussim, & anhelitus difficultatem.

Podagra est dolor pedum, quo affecti dicuntur Podagrici. Martialis, Litigat & podagra Diodorus Flacce laborat. Plinius ait hunc morbum rarum fuisse in Italia patrum, auorumque memoria, suaq; etiam ætate, nec esse incurabilem. nam in multis sponte desinit & in pluribus curatur. uide remedia lib. 20. cap. 11. quamuis Ouid. lib. 2. de ponto dicat: Soluere nodosam nescit medicina podagram. Si est in genu, uocatur Gonagra ab Hippocrate.

Porriigo genus est morbi, qui crescendo porrigitur & extenditur, unde nomen traxit. nascitur in capillo, barba, & supercilio. Lucius, Tristem & corruptum scabie & porrigine plenum. Qui hoc infestantur, dicuntur Porriginosi.

Priapismus morbus est, quo genitale membrum citra rei ueneræ cupiditatem extenditur. cui rebus frigidis occurratur: quo periit Michael Verinus poeta Hispanus. aliter Prurigo uocatur.

Pustula est tuberculum nascens in summitate cutis. Plin. Pustulas uocat eruptiones pituitæ. quandoq; tamen pustula significat bracteam argenti. Martialis lib. 8. Et niueum felix pustula uincit ebur.

Pterygium membranula est neruosa, oriens sub angulo oculi, quæ interdum ita augetur, ut pupillam operiat. si in ueterata sit, chirurgi manu indiget; si mediocris, tantum collyriis.

Prilosis oculorum morbus, quum pili superioris palpebræ connectuntur, uel quum decidunt, aut ordine duplici

supernascuntur ex crassitudine palpebrarum.

Pſorophthalmia dicitur pruritus palpebrarum.

Phthisis morbus itidem oculorum, quando pupilla angustior fit, aut latior ex aliquo capitis morbo, ex quo obiecta apparent esse maiora quam sint. in hoc morbo fit exulceratio pulmonis ex pituita distillante a capite.

Polypus est narium morbus, ita dictus a similitudine Polypi animalis. qui ut acetabulis uenantes inuadit, ita quoque nares iste occupat usque ad sermonis & anhelitus impedimentum. ponitur inter Carcinomata pænè incurabilia. Polyposi sunt, quorum nasus polypo morbo in foedam magnitudinem excrescit. Martialis, Nasutum uolo, nolo polyposum.

Parotides morbi sunt narium, qui nascuntur ex capitis humore huc descendente & aggesto. sunt & quandoque sine tumore.

Parulis dicitur tumor gingiuarum, cui nisi per pharmaca occurratur, in pus ueniunt.

Paristhmia morbus est gutturis & faucium, quando loca gulæ angusta præcluduntur, aut nimia uini potione, aut habitu subito alicuius rei acorem habentis.

Pneumonia morbus est pulmonis, quando tumescit, proueniens interdum ex uehementi catharro, uel pleuritide.

Phymosis uitium est membri genitalis, quando nudum est aut contactum nudari non potest.

Pſora species est lepræ, quæ in summa pelle uersatur. hac qui laborant, ulcera siue pustulas supra modum contingere & scalpere cupiunt.

Paralysis dicitur neruorum dissolutio, & uirium defectus, aliter Paresis. hoc morbo qui laborant, uocantur Paralytici. arguitur autem in hominibus, quum rectum seruare incessum non ualent, & crura uelut ardua conscendentes attrahunt, & in sinistrum quandoque dextera circumferunt, quandoque è diuerso.

Recluium morbus, quum circa ungues cutis se soluit, huic similis est Rediuium, quam lana succida sanat ex aqua frigida.

Ramex species est herniæ. hoc affecti morbo uocantur

## MORBI DIVERSI.

**Ramicosi** . sanatur syluestri ruta cum axungia, Plinius l. 10.

**Regius** morbus idem est cum Arquato, Aurigine, & Ictericò, uide in præcedentibus . appellatur autè Regius, quòd eo morbo affecti, apparatu regio , ut conclauì cultiore, ludisq; & lasciuia sanentur .

**Stranguria** uocatur urinæ difficultas , quando guttatim egeritur. latinè dicitur Substillum. auctor Cato de Re rust.

**Sacer** morbus uocatur Comitialis, seu Caducus, quòd eo laborauerit Hercules .

**Strophos** appellatur intestinorum dolor .

**Sycosis** morbus est, qui aliter Ficus, seu Merisca dicitur. uide in dictione Ficus fit quando caro excrescit .

**Synanche** morbus est spiritum, & fauces occupans , & strangulans, Angina Latinè dicitur. Demosthenes, pecunia a Milesiis corruptus, quò postridie à concione flagitaretur, ut in eos orationem haberet , excusauit Synanchen . unus autem è turba suspicatus id , quod erat , exclamauit non Synanchen eum pati , sed Argyranchen, quasi dicas argentan ginam . quibus uerbis significauit silentium Demosthenis pecunia a Milesiis emptum .

**Sonticum** morbù ueteres pro uehementi , ac grauissima ægritudine acceperunt, quam Plinius ait suffitu lapidis (qui uocatur Gagares ) deprehendi . habet autem uim nocendi grauissimè . nam Sontire uerbum, est uehementer nocere . unde Tibullus lib. 1. Causam sonticam uocat , dicens: Parce precor puero, non illi sontica causa est . hinc & Sontes rei appellantur .

**Siriasis** morbus est puerorum, & inflammatio circa cerebrum , unde sequitur, syncipitis , & oculorum incuruitas cum pallore & siccitate corporis. Plinius lib. 22. scribit Heliotropii folia, infantium distillationibus, quod Siriasim uocant , illita mederi .

**Solerophthalmia** est oculorum morbus, quando præduritie palpebræ uix è somno aperiuntur , & sordes in oculis siccæ remanent , oculiq; propterea fiunt subrussi .

**Synchysis**, est oculi confusio, ob plagam aliquam, ex qua pupilla turbatur .

**Sympyxis** tumor est & inflatio palpebrarum,



Spasmus morbus est, qui concreto ferè toto corpore, nascitur e frigido humore maximè circa spinam musculorum, ex anteriore corporis parte Hemeprostoton, & posteriore Epistoton. signa morbi sunt, difficultas anhelitus, motus arteriarum parvus, ac tenuis rubor in uultu, oculi tumidi, urina ferè aquea, uel sanguinea. Spastici dicuntur, quibus aliquid intus conuulsum est. & Spasmus nihil est aliud, quàm neruorum distentio, siue rigor procedens è siccitate nimia euacuato corpore.

Syntexis morbus est uentris, quando humoribus eò descendentibus, simile quiddam fluxu bilis excreatur. generatur a febre urente omnem intrinsecus humorem. hoc qui laborant, dicuntur Syntectici.

Scotoma est morbus, quem nos Vertiginem appellamus, quum tenebræ ob oculos uoluuntur. procedit autem ex uaporibus ad cerebrum delatis. affectis solet esse oculorum hebetudo, aurium sonitus, semisurditas. accidit plerunque quum surgitur è somno, uel quum fit circumactio corporis, aut ex ebrietate nimia & saturitate.

Satyrialis morbus est de specie elephantiasis. quo affecti, ulceribus scatent, tetrio sunt aspectu, ore squalenti non sine dolore & pigritia. neque ulla cibi aut potus uoluptate mouentur. sic autem dicitur, uel quòd lasciuis hominibus (quales sunt Satyri) eueniat, uel quòd ora Satyrorum pictorum referant.

Sphacelus morbi genus est, quod ex immodica defatigatione solet accidere. quidam putant esse tormina articulorum, quidam ossium tabem, quum scilicet membrum ali quod usq; adeò scabie corruptum est, ut sine sensu maneat.

Struma est tumor, sub quo concretæ quædam ex sanie & sanguine quasi glandulæ nascuntur, maximè in ceruice, sub alis, & unguibus manus.

Scytrum tumor est prædurus, insensibilis, uixq; curabilis.

Thérioma ulcus est uirilium, interdum etiam aliarum partium, dum multo ac nigro sanguine mali odoris, atra fit caro, & corroditur.

Tormina morbus a torquendo sumpsit nomen, quum dolore torquentur intestina, exulceratione. ex his cruor mar

nat, frequens deiiciendi cupiditas, dolor est in ano. signum tunc est mortiferum, si carnes egerantur. Nonius Tormines dixit in masculino . uide Celsum lib. 4. cap. 15

Tussis morbus est arteriarum, qui gignitur uel ex frigore, uel ex pituita in pulmonem descendente. prouenit quandoque ex uehementi conatu uocis, interdum & ex calore febris. inueterata difficilè tollitur. sanatur herba, quæ propterea uocatur Tussilago.

Trichiasis est eruptio pilorum præter naturam in ordine palpebræ ex Reumate procedens.

Trachoma uocatur palpebrarum asperitas.

Tonsillæ morbus est faucium, carne durata circa guttur. dicuntur tonsillæ in homine, in sue glâdulæ auctore Plinio.

Tympanites morbus est de genere Hydropisis, quo affectus tumet, & tympani modo inflatur.

Veternus morbus est somnum & marem inducens ex nimio ocio & torpore. hinc pro pigritia & somno plerumque ponitur. hinc Veternosi.

Vnguis morbus est oculorum, qui à Græcis Pterygium dicitur.

Vomica tumor est excrescens in corpore, sanie plerumque emittens. Vomicam Plautus crumenam uocauit plenam pecunia.

Vredo morbus herbarum, arborum, fruticum, qui in uitis dicitur carbuuculus, in cæteris rubigo. Plinius, Aduriti lactescentes germinum oculos, quod in flore Carbunculum uocant.

Vermina sunt dolores corporis, qui quodam minuto motu, & quibusdam ueluti stimulis uermium instar scindere & pungere uidentur. Verminare est uermibus scatere. Celsus, Nihil perniciosius pueris, dum uerminant.

Verrucæ sunt tumores in uultu, quos Græci Myrmecias uocant. Festus Cossos appellat. serpunt usque ad ceruicem, quandoque dolorem afferentes & pruritus.

Xerophthalmia est oculorum pruritus, tracto nomine a siccitate. est enim arida lippitudo, quum nec tument, nec fluunt oculi, sed grauescunt.

Alij sunt morbi numero propè infiniti , qui non doctrinam tantùm & elegantiam in scriptore postulant, sed experientiam quoque . nam plerique omnes , qui de his loquimur, fumum solùm attingimus , & nebulas pingimus in pariete. non est hæc nostra messis : & dum hoc scribendi argumentum sumimus, nihil aliud assequimur , quàm quòd peritorum linguas in nos ipsos acuimus. Multi dum suæ doctrinæ ac famæ dilatare uolunt pomœria, minus multo emerentur laudis, quàm si quos nouerunt,remos impellerent. quo fit , ut his relictis ad mea licia redire uelim . neque hoc ipsum de morbis ( quantulumcunque est ) delibassem, nisi fuisset animus his quadam tenus satisfacere, qui ex omni dolio aliquid student pitissare, quiq; nihil indiscussum relinqui sibi uolunt . Pergamus ergo , & finem facturi breue auctarium consuamus .

Morbis induntur nomina quandoq; ab affecto membro , ut Pleuritis, a latere , Peripneumonia a pulmone: a causis, ut Maniæ, Melancholiæ : a similitudine , ut Elephas, Leo, Cancer, Ictericus, Polypus : ab artifice , ut Chironium ulcus: ab his , qui laborarunt, ut Tylosia, Herculanius.

## APPELLATIONES EORVM, QUI

VARIIS LABORANT MORBIS .

**A**oplectici, Auriginosi, Anorectici, Apostematici, Asmatici, Alsioli, Aluini, Carbunculosi, Carcinomatici, Chiragrifici, Chalaziaci, Calculosi, Cardiaci, Cœliaci, Comitiales, Colici, Dysenterici, Elephantiaci, Epi-phoretici, Êctropici, Emphysematici, Entherocelli, Erotici, Eliosi, Febriculosi, Glautomatici, Hydropici, Hydrocephali, Ictericus, Impetiginosi, Ischidiaci, Ischiaci, Leprosi, Lienterici, Lippi, Lagophthalmi, Leucomatici, Lycanthropici, Lethargici, Lymphatici, Mentagrifici, Melancholici, Narcodes, Opisthonicus, Orthopnoici, Phrenetici, Phthisici, Pituitosi, Pleuretici, Pedicosi, Podagrifici, Porriginosi, Pustulosi, Psorophthalmi, Polyposi, Pneumonici, Paralytici, Peripneumonici, Suspiriosi, Splenetici, Stomachici, Stranguriosi, Sontici, Spastici, Syntectici, Scotomatici, Strumosi, Torninosi, Tetanici, Veterinosi, Verminosi, Verucosi, Xerophthalmi .



# QVI MORBIS ALIQVIBVS

INFECTI, ET AFFECTI FVERVNT.

**E**Vnomius præsul Cyzicenus Arrianæ hæreseos sectator (qui sub Valente imperat. floruit) lepra & morbo regio laboravit.

Galla uidua Romana, Symmachi uiri Patricii filia, laboravit ex carcinomate in mamilla. Volat.

Plotinus philosophus Platonicus, natione Ægyptius, morbo sacro fuit obnoxius. Crinitus lib. 25.

Froila secundus, Alphonfi magni filius, lepra correptus ærumnosa morte uitam clausit.

Aristarchus grammaticus Alexandrinus (qui floruit sub Ptolemæo Philometore) hydropisi laboravit. Suid. apud Vol.

Andragasina uirgo, uxor Ausberti cuiusdam, qui fuerat domesticus Vandegyfilli comitis Palatini, lepra laborans, cœnobio se inclusit. Volat.

Maria, filia Amædei Sabaudix ducis, uomica laboravit, ac propterea Philippo Mariæ uicecomiti, marito suo nunquam congressa est.

Iulius Viator, eques Rom. cœtaneus Volaterrani, laboravit morbo intercutis.

Medeus unus ex iis, qui Ioannam puellam Gallicam Anglorum domitricem flâmis adiudicauerant, lepra infectus, miserè expirauit. Valerandus Varanius lib. 4. Medeus si quidem longo sermone profatus, Astruit esse scelus flâmis & morte piandum, Multaq; adulandi studio cõfingit, ut Anglos Sic sibi conciliet, sed paucis inde diebus Corpus tabifico respergitur ulcere lepræ.

Metrodorus philosophus, Epicuri socius, laboravit Tympanite. est autem Tympanites species hydropiseos, ut iam d. xinus.

Ptolemæus Philadelphus, rex Ægypti, podagrica morbo fuit obnoxius. Plin. lib. 7. ait & uomica laborasse, uulneratq; nectore, (quum mortem in acie quæreret) medicinâ inuenisse.

Idem Plin. scribit perpetuam fuisse febrem C. Mæcenati, cui etiam triennio supremo, nullo horæ momento contigerit somnus.

Antipater Sidonius poeta omnibus annis uno die , natali tantum , corripiebatur febre , & ea consumptus est satis longa senectâ . Plin. lib. 7.

Manilius Cornutus mentagra laborauit . ad cuius remediû inueniendû ducenta sestertia elocauit . Plin. cap. 1. li. 26.

Seruius Clodius eques Rom. podagra laborauit , cuius dolore coactus est ueneno crura perungere . quo facto sensu protinus caruit , Suetonius .

Ennius poeta itidem fuit podagricus , neque tamen propterea abstinebat à musis . Pont. de fort.

Cosinus Florentinus morbo podagræ coactus est domi se continere . idem Pontanus .

Ferunt M. Crassum surdastrum fuisse . auctor Cic. lib. 5. quæst. Tuscul.

Vatinius , auctore Macrobio , quamuis podagra laboraret , uolebat tamen uideri uitium discussisse , & mille passus ambulare se gloriabatur .

Cambyfes ab ineunte ætate morbo sacro affectatus , nunquam postea satis conualuit . nam plerosque sibi familiares per insaniam occidit . Cæl. cap. 20. lib. 9.

In eundem morbum ( qui propterea dictus est Herculanus ) incidit Hercules , uel propter immensos labores , aut imminente Iunone , adeo ut in ipsa animi dementia filios interficeret . Crinitus .

Iulius Cæsar extrema ætate animo linqui consuevit , atque etiam per somnium exterreri . comitali quoq; morbo bis inter res gerendas correptus est , auctore Tranquillo .

Liuius Drusus , tribunus plebis , quum eo morbo laboraret , Anticyram profectus , sumpto ibidem Helleboro conualuit . auctor Gel. cap. 25. lib. 17.

Ioannes Venetus , discipulus Theodori Gazæ , podagra plerunq; laborabat .

Theopompus phthisi morbo laborans ab Asclepiade medico sanatus est .

Diodorum podagricum fuisse docet Martialis dicens : **I**rigat , & podagra Diodorus Flacce laborat .

Amædeus secundus filius Ludouici Sabaudix ducis , morbo comitali ad mortem usq; laborauit .

Carolus rex Pannoniæ articulari morbo plerunque affiebat.

Volaterranus ait beatam Genouesam, ob uitæ abstinentiam multis annis ex lepra laborasse. quod ego impium & fabulosum puto.

Beniamin Anachoreta (qui annis LXXX. duravit in Ere-mo) fuit hydropicus.

Heracletus philosophus hydropisi quoque laboravit, neque tamen uti uoluit medicis. Laertius.

Pontanus scribit Matthæum Aquilanum pedibus & manibus captum fuisse, neque tamen à theologiæ & philosophiæ professione destitisse.

## M V T I.

**Q** Vinctus Pedius, nepos Q. Pedii consularis, fuit natura mutus: quem propterea Messalla orator pictura docendum censuit. auctor Plin. lib. 35. cap. 4.

Atys Crœsi filius à principio mutus, ubi uidit irruentem in iugulum patris sui Cyrum, Q homo, inquit, ne interficias patrem. auctor Herod. & Gel. lib. 5. cap. 9.

Zoe uxor Nicoftrati martyris septem annis muta fuit ex morbo, demum à beato Sebastiano curata.

Ægles athleta, quum sortitione inter pugiles facta uidisset fucum sibi fieri, ac dari uerba; repente in eum, quid faciebat, sese uidere quid faceret, magnum inelamauit. auctor Gel. & Val. de Miraculis.

## HOMINES MALE OLENTE.

**E** Vripides poeta oris graucolentia laboravit. quod quum ei obiectum fuisset à Dechannico Archelai aulico, ex candauit poeta grauius, quam opinaretur quispiam. Cæl. cap. 10. lib. 13.

De Gorgonio & Ruffino Martialis, Pastillos Ruffinus olet, Gorgonius hircum.

## L I P P I.

**H** Erodotos in Polyhymnia scribit Euritum & Aristodemum ob extremam lippitudinem è castris à Leonida remissos.

Horatius Flaccus uariis in locis lippum se fuisse docet, ut Satyra 5. Hic oculis ego nigra meis collyria lippus Illi-



nere. Item, Lusum it Mæcenæ, dormitū ego, Virgiliusq;:  
Nanque pila lippis inimicum & ludere crudis.

Complexiones quattuor (ut dicitur) humani corporis,  
Phlegma, cholera seu bilis, sanguis; melānolia.

# STRABONES, LVSCI, ET MONOCVLI.

**P**olyphemus, Neptuni ex Thosa filius, quum duos Vlyssis comites deuorasset, ab ipso Vlyssie simulata amicitia inebriatus est uino, & altero (quia prius erat monoculus) priuatus oculo. Tibul. lib. 4. Cessit & Ætneæ Neptunius incola rupis, Victa Maronæo fœdatus lumina Baccho. Virg. lib. 3. Ænē. - & telo lumen terebramus acuto, Ingens quod torua solum sub fronte gerebat. Idem, Monstrum horrendum, informe, ingens, cui lumen ademptum. Sidonius, Atque Ithaci ingenio fraudatum luce Cyclopatm.

Cocles Romanus alterum in bello oculum amisit, nomen propterea inde fortitus.

De Phileni lusca, Martialis lib. 1. sic inquit: Oculo Philenis semper altero plorat: Quo fiat istud, quæretis modò? Lusca est.

Acacius orator socius Lybanii sophistæ unico tantum uidit oculo.

Philippus Macedo ab Astore milite sagitta percussus, alterum amisit oculum. unde & Aristides Philippum ipsum hoc ridebat scommate: Arimaspi cognatus es. Arimaspi enim populi sunt monoculi. Plin. lib. 7. cap. 37.

# CÆCI, ET EXCÆCATI.

**O**rta inter Iouem & Iunonem ludicra quæstione, utri scilicet maior esset libido, ulro ne, an fœminæ; Tyresias Thebanus iudex electus, quum pro Ioue sententiam tulisset, dixissetque mulierem esse lasciuiores, ab irata Iunone excæcatus est. indignatus Iupiter, cæcitatem uaticinio pensauit. Ouid. in Ibin, Qualis erat, postquam iudex de lite iocosa Sumptus Apollinea clarus in arte senex. Idem lib. 3. Met.

Politianus scribit eum ideò excæcatum fuisse, quòd nudā uidisset Mineruam, ubi in Ambra ait: baculum dat deinde

potentem Tyresia magni, qui quondam Pallada nudam Vidit, & hoc raptam pensauit munere lucem. Sen. in Oedipode, Tyresias tremulo tardus accelerat gradu, Comesque Manto, luce uiduatum trahens.

Antipater Cyrenais fuit pariter deficioculus. cuius cecitatem quum mulierculæ lamentarentur, Quid agitis? inquit, An uobis nulla uideretur uoluptas esse nocturna? auctor Cic. lib. 5. quæst. Tusc.

Appius Claudius quamuis cæcus esset; tamen in illò suo casu nec priuato, nec publico muneri defuit. auctor Cic.

Cæcus fuit C. Drusus, tamen domus ejus implebatur cōsultoribus, qui in suis causis, cæcum adhibebant ducem: Idem auctor, & Val. de Studio.

Gn. Aufidius prætorius in cecitate, sententiam in senatu dicebat, nec amicis deliberantibus deerat, & Græcam scribebat historiam, & uidebat in litteris.

Diodorus Stoicus, itidem uisu priuatus est. uersabatur tamen in philosophia, & fidibus Pythagoræorum more utebatur, munusque tuebatur geometriæ, discipulis præcipiens, unde, quò, quamque lineam scriberent.

Asclepiades, nobilis philosophus, interroganti cuidam, quid ei cecitas attulisset? respondit; Vt puero uno essem comitator.

Democritus, quum existimaret animi aciem impediri aspectu oculorum, oculos ipsos sibi eruit, ut philosophiæ & rerum naturalium causas profundius meditaretur. Lucretius lib. 3. Denique Democritum postquam matura uetustas Admonuit, memores motus languescere mentis, Sponte sua leto caput obuini obrulit ipse. Tertullianus ait, ideò Democritum se excæcasse, quòd mulieres sine concupiscentia aspicerè nō posset. Gel. lib. 10. de cecitate Democriti ex Laberio Mimographo citat aliquot uersus, quos potes legere.

Hypsea mulier fuit notæ cecitatis. unde Hor. lib. 1. Sermonum, -ne corporis optima lyncæis Contemplerè oculis, Hypsea cecior illa.

Thamyra Philamoni filius excæcatus est a musis, quas ad certamen cantus prouocauerat. Propert. lib. 2. Me licet & Thamyra cantoris fata sequantur, Nunquam ad formo-

ſas inuide cæcus erò. Politianus in Nutricia , Pontanus libro 3. de Stellis .

Stefichorus poeta , quum Helenam ſuis carminibus inſaſſet , excæcatus eſt . ubi tamen palinodiam cecinit , recepit uifum . Politianus in Nutricia , - & damnans Helenam , laudansque uiciſſim , Amittit , recipitque oculos , tuus Imera eiuis Stefichorus . Suidas apud Volat .

Alconius Pedianus anno ſuæ ætatis L X I I I . captus eſt oculis . duodecim tamen poſtea uixit annis .

Daphnis paſtor , qui carmen Bucolicum inuenit , luminibus captus eſt , quòd ebrius cum quadam formina còcubuiffet . auctor Suidas apud Volat .

Dydimus Alexandrinus , præſul Cæſarienſis , cæcus fuit a puero . nihilominus dialecticam & geometriam didicit , ſcripſitque commentarios in psalmos . auctor Volat .

Lucilla uirgo , filia Nemefij tribuni , cæca fuit primò : de mum a Stephano pontifice recepit uifum . hæc ſub Valeriano paſſa eſt . Volat .

Homerum cæcum fuiſſe fatentur omnes . unde autem cæcitatem illam contraxerit , non ſatis conuenit . ſunt qui dicant hoc ei ex morbo contigiffi , alij ex longa ſenectute . Quid . in Ibin , apum aculeis excæcatum ſcribit , & Pontanus de ſtellis lib. 5 .

Cedonius , unus ex diſcipulis C H R I S T I , cæcus natus eſt .

Xenarchus , philoſophus Peripateticus , paulò ante mortem uifu orbarus eſt .

Sefoſtris rex Ægypti in extrema ſenectute oculis captus mortem ſibi còſciuit . Michael Anglicus , Niliaca tali cæcus regione Sefoſtris , Vltus adulterij eſt facta nefanda grauis .

Herodotus in Euterpe ſcribit Pheronem huius Sefoſtris filium , caſu fortuito excæcatum fuiſſe .

Herodotus itidem ſcribit Anyſim regem fuiſſe Ægypti oculis captum . pro quo Tortellius Amaliſm legit .

Anchiſam Boccacius cæcum fuiſſe ſcribit , ex Seruij teſtimonio , ac propterea Troianorum conſiliis non interfuiſſe . cæcitatem autem contigiffi ait , quòd gloriaretur ſe Veneri concubuiffi .



Salaberga puella ex agro Laudunenſi, (quæ temporibus Dagoberti Francorum regis uita & ſanctitate floruit) cæcitatem ab utero matris attulit.

Phœnix, Amyntoris filius, oculis caruit. unde Ouidius in Ibin, Id quod Amyntorides uideas, trepidusq; miniſter, Præſentes baculo luminis orbis iter.

Oedipus ubi agnouit ſe Iocæſtæ matri concubuiſſe, & patrem Laium dediſſe morti, ſcleris horrore oculos ſibi eruit. Ouidius in Ibin, Seneca in Oedip.

Phineus ira numinum excæcatus eſt, quod filios ſuaſu Harpalices excæcaſſet. ſunt qui dicant Phineum Idæ, filiæ Dardani, Scytharum regis, amore uſque adeo captum fuiſſe, ut eius ſuaſu filiis ex Cleopatra ſuſceptis oculos euulſerit. Ouidius in Ibin. Martialis lib.9. Phineas inuites, aſſer & Oedipodas.

De Phinidis a Phineo patre excæcatis, idem Ouid. inquit: Vt duo Phinidæ, quibus idem lumen ademit.

Polymneſtor rex Thraciæ, quum Polydorum Priami & Hecubiæ filium, fidei ſuæ tempore belli Troiani creditum, auri (quod ille habebat) cupiditate occidiſſet, indignata mater Hecuba eidem, per ſimulatam amicitiam conuocato, oculos eruit. Ouid. in Ibin, Euripides apud Plutarchum in Parall.

Polyphemus quum prius eſſet monoculus, ab Ulyſſe prorsus excæcatus eſt. cauſam iam diximus. Ouidius in Ibin, Paſtor ut Ætneus, cui caſus ante futuros

Thelemus Eurimedes uaticinatus erat.

Iſacius Angelus imperator ab Alexio fratre (quem prius magna pecunia a Turcis redemerat) excæcatus eſt, & in carcerem coniectus. Egnatius.

Polyzellus Athenienſis in bello contra Datim ducē Perſarū, incerto caſu cæcus factus eſt. auctor Plutar. in Parall.

L. Metellus orbam luminibus exegit ſenectutem, amiſſis incendio, quum Palladium raperet ex æde Veſtæ. Plin. lib.7. cap.43. uide etiam paulò infra.

P. Cornelius Ruſſus, Manlij Curij in conſulatu collega, dormiens, oculorum uſum amiſit, quum id ſibi accidere ſomniaret. auctor Plin. lib.7. cap.50.

Phanus fuit usurarius quispiam cæcus: de quo Erasmus meminit in illo adagio, Phani ostium.

Timo'eon Corinthius (qui expulso Dyonisio Syracusas redemit seruitute) ætate iam prouectus, morbo cœpit laborare, quo cæcus factus est: auctor Plutarchus in eius uita.

Ophioneum; Messeniorum uâtem, Pausanias apud Cælium scribit, semper a natali statim diē luminibus captum, & priuatim & publicè uaticinia peregisse, & post uehementem capitis dolorem uidere cœpisse, ac mox relapsum ad cæcitatem deniud:

Iustinianus imperator ante Leontium Gallinico patriarchæ Constantinopolitano (cuius dolo prius imperio fuerat detrusus) oculos eruit. Paulus Diacon:

Constantinus Copronymos imperator, Artabasdum primæ nobilitatis hominem, imperatorem ab orthodoxis creatum, biennio post captum, oculorum uisu cum liberis priuauit. Egnatius.

Constantinus imperator, Leonis & Irenes filius, Nicephorum imperatorij stemmatis hominem (in quem suffragia multorum inclinabant) oculorum & linguæ usu priuauit. Egnatius.

Irene postea imperatrix, rerum potita, filium Constantinum in potestatem redactum excæcauit. Egnatius.

Haraedum quendam principem fuisse scribit Saxo, qui præ senio amiserit uisum. quod etiam de Gormone testatur idem Saxo lib. 9.

Aribertus rex Francorum Sigibrandum Asbrandi filium oculis priuauit, omnesq; eius propinquos uariis tormentis affecit. Paul. Diac. de gestis Longobardorum.

Nautulphus puer natura cæcus, precibus sancti Senoch, uisum recepit. auctor Gregorius Turonen.

Belisarius, præfectus copiarum Iustiniani imperatoris, de letis Vandalis, æcto de Persis triumpho, Italia a barbaris nō semel liberata, propter prosperos successus ipsi imperatori formidolosus, & suspectus factus est, ac propterea ab eodem oculis priuatus. quo factō tuguriolum in uia frequenti sibi statuit, ubi uictum a prætereuntibus mendicabat his uerbis: Viator da obulum Belisario, quem uirtus extulit, excæcauit

inuidia . auctor Procopius , & Crinitus, cap.6.lib.9.

Pontanus de fortitudine bellica ait , Lippum Florentinū oculis captum fuisse , ac nihilominus in cæcitate rhetorum ac philosophorum auditoria frequentasse.

Quum in Troia Mineræ templum arderet , Ilus demissum cælo Palladium eripuit , statimq; oculis captus est . postmodum , placata ira deæ , pristinum recuperavit uisum . auctor Dercyllus apud Plut.

Metellus quoque templum Vestæ incensum conspicatus , Palladium eripuit , statimque oculis captus est , postmodum , dea placata , uisum recepit . idem auctor.

Valerius Bestius dum Ruseium L.Imbrici soceri sui filiū , fidei suæ creditum , cupiditate auri interfecisset , ab ipso postea Imbrico correptus & excæcatus est . Plutarchus.

Herodorus in Erato ait , Epyzelum Atheniensem in bello incerta causa luminibus captum fuisse , neque saucium ulli corporis parte , neque ictum.

Kailla Pannoniæ regina maritū suū Vazulem exoculauit . Endra , filius Bazulis Pannoniæ regis , Petro itidem Pannoniæ regi oculos eruit . auctor Volat.

Bela secundus , Almi filius , rex Pannoniæ , a Boricho , filio notho Colomani itidem Pannoniæ regis , excæcatus est.

Colomanus rex Pannoniæ post Ladislaum , Almo fratri oculos eruit , & eundem occidit .

Fara uirgo (quæ sub Heraclio imperatore floruit) dum ab Hagerico patre ad nuptias compelleretur , in tantas prorupit lacrymas , ut inde cæcitatem contraxerit.

Maiolus patria Aruernensis , Archidiaconus Matiscœensis , ex morbo luminibus orbatus est : uisum tamen compluribus prodigiosè restituit .

Lycurgus a Thracibus (quibus principabatur) excæcatus est , quòd fœminas quasdam sequentes Bacchum simulata cū Deo amicitia interfecisset . auctor Diodorus.

#### C L A V D I .

**E**pietetus philosophus Hierapolitanus claudus fuit . unde apud Macrobiū hoc modo inducitur loquens : Seruus Epietetus genitus sum corpore claudus , Paupertate Irus , dijs & amicus ego.



Colomanus rex Pannoniæ dicitur fuisse luscus, claudus, gibbosus, lingua blæsus, & ore improbo.

Damón Pædotriba fuit quispiam claudicans, qui, quum crepidas furto amisset, imprecatus est, ut furis pedibus maximè congruerent. erant autem hæ non rectæ nec accommodæ: illi tamen pro pedum deprauatorum ratione in primis aptæ. Cælius.

Idem Cælius ait, Androclidem Laconem debilem crure & inutilem fuisse.

Cocles accepto uulnere claudus factus est: cui, quum cru-  
ris uitium obiektaretur, Per singulos, inquit, gradus admo-  
neor triumphi mei. Plutar. in Publicola.

Philippus Micedo, accepto in coxa lanceæ ictu, incidit  
in claudicatem, quod laudi sibi uertebat aduersus calumnia-  
tores. Cælius lib. 8. cap. 5.

Nicomedem Cælius ait fuit quendam claudum, alium a  
rege Bithyniæ.

Aristigiton Atheniensis fuit sycophanta, cuius concio-  
nes nihil non Martium spirabant, adeò ut uentosa sua lin-  
gua populum in discrimina plerumque coniiceret. proinde  
quum die quadam exercitum parari, & milites delegi intel-  
lexisset, innixus baculo claudicatem simulauit, ne ad bellum  
uocaretur. unde adagium fluxit in uulgus, Aristogiton clau-  
dicat. de his, qui morbum simulant, ne militiam, aut aliud  
oneris genus subeant.

Perdix, capro fuit quispiam claudus, cuius clauditas pro  
uerbio locum fecit, Perdixis crura, in loripedes & distor-  
tos. Aristophanes apud Erasmus. Cælius cap. 40. lib. 13.

Artemon faber fuit machinarius tempore Periclis, qui,  
quum claudus esset, suas passim machinas circumferebat.  
Erasmus in Chiliadibus.

Lambda mulier Corinthia, Amphionis cuiusdam filia, &  
Ectionis uxor, fuit etiam clauda. auctor Herodotus lib. 5.

Vulcanus a Ioue præcipitatus ob deformitatem, uel quòd  
matri opem ferre uellet, incidit in claudicatem. ad quod al-  
lusit Valerius Flac. lib. 2. Argon. Accliuem scopulo inue-  
niunt, miserentque fouentq; Alternos ægro cunctantem po-  
puli gressus. Pontanus in lib. Meteo. Vulcanum fama est

## B A L B I.

cælo quum pulsus ab alto, Sub terris sine honore diu, sine munere claudum, Vixisse, & Sicala exiliū traxisse sub Ætna. Item Martianus Capella; Quidnam etiam claudus faber uenit. Lactantius, Tum faber claudus Mineræ nuptias postulat. Germanus Brixius, Deumq; loripedem simul arma ad coniurata uocasse.

## B A L B I.

**H**erodotus in Melpomene ait, Bartum Polymnesti inter Theræos opulenti, & Phronimæ filium, balbum fuisse, ac propterea consuluisse Apollinem, qui hoc modo responderit: Batte uenis uocis causa. Dux te iubet ire Lanigeram in Lybien habitatum Phœbus Apollo.

Cicero 1. 1. Philip. scribit, M. Fundum nescio quem cognominatum Bambalionem; ab hæsitantia linguæ.

Eodem nomine Fr. Philelphus Pogium Florentinum ob uitium linguæ infectatus est.

Euripides apud Cælium scribit Alcibiadi in dicendo balbutiem fuisse, quæ uoci illius splendorem, & sermoni gratiam afferre uidebatur.

Michael imperator (qui Leoni Armenio successit) lingua fuit balbus, dictus propterea Thraulus a Græcis. Egnatius.

## FVRIOSI, ET MANIACI.

**O**restes Agamemnonis & Clytemnestræ filius, propter interfectam matrem furiosus factus est, donec ad aram Dianæ Tauricæ expiauerit scelus. Virg. lib. 3. Æneid. & scelerum furiis agitatus Orestes. Ouid. lib. 4. de Trist. Quò postquam dubium est pius an sceleratus Orestes, Exactus furiis uenerat ipse suis. Lucan. lib. 7. Haud alios nondum Scythica purgatus in ara, Eumenidum uidit uultus Pelopeius Orestes. Horat. lib. 2. serm. Nec ferro ut demens genitricem occidit Orestes, At tu reris eum occisa insanisse parente. Statius lib. 1. Theb. Vel inanem metis Orestem, Opposito rapidam Pyladè uirasse Megæram. Cælius scribit Orestem ui furoris sibi digitum arrosisse & uorasse, eoq; facto, Eumenidas illi albas se ingessisse, quum prius nigro colore occurrerent formidolosæ. Adagium est apud Erasmum, Oresti pallium texere: in eum, qui parat munus abusufo. nã

Orestes per insaniam uestes dilacerabat. Virg. lib. 4. Æn. Aut Agamemnonius scenis agitatus Orestes, Armaram facibus matrem & serpentibus attris, Quum fugit, ultricesq; sedent in limine diræ.

Pentheus dum sacra Bacchi despicaretur, ulciscente numine in furorem raptus est. Virg. lib. 4. Æn. Eumenidum ueluti demens uidet agmina Pentheus, Et solem geminum, & duplices se ostendere Thebas. Luc. lib. 7. Nec magis attonitos animi sensere tumultus, Quum fureret Pentheus, aut quum descisset Agaue.

Milo Epirota quum hastam in Laodaniam filiam Pyrrhi coniecisset, quæ ad aram Dianæ, uelut ad asylum, confugerat, dea uindicante, in furorem raptus est, quo intra duo decimum diem periit.

Athamas Æoli filius, furiis à Iunone immixtis, usque adeo correptus est & agitatus, ut Learchum filium interfecerit. Ouid. lib. 6. Fast. Hinc agitur furiis Athamas sub imagine falsa, Tuq; cadis parria parue Learche manu. Plin. lib. 34. cap. 14.

Agaue Cadmi & Hermiones filia, Bacchico furore correpta, Pentheum filium interfecit. Luc. lib. 1. - ingens urbem cingebat Erynnis, Excuiens pronam flagranti uertice pinum, Stridentesq; comas, Thebanam qualis Agaue Impulit, aut sæui contorsit tela Lycurgi Eumenis. Idem lib. 7. Quum fureret Pentheus, uel quum descisset Agaue. Hor. lib. 2. Ser. Quid? caput abscissum demens quum portat Agaue Nati infelicitis, sibi tum furiosa uidetur. Sen. in Oedipode, Peior hac genitrix adest, Furibunda Agaue.

Lycurgus Dryantis filius rex Thraciæ, à Baccho (cuius nomen aspernabatur) in furore uersus, crura sibi amputauit. Luc. lib. 5. Thebanam qualis Agaue Impulit, aut sæua contorsit tela Lycurgi Eumenis. Ouid. in Ibin, Utq; Dryanti-dæ Rhodopeia regna tenenti, Ingenio dispar, cui pede claudus erat.

Marfyas dum Apollinem ad tibiæ certamē prouocasset, in furorem uersus, & ab ipso deo excoriatus est. Ouid. Ibin, Mens quoque si furiis uecors agitetur, ut illi, Vnum qui toto corpore uulnus habet.



Hercules, uisa apud inferos Megæra, in furorem uersus est, unde regressus filios imprudens occidit. Lucanus lib. 1.  
-aut qualem iussu Iunonis iniquæ

Horruit Alcides uiso iam Dite Megæram.

Alcmæon Amphiarai & Bryphiles filius, propter interfectam matrem furiis itidem agiturus est. Proper. lib. 3. Aut Alcmæoniæ furia, aut ieiunia Phineï. Politianus in Nutricia, Oenideq; facem, furiis Alcmæona pulsum.

Ajax Telamonis filius, propter arma Achillis mortui data Vlyssi in uirtutis præmium, dolore animi & inuidia in furorem uersus, armenta loro cædebat, existimans se interficere Græcos. Apuleius lib. 3. Met. In insani modum Aiakis armatus, non ut ille uiuis pecoribus infestus tota lanauit armenta.

Cleomedes Astypalensis, prodigiosis homo uiribus, dum Lachum Epidemnum, athletam, ictu pugni interfecisset, interfecti aperuisset latera, ac propterea iudices tantam perosi feritatem, in eum uellent animaduerte-  
re, indignatus, & in furorem uersus, columnam (qua ludi litterarii domus fulciebatur) disiecit, eaq; ruina, pueros omnes adobruit. sunt qui dicant hunc furorem eidem irrepsisse, quod uictoriæ præmio fuisset fraudatus. Plutarchus in Romulo.

Fuit alter Cleomedes, seu Cleomenes, quem Herodotus in Efrato scribit, a Lacedæmoniis (quibus imperabat) primo expulsus, deum pristinae dignati restitutum fuisse. nec multò post in tantam insaniam incidisse, ut unicuique obuiò sceptrum in faciem impingeret. quod eum facientem propinqui soleis ligneis illigauerunt, & in carcerem cōiecērunt. ubi arrepto custodis & ergastularii gladio, ab ima corporis parte ad uerticem capitis sese dissecuit.

Prætides seu filia Præti Argiuorum regis dum Iunoni se præferrent, in furias uersæ, ac postmodum mutaræ in uaccas finguntur a poetis. Virg. Prætides impleunt falsis mutibus agros. uide Seruium.

Plutarchus in uita Artaxerxis scribit, Charem fuisse quēdam, qui in bello Cyrum uulnerauerit, succisa poplitis uena: quem ait insania postmodum fuisse correptum, nimia il-

lati Cyto uulneris arrogantia .

Gallus Vibius uir fuit magnæ eloquentiæ , qui dum insaniam mentiretur , quod assimulabat , ad uerum redegit . Cæl. lib. 6. cap. 35.

Cælius scribit Euagoram , regem Cypriorum , repentino furore correptum fuisse .

T. Lucretius poeta physicus , sumpto amatorio poculo in furiam lapsus est , qua impellente mortem sibi consciuit . Status , Et docti furor arduus Lucreti . Cæl. cap. 26. lib. 9.

Sparsus fuit quispiam , quem Seneca scribit inter scholasticos insanum , inter insanos scholasticum fuisse . uide Cælium .

Timanthes Cleonæus . uide supra eos , qui sibi mortem consciuerunt , pag. 10. Cæl. lib. 6. c. 35.

Acco mulier iam decrepita , quum faciem ( quam ad speculum explorabat ) senio deformatam conspiceret , animi ægritudine in insaniam lapsa est . alii aliter sentiunt . aiunt enim ipsam consueſſe alloqui suam imaginem in speculo , eiq; subridere , comminari , promittere , subblâdiri , & quid quid confabulantes solent dicere . Idem auctor .

Pisander eò uesaniæ lapsus est , ut timeret , necubi animæ suæ occurreret , a qua uiuus eſſet destitutus . Cæl. cap. 26. lib. 9.

Cambyſes quum Apim ( quem Ægyptii pro deo colebât ) uiolasset , ulciscente numine , lapsus est in furias . quibus agitated , uniuerſam propè familiam deleuit . auctor Herodotus in Thalia . postremo furore uictus se ipsum interfecit .

Aio , filius Arichis ducis Beneuenti , missus à patre ad Rhotharem Longobardorum regem , in Italia ueneno potus est , cuius uirtute cœpit insanire . auctor Paulus Diacnus de gestis Longobardorum .

Harthbenus fuit athleta , quispiam ex Helsingia nouem cubitis procerus , quem Saxo grammaticus in tantas furias testaſ cecidiſſe , ut summas clypei partes corroſerit , igneos carbonēs uentri mandauerit , raptas ore prunas in uiscerum ima transfuderit , crepitantia flammæ pericula percurrerit , & ad extremum in sex athletarum suorum præcordia furente manu ferrum conuerterit .

Vlyſſes , quum eſſet Græcorum prudentiſſimus , inſaniã tamen ſimulauit , ne ad bellum Troianum proficiſceretur . ut autem perſuaderet ſe eſſe uerè inſanum , ſalem ſemina- bat , uariisq; animalibus aratra iungebat . Aſtum hominis explorauit Palamedes , qui aranti Telemachum filium obie- cit . quem ne læderet ipſe Vlyſſes pater , aratrum ſupendit . uide Cic. in lib. 3. Offic.

## F V R I Æ T R E S .

**F** Vrias poetæ Acherontis ex nocte filias uocant . Virg. Dicuntur geminæ peſtes , cognomine diræ , Quas & tartaream nox intempeſta Megæram , Vno eodemq; tulit partu . Propterea Galterius in Alexandreide decenti epi- theto eas uocat Noctigenas lib. 10. ubi ait , Hoc ego ſi dea ſum , qua nullã potentiôr inter Noctigenas , ſi me ueſtram benè noſtis alumnam . Eadem ratione Mantuanus eas uo- cat Acherontigenas . Apud inferos dicuntur canes . Luc. -iam uos ego nomine uero Eliciam , Stygiasq; canes in luce ſuperna deſtituam . Apud mortales uocantur Furæ , quòd furoris ſtimulos hominum præcordiis inculcent . propterea etiam finguntur iis colubros immittere , quos ad Maniam trahunt . unde Virg. -cæruleis unum de crinibus anguem Coniicit , inq; ſinu præcordia ad intima ſubdit , Quo furi- bunda domum monſtro permisceat omnem . Dicuntur & Eumenides ſenſu contrario , & per antiphrasim . Eumenis enim beneuolens dicitur . Ouidius , Eumenides tenuere fa- ces de funere raptas . Feruntur & capillorum loco , redimi- tæ ſerpentibus & colubris . Catullus , Quare facta uirum mulcantes uindice pœna Eumenides , quibus ſanguineo re- dimita capillo Frons expirantes præportat pectoris iras , Huc huc aduentate , meas audite querelas . Statius lib. 12. -& Anguicomæ ducent uexilla ſorores . Mátuanus in Apol. Exhibant de ſede Erebi teterrima monſtra Tiſiphone , furia- que aliæ multo angue comantes , Quippe quibus domina- bantur Plutonides umbræ . Appellantur etiam Diræ . Virg. At procul ut Diræ ſtridorem agnouit & alas , Infelix crines ſcindit Iuturna ſolutos . Idem lib. 4. Æn. -ultricesq; ſedent in limine Diræ . Lactantius lib. 6. de Vero cultu , de his in



huncmodum scribit: Tres sunt affectus, qui homines in omnia facinora præcipites agunt. propterea poetæ tres furias esse dixerunt, quæ mentes hominum exagitent: Ira ultionem desiderat; Cupiditas opes; Libido uoluptates.

Furiarum prima est Alecto, quum Virg. depingit lib. 7. Æn. Luctificam Alecto dirarum a sede sororum, &c. quòd autem sit Noctis filia, testis est apud eundem Virgil. Iuno hoc modo loquens: Nunc mihi da proprium uirgo sata Nocte laborem, &c.

Thesiphone, seu Tisiphone, secunda Acherontis filia, hoc modo ab Ouid. describitur: Nec mora Thesiphone mactatam sanguine sumit Importuna face, fluidoq; cruore rubentem Induitur palam, tortoq; incingitur angue, Egre diturq; dono. luctus comitatur euntem, Et pavor, & terror, trepidòq; infania uultu. idem lib. 4. Trist. fecit inde adiectiuum Thesiphonæus, ubi ait: cupiasq; eradere uitæ Tempori, si possis, Thesiphonæa tuæ. Hanc filiam esse Noctis docet Sylius lib. 2. dicens: Et palmas tendens, hos inquit Noctis alumna, Hos muros impelle manu, populumq; ferocem, &c. Mantuanus lib. 4. Agelar. dicens: Ite, canes adfuit Erebi, crinita colubris Thesiphone, spiransque uenenam ignemq; Megæra, &c.

Megæram, tertiam Acherontis & Noctis filiam, Claudianus de laudibus Stiliconis describit: Improba mox surgit tristi de sede Megæra, Quam penes insani fremitus, animique profanus Error, & undantes spumis furialibus iræ, &c. Mantuanus lib. 2. de Cala. temporum, Per medias urbes colubris crinita Megæra, Sanguineisque caput uittis intorta, flagello, &c.

## STULTI, ET INSIPIENTES.

**C**Oræbi, filii Mygdonis Phrygii, stulticia uulgi fabulis celebrata est, qui maris undas numerare conabatur, quum non posset ultra quinque numerare. auctores Eustathius & Lucianus. apud Eras.

Bagas fuit quispiam stupidæ mentis, & attonitæ. auctor Plutarchus in Collectaneis apud Eras. unde ortum adagiū, Ut Bagas constitisti.

## STULTI, ET INSIPIENTES.

Melchides fuit stultus, ab Homero celebratus: qui eversa iam Troia uenisse legitur, auxilium laturus Priamo. Lucianus apud E. asinum, Melchidem aut Corœbum me putas per deos?

Enthusiasmus est quidam mentis stupor, quo laborauit Mammachutus quispiam sola insignis fatuitate. unde Mammachuti dicuntur hiantes & stupidi. auctor Aristophanes apud Cēl. lib. 9. cap. 28.

Amphistides tantæ fuit stultitiæ, ut ignoraret, utro ex parente prognatus esset.

Acco uetula eo laborauit delirio, (sicuti iam diximus) ut solita sit ad speculum cum imagine sua, perinde ac cum alia muliere confabulari. auctores Cēl. & Eras. ex aduocatis Græcorum testimonius.

Cippius simulabat se dormire & stertere, quò facilius eius uxor mœcharetur quod arguit enim à zelotypia longè fuisse alienum. unde natum uidetur adagium Ciceroni in quadam ad Fabium Gallum epistola positum, Non omnibus dormio. auctor Lucilius apud Beroaldum.

Zenophantus fuit quispiam stultus, qui quò magis risum cohibere nitebatur, hoc ridebat profusus.

Midas Gorgii filius, quum agrestem Panos dei canōlenā Apollinis carminibus prætulisset, indignatus Apollo, asinas auriculas eidem indidit, quibus postea abiit in risum. uide Ouid. lib. 11.

Psylli populi, dum Austrum uentum plus nimio haberent inuisum, ut sibi & suæ terræ noxium, sumptis armis in eum hostiliter profecti sunt, ceu piuum aliquem hominem, & non rem incorpoream peterent. Herodotus lib. 4. & Cēl. lib. 16. cap. 11.

Intēr stultos numeratur Claudius princeps, quòd Domitium Neronem adoptauerit, quum Britannicum legitimo toro natum haberet. Sabellicus.

## MEDICI, PHARMACOPOLÆ, ET CHIRURGI.

**A**pollo, Æsculapii pater, medicinæ usum primus dicitur attulisse, ac propterea meruisse deitatem. Ouid.

lib. 1. Met. Inuentum medicina meum est ; opifexque per orbem Dicor , & herbarum subiecta potentia nobis . Idem lib. 1. de Rem.

Æsculapio Apollinis filio pleriq; etiam inuentum medicinæ referunt acceptum : in qua adeò excelluit , ut mortuū Hippolytum fingatur ad uitā reuocasse , & Androgeum Minois filium ab Athenensibus interfectum. Propert. lib. 2.

Et deus extinctum Cressis Epidaurius herbis ,

Restituit patriis Androgeona focis .

Acron Agrigentinus medicus, Athenis philosophatus est cum Empedocle . fuit antiquior Hippocrate, scripsit de medicina librum unum . Suidas apud Volat .

Aristogenes Thasius medicus floruit temporibus Antigonis Macedoniæ regis , ad quem libros plurimos scripsit de medicina . Suidas apud Volat .

Aristogenes alter Gnydius , Chrysippi philosophi seruus fuit, idem medicus , qui magnam adeptus est famam ex curatione Antigonis Gonatæ cognomento .

Asclepiades Prusiensis, Cn. Pompei familiaris , rationem primus reperit , quā uinum ægris mederetur , relato è funere homine & conseruato. dicebat salutē cōstare cibi potusq; abstinentiæ, præterea gestatione, ambulatione, & fricatione. scripsit ad Mithridatem uolumina, auctore Plinio . mortuus est scalarum lapsu in extrema senectute. Idem blandimenta & lenocinia cōmentus est ad ægrotorum gratiam & iucunditatem, siquidem & balneorum consuetudinē fecit, primusq; lectulos excogitauit suspensiles , quorum molli iactatione irritaretur & obreperet somnus . auctor Plin. lib. 7. cap. 37. & cap. 3. lib. 26.

Acesias fuit imperitus medicus , qui dum cuidam podagrico mederi uellet, morbum & dolorem auxit. unde natum adagium , Acesias medicatus est, ubi res in deterius uergit. Erasim. in Chil.

Arabs Apollinis fuit filius & Babylonis, quem Plin. lib. 7. medicæ artis apud Ægyptios repertorem dicit .

Antonius Musa medicus fuit Augusti , de quo Horatius meminit lib. 1. Epist. dicens : Nam mihi Baias Musa superuacuas Antonius.



Cassius Hemma apud eundem Pliniū testis est Archagathum Lysaniæ filium Peloponnesensem, primum è medicis uenisse Romam, L. Æmilio, & M. Liuio consulibus. eiq; ius Quiritum datum, & tabernam in compito Acilio emptam, ob id publicè uulnerarium fuisse eum tradunt uocatum, mireq; gratum aduentum eius ab initio: mox a sæuitia secandi urendiq; nomen carnificis meruisse. Plin. cap. 7. lib. 25. & cap. 3. lib. 30.

Amythaon, Melampodis pater, inter claros medicos olim habitus est.

Apollodori duo fuerunt, Scyllæus, & Tarentinus, ambo medici. de quibus Plin. lib. 20. cap. 4. loquitur.

Artemon fuit medicus, qui calua hominis interfecit, igneque cremati propinauit aquam è fonte noctu aduersus comitalem morbum. Plin. cap. 1. lib. 28.

Attalus medicus apud Plin. lib. 28. cap. 2. affirmat, scorpione uiso, si quis dicat, Duo; cohiberi nec uibrari ictus.

Alcon, seu Alcontius, medicus fuit uulnerum, centum festercis a Claudio condemnatus, & exul missus in Galliam, demum restitutus. nescio an is sit, de quo loquitur Martialis. lib. 6. Ostendit digitum sed impudicum Alconi, Dasioq; Symmachoq;. Aufonius de alio Alcone itidè medico loquitur, qui Diodorum aruspiciem uapuloquum fecit.

Agron medicus fuit, qui pestilentia Athenas passim occupante, affectorum plerisq; opem intulit salutarem, accensis in proximo ignibus. Celsus cap. 22. lib. 1.

Basilus Ancyranus professione fuit medicus, floruitq; imperante Constantino. apud Volat.

Chiron, Saturni filius ex Philyra, herbarum naturas primus inuenisse, Achillemq; & Æsculapium docuisse fertur: Phœnici Amyntoris filio oculis capto uisum restituit. Propert. lib. 2. Tarda Phyloteræ sanauit crura Machaon, Phœnicis Chiron lumina Phillyrides. Virg. lib. 3. Georg. Quæ sitæq; nocēt artes, cessere magistri Phillyrides Chirō, Amythaoniusq; Melampus. Ab eo nomen sumpsit herba, quæ Centaurea dicitur. Plin. cap. 6. lib. 25.

Cornelius Celsus libros de medicina scripsit oratorio more. floruit paulò ante Fabium Quintilianum.

Critobolus medicus fuit, cui singularem peperit laudem sagitta ex oculo Philippi Macedonis, citra oris deformitatem, euulsa. de quo abunde Curtius meminit lib.8. de gestis Alexandri. Plinius lib.7. cap.37.

Cleophantus auctore Plinio medicus fuit, qui uini rationem illustrauit. hic apud Plinium ait semen pastinacæ erraticæ dysentericis prodèsse.

Idem auctor scribit Chrysippum, Erasistrati præceptorè, medicum fuisse, qui Hippocratis, Æsculapij, & Prodicum medicorum placita ingenti garrulitate mutauerit.

Crinas Massiliensis fuit medicus, qui ad siderum motus ex Ephemeride mathematica cibos dabat, horasq; obseruabat. Plin. scribit hunc centum sestertia reliquisse, muris patriæ non minore summa extructis.

Charmis ex eadem Massilia fuit medicus, qui priores medicos & balnea damnauit, frigidaq; hybernis algoribus lauari persuasit. merisit ægros in lacus, adeo ut Plin. dicat, se uidisse capulares senes usque in ostentationem rigentes.

Castor medicus docuit Pipertim herbam (quam alij Siliquastrum uocant) bibi contra morbos comitiales. auctor Plin. lib.20. Idem scripsit succum radices ferularum, oculorum claritati multum conferre.

Cherias Atheniensis fuit medicus, qui apud Plinium testis est, radicem cardui ex aqua decocta potatoribus sicim facere, stomachum corroborare, & uuluis aliquid conferre, ut mares gignantur.

Chrysermus fuit medicus, qui Bulbi radice in uino decocta Parotidas curabat.

Cleempum Plin. scribit fuisse medicum, cui Pythagoræ librum de magicis herbis nonnulli ascripserunt.

Democides medicus Polycratem, Samiorum tyrannum, curauit talentis duobus, scripsitq; librum de medicina. Herodotus in Thalia scribit Democidem Taliphontis Crotoniensium principis medicum fuisse, atque duobus aurearum compedum paribus a Dario donatum.

Dexippus Cos, Hippocratis fuit discipulus, qui scripsit librum unum de medicina.

Diocles Carystius floruit temporibus Darii Histaspis: re

## MEDICI, PHARMACOPOLÆ,

liquit commentarios . Plin. in multis locis .

Democrates Seruilius citatur à Plin. lib. 25. primusq; medentiũ herbam dicitur inuenisse, quã appellauit Hyberidã

Idem lib. 24. ait Democritum fuisse medicum, qui in ualitudine Confidiæ, M. Seruiliij consularis filiæ, omnem curationem austeram recusantis, diu efficaciter usus sit lacte caprarum .

Dafius medici nomen est, cuius meminit Martialis lib. 6. dicens, Ostendunt digitum, sed impudicum Alconi; Dasioque, Symmachoque, &c.

Epicarmus Cous fuit auditor Pythagoræ. scripsit de rerum natura ac medicina commentarios, quos adhuc extare in bibliotheca Vaticana, scribit Volater.

Erasistratus medicus fuit, qui primus cognouit morbum Antiochi ob amorem Stratonices noueræ. Plin. scribit hũc fuisse discipulum Chryssippi, ex Aristorelis filia genitum. cui, Antiocho rege sanato, centum talenta donauerit filius eius Ptolemæus. hunc citat, Gellius lib. 16.

Euphorbus medicus, Euphorbiæ herbæ nomẽ imposuit. auctore Plinio lib. 25.

Eribotes Teleontis fuit filius, medicinæ peritissimus, ut qui Oilei uulnus a Stymphalidibus illatum sanauerit. testis Orpheus apud Ægidium Maserium in Argonauticis.

Galenus medicus è Pergamo ciuitate Asiaticæ, floruit Traiani temporibus. hunc Auicenna, cæterique omnes medicorum principem fatentur. scripsit de medicina libros copiosos, & in opera Hippocr. Celsus lib. 16. cap. 19.

Glaucias medicus fuit in cognoscenda cadauerum natura diligentissimus. Plinius & Celsus cap. 29. lib. 16.

Hippocrates Cous Democratis fuit auditor, uixit in summa familiaritate apud Perdicam Macedonum regem, suscepit filios Thessalum & Draconem. hunc Artaxerxes magna mercede summisq; honoribus in familiam suam inuitauit, auctore Valerio. familiaris fuit Democrito, quem ut infania curaret, plerunq; ad eum scripsit, amauit Græciam, ex qua nunquã egressus est. mortuus est Larissæ, natus anno, C I V.

Hermogenes fuit medicus, qui Hadriano imperat. se interficere uolenti, circum scripsit locum sub mamilla, quo



letaliter percusso, celerius expiraret. auctor Dion Cassius.  
 Iulianus fuit quispiam pharmacopola, herbariæ artis peritissimus, quem Volaterranus ætate sua floruisse scribit.

Lucas Antiochenis medicus fuit, Pauli apostoli sectator, a quo edoctus, scripsit Euangelium, & Acta apostolorum. excessit natus annos L X X X I V.

Lycus Neapolitanns Atriplicem (nomen est herbæ) contra cantharidas bibendum censet, apud Plin. cap. 20. lib. 20.

Menecrates Syracusanus medicus, nullam ab his mercedem accipiebat, quibus medebatur. curabat in primis morbum sacrum hac lege, ut liberati se esse ipsius seruos faterentur, eumque Iouem appellarent. feruntq; in id tumoris fuisse euectum, ut quandoque ad Agefilaum Spartæ regem hoc modo scriberet: Menecrates Iupiter Agefilao regi salutem. subridens Agefilaus respondit: Agefilaus Menecrati sanitatem. Plutarchus in Apoph. & Cælius cap 38. lib. 6.

Marcion Mitilenæus de simplicibus effectibus scripsit. item apud Plinium rumpi scolopendras marinas sputo, ruberas item, aliasque ranas scribit.

Mycon, apud eundem testis est aduersus serpentes nihil esse efficacius hippomarathro.

Machaon Æsculapij filius, & frater Podalirij, medicus fuit clarissimus. Baptista Pius lib. 4. Eleg. Cura Machaonia maior & ista manu est. Hic Philoctetem, Pæantis filium, Herculis sagitta Hydræ ueneno tinctâ, uulneratum sanauit. Propertius lib. 2. Tarda Philoctetæ sanauit crura Machaon.

Melampus, Amythaonis filius, filias Præti Argiuorum regis ab infania purgauit. de hoc Virg. lib. 3. Georg. - cessere magistri, Phyllirides Chyron, Amythaoniusq; Melampus. Meminit & Herodotus in Euterpe, & Plin. 25.

Meges fuit chirurgus quispiam, quem Volat. citat in Philologia.

Nicias Pyrrhi medicus fuit, qui ad Fabricium ueniens promisit se domino mortem illaturum. quod flagitium auersatus Fabricius, Pyrrhum, quamuis inimicum, litteris monuit, ut a Nicia caueret. uide lib. 3. offic. Ciceronis. Gellius lib. 3. cap. 8. uidetur hoc ascribere Timochari. apud Cælium ibidem Quadrigarius Nicæ. Vter uter fuerit, pa-

rum refert de nomine . Claudianus lib. 3. in Rufinum.

Nicomachus Stagyrites Machaonis fuit filius , & Æsculapij nepos scripsit de medicina libros sex. fuerunt eius nominis duo alij , pater & filius ambo medici. quorum filius scripsit commentarios in Physicā patris, & octo libros Ethicorum ad Eudemum . auctor Volater.

Nicerotes unguentarius fuit Syrius, a cuius nomine Martialis unguenta uocat Nicerotiana, lib. 6. dicens : Quod semper Cassia, Cinnamoque, Et nido niger alitis superbæ , Fragras pumbea Nicerotiana . Idem lib. 10.

Oribasius Sardianus, Iuliani principis familiaris, scripsit libros medicinæ quinquagintatres ad ipsum Iulianum. Suidas apud Volat.

Ocularius medicus fuit in Ægypto præstantissimus , qui floruit sub Amasi rege . auctor Herodotus in Thalia.

Philippus medicus fuit Alexandri , eiq; summa familiaritate & amicitia iunctus . nam quū Parmenio litteras ad Alexandrum dedisset , quibus eum monebat , ut ab insidiis Philippi, uelut ab hoste Dario corrupti, sibi in ægritudine caueret : Alexander exploratum habens medici fidem, poculum ab ipso Philippo datum hāuit ; demum litteras Parmenionis eidem legendas concessit .

Pæon uir medicæ artis peritissimus , a cuius nomen Pæonia herba nomen sumpsit . Archirenius lib. 2. Pæoniis animo medicina potentior herbis .

Plin. ait lib. 20. Petricium fuisse medicum , qui Ophiaca scripserit .

Eodem auctore Prodicus fuit medicus ; Æsculapij discipulus ; Selymbriæ natus, qui medicinam instituit, quam Iatrolepticeā uocant .

Philistion Locrensis fuit medicus ; quem Gellius lib. 17. cap. 11. citat.

Philon medicus fuit nobilis: qui quum medicamenta quædam ad medendi usum exquisitissima concinnaret, & regias quasdam Alexipharmacas potestates, eas Deorum manus appellabat, uelut diuinas salutares . Cælius lib. 16. cap. 10.

Podalyrius filius fuit Æsculapij , & frater Machaonis , medicæ artis peritissimus, qui cum Græcis ad Troiam profectus

fectus dicitur . Baptista Pius lib.4. Eleg. Deposito non præstat opem Podalyrius ægro.

Sinalus fuit medicus quispiam , de quo Sylius Italicus lib.5. sic inquit: Ipse olim antiquo primùm Garamanticus Ammon Scire pater dederat Sinalo morsusq; ferarum Tolarumque grâues ictus sedare medendò.

Themison medicus fuit magni nominis , Asclepiadis discipulus , auctore Plinio , quem plerique in locis citat Plinius ipse . Iuuenalis , Quot Themison ægròs autumnò occiderit uno . Baptista Pius lib.4. Eleg. Omnibus hoc anno morbis , noxaq; carebis , Contemnesq; piam sic Themisonis opem . Fuit eius nominis alter , quem Martialis scribit consuetudinem ueneris habuisse cum sorore , ubi lib.12. ait :

Quare non habeat Fabullæ quæris uxorem

Themison , habet sororem.

Théombrotus fuit medicus , quem Ptolemæus rex Megalensibus sacris donauit centum talentis , seruato Antiocho rege . auctor Plinius lib.7.cap.37.

Thesialus , eodem auctore , medicus fuit Neronis temporibus , qui cuncta maiorum placita transfiliuit , & rabie quadam in omnes æui medicos perorauit.

Vestius Valens , adulterio Messalinæ Claudij Cæsaris nobilitatus , pariterq; eloquentiæ affectator , suo tempore nouam medicorum instituit sectam.

Sunt & plerique alii , quorum nomina & placita quandoque aduocantur a Plinio lib.29.cap.1. ut Aristogiton , Athamas , Callimachus , Cleopolemus , Damion , Diuces , Diodorus , Petronius , Dorotheus , Dionysius , Sallustius , Hesius , Hicesius , Herophilus , Icerhidas , Iollas , Lais , Leneus , Metrodorus , Nymphodorus , Opion , Praxagoras , Plistonicer , Sestius , Simus , Sosimenes , Soracus , Q. Stertinius . quorum nuda nomina ad nos peruenerunt.

Porro multiplex est medicina : Pharmaceutice , quæ medicamentis curat . Empyricæ , quæ solùm experimentis constat . Iatroleptice , quæ unguentis . Clinice , quæ uictu & uenenis corporibus medetur.



**E**laterium Plinius ait esse medicamentum, quod fit ex cucumere syluestri, succo expresso è semine.

Crocinum, species est unguenti, quod efficitur Croci cõmissione. Propertius, Sit mensæ ratio, uoxq; inter pocula currat, Et Crocino nares murrheus ungat Onix. Alio nomine Crocomegma dicitur. fiebat autem ex croco trito, & uino dulci. hoc Romani non solum corpora delibuebant, sed & spargebant pulpita. unde idem Propertius, Pulpita solennes non oluere crocos. Crocinum, auctore Plinio, in sola Cilicia diu maximè fuit laudatum, mox Rhodi.

Epilima unguentum est uilissimum, quo passim utebantur ueteres.

Molobathrum unguentum est odoris fragratissimi, quod asserèbatur ex Assyria. eo Romani suos capillos ungebant in deliciis, ut uidetur innuere Hor. lib. 3. Car. Od. 7. Malobathrus a Sidonio uocatur, qui hoc unguento delibutus est. Malobathrum, teste Plinio, urinam cit. oculorum epiphoris uino expressum utilissimè imponitur. item frontibus, dormire uolentibus.

Mendesium est unguentum, quod fiebat in Mendese Ægypti urbe.

Mithridaticum, seu Mithridatios uocatur antidotum, quo Mithridates rex Ponti aduersus insidias uenentorum cõsueuerat se tutari. eius compositio fit è duabus nucibus ficis, item ficis totidem, & rutæ folijs uiginti simul tritis, addito salis grano. quod qui ieiunius sumet, eum ueneno securum fore toto die promittit Plinius lib. 23. cap. 8. Antidoti nomèn adhuc nostra manet ætate.

Nardinum dicitur unguentum, quod fit ex Nardo, quod alio nomine uocatur Foliatum. est autè nardus seu nardum frutex odoris optimi. Tibullus, Illius puro distillent tempora nardo. Frequens est in Perside. unde ab Horatio in Epodo uocatur Achæmenium, ubi ait: Nunc & Achæmenio Persugdi nardo iuuat. Indicum Plin. lib. 12. uocat. Inuenta, inquit, nuper in Thracia herba est, cuius folia nihil ab Indico nardo distant. Pontanus Arabum uocat, Hieronymus

Balbus Assyrium. Lucretius lib. 2. Et nardi florem nectar  
quināribus halat. Aliās foliatum & spicatum dicitur. con-  
stat omphacio, iunco, balano, costo, nardo, amomo, myr-  
rha, balsamo.

Narcissinum uocatur unguentum, quod componitur ex  
Narcisso flore delicatissimo. constat generibus odorum. sed  
iam componi desit. auctore Plin. lib. 13.

Nicerotianum uocatur unguentum odoratissimum, cuius  
auctor fuit Nicerotes pharmacopola. Martial. lib. 6. Laudas  
pinguia Nicerotiana. Idem lib. 10.

Odontostimma unguentum est, quod confricantur den-  
tes, ut albescant, & exuant rubiginem.

Oenanthinum unguentum est, quod fit ex Oenanthē, id  
est labruscæ flore. laudabile fuit in Cypro, deinde in Ægy-  
pto præpositum. Plin. lib. 13. cap. 1.

Panatheniacum fuit unguentum Atheniensibus peculia-  
re, a quibus nomen sumpsit. Plin. lib. 13. Panatheniacum  
suum Athenæ perseueranter obtinuerunt.

Amaracinum Amaraco flore odoratissimo conficitur. un-  
de adagium natum, Nihil cum amaracino sui. Lucr. -por-  
stesque superbos Iungit amaracino & foribus miser oscula  
figit. Idem lib. 2. Porro Sampfucinum aliter uocatur, quo-  
niam Sampfucus eadem est herba, quæ & Amaracus; de qua  
Virg. lib. 1. Æne. -ubi mollis Amaracus illum Floribus, &  
dulci aspirans complectitur umbra: Amaratus fuit puer re-  
gius unguentarius, qui casu lapsus dum ferret unguenta,  
maiorē ex confusione odorum creauit odorem, inquit Ser-  
uius: unde optima unguenta dicuntur Amaracinā: laudabi-  
le fuit hoc unguentum in Co insula: postea eodem loco præ-  
latum est Melinum. optimum est & Mitylenis & in Cypro,  
ubi plurima est sampfucus. Plin. lib. 13. cap. 1.

Métopium fuit unguentum; cuius præcipuam laudem  
meruit Ægyptus, mox abstulit Phœnicia.

Pardalium laudabile in Tarso, cuius compositio & mi-  
stura oblitterata est. dicitur autem a Pardali animali, cuius  
odorem reddit.

Balanus herba est unguentaria, cuius succo unguentum  
componitur Balaninum, quod expeditissimum olim fuisse,

# VNGVENTA QVÆDAM,

scribit Plin. Resinaq; solitum misceri. Balanatus, a Persio dicitur oleo delibutus, ubi ait: Tum cum maxillis Balanatu Gausape pectis. Myrobalanu uocat Martialis ubi ait: Quod nec Virgilius nec carmine dixit Homerus, Hoc ex unguento constat & ex Balano. Glans autem, qua conficitur, præcipuè bonitatis est in Troglodytis, Thebaide, & Arabia.

Melinum unguentum fit è malis cotoneis, & strutheis admistis omphacino, ciprino, sesamino, balsamo, iunco, casia, ambrotano. Plin. lib. 13. cap. 1.

Susinum constat ex liliis, balano, calamo, cinnamomo, croco, myrrha: & est omnium tenuissimum. Ibidem.

Cyprinum, unguentum ex Cypro, fiebat omphacio, cardamomo, calamo, aspalatho, abrotano. fuit optimum in Sidone, mox in Ægypto. Ibidem.

Telinum fit ex oleo recenti, cypero, calamo, meliloto, fœnogræco, melle, melino, maro, amaraco. fuit ætate Menandri poetæ celeberrimum. Ibidem.

Megaliū succedit ex oleo balanino, balsamo, calamo, iunco, xylobalsamo, casia, resina. Ibidem.

Cinnamomum unguentorum omnium est crassissimum. uocatur ab eiusdem nominis frutice, qui in Æthiopia, Sabæis, & australi India frequens est. huic unguento adiicitur balanium oleum, xylobalsamum, calamus, iuncus, balsami semina, myrrha, mel odoratum. Ibidem.

Cinnamum eadem est arbuscula, quæ & Cinnamomum, qua etiam conficitur unguentum eiusdem nominis. hoc uidentur habuisse Thraces. Claud. de Nu. Honorij & Mariæ Cinnama uocat Pangæa, à l'angeo Thraciæ monte. A cinnamo fit adiectiuum cinnameus, quo usus est Baptista Pius: Cinnameos nimium lacerare pharetiger artus.

Myrrha per se unguentum facit sine oleo, statè duntaxat, id est, distillatione. nam statò uerbum, Græcum, id est, distillo. unde catastagmos a Græcis dicitur, quem nos distillationem dicimus. & Lucr. lib. 2. myrrham appellat statam, id est, distillatitiam, ubi ait: -sicut amaracini blandum statæque liquorem. Est autem myrrha genus arboris odoriferæ, de qua succus emanat fragrantissimus. Ouid. lib. 10. & lib. 1. Fast. Hac abundant Arabia, Achaia, Oron-



tes, Assyria. propterea Virg. myrrham uocat Arabam : A-  
chaim, Columella: Orontidem, Sidonius: Oronteam;  
Bapt. Pius. A myrrha fit adiectiuum myrrheus, Horatius  
lib. 4. Car.

Balsamum arbuscula est soli Iudææ concessa, frequens  
in collibus ut uinea. sustinet se sine adminiculis. trima iā  
fructifera est. proceritatem habet duorum cubitorum. eius  
lignum uocatur Xylobalsamum: succus, qui habetur un-  
guenti loco, Opobalsamum, lac coagulans, & in ueste nul-  
las faciens maculas. Carpobalsamum uocatur eius arboris  
fructus. Hoc unguentum uiris conuenire scribit Martialis,  
quum Assyria unguenta magis deceant mulieres. sic autem  
ait: Balsama me capiunt, hæc sunt unguenta uirorum, Deli-  
cias Nini uos redolete nurus. A balsamo fit adiectiuum bal-  
sameus, quo usus est Sidonius.

Amomum etiam arbuscula est uenenoso frutice, palmi al-  
titudine, cuius quoque succus inter magni precii unguenta  
numeratur. frequens est in Assyria, unde Virg. -Assyriū  
uulgò nascetur Amomum. Sylius lib. 11. Nec crimen Assy-  
rio perfundere pugnet Amomo. Habet & Armenia. Man-  
tuanus in Catharina -circunflus aer Fragrat, & Armenio  
carcer lustratur Amomo.

Psilothrum unguentum erat ad depilandum corpus, fie-  
batq; ex uariis rebus; modò ex thini sanguine, felle & ie-  
core; modò ex sanguisugis coctis in uase fictili, & aceto il-  
litis. prius tamen euellebantur pili, auctore Plinio: post  
adhibebatur Psilothrū, ne renascerentur, ac repullularent.  
Martialis ad Gargilianum, Psilothro faciemq; lauas, &  
Dropace caluam: Nunquid tonsorem Gargiliæ times?

Thalassiomeli unguentum, quod fit æquis portionibus  
maris, mellis, imbris, fictiliq; uase & depicato conditur.  
Plin. lib. 31. cap. 6.

Dropax unguentum depilatorium, seu euellendis pilis  
idoneum. Martialis lib. 3. Psilothro faciemq; lauas, & Dro-  
pace caluam.

Cæroma erat unguentum, ex oleo & cæno, quo uteban-  
tur iuuenes ad robur lacertorum. hinc Cæromatici eo deli-  
buti uocantur. Mart. lib. 4. Seu lentum Cæroma teris, te-

pidumq; Trigona. Idem lib.7. Vara nec inieſto Cæromate  
brachia tendis.

Panchreſtum genus eſt medicamenti. de quo Cicero  
aſtione quarta in Verrem, Quum, inquit, omnes eius co-  
mites iſte ſibi ſuo, ille Panchreſto medicamento amicos re-  
demifſet.

Collyrium dicitur oculorum medicamentum. Horatius,  
Hic oculis ego nigra meis Collyria lippus Illinere.

Apyron uocatur unguentum ex auro. auctor Plin.lib.21.

Atharis medicamentum eſt utiliſſimum infantium, quod  
fit Olyra herba decocta. Idem lib.22.

Botryon erat medicamentum compositum ex cinere ex-  
crementorum, quo Æſchynes Athenienſis anginis mede-  
batur & tonſillis. auctor Plin. lib.28.

Irium Plinius unguentum fuiſſe ſcribit, quod diu Corin-  
thi placuerit, poſtea Cyziçi.

Idem lib.12. ait medicamentum eſſe, quod a Græcis Eu-  
hemon dicitur ſingulari effectu contrahendis uulnerum ci-  
catricibus.

Oporice medicamentum eſt, quod fit ad dyſentericos, ſto-  
machiq; uitia in congio miſti albi, lento uapore, decoctis  
malis cotoneis quinque cum ſuis ſeminibus, punicis cum to-  
ridem, & ſorborum ſextario. auctor Plin.lib.24.

Stomachice medicamentum eſt utiliſſimum oris uitiiſ,  
narium, aurium, oculorum caligini, pterygiis, & genitali-  
bus. Plin.lib.33.

Diapafmata dicuntur unguenta ex ſiccis odoribus. Mar-  
tialis lib.1.

Quid quòd olet grauius miſtum Diapafmate uirus?

Magmata uerò dicuntur fæces unguentorum, ut ſcoria  
ferri, amurca olei.

Regale unguentum uocat Plin.lib.13. cap.2. quo Partho-  
rum reges utebantur. fiebat autem myrobalano, coſto, amo-  
mo, cinnamomo, comaco, nardi ſpica, maro, myrrha, ca-  
ſia, ſtyrace, ladano, opobalfamo, calamo, iunco, Syrico, æ-  
nante, malobathro, ſericato, cyprio, aſpalathro, panace, cro-  
co, cyprio, amaraco, collato melle, uiño,

**P**ORRò unguenta quandoque fiunt ex floribus, ut rosa-  
 ceum, leucoium, sulinum; aut ex foliis, ut myrrhinū,  
 oenathinum; aut ex radicibus, ut nardinum, amaricinum.  
 Unguentis ueteres multis modis usi sunt: ad salubritatem,  
 ut natantes, & lauantes: ad necessitatem, ut certantes cæ-  
 romate ungebantur: ad luxuriam, ut delicari causâ Vene-  
 ris & mensarum. Græci mustum unguento uinum bibere  
 non erubescabant, quod dicebatur Myrites. Bathilli po-  
 puli unguentis madent. huius luxuriæ inuentum Persis re-  
 fertur acceptum. unde Horatius, Persicos odi puer appa-  
 ratus. Eius rei fidem facit scrinium unguentorum laudatissi-  
 morum, quod expugnatis Darii castris reperit Alexander.  
 Cyprij quoque, Cyziceni, & Corinthii eadem mollietie esse  
 minati sunt. Constat usum unguentorum, aliarumq; rerum  
 ad delicias repertarum usque ad Iulii Cæsaris tempora Bel-  
 gis fuisse ignotum: cùm imperator ipse Belgas fortissimos  
 dicat, quòd ad eos non commeent mercatores, qui quæ ad  
 effeminandos animos pertinent, illuc comportent. inuasit  
 hic luxus totam paulatim Italiàm, adeò ut M. Otho Nero-  
 ni monstrauerit uestigia pedum unguentis tingi, hisq; bal-  
 nearum parietes quandoque aspersi sunt. Caium quoq; prin-  
 cipem ferunt unguento solitum lauari anno post urbem cõ-  
 ditam D L X V. P. Licinius Crassus & Iulius Cæsar censores  
 edixerunt, ne quis uenderet unguenta exotica. L. Plocius,  
 Plocij bis consulis frater, proscriptus a Triumuiris, in Saler-  
 nitana latebra unguenti odore proditus est. In confessio est,  
 Heliogabalum imperatorem triclinia, quandoque lectos,  
 & porticus, omni florum genere strauisse, ut liliis, uiolis,  
 hyacinthis, & narcissis, ac per eos ambulasse, seq; unguen-  
 tis omnium fragrantissimis nudum sæpenumero perunxisse.  
 quem secuti imperatores, propè nullam mollietiem sibi non  
 permisérunt, nullum uoluptatis poculum reliquerunt ingu-  
 statum. quod ego in Romanis priucipibus, quamuis dam-  
 pem plurimum, non tamen admodum miror, quum etiam  
 apud eos abiectissimi homunculi, idem sibi indulserint.



## D E O L E O .

**R**Eperit & portentosa hominum luxuries in oleo uoluptatem, quo pleriq; ad nitorem cutis, alii ad confirmandas corporis uires se perunxerunt. fuit autē multiplex: Amygdalinum, quod ex amaris nucibus arefactis, & in osfam contusis, aspersum aqua, & iterum tuis exprimebatur, mollit corpora, cutem erugat, nitorem commendat, uaros cum melle tollit a facie, prodest auribus cum rosaceo & melle, & punici mali germine decoctum. auctor Plin. uide alias uirtutes apud eundem lib. 23. cap. 4. Oenanthinum fiebat ex oenanthæ herba. Cicinum bibebatur ad purgationes uentris cum pari caldæ mensura. Laurinum utilius est, quo recentius & uiridius colore: illinitur paralyticis, spaticis, ischidiacis, & plerisque aliis morbis. Cupressinum à cupresso arbore, ut Myrteum a myrto, Citreum a citro. Balaninum ex balano glande, de qua iam diximus, repurgat uaros, furunculos, lentigines, gingiuas. Omphacium prodest gingiuis: si contineatur in ore, colorem dentium custodit magis, quàm aliud, & sudores cohibet. Narcissinum dicitur à narcissò flore. Raphaninum a raphano: phthiriasēs tollit, scabrics cutis in facie emundat. Sesaminum aurium dolores sanat, & ulcera, quæ serpunt. Balsaminum contra omnes serpentes est efficax. Lilinum renibus ultimum est sudoribusq; euocandis. Seleucium neruis utile est. Picenum prodest ad quadrupedum scabiem. hæc omnia & multò plura his docet Plinius.

## P O T I O N E S D I V E R S Æ .

**A**Mystis erat quædam potio apud Thraces, quæ clausis oculis bibebatur. Horatius lib. 1. Car. Nec multi Damalis meri Bassum Threicia uincat Amyltide.

Oxyhalme erat potio, quæ fiebat ex sale & aceto recenti aduersus serpentes.

Oxyfacaron potio ex saccaro & aceto. saccarum autem est mel in arundinibus collectum, gummi instar candidum, ac fragile.

Promulsis potio ex mulso condita. Cicero, 'Non eum, quem tu es solitus promulsidē conficere. hinc promulsida-

ria uasa, quibus mulsu[m] continetur.

Piracium fiebat ex Piris & loco uini sumebatur. Hieronymus contra Iovinianum, Timotheo dolenti stomachum unum suadet bibere, non Piracium.

Bua, infantulorum potio, a sono fictum uocabulum. Cato, Quum cibum ac potionem Papas & Buas uocent, & matrem mammam, & patrem tatam.

Ex frugibus, inquit Plinius lib. 22. fiunt potus similes Zithon in Ægypto, Celia & Carea in Hispania, Ceruisia & plura genera in Gallia: quoru[m] omniu[m] spuma cutem sceminarum in facie nutrit. Idem lib. 14. Ægyptius, inquit, è fruge sibi potus similes excogitauit, nullaque in parte mundi cessat ebrietas. Bibitur Ceruisia mera, non diluta inebriat instar uini.

Prysana est itidem potio a Græcis inuenta, quæ ex hordeo fieri solet. Martialis lib. 12. Frumentum, milium, prysanamque, fabamque; solebas Vendere.

Sabaia est potus in Illyrico paupertinus, ex hordeo & frumento in liquorem conuersus. auctor Ammianus Marc. l. 26.

## DENOMINATIONES A VARIIS

artium professionibus, ordine litterarum.

**A**bietarij dicuntur fabri lignarij, ab abiete arbore, Abiegnæ trabes, abiete factæ.

Acupictores uocantur phrygiones, qui aurum & colores uestibus intertexunt.

Actuarii siue ab Actis dicuntur notarij, qui ueloci stylo acta, actionesque describunt.

Acupedarii optimi cursores, a pedum acumine.

Alutarii sutores coriarij, ab aluta, id est, pelle, quæ a luteo colore dicitur.

Amphorarij pincernæ, seu pocillatores, ab amphora uase uinario.

Apiarij, qui curant apes. aliter uocantur mellatores.

Argentarij dicuntur campsores, seu numularij. Budæus, Argentarij Romæ tabernas in foro publico conductas habebant. aliter uocantur mensarij, mensularij, trapesitæ, collybistæ, monetarij.

# DENOMINATIONES.

Afinarij, qui afinos pascunt. hoc uocabulo utitur Cato de Re rustica.

Agasones equorum ductores. Horatius, Si patinam pede lapsus frangat agaso.

Auiarij, qui auium curam gerunt. Colum. Sic tamen ut illustria sint loca, quæ commodius habiter Auiarius.

Aurarij, qui aliquid inaurant.

Aurifices dicuntur aurarij. Aurificina, aurificis taberna.

Architectus, primarius faber.

Atrienſes custodes atriorum, seu uestibularij.

Argyrognomones minutuli nummularij, quasi pecuniæ spectatores.

Arcarii arcarum fabri. auctor Cæl. appellantur & Scriuiolarii. apud auctores paſſim obuium.

Aquarii, qui aquam circumferunt uenalem. Idem auctor,

Aurigæ currum & uehiculorum ductores.

Aucupes, qui aues capiunt.

Arcularii arcularum & scriniorum fabri.

Aliptes corporum unctor. idem ferè significant uespillo, sandapilarius, libitinarius. Iuuenal. Satyra 3.

Bractearii, qui bractæas faciunt, quiq; aurum malleis tuſum, & ad quamuis tenuitatem ductile rebus inaurandis reducunt. Budæus.

Bubulci, & bubſequæ, bouum custodes.

Balneatores balneorum miniſtratores. unde & apud Eraſmum est adagium, Afinus balneatoris.

Cellarii, qui aſſeruando penu præſunt.

Copiarij, qui legatis foras profecturis pecuniam ſuppeditant neceſſariam.

Coronarii, qui coronas conficiunt. Plin. lib. 21. Coronarii quidem & ſpinæ flore utuntur.

Celeuſtes, qui remiges hortatur, quaſi nauigationis moderator. & Celeuma nautica clamor dicitur. Budæus.

Conchyliarij, qui conchyliæ in mari conquirunt.

Codonophori, id eſt, atrati anteambulones, & ſeræles, præcones tintinnabula geſtantes. Budæus.

Collybiſtæ dicuntur nummularii. nam collybus dicitur nummus.



Chirurgi, medici uulnerarii.

Cinclidarii, quibus atrii & uestibuli committitur custodia. Cinclidas enim Græci appellant ualuas duplices, aut foramen, quo immittitur clauis.

Ceroplastæ, cerearum imaginum artifices.

Ciniffones, qui modum docent crispandorum capillorum calamistris.

Cosmeta dicuntur unguentarij, a Cosmo medico, ut opinor, sicut Cosmiani.

Condi, qui recôdunt in cellâ penuariam bona domestica.

Carnicoctores, qui coctas carnes exponunt uenales.

Crepidarij, qui crepidas conficiunt. aliter uocantur Calceolarij sutores.

Calones, militum, serui, qui clauas ligneas, hastas & fustes ferunt a tergo dominorum. Horatius, Hunc perminxerunt calones, atque caballi.

Clitellarij, qui sarcinas ferunt clitellis. aliter uocantur Multi maxiani.

Cupedinarij, uenditores ciborum lautiorum, qui uocantur cupedix.

Cubicularij, cubiculorum famuli. Sueton. in Iulio, Mansitq; apud eos non sine summa indignatione propè x l. dies cum uno medico, & cubiculariis duobus.

Cinerarij & Ciniffones dicuntur tonsores, a conflandis calamistrorum cineribus, in quibus calamistra ad inuentum puellarumque capillos uibrandos calefaciebant. Catullus, Nunc tuum Cinerarius tondet os.

Crocatarij qui crocino colore uestes inficiunt. Plautus, Qui incedunt infectores Crocatarij.

Cæmentarij, dicuntur cæmentorum, id est, ædificiorum (quæ ex lapidibus fiunt) structores. Hieronymus uocat fabros murarios.

Calceolarii, qui calceos consuunt & conficiunt. uocantur aliter alutarij, coriarij, crepidarij, sandaliarij.

Capsarij, capsarû, & crumenarum custodes, uel artifices.

Carnarij, carniû uenditores, a Græcis creopolæ dicuntur, & creurgi.

Carpentarij, fabri lignarij, qui carpenta conficiunt.

# D E N O M I N A T I O N E S

Caupones, esculentorum, poculentorumq; uenditores.  
Cistiferi, uasculorum, aut capsarum uectores.

Dulciarii, dicuntur pectores placentarii, quos pastillarios dicimus.

Decupa, qui uinum quotidie minutatim uendit. Cicero, Vinum a decupa & propola quotidie sumit.

Dardanarii dicuntur propolæ, qui omnia præmunt, ut charius postea uendant: a Dardano quodam mago, qui hoc facere consueuerat.

Epibatæ dicuntur, qui ob hoc tantum sunt in naui, ut uehantur. auctor Budæus.

Essedarii, dicuntur fabri essedorum uehiculorum. Suetonius in Augusto, Quum essedario (pro quo quattuor filii deprecabantur) magno omnium fauore indulisset rudem.

Fœnifecæ, qui secant fœnum. Columel. utitur.

Ferales præcones, dicuntur atrati illi anteambulones, qui cadauera (quæ efferunt) cum tintinabulis præcedunt.

Fullones dicuntur, qui maculas è pannis detergunt. eorum ars uocatur fullonica. Martialis lib. 7. Tam malè Thais olet, quàm non fullonis auari Testa uetus.

Fartores, qui farcimina faciunt ex infecta carne & adipe. Teretius, Cupedinarii omnes, cetarii, lanii, coci, fartores.

Ferramētarius ferramentorū cōfector. Iul. Firmicus utitur.

Flamearii, dicuntur infectores flamei coloris uiolæ luteæq; flameolæ appellat. hinc Flamea, coloris uiolæ luti uestimēta.

Furnarii, qui ex furno, panisq; coctura quæstum faciunt: uocantur etiam fornacarii.

Gangabæ, a Persis dicuntur, qui humeris onera portant. auctor Curtius lib. 3. de gestis Alexandri.

Gemmari, gemmarum uenditores. Cælius, Gemmarius quidam uitreas gemmas, ut legitimas uerasq; , imperatoris uxori magno precio uendiderat.

Hostiarii, custodes hostiorum. Plin. l. 12. Nat. hist. cap. 15. Præter has & custodes, satellitesque, & hostiarii, & ministri populantur.

Herbarii, qui uires herbarum noscunt, aut ex his conficiunt unguenta. Idem Plin. lib. 13. Herbarii in utraque pauca his & alia aliis miscent. Item lib. 21. Scelus herbario-

rum aperitur in hac mentione.

Helciarîi, qui naues deducunt, subducunt ue ad officia inuicem adhortantes, & rudentibus corpori suo inuolutis trahunt instar equorum. Martial. lib. 4. Quem nec rumpere nauticum, nec clamor ualet Helciariorum.

Hamiotæ dicuntur piscatores, ab hamis, quibus utuntur ad capiendos pisces.

Horrearii appellantur horreorum custodes.

Institores, propriè dicuntur rerum delicatarum uenditores & negotiatores, quòd gerendis instent negotiis. Propert. lib. 4. Mundus demissis institor in tunicis. Ouid. Institor ad dominam ueniet discinctus emacem.

Insularii, inquit Budæus, dicuntur ab insula, qui lingua uernacula Conciergi uocantur. eiusmodi homines esse solent in domibus principum, quæ insulæ plerunque sunt, id est, a priuatorum domibus distinctæ.

Lactarii, qui cibos ex lacte conficiunt. Spartianus in Helio gabalo, Dulciarios & lactarios tales habuit.

Lachanopoles, olerum uenditor, qui & olitor, & olearius dicitur.

Lanarii, qui lanas curant. Plautus, Stat fullo, phrygio, aurifex, lanarius.

Lixæ dicuntur, qui aquas hauriunt. Seneca in Theb. Humilisquæ focerum lixa dominantem sequar. Sylius, - & inutile Marti Lixatum uulgus.

Libitinarij dicuntur, qui ex rebus funeralibus, & exequiis quæstum faciunt. a Libitina dea sepulcrorum, aut sepulcro ipso. uide Senecam.

Linteones, qui linteà conficiunt. uocabulum est Vegetii.

Lathomi dicuntur lapicidæ: & Lathomiæ dicuntur lapidicinæ, ubi eruuntur & cæduntur lapides. Thomos enim Græcè, sectio dicitur Latine.

Lenones, dicuntur illectatores, & productores meretricum, ab alliciendo. & est comunis generis, quamuis etiâ dicamus lena.

Librarii, qui libros uendunt. aliter bibliopolæ. Catullus, Nam si luserit ad librariorum Curam scrinia.

Libratores, qui aurum, aut aliquid aliud ad libram expen



## DENOMINATIONES

dunt. Theoderitus per Zenobium Acciaolum, Ille, inquit, qui scire amet, quot pondo censenda sunt, uel aurea uasa, uel argentea, uel numismata quæpiam pendenda, ea libratioribus defert.

Lanius, seu Lanio, qui carnes uendit in carnario: aliter dici potest Bouicida.

Lecticarii lecticarum curatores. Seruius Sulpicius, Meisq; lecticariis eum in urbem referre.

Lenobates appellatur uux calcator.

Limboratii, qui limbos consuunt. Plautus, Textores limborarii. Est autem limbus uestimentum purpuram inferni consutam habens.

Lintearii, qui lintea uendunt & conficiunt, ut Linteones.

Lucernarii, anteambulones, & tediferi. appellantur & lucerniferi, & a Græcis daduchi, & dadurgi, tedifices.

Metallici, qui metalla eruunt; aut conficiunt. Plin. lib. 34. cap. 16.

Mesonauta, nomen est uilis mancipii in naui: diciturque is, qui iubente nauarcho quæque munia subire cogitur.

Mediastinus est mancipium abiectum, quod uilissima, & sordidissima ministeria obire domi cogitur: ut domum uertere, purgamenta efferre, ligna congerere, & huiusmodi alia facere. ita autem dicitur, quod in media domo ad imperia omnium, nutusque excubare soleat. Horat. in Epist. Tu mediastinus tacita prece rura petebas.

Mensarii, & Mensularij dicuntur collybistæ, seu monetarii, & trapezitæ.

Muliones, qui mulorum habent curam. apud Martialem Mulio capitur pro essedario, ubi lib. 9. ait: Nec pigri rota quassa mulionis.

Manfuetarij, qui syluestria animalia mansuefaciunt, & curant, & ex feris domesticos reddunt. aliter Exarmatores dici possunt. Lampridius.

Mangones dicebantur magistri, & comprores formæ puerorum & puellarum, quos exponebant uenales. solebant enim artificio colorem corpori pulchrificare, quod facilius uenderent quos uolebant. hinc Mangonizare, est aliquid ornare ad alliciendos emptores.

Molitores , uulgò molendinarii , qui frumenta molunt in pistrino . aliter Pistrinarii dici possunt .

Mellatores , qui curant mellis & apum gerunt . aliter uocantur Apiarii . Volater . Ad hæc propellenda diligens mel lator remediis instabit .

Machæropii dicuntur fabri gladiatorum , quo nomine dictus est Demosthenis pater , quòd cultellos factitaret . machæra Græcè , Latine dicitur sica , seu gladius .

Machærophori dicuntur hastiliferi , cuiusmodi sunt regii stipatores . Cic. ad Q. fratrem , Machærophoris centum sequentibus miros risus nobis edidere .

Margaritarii , margaritarum , aliarumq; gemmarum uenditores , & negociatores . dicuntur & gemmarii .

Medicamētarii , & medici , a medēdodicūt , qui morbis affert remedia . Plin. Herbarias & medicamētarias artes dixit .

Mellifones , seu mellarii , qui mella & apes curant . aliter mellatores & apiarii , ut iam diximus .

Mercenarii , qui causa mercedis operam nobis præstant , a mercede hostimento .

Myropola , unguentorum uenditor : & myropolium , officina unguentorum & pharmacorum .

Nauta , seu nauita , magister & ductor nauis . eodem etymo uocatur naclerus .

Nouacularii , qui nouaculas seu cultros rasorios conficiunt .

Organici , & Organarii dicuntur organorum artifices . Lucretius lib. 2. -organici quæ Nobilibus digitis expergefacta figurant .

Oeconomi dicuntur custodes , & dispensatores frugum , pecuniæ , omnium rerum , quas dominus possidet . unde oëconomia , rei domesticæ administratio .

Obstetrices , & obstetriculæ quæ parturientium curam habent , quòd sua pericia dolori obstant . unde obstetricare , est partum adiuuare .

Odorarii , qui odores conficiunt , & uendunt : a Græcis uocantur aromatopolæ .

Oenopola , uini uenditor : oenopolium , taberna uinaria . Plautus , Quia pistore panem petimus , uinū ex Oenopolio .

Olitores , qui hortum uerbis confitum exercet , & cu-

## DENOMINATIONES

rant.aliter uocantur hortulani . olitor etiam dici potest, qui uendit olera .

Ostiiari, custodes ostiorum . uocantur aliter atrienses, æditui, ædituentes, æditimi, claustrarii, claustritimi, ianitores, liminari, liminiarchæ, uestibularij .

Oxyporopoli, qui cibos uendunt aceto confectos. Plin. in eo usus est: Et Oxyporopoli seruant, addito dulci, ad crementum aceti temperantes . Et Oxypora dici possunt esculenta aceta condito. unde idem Plin. l. 20. c. 23. Id ipsum condimentis propè omnibus inseritur. Oxyporis etiã aptissimè.

Putearii, qui puteos excauant . Plin. lib. 31. cap. 3. Depressis puteis sulphurata, uel aluminosa occurrentia putearios necat . puteorum excuatores Græci Phreorychos uocant . eorum instrumentum dicitur Teuresis. organum, quo ex puteo hauritur aqua, celonium, uel ciconia. puteos aperire, apud iureconsultos est excuare. Celsius lib. 6. cap. 17.

Proreta dicitur, qui proræ præfectus est, quemadmodum gubernator, qui puppi . Plautus in Rudente, Si tu proreta isti naui es, ego gubernator ero . Refero acceptum Budæo.

Pegasarii, dicuntur cursores, qui statis locis mansiones suas positas habent: quorum diuersoria Stathmi uocantur. Budæus.

Purpurarii, purpurarum piscium piscatores, qui & Conchyliarii dicuntur . possunt etiam dici Insectores purpuræ.

Pollinctores, dicuntur funerum curatores . pollincere enim est mortuum curare . Plautus in prologo Pœnuli, Eorum alter uiuit, alter est mortuus . propterea apud uos dico confidentius, quia mihi pollinctor dixit, qui eum pollinxerit . & in Stichus, Hodie pollinctura est . Mart. lib. 10.

Piscinarii, qui piscinas curant: cuiusmodi fuerunt Sergius Orata, & Licinius Murena, qui captorum piscium lætabantur uocabulis . L. quoque Philippus, & Hortensius piscinas habuerunt preciosissimis piscibus refertas, quos propterea Cicero piscinarios appellat.

Piscatores, qui pisces inquirunt . aliter uocantur hamio-tæ, ab hamis, quibus esca operti pisces decipiuntur.

Piscarii, qui pisces uendunt . Varro, Inter piscarios nemo uendebat .

Propolæ,



Propolæ, a Græcis dicuntur, qui à nobis reuenditores, qui aliquid præemunt, ut carius postea uendant. Lampri- dius, Imitatus propoalas circumforaneos, equos curules sibi comparauit. Vocantur aliter dardanarij, ut iam docuimus.

Pigmentarii, qui pigmenta uendunt, aut conficiunt. Hiæronymus in Exod. Composuit & oleû, & sanctificationis unguentum, & thymiamata de mundissimis aromatibus opere pigmentarij. Cælius inter eos, qui corporis curam agunt, recenset tonsores, balneatores, pilicreos, alipilos, media stinos, manrones, coronarios, cosmetas, & id genus alios.

Promi dicuntur, qui præfunt promendis cibariis, alijsq; rebus domesticis. Ausonius, Promus quam condus magis.

Pocillatores dicuntur pincernæ, & prægustatores, qualem poetæ fabulantur esse Ganymedem assistentem Ioui. aliter propinatores dicuntur. nam quamuis Propinare plerumque significet præbibere: aliquando tamen est dare bibere. Plin. lib. 21. cap. 20. Medici in uino decoquunt recens uel aridum, illinuntq; uel spleneticis propinant ex aceto. Idem lib. 28. Artemon propinauit aquam è fonte noctu comitialibus morbis. Vbi (ut in plerisq; alijs locis) Propinare pro dare bibere ponitur. sunt tamen nescio qui ridiculi, qui nihil probant, nisi quod in puridis quibusdam auctoribus legerint: quasi uerò linguæ Latine copiam debeant, aut possint circumscribere pomæriis suæ ignorantie.

Pistores, seu pisores dicuntur furnarij panifices, à pin- sando, qui proprio, & decenti epitheto uocantur farinulenti.

Pharmacopolæ, medicamentorum uenditores. & pharmacopolium amuletorum officina.

Præcones, enunciatore publici, qui iussu magistratus publicè aliquid enunciant. Hor. Vt præco ad merces turbam qui cogit emendas. Domesticus præco dicitur, qui se ipsum laudat.

Plumarij, qui acu pingunt. aliter uocantur polimitarij opus plumarium acu factum. Vitruuius lib. 6. de Architectura cap. 6. Non minus inquit pinacotheca, & plumario- rum textrine, pictorumq; officinæ uti colores eorum in opere propter constantiam luminis immutata maneant qualitate.

Panifices, seu panifici, qui panem conficiunt. panificiũ

**panis** confectio dicitur .

Pecuarii, pecorum custodes, qui & armentarii uocantur .

Pecuariam rem facere, est armenta gregesq; alere .

Pelliones, qui uestes pelliceas, aut alia quæuis opera pel-  
libus conficiunt, phrygiones dicuntur, qui acu pingunt, aut  
uestes auro intexunt . Phryges enim primi inuenerunt au-  
rum telæ intertexere .

Popinones sunt, quos tabernarios dicimus, uel luxurio-  
si, qui popinas amant : qualem Horatius uillicum suum ar-  
guit, quòd rure uelit redire Romam desiderio popinæ . Bu-  
dæus decenti epitheto delicias uocat popinales .

Porcarii dicuntur porcorum custodes. alio nomine dicū-  
tur suarii. Porculatio porcorum nutritio, & Porculena mer-  
ces ipsius .

Portitores dicuntur transfretatores a portu . Virg. lib.  
6. Portitor has horrendus aquas, & flumina seruat Terribi-  
li squalore Charon . Vocantur aliter Telonarii . Portorium  
merces, & stips, quam merentur .

Placentarii, qui placentas & cibos dulciarios conficiunt.  
uocantur etiam officinarii .

Proxenetæ, licitatores uendendarum, comparandarumq;  
mercium mediatores .

Quadrigarii, qui quadrigas agunt, aliter uocantur auri-  
gæ & essedarii .

Quæstores, pecuniæ publicæ collectores, & qui curam  
habent ærarii . magistratus uocatur Quæstura .

Ratiarii, a rate, ut nauicularii a naue, dicuntur negotia-  
tores, qui ex ipsa rate quæstum faciunt .

Salsamentarii dicuntur uenditores ciborum sale condito-  
rum . alio nomine salarii .

Sandapilarii dicuntur rerum funebrium & exequiarum  
curatores . aliter uocantur uestpillones, libitinarii, necro-  
phori, & funerarii . est enim sandapila, auctore Fulgentio,  
ferrum, seu locus mortuorum, quo non corpora nobiliū,  
sed plebeiiorum, atq; damnatorum cadauera portabantur .  
Sidonius, Hanc non uestpillonum sandapilariorumq; mini-  
steria ominosa simulauere . Suetonius scribit, cadauer Do-  
mitiani populari sandapila per uestpillones exportatum .

Scripturarij dicuntur tabelliones, quos clericos & commissarios uocant: dicuntur & scribæ.

Suarii, qui sues pascunt. aliter uocantur porcarii, ut iam diximus.

Sagarii dicuntur, qui uendunt saga. est autem sagum uestis militaris, ut postea docebimus.

Salarius, qui cibos salios uendit. Martialis, Quod uiles pueri salariorum

Scoparii dicuntur ministri, quorum interest pauimenta scopiis deuerrere, & mundare domum. propterea Hieronymus Aquilonem uiarum scopam appellauit, quod difflando perpurget quidquid in uia puluerulentum obiacet. Vlp. de Tit. de fundo intrumen.

Segmentarii, qui aurum uestibus intertextunt: a segmentis, id est, bracteolis, orbiculisq; uariegantibus. Ouid. lib. 3. de arte.

Quid de ueste loquar? non iam segmenta requiro:

Nec quæ de Tyrio murice lana rubet.

Sellularii dicuntur, qui opus aliquod sedendo conficiunt: qui & sedentarii.

Sericarii, textores sericorum. sericati homines, pannis sericis induti.

Solearii, solearum sutores, qui & crepidarii dicuntur. Plautus in Aul. Solearii astant.

Statuarii, qui statuas fingunt, Græcè Idoloplastæ uocantur. quales fuerunt Lysippus, Praxiteles, Myron, Polycletus.

Suffarranei dicuntur, qui farra & frumenta in castra conuehant, crebris & uilibus institorum uecturis.

Sutores dicuntur calceolarii, aut uestimentorum artifices, qui melius sarcinatores appellantur.

Sphæristerici, & sphæristæ dicuntur studiosi ludipilæ, & periti. sphærizo, id est ludo pila, sphæisteriū, ludus pilæ. Lampridius in Alex. Post lectionē operā palæstre, aut sphæristerio, aut cursui, aut luctaminibus mollioribus dabat.

Termularii dicuntur, qui thermis præsunt, & ex his quæ stum faciunt.

Tonfores, lanæ, aut capillorum dicuntur incisores. Horat. in Epist. Si curtatus inæquali tonsore capillos Occurri,



# DENOMINATIONES ARTIVM

rides. Hinc culter tonsorius dicitur.

Telonarij dici possunt tributorum collectores, qui & telones uocantur.

Vespillones dicuntur funeratores, & curatores cadauerum. Suetonius in Domiciano, Cadauer eius populari sandapila per uespillones exportatum.

Vinguentarij, qui unguenta exponunt uenalia, aut conficiunt. Plin. lib. 12. Iphq; ungentarii digerunt, haud difficulter. Idem lib. 31. Et unguentarij propter colorem eo maxime utuntur.

Visceratores dicuntur carniū distributores, & uisceratio ipsa distributio.

Vulnerarii, qui uulneribus medentur, ut chirurgi.

Vascularij, qui uasa conficiunt, & uendunt, aurea & argentea. nam inter aurifices numerantur uascularij, celatores, inauratores, & bractearij.

Vinarij, uini uenditores, à Græcis œnopolæ dicuntur. Suetonius, Quum de uinariis, aut lanis ageretur, exclamauit in curia.

Vinitores, rustici uinearum cultores. Virgilius,

Aut custos gregis, aut maturæ uinitor uux.

Vehicularii, uehiculorum ductores: Carrucarij, carrucæ: Effedarij, effedorum.

Vexillarij qui in exercitu ferunt uexillum: dicuntur etiā antesignani, primipili & uexilligeri.

Vestispici famuli, quorum interest mundare uestes domitorum. & uestispicæ ancillæ eodem modo dicuntur.

Veteramentarij dicuntur sutores trepidarij, qui ueteres calceos reficiunt. Plautinus Eucio multa eiusmodi commemorat in Aulularia, ubi ait:

Stat fullo, phrygio, aurifex, lanarius;

Caupones, paragiarij, indufarij, flamearij,

Violarij, carinarij, manulearij, myrobrecharij,

Propolæ, lintheones, calceolarij,

Sedentarij, sutores, diabathrarij,

Solearij astant, astant molochinarij;

Petunt fullones, sarcinatores petunt.

Scropharij astant, astant semizonarij

Terceni quum stant Phylacistæ in æriis,  
Textores, limborarii arcularii ducuntur.

## DENOMINATIONES A NATURALIBUS, seu accidentariis casibus.

**A** Grippæ dicuntur ab ægro partu, qui nascuntur in pedes: quod est contra naturam, auctore Plinio lib. 7. cap. 8. quo modo genitum ferunt M. Agrippam.

Vopiscum dixerunt unum ex geminis, qui recenti utero nasceretur, alio interempto abortu.

Planci, qui supra modum pedes planos habent, & plantæ tabulæ dicuntur planæ.

Pansæ à latis pedibus, & apertis. pansum enim apertum significat,

Syllæ unde originem sumpserint, Macrobius lib. 1. Satur. sic refert: Bello Punico hi ludi primum ex Sibyllinis libris sunt instituti, suadente Cor. Rufo, qui propterea Sibylla cognominatus est: & postea corrupto nomine primus cœpit Sylla vocari.

Burri, a colore rufo, Pyrrhi Græcè dicuntur.

Galbæ, a colore avis, quæ Galbula dicitur.

Scauri, qui eminentibus sunt talis.

Opiter appellatur, q. patre mortuo, & auo uiuo gignitur.

Cordus qui sero nascitur. unde corda frumenta, quæ sero nascuntur, & autumnale foenum cordum dicitur.

Posthumi, qui nascuntur patre humato.

Cottæ ab iracundia, & oris toruitate dicti sunt.

Scipiones à baculo, qui scipio dicitur. quoniam qui primus hoc meruit nomen, innitebatur baculo.

Lenates a frequenti usu lenæ uestis.

Marci por, puer, seu famulus Marci: ut Publi por, publici.

Luci por, Lucii. Plin. lib. 33. cap. 1.

Vari dicuntur, qui crura habent obtorta, quiq. sunt pedibus incuruis, & in se contractis. unde etiam uaræ manus.

Ouidius lib. 9. tenuiq. a pectore uaras in statione manus, id est, decuruas. Horat. lib. 1. Sermionum, Hunc uirum distortis cruribus. Martialis lib. 7. Vara uocat brachia palæstritarum, quum aduersarium amplectuntur. Vara nec in iecto cæromate brachia tendis.

## DENOMINATIONES A NAT.

Vaciæ dicuntur, quibus pedes & crura in exteriorem partem flectuntur, cuiusmodi fuisse legitur Seruilius Vacia, uir prætorius, Senecæ temporibus. Varro lib. 1. de re Rust. Cruribus rectis ac potius uaris, quàm uaciis. hinc etiam Vacienorum cognomina fluxerunt.

Valgi dicuntur, qui diuersas furas habent, hoc est, in diuersum actas, ut sunt Lacertorum pedes, quorum pars intra conditur, pars extra procedit. ualgi contrarij sunt uariis. habent enim furas altrisencus prominentes, & in diuersum actas, ut cancri, & lacertæ ipsæ, auctore Aristotele.

Varicosi, qui uenas habent plus æquo intumescences in temporibus, uentre, testibus, inguine, sed maximè in cruribus. quod ex nimio labore solet nasci.

Plauti & Ploti dicuntur à planis pedibus.

Pilumni, qui pilum pistrinis inuenerunt.

Pisones, a pisces leguminibus, quæ optimè serebant, ut

Fabij à fabis, Lentuli a lente, Cicerones a cicere.

Bubulci qui bubus optimè utebantur. Plinius.

Coclitæ uocantur, qui altero lumine orbi nascuntur, ut ille Horatius Cocles.

Lucini, seu lucinii, qui paruos utrinque habent oculos.

Petauri dicuntur homines agiles, qui per circulos se immittunt, nascunturq, sub Delphine. huiusmodi sunt histriones, funambuli, funerepi & saltatriculi. uocantur & petauristæ.

Labeones, labiæni, & labrosi, à prominentioribus labris. Lucretius l. 4. simula Silene, At satura est labrosi Philæne.

Ectapeli dicuntur, quibus aliquid accidit præter communem naturæ modum. cuiusmodi fuit Eurimænis filius, quem Plinius scribit in tria cubita triennio adoleuisse, incessu tardum, sensu hebetem, & iam puberè factum uoce robusta, absumptum contractione membrorum subita, triennio circumfacto.

Chilones dicuntur, qui sunt maioribus labris. aliter labeones dicuntur.

Cylones, qui sunt fronte prominentiores, & quasi extante. synonymicè frontones appellantur.

Simi, & simones, qui habent nares introrsum reflexas.



quod genus homines facilius ceteris fiunt polyposi . his con-  
trarij sunt aquili , qui sunt naso forinsecus extento .

Benè nasati homines a Lampridio dicuntur mutoniati , ac  
benè mentulati .

Lusciosi , qui propter uitium oculorum parū uident . Plau-  
tus in Milite , Ædopol tu quidem cæcus es , non lusciosus .

Luscus , qui altero captus est oculo , qualis fuit Hanni-  
bal . unde Iuuenalis , Quum Getula ducem portaret bellua  
luscum .

Cæcus , qui utroque ; aliter defocius . hinc cæcare &  
cæcutire uerba descendunt .

Balbi , qui linguam habent impeditam , nec uerba debite  
enunciant , ut qui laborant labdacismo , & iotacismo .

Blæsi itidem dicuntur , qui lingua hærent , quum syllabam  
syllabæ iungere properè non possunt . dicuntur a Græcis  
Thrauli . porrò Blæstas non solum uitium est linguæ , sed etiā  
eorum , qui oblæsum gressum habent , unde & blæsi pro ual-  
gis possunt accipi .

Atypi , qui non satis expedito plectro linguæ utuntur , quasi  
aerem non ferientes , uel quasi uerba non exprimentes . Bu-  
dæus in annot .

Ancyloglossi , qui linguam habent astrictam membran-  
ulis quibusdam duriusculis , & breuioribus . quod uitium an-  
cyloglossum dicitur , tuncq; naturale est . est & accidenta-  
rium ; quum ulcus sub lingua cicatricem duriorē obduxit .  
auctor Budæus . est autem uinculum neruosum , quod Filum  
uulgariter nuncupatur .

Vacii , q; pedes extrorsus obtortos habet , dicuntur & uacie .

Tragromaschali , qui uirus alarum olent . aliter Hicorsi . est  
enim Hircus fætor alarum , quem Plin . Alarum graueolen-  
tiam appellauit , & aliquando uirus alarum , a Græcis dici-  
tur tragos , unde tragizontes pueri .

Ventrioli dicuntur , qui sunt uentre propenso & extante :  
dicuntur etiā uentrosi , & uentrigosi .

Cæsares hoc nomen traxerunt ab Africano Scipione , qui  
primus Cæsar , a cæso matris utero dictus est . desistant hal-  
lucinari , qui dicunt Iulium Cæsarem a cæso matris utero  
nuncupatam : r a n quo tempore subigebat Gallias , matrem

## DENOMINATIONES A GENERE.

**A**vus, pater patris. Proavus, avi pater. Abavus, pater proavi. Avia, patris, uel matris mater. Proavia, Abavia, Tritavia, ut proavus, abavus, tritavus se habent. Pater, qui genuit: Mater, quæ peperit. Patruus, frater patris. Patruales, fratres filij duorum patruorum. Sorores, patruales, filia duorum patruorum. Matertera, soror matris. Fratria, uxor fratris. Fratrueles, duorum fratrum filij, qui & fratres patruales uocantur. Socer, uxoris meæ pater. Profocer, uxoris meæ avus. Socrus, uxoris meæ mater. Gener, filia meæ maritus. Progener, generi pater. Nurus, filij mei uxor. Nepos, natus ex filio meo, uel filia meæ. Neptis, filia filij mei, uel filia. Nouerca, secunda uxor, quæ pater ducit mortua prima, ex qua liberq; habuerat. Priuigni, nati ex prima patris uxore: ut, Hippolytus Phædræ noueræ priuignus. Amita, patris soror. Consobrini, geniti ex duabus sororibus, quasi consororini. Leuir leuiri, frater mariti mei. Maritus, uir uxoris: Marita, uxor uiri. Opiter, cuius pater mortuus est auo adhuc uiuente. Pappus, est avus. Aufonius, Pappos auiasque tremantes. Patricius, senator filius.

## OFFICINÆ ARTIFICVM.

**S**trina dicitur sutoris officina.

Tonstrina tonforis.

Textrina textoris. Pl. Ipsa per se tenas ratio textrinx.

Vstrina metallici. Plinius 36. cap. 21. In ustrina ter siccatur, ita ut torreantur carbone puro.

Oenopolium officina uiuarii.

Laniena laniorum & bouicidarum.

Mycopolium unguentariorum, & pharmacopolarum.

Thermopolium officina, in qua esculenta & poculenta calida uenduntur, Plautus, Semper uideas bibentes in thermopolio.

Pinotheca, seu pinacotheca, pictorum est tabula, in qua pictæ tabulæ reponuntur. Vitruuius lib. 6. Non minus pinacothecæ & plumbariorum textrinx, pictorumq; officinæ uti colores eorum in opere propter constantiam luminis immutata maneant qualitate.

**V**estiarium dicitur uestimentorum repositoryum. Plin. lib. 15. Vestiarium contra teredines, ac noxia animalia, amurca aspergi.

Daſtilotheca, gemmarum repositoryum. Plin. lib. 36. Daſtylotheſcam, inquit, primus habuit Romæ priuignus Syl- læ Scaurus.

Panarium panis repositoryum. Statius lib. 1. Syl. Hi pana- ria candidasque mappas Subueſtant, epulasque lautiores.

Granarium, id eſt, horreum, ſeu repositoryum granorum. Varo de lingua Latina, Panarium ubi panem ſeruabant: gra- narium, ubi granum: in quo aliqua conduntur, horreum.

Armamentarium repositoryum armorum & nauium.

Bibliotheca librorum.

Atramentarium atramenti.

Calamarium calamorum.

Casteria instrumentorum nauticorum.

Myrothecium ubi unguenta conduntur.

## POPULI, ET HOMINES

re aliqua inſignes, & clari.

**S**Cythæ equitatus & equorum gloria ſtrepunt, inquit Plinius. equo inſidere primi docuerunt Theſſali. unde nata apud eos de Centauris fabula.

Seres orientales populi nobiles ſunt uellere, ut iam do- cuimus.

Ithuræi, Medi, & Parthi ſagittis. Lucanus lib. 7. Tunc & Ithuræi Mediſque Arabesque ſoluto Arcu turba minax nuſ- quam rexere ſagittas. Catullus, Seu Sacas ſagittiferosque Parthos.

Thuſci haruſpicio. Tibullus lib. 3. Vera monent Thuſcis extra probata uiris. Vnde Hetruſcum, aruſpicem Vitruuius, Thuſcum Sidonius uocant.

Hylas ceſtu, Phegeus palæſtra, Lycus ſtadiis & curſu cla- ri fuerunt. Auſonius, Clarus Hylas ceſtu, Phegeus catus arte paleſtræ, Clarus Olimpiacis eſt Lycus in ſtadiis.

Pollux palæſtra. Statius lib. 2. Syl. Siue catenatis curſa.



POPULI, ETHOMRE ALIQ. INS. 6  
tus membra palæstris Staret, Amyclæa conceptum matre  
putares.

Castor equis. Idem Statius lib. 5. Syl. non toties uictorem  
Castora gyro, Nec fratrem cestu uirides plausere Thera-  
pnæ. Ouid. Tyndaridæ fratres: hic eques, ille pugil.

Clari quoque fuerunt Marfi, Vmbri, Pſylli, uenenis; Æ-  
gyptij, & Babylonii, astrologia; Lacones, breuitate; Scy-  
thæ, Cretenses, & Geloni, sagittis; Curetes, ære; Ægy-  
ptij, fistro; Tyſſagetæ, & Lyræ uenatibus, quibus uiuunt;  
Bœotij, palæstra, & gymniciſ exercitationibus; Athenien-  
ſes naualibus; Lacedæmones, legibus; Græci, ingenio;  
Alexandrini, dolis; Berofus, astrologia; grammatica Apol-  
lodoruſ; Hippocrates, medicina; Archimedes, geometria;  
Euclides, numeris; Lyncæus, uiſu; Chiron, & Alcon, ar-  
cu; Cicero, eloquio; Cyrce, uenenis; Crœſus, diuitiis;  
Nireus, forma; Exceſtides, peregrinatione; Amphion, &  
Orpheus, lyra; Ariſteus, melle; Alcinous, hortis; Amā-  
zones, peltis & ſecuri; Argus, uiſu; Hānibal, ſtratagemate;  
Alexander, magnanimitate; Plato, & Ariſtoteles, philo-  
ſophia; Arachne, lanificio; Archilochus, iambis; Tiphis,  
arte nautica; Cato, grauitate; Numa, religione; Regulus,  
fide; Scæuola, conſtantia; Rhadamantus, iudicio; Apel-  
les, pictura; Praxiteles, ſculptura; Traianus, bonitate; Apol-  
lonius, temperantia; Cyneas, memoria; labore Cleantes;  
Zoroaſtres, magia; Hippolytus, pudicitia; Manzuſ Floren-  
tinuſ, ſphæriſterio; Magioliuſ, latrunculiſ; Scæuola, pila;  
arte citharœdica, Mitylenæi; tibiaruſ moduliſ, Thebani;  
Alexandrini, grammatica, geometria, & philoſophia; arte  
ſtatuaria, Athenienſes; Crotoniatæ, medicina; Æginitæ,  
atheletica. Sidoniuſ de quibuſdam ſic meminit:

Pollux tum ceſtu laudatuſ, Caſtor habeniſ,

Pallatuſ crutiſ, Delia tum pharetriſ,

Alcideſ claua, Mauroſ tum luſit in haſta,

Archatuſ uirga, Nebride tum Bromiuſ.

Item

Axe Pelopſ, curſu Hippomeneſ, luſtaquæ Acheloſ,

Æneatuſ belliſ, ſpectatuſ Gorgone Perſeuſ.

## VOTA HOMINVM DIVERSA. 87

nunc lilia; Romanorum aquilæ; sus Phrygium; geminæ rotæ Corallorum; Thraciæ Mars; arcus & pharetræ Persarū; Anglorum leones & rosæ.

## DE ORVM INSIGNIA.

Fulmen Iouis, tridens Neptuni, framea Martis, Herculis claua, Bacchi thyrsus.

## RÈGES DIVERSARVM GENTIVM

quibus nominibus appellantur.

Argiuorum reges dicuntur Abantiadæ, Persarum Achæmenidæ, Ægyptiorum Ptolemæi & Pharaones, Latinorum Murthani, Albanorum Sylui, Syriæ Antiochi, Arabum Arabarchæ, Libycorum Libyarchæ, Thebanorum Labdacidæ, Parthorum Arsacidæ, Romanorum Imperatores, Augusti & Cæsares.

## VOTA HOMINVM DIVERSA.

**S**cribit Plinius lib. 7. L. Metellum decem maximas res optasse, utpote uoluisse primum bellatorem esse, optimum oratorem, fortissimum imperatorem, auspicio suo maximas res geri, maximo honore uti, summa sapientia esse, summum senatorem haberi, pecuniam magnā bono modo inuenire, multos liberos relinquere, & clarissimum in ciuitate esse. quæ omnia illi contigerunt.

Pyrrium, Epirotarum regem, ferunt (ubi immolaturus tēpla inuiseret) non regni ampliorem modum, non de hoste uictoriam, non gloriam illustrem, aut diuitias, sed sanitatem modò à diis comprecari solitum, ceu parte hac benè constituta, prosperius celsura uiderentur omnia.

Augustus Cæsar, quum LIV annum ageret, precatus est à diis Scipionis fortitudinem, beneuolentiam Pompeii, & Cæsaris fortunam. Plutar. De for. Rom.

Oprabat Caligula unicam esse populo Romano ceruicē, quò facilius uno ictu obscindi posset. Vorum hominis carnificis, & sanguinarij. Bap. Egnatius.

Darius, oblato sibi malo punico, tot optasse fertur zopyros, quot illic essent granorum. Idē dicebat se malle zopyrum unum incolumem habere, quàm uiginti Babylones occidere. Herodotus lib. 3.

## QVI DIV VIXERVNT.

Martialis lib. 1. ad Frontonem uotum suum describit.

Optabat Horat. Tiburi, aut prope Galesum Calabriae fluiuium consenescere, his uerbis: Tibur Argæo positum colono, Sit meæ sedes utinam senectæ, Sit modus lassæ maris & uiarum, militiaq;. Idem lib. 1. Car. optat mentem sanam in corpore sano.

Beatus Augustinus tria habebat in uotis, uidisse CHRISTVM in humana natura, Paulum de pulpito fulminantē, & spectabiles urbis Romæ triumphos.

Votum suum Tibullus sic exprimit:

Me mea paupertas uitæ traducat inertī,

Dum meus assiduo luceat igne focus.

Cricias tyrannus imprecabatur sibi Scopadum diuitias, liberalitatem Cymonis, & Agésilai Lacedæmonii uictorias. Plutarchus.

## QVI DIV VIXERVNT.

**V**ixit Adam annis 930. Eua totidem. Seth 912. Enos filius Set 905. Caynam filius Enos 910. Malalehel filius Caynam 895. Iared filius Malalehel 962. Enoch filius Iared 965. Mathusalem filius Enoch 969. unde Mātuanus, Nestoreos annos & Mathusalemia sæcla. Lamech filius Mathusalem 777. Noe 905. Sem filius Noe 600. Arphaxat filius Sem 338. Sala filius Arphaxat 433. Heber filius Sale 467. Phaleg filius Iectan 239. Reuseu Ragau filius Phaleg 302. Saruch filius Ragau 230. Nachor filius Saruc 148. Thare filius Nachor 205. Aram pater Loth 205. Isaac Abrahæ filius 185. Iacob filius Isaac 175. Aaron frater Moysis 123. Iosue 110. Heli iudex 98. Salomon 94. Iob 183. Abraham 175. Thobias 112. Sara 127. Iudith 105. Moyses 120. Ex Plinio, Arganton Tartessiorum rex 150. Sylius libro 3. ait eum uixisse 300. ira scribens: Argantoanicos armat. Carleia nepotes. Rex proauis fuit humani ditissimus æui, Terdenos decies emensus belliger annos. Mantuanus in Alphonso, Et uetus ille auri diues, ditissimus æui, Hesperis quondam rex Argantonius oris. Cyniras rex Cypriorum 160. Ægimius 200. Epimenides Gnosijs 157. Pictoreus Ætolus 300. Reges Arcadum 300.



Dando Illyricus 590. Impetris Pulutuniorum insulæ re-  
 800. Eius filius 600. Perpenna 98. M. Valerius Corvinus  
 100. Metellus pontifex 100. Liuiæ Rutilii 97. Scatilia 99.  
 Terentia Ciceronis 107. Clodia Opheli 115. Luccia Mi-  
 ma 100. annis in scena pronunciauit. Emoliaria uixit 104.  
 Samnulla 110. Stephanio ultra centum. Hiero ractor Sici-  
 liæ 80. Massanisa rex Numidiæ supra centum. Gorgias Leon-  
 tinus 107. Xenophilus Chalcidensis 105. Herodotus scri-  
 bit Ætiopes 130. annos transgredi. Hippocrates Cous  
 104. uel 169. Isocrates 100. Orbilius Beneuentanus 100.  
 Sibyllæ Cumanæ diuturnam uitam ascribit Ouidius libro  
 14. his uerbis: nam iam mihi secula septem Acta uidet:  
 superest numeros ut pulueris æquem. Tercentum messes,  
 tercentum musta uidere, Tempus erit, quum de tanto me  
 corpore paruam Lōga dies faciet, cōsumptaq; membra senē-  
 ta. De ea Statius libro 1. tu Troica dignus Sæcula, &  
 Euboici transcendere pulueris annos. Fertur enim annos ab  
 Apolline petiisse pro numero pulueris, quem manu prehen-  
 derat. unde idem Statius alibi, Vel quantos ego Delium po-  
 posci. Ouidius patrem suum 90. annos uixisse ait lib. 4. Tri-  
 stium, dicens: Et iam complerat genitor sua fata, nouemq;  
 Addiderat lustris altera lustra nouem. Narcissus præsul Hie-  
 rosolymitanus 116. Nestor 300. Iuuenalis Satura 10. Rex  
 Pylius (magno si quidquam credis Homero) Exemplum ui-  
 tæ fuit a cornice secundæ. Felix heu nimium, qui per tot sæ-  
 cula mortem Distulit, atque suos iam dextra computat an-  
 nos. Tibullus lib. 4. Vixerit ille senex quamuis dum terna  
 per orbem Sæcula fertilibus Titan decurrerit horis: Idem,  
 Terna minus Pyliæ miretur sæcula uitæ. Propertius lib. 2.  
 Nestoris est uisus post tria sæcla cinis. Idē, Ad me ab amo-  
 re tuo deducet nulla senectus, Siue ego Titonus, siue ego Ne-  
 stor ero. Qui. in Met. & si quē potuit spatiosa senectus Spe-  
 ctatorem operum multorum reddere, uixi Annos bis centū,  
 nunc tertia uiuitur ætas. Antonius abbas 105. Alexander  
 episcopus Alexandrinus 98. Alexander episcopus Const.  
 94. Agilus abbas 100. Titus Pauli discipulus 101. Demo-  
 critus 109. Paulus primus eremita 113. Paconius abbas  
 110. Prosdocius episcopus 114. Vandegisillus comes Pa-

Latinus 92. Florētinus presbyter 123. Guarinus præsul Bononiensis 110. Viuētius cōfessor 120. Homerus poeta 108. Hieronymus 98. Helias abbas 110. Hor abbas 90. Heroinus 304. Ioan. de tēporibus 361. de hoc Ioanne intelligit Mantuanus in Alphōso, dicens: Et quē fama refert hyemes Vidisse trecētas. Maurus abbas 92. Maurilius episcopus 90. Romualdus eremita 120. Antonius Castor 100. Cyrus episcopus 112. Zancles Samothracenus 104. Pollio Romulus 190. Saturninus Volusius 136. T. Fullonius 157. Artaxerxes 94. Plato 81. Cēlius scribit Marin quendam uixisse annos 123. cuius antica corporis humana fuerint, postica equina. Hyperborei populi mille annis uiuunt. Galenus uixit 140. Tichonus (ut fabulantur poetæ) ab Aurora admatum, & in cælum relatus, illiusq; succo perfusus, ad tantam peruenit senectutem, ut tandem optauerit uerti in Cicadam; Lucianus, Atq; ultra Tichonum uiuebat senex. Statius libro 4. Sylu. Annos perpetua geres iuuenta, Quos fertur placidos obisse Nestor: Quos Tithonia computat senectus. Propertius lib. 2. At non Tithoni spernens Aurora senectam. Dorotheus præsul Antiochenus 119. Tyro Tullius Ciceronis libertus 190. Theremōn hæremita 100. Carneades philosophus 100. Cirnæ Indorum uiuunt 140. Terentius Bononiensis 100. L. Tertuleia Ariminensis 137. Symon Cleophæ episcopus Hierosolymitarum 120. Cronius Anachoreta 155. Apollonius Thyaneus 100. Seneca Cordubensis 114. Patricius 11. Niuernensis episcopus 122. Gærtius Aretinus 104. Richardus quidam tēporibus Caroli Magni 400. Helias Anachoreta 120. Hūgo successor S. Bernardi 117.

Porrò pleraque sunt animalia, uitam hominis longè superantia, ut Cornices, Cerui, Corui, Phœnices. de quibus sic apud Erasimum scribit Hesiodus:

Ter tria, sæcla hominis transmittit garrula cornix.

Quattuor at peragit cornicis sæcula ceruus.

Ceruina ætatem coruus ter præterit ater.

Coruinos annos nouies agit indica Phœnix.

Atqui crispicomæ soboles Iouis alma tonantis,

Egredimur decies Phœnicia sæcula nimphæ. Item

Ter binos deciesq; nouem superexit in annos,

Iusta senescantum quos implet uita dierum.

Hos nouies superat uiuendo garrula cornix.

Et quater egreditur cornicis sæcula ceruus.

Alipedem ceruum ter uincit coruus: ac illum

Multiplicat nouies Phoenix reparabilis ales,

Quam nos perpetuo decies præuertimus æuo

Nymphæ Hamadryades, quarum longissima uita est.

## DE TEMPORE, ANNIS, ET DIEBUS.

**Q**uoniam autem de longis uitæ spatiis locuti sumus, commodum uidetur, ut uariam annorum, & dierum obseruationem subiiciamus. annus triplex est, magnus seu Platonius, solaris duodecim mensium, Lunaris seu menstruus unius mensis. annum alij æstate unum terminabant, alterum hyeme. alii quadripartitis temporibus, sicut Arcades, quorum anni trimestres fuerunt. quidam Lunæ senio, ut Ægyptii, quorum anni fuerunt menstrui. hinc fit, ut apud eos aliqui singula annorum millia dicantur uixisse. Sed hic oritur scrupus, fuerint ne anni primi sæculi nostris similes. nam fabulosum uidetur plerisque Machusalem & alios prius enumeratos uixisse tot annos. constat in primis neq; menstruos fuisse, neq; trimestres, uel hoc uno argumento, quod legamus Salomonem anno xii. ætatis filiū suscepisse: quare credibile est, aut pares nostris, aut non multo minores extitisse. Nec minus uaria extitit dierum, quàm annorum obseruatio. Babylonii inter duos Solis exortus diem faciunt: Athenienses inter duos occasus: Umbri a meridie in meridiem: uulgi omne a luce ad tenebras: sacerdotes Romani, item Ægyptii, & Hipparchus a media nocte in mediam: auctor Plinius.

## QUI MULTOS HABVE-

runt liberos.

**A**dam præter Seth, Abel, & Cain habuit 30. liberos. Iayr, septimus iudex Israel, 30. filios. Thespi Atheniensis 30. filias, a quarum nomine Musæ Thespiades appellatæ sunt. Roboam habuit uxores 10. concubinas 30. filios 28. filias 40. Artaxerxes, Xerxis filius, habuit ex pellicibus 110. liberos, ex iusto matrimonio 3. Atila rex



## QVI SENES GENVERVNT.

Hunnorū 60. liberos. Danaus 50. filias. Ægisthus totidē filios. Eutyce mulier 20. filios. Combe mulier heroina, cui cognomen fuit Chalcidi, uiro coniuncta centum liberos enixa est. unde adagium apud Eras. tanquam Chalcidice peperit nobis uxor. Niobe Tantali filia habuit 14. Massani-  
sarex Numidiæ 44. auctore Eutropio. Puella quædā Longobarda 7. pueros uno partu peperit sub Agelmundo rege, quos omnes in pistinam coniēcit. auctor Paulus Diaconus. Gilipus Arcadius 9. liberos habuit, quos (ut inquit Virg. lib. 12.) fida crearat Vna tot Arcadio coniux Tyrrethra Gilippo. Vix quisquam crederet Herotymum sextentōs ex diuersis pellicibus habuisse liberos, nisi Iustinus ex Trogo scriptum reliquisset, in epitomē lib. 39. Priamus ex Hecuba coniuge habuit 19. liberos, ex aliis pellicibus 31. Gedeon iudex Hebræorum 70. quos omnes Abimelech, filius nothus Gedeonis, occidi fecit. Achab 70. ut habetur cap. 10. quarti Regum. Barrabas uiccomes in Italia 30. liberos suscepit. Conradus Moscouiæ dux 80. ex quibus quatuor tantū legitimi fuerunt. Scilurus 80. mares filios habuit. Plutarchus in Apoph.

## QVI SENES GENVERVNT.

**A**dam filium Seth anno 130. Abraham anno 100. Sara 90. Seth genuit Enos anno 105. Enos Caynam anno 90. Caynam Malalehel 70. Malalehel genuit Iared anno 65. Iared genuit Enoch anno 162. Enoch Mathusalem 65. Mathusalem Lamech anno 187. Lamech Noe filium anno 180. Noe Sem, Cham, & Iaphet, quum esset 500. annorum. Scribit Plinius Massaniassam post 86. annos generasse filium Methymachum; Catonem Censorium octogesimo exacto è filia Salonii clientis sui; Corneliam è Scipionum gente, Volusium Saturnium post annum 62.

## FRATRES VTERINI.

Hercules, Iphichus, Apollo, Diana, uterini fuerunt.

## SPVRII, ET NOTHI.

**A**ntiphates filius fuit nothus Sarpedonis: Virg. lib. 9. Æneidos, Et primum Antiphaten (is enim se primus agebat) Thebana de matre nothum Sarpedonis alii. Plutarchus scribit Homerum natum ex adulterio Crithei-

dis matris . & Themistoclem ex adulterio matris , cui no-  
men fuit Abrotonum .

Æneas ex adulterio Anchisæ cum Venere apud Simoen-  
tem . Virgil. Tu ne ille Æneas , quem Dardanio Anchisæ  
Alma Vetus Phrygii genuit Simoentis ad undam ? Aristoni-  
cus rex Pergami filius fuit Eumenis ex pellice . Aristeus  
Apollinis , ex nympa Cyrene , Penei fluminis filia . Her-  
cules Iouis , ex Alcmena Amphitryonis uxore .

Democoon , & Doryclus Priami , itidem ex pellicibus :

Lithyerfes nothus fuit Midæ regis . Theseus , & Romu-  
lus ( inquit Plutarchus ) ambo quum spurii forent , existima-  
ti sunt à diis immortalibus procreati . Iugurtha nothus  
fuit Manastabalis fratris Micipsæ regis Numidarum . Man-  
fredus Frederici imperatoris . Ioan. Andreas patre Andrea  
presbytero , & matre concubina natus est . Petrus Com-  
mestor , Gratianus , & Petrus Lombardus itidem fuisse di-  
cuntur nothi . Albanus martyr incestu patris cum filia .

## DE VIRTVTVM, ET DOCTRINAE

PRAEMIIS HISTORIA.

### STATVAS QVI ME- RVERVNT.

**S**esostris, rex Ægypti , statuam præclaris facinoribus , &  
bellica uirtute apud suos adeptus est .

Aristogitoni , & Armodio statuæ ab Atheniensibus ere-  
ctæ sunt , quòd Athenas ipsas tyrannide Pisistrati liberassent .  
Plin. lib. 34.

Astilo Crotoniatæ , quum tribus continuis Olympicis  
uicisset stadio , posita est statua .

Autolycus Paneratiastes statuam habuit in Prytaneo : te-  
stis apud Volaterr. Pausanias .

M. Porcius Cato fuit Rom. adeò gratus , ut senatus sta-  
tuam ei consularem in tēplo collocauerit , cum inscriptione  
restituos ab eo mores testante . Plutar. in Catone Censore.

Titum Corūcanium quum Tenſa illyricorum regina liberius locutum occidiſſet , mortuum ſenatus ſtatua decorauit. Plin. lib. 24 . cap. 6.

Demetrius Phalereus, auditor Theophraſtri, ab Athenienſibus ( quorum temp. ſumma uirtute , ac prudentia decem annos adminiſtrauerat ) CCC LX. ſtatuſ honoratus eſt . quas quum poſtea inuidia diſieciffent , ſatis habuit hæc dicere : At uirtutes non euerterunt , quarum gratia eas erexerant . Laertius & Plinius.

Eunomio Locrenſi artis citharœdicæ præſtantia ſtatuum peperit , quam Volaterranus adhuc in Italia Locris oſtendiſſetis eſt . Euthymius apud Plinium legitur .

Meruit & ſtatuum Athenis Fauorinus philoſophus , quæ ( quum in odium Hadriani ueniſſet ) diſiecta eſt . Philoſtratus apud Volat .

Verrius Flaccus grammaticus , nepotum Auguſti præceptor , ſtatuum habuit In Præneſte oppido . Tranquil. de illuſt. Grammat.

Iſocrates orator Athenienſis ſua eloquentia ſtatuum in Olympia meruit .

M. Claudius Marcellus , quum propter Gallos iuxta Padum , & Hannibalem apud Nolaſ ſuperatos , oppugnatas item Syracuſas , in præmium uirtutis ſtatuum habuit in æde Palladis cum epigrammate .

Mucio Scæuolæ ( qui coram Poſena , Etruſcorum rege , Romam obſidente dextram flammis admouerat , urbẽq; obſidione liberauerat ) Romani ſtatuum erexerunt , eiꝰque præta dederunt trans Tiberim .

Ptolemæus Philopator Homero poetarum maximo templum cum ſtatua dicauit. Ælianus apud Volater .

Oppianus poeta ex Anazarbo Ciliciæ ciuitate ( qui de piſcibus ſcripſit ) a ſuis ciuibz magnifica ſtatua honoratus eſt , cum hoc elogio : Oppianus ſum ſuaui loquens uates , quem crudelis , atq; inhumani inuidia fati ante diẽ eripuit : quod ſi longius in luce moras dediſſet , nullus mihi par gloria mortalium in terris foret . Volat .

Horatio Coclitæ ſtatua poſita eſt , quod Etruſcorum aſciem in ſublicio pōte ſolus ſuſtinuiſſet , donec pons a tergo



interrumperetur , quocum in Tiberim decedit . Plutarchus ait fuisse positam in æde Vulcani .

Pausanias Cleombroti filius , quū præclaris facinoribus Lacedæmones sibi demereuisset , statua ab eisdē honoratus est : quam tamen postea eneterunt , quòd arripere tyrannidem uoluisset . Thucydides lib. 1 .

Phryne meretrix statua donata est ob formam & pulchritudinem , cuius causa prius in iudicio fuerat absoluta , quū tunicam a pectore deduxisset . Quintil. lib. 2 .

Claudio Secundo Romanorum imperatori statua cum aureo clypeo erecta est , quòd Gotthos , Macedoniam uastantes , magna attriuisset clade . Eutropius .

Epicurum Atheniensem philosophum ob doctrinā statuīs æreis patria decorauit . Tortellius .

Iosephus Iudæus , propter libros de captiuitate Iudaica scriptos , statuam Romæ obtinuit .

Minutio Augurino statua extra portam trigeminam erecta est a populo stipe collata , quòd farris precium in trinis nundinis ad assem redeuisset . Plin lib. 18. cap. 3 .

Trebius in Ædilitate assibus populo frumentum præstitit , quam ob causam & ei statuæ in Capitolio & Palatio dicatæ sunt . Plinius ibidem cap. 3 .

Notatum est ab auctoribus L. Actium poetā in Camænarum æde maxima forma statuam sibi posuisse , quum breuis admodum esset . Plin. cap. 5. lib. 34 .

Numa quoque , & Seruius statuas apud Romanos sua uirtute meruerunt . auctor Plinius .

Hominum primus & auream statuam , & solidam Gorgias Leontinus Delphis in templo sibi posuit . Plin. cap. 4. lib. 33 .

Mithridates Platonis gloria motus eidem statuam dicauit , egregium Sylonis opus , quam hoc modo inscripsit : Mithridates , Rhodoatæ filius hanc Platonis imaginem Musis dicatam erexit . auctor Plutarchus ,

Clœliæ uirgini Romanæ equestris statua posita est in uia sacra , quòd armata & equo insidens Tiberim traiecisset , ad declinandam uim Porsenæ Etruscorum regis . Liuius lib. 2 . & Plut. in Parall.

Plutarchus in uita Publicolæ ait positam fuisse Porsenæ

## QVI STATVAS MERVERVNT.

Statuam iuxta curiam.

Athenienses Phocioni suo principi mortuo æream statuam dicauerunt, ob plurima in remp. beneficia, inuentasque eius reliquias publicis sumptibus tumulo mandauerunt. Plutarchus in eius uita.

Cheronenses statuam lapideam in foro prope Liberum patrem publicè Lucullo constituerunt. Put. in Cimone.

Mortuo Demostheni Atheniensis populus erexit statuam, cui hoc inscripserunt: Si pares ingenio uires Demosthenes habuisses, nunquam Græciæ dominatus fuisset Macedo. Plutar. in eius uita.

Canoni Atheniensium duci & Euagoræ positæ sunt statuæ prope Iouis seruatoris simulacrum. Plutarchus in Euagora. Idem in Alcibiade ait multas Athenis statuas Mercurio fuisse erectas.

Polydamas Herculani roboris athleta, qui leonem in Olympia inermis iugulauit, & correptum inuictatæ magnitudinis taurum, quamuis prærabido impetu profluentem retinuit, quadrigasq; tota ui concitatas altera manu remoratus est, statuam meruit in Olympia. Cælius lib. 7. cap. 56.

Cylon quamuis tyrannidem affectasset Athenis, nihilominus tamè ob excellentem formam (quæ nullum non allicit) statua ænea honestatus est. Cælius lib. 13. cap. 7.

Octauio oratori Romano s. p. q. r. statuam erexit, quod legatus ad Antiochum missus, regem ipsum respondere sine cunctatione & mora compulisset. Plin. hoc ascribit Cn. Popilio. Crinitus lib. 7. cap. 3.

Vestritius Spurinna Lyricus poeta in Bructerum regem imperator constitutus, parta uictoria triumphalem meruit statuam. Plin. Iunior. epist. 7. lib. 2.

Nerua Cocceius imperator statuas, & imagines Sofiæ, Palmæ, & Celsi constituit; quos uiros præ ceteris coluit, & summo in honore habuit. auctor Dion Cassius.

Archias Hyblæus, quum tres ordine Olympia simul, & Pythia uicisset, statuam cum epigrammatis inscriptione meruit. Volat. in Phil.

Arcadius, & Honorius petente senatu statuam Claudiano poetæ Alexandrino in foro Traiani collocari iusserunt.

Iunio Rustico philosopho statuam erexit M. Antonius Imperator . Capitolinus .

Mantuani mortuo Virgilio! multis post sæculis statuam in celebriore suæ urbis loco erexerunt : tanti adhuc viri memores , quem multis antè diebus suffocauerant Parcæ . Pontanus de Obedientia .

Beroso ob uerissimas rerum prædictiones statuam posuere Athenienses inaurata lingua . Plin. lib.7.

Antonio Musæ medico Romana ciuitas statuam Æsculapio proximam locauit, ob Augustum morbo sanatum . Suetonius in Augusto .

Caia seu Tanaquil mulier laudatissima, & Tarquinii uxor statuam in templo meruit .

M. Atilius Glabrio , quum apud Thermopilas Antiochum Asiæ regem deuicisset , compos uoti factus , statuam auratam patri erexit in æde Pietatis , quod nemini antea Romæ contigerat . Liuius lib.4. Valerius de Institutis antiquis .

#### DOCTI-VIRI HABITI IN magno precio , & honore .

**Q**uanti olim æstimatæ sint bonæ litteræ , quantumque doctis sit concessum , nullo certius argumento, quam sequentibus patet exemplis . Scipio Africanus statuam Ennii poetæ (quem in suis expeditionibus comitem semper habuerat ) sepulcro suo imponi iussit , cui uiuenti hortos suis proximos donauerat . Ouidius lib.3. de Arte . Politianus in Nutricia .

Alexander Magnus capto inter spolia Darii Persarum regis unguentorum scrinio ( quod erat auro, gemmis , ac margaritis preciosum ) libros Homeri ( quos tanto dignos loco existimabat ) inclusit . Plin. lib.7. cap.29.

Idem , quum Thebas euerteret, & in omnes sine discrimine scuiret, Pindari uatis penetibus parci iussit .

Idem Aristotelis præceptoris sui nomini Patriam condidit, eiq; multa hominum millia parere iussit , ad scribendos rerum naturalium libros .

Archilochi poetæ interfectores Apollo arguit Delphis .

Sophoclem tragicum poetam defunctum sepeliri Liber



pater iussit, obsidentibus mœnia Lacedæmoniis, & Lysandro eorum rege in quiete sæpius admonito, ut pateretur hu-  
mari delicias suas. Lysander, ubi intellexit Sophoclem mor-  
tuum, pacem funerali dedit, Solinus.

Platoni, Siciliam uenienti, Dionysius tyrannus quamuis  
ad superbiam seuitiamq; natus, uirtutem nauem misit ob-  
uiam, & egredientem in litore quadrigis albis excepit. Plu-  
tar. in Dione.

Annicetus Cyreneus eundem ab Æginetis captum, & in-  
ter mancipia uenalem expositum, ne quid indignum patere-  
tur, Minis aliquot mercatus est, & honesto comitatu Athe-  
nas ad suos remisit. quam pecuniam, quum à Platone sibi re-  
missam intellexisset, Profectò, inquit, peccatum uideri po-  
test, quòd maiore summa nõ iuuerim tantum uirum. Quari-  
nus Veronensis & Pont. de liberalitate.

Platonem ipsum tanti fecit Aristoteles discipulus, ut no-  
mini eius aram in templo construxerit, statuamq; conse-  
crauerit: in qua scriptum erat hunc esse illum, quem probi  
omnes meritò debeant & imitari, & commendare. unde ex  
tant Criniti uersus in Parthenicis: Hæc illa est ara floribus  
redimita suauis olentibus: Quam gratus bene merenti sta-  
tuit discipulus seni, Tituloq; hoc testatus animum suum,  
atque officium, Platonem probandum probè a probis.

Viginti talentis unam orationem uendidit Isocrates.

Æschines Demosthenis orationem (qua tamen in exi-  
lium pulsus fuerat) coram amicis laudauit in sua calamitate.

Athenienses Thucydidem, rerum suarum scriptorẽ, ab exi-  
lio reuocauere, eloquentiam mirati, cuius uirtutem dam-  
nauerant.

Menander, comœdiographus, ab Ægypti regibus, per le-  
gatos magnis præmiis inuitatus est.

Cn. Pompeius Posidonii sapientiæ professoris domum in-  
traturus, fores percussit de more a lictore uertit, & fasces li-  
ctorios ianux submisit is, cui se oriens occidensq; submi-  
serat. uide Strabon. lib. 11.

Augustus carmina Virgilii cremari contra testamẽti eius  
uerecundiam uertit. eidem in theatro recitanti uniuersus  
populus R. perinde ac imperatori assurrexit, hætenus Pli-

nus lib. 7. Eiusdem Virgilii diem natalem ( qui fuit Octobris idibus ) quotannis celebrabat, & quibusdam uelut ceremoniis uenerabatur. Sylius.

Constantinus imperator Ablabium Ægyptium philosophum, prætorij sui præfectum, & unâ cum Constantio filio imperij rectorem constituit. Eunapius apud Volat.

Frontoni philosopho M. Antonius princeps statuam erigi fecit, auctore Capitolino, quem Augustus quoque consulari ornauit dignitate.

Anaxenori cytharædo è Tyana ciuitate M. Antonius tributa quattuor ciuitatum legenda præbuit, Strabo libro 14.

Augustus Alexandrinis ( in quos bellum gerebat ) tribus de causis fassus est se pepercisse; ob Alexandri memoriam, urbis pulchritudinem, & amorem Arrii philosophi. Plutarch. in uita Antonii.

Iam diximus erectam Claudiano statuam Arcadii, & Honorij imperatorum patrocinio.

Dionem Prusæum sophistam, & philosophum Traianus curru suo plerunque dignatus est, Romam etiam ingressus cum triumpho. Suidas apud Volat.

Artaxerxes, rex Persarum, Hiscani, præfecto Hellesponti, litteras scripsit, ut Hippocratem medicum quibuscunque fieri posset præmiis in familiam suam inuitaret. epistola ad hunc serè modum se habebat: Rex regum magnus Artaxerxes Hiscani S. Hippocratis medici, Æsculapio prognati, ad me fama peruenit. da igitur operam, ut aurum illi tribuas quantum cupit, aliaq; item, quorum indiget, & ad me mitte. erit enim par honore summis in Perside uiris, & si quis alius fuerit in Europa uir clarus, hunc amicum nostræ domui redde, nec parce pecuniis: Eidem Hippocrati ab Illyriis re deunti eosdem honores, quos Herculi, decreuit Græcia ob prædictam pestilentiam. Suidas.

Iunio Rustico philosopho M. Antonius imperator publica omnia, priuatâque consilia solebat credere: quem postea consulu, & mortuû statua decorauit. Iulius Capitolinus.

Ciceronem ab urbe pulsum Pomponius Atticus sestertius ducentis, & quadraginta millibus iuuuit; & prosecutus est, Cor. Nepos in uita Attici.

## DOCTI VIRI HABITI IN

Oppianus poeta, quum Antonio imperatori, Seueri principis filio, poema de piscibus nuncupasset, ab eo totidem aureis donatus est nummis, quot illic erant uersus. Volat.

Daniel propheta Cyro rege ( quem theologiæ mysteria perdocuit ) familiarissimè utebatur, auctor Theoderitus Cyrenensis.

Cleombrotum medicum Ptolemæus rex centum donauit talentis, seruato Antiocho rege patre suo. Habeo codicem Plinianum in alterutro libro mendosum: nam lib. 7. & cap. 37. hoc de Cleombroto scribit; libro uero 19 & cap. 1. de Erasistrato. uide Budæum lib. 2. de Assè.

Olim tantus erat artis oratoriæ quæstus, ut Gorgias Leontinus auream statuem & solidam sibi posuerit Delphis. Plinius cap. 4. lib. 33.

Athenienses, ut ià diximus, Demetrio Phalaræo cccclx. statuas erexerunt.

Zeusis tantas opes arte picturæ sibi comparauit, ut in ostentatione earum Olympiæ aureis litteris palliorum tessèris intextum nomen suum ostentaret. Plin. lib. 35. cap. 10.

Pamphilus pictor neminem docuit minoris talento annis decem, quam mercedem Apelles, & Melanchius ei dedere. Plin. lib. 35. cap. 10.

Apelles Alexandro Magno adedè charus exstitit, ut rex Cæspem amasiæ suam liberali forma puellam eidem dederit. Plin. ibidem.

Attalus rex unicam tabulam Aristarchi pictoris centum talentis emisse dicitur.

Argonautas, Cycliæ pictoris tabulâ, talentis cxi. mercatus est Hortensius orator. Plin. lib. 35. cap. 11.

Zenonem philosophum Athenienses tanto honore prosecuti sunt, ut apud eum clauis urbis deponerèt, ipsumq; ornarent aurea corona, & imagine ærea, Laertius.

Plinius Iunior referebat potuisse se ( quum procuraret in Hispania ) uendere suos commentarios Largio Licinio quadringentis millibus nummorum. Quis nunc regum ( inquit noster Budæus ) emere bibliothecam confertissimam decem aureorum millibus uelit, quanti a Plinio cuius unus priuatus regesta quædam extemporanea licitari ausus est.



Plin. lib. 3. Epist.

Philippus Macedo, Amyntæ filius, quamvis omni sermè tempore negotiis belli esset implicitus, nunquam tamen a liberali musa, studiisq; humanitatis recessit. propterea scribens ad Aristotelem gloriabatur natum sibi Alexandrum tantum philosophi tempore, a quo doctrinam imbiberet cum uirtute. epistola autem extat apud Gellium lib. 9.

Lenæus ludi magister in urbe Roma a Pompeio ob ingenium manumissus est. Plin. de illust. grammat.

Ovidius, quum septem annis apud Getas in exilio durasset, diis iubentibus in fata concessit kal. Ian. cui mortuo gens illa, quamvis barbara, & inelegans, & a mansuetioribus moribus prorsus aliena, solennes tamen exequias celebrauit, & sepulcrum erexit magnificum. Pontanus de Magnificencia.

Quid? non ne mirum est, histrones maiore quondam in precio habitos, quam nunc habeantur uel egregiè litterati; quum Roscio actori Theatrico annulum aureum cum censu equestri donauerit Sylla? quem etiam ferunt mercedem diurnam de publico mille denarios sine gregalibus accepisse. Tullius quoque elegantissima oratione populum R. obiurgauit, quòd Roscio gestum agente tumultum mouisset. Macrob. lib. 3. cap. 7.

Decius Laberius quum in spectaculis mimos suos egisset palam, donatus est quingentis sestertiis, cum annulo aureo, qui erat insigne census equestris. auctore Tranquillo.

Alcibiades ambitione quadam munera in Socratem congeriebat, dignam uiri doctrinam multò amplioribus existimans. Cælius lib. 11. cap. 73.

Euripides tragœdiographus Archelao Macedonum regi sola uirtutis admiratione fuit familiaris, adeò, ut frequentibus conuiuiis ab eo exceptus fuerit, & aureo donatus poculo. in eius quoque gratiam Syracusani plerosque Atheniensium (qui apud se seruitutem seruiebant) libertate donatos, domum incolumes remisere. Cælius lib. 13. cap. 7.

Iulius Calidius poeta, quum a P. Volusio in proscriptorum numerum relatus esset, ab Attico propter ingenium, & elegantem eruditionem, absolutus est. Cor. Nepos in

uita Attici.

Cor. Gallus elegiographus fauore Augusti ad præfecturæ gradum conscendit, tribunusq; cohortium effectus est. Crinitus.

Vespasianus tantum concessit Saleio Basso poetæ Lyrico, ut propter ingenium singularemq; eruditionem auri quinquaginta sestercia eidem sit elargitus. Tacitus in Dial. de Orat.

Statium Domitianus magnifico atque apparatissimo donauit conuiuio, coronaq; insigni, & aliis muneribus honestauit. Crinitus de Latinis poetis.

Eiusdem imperatoris beneficio Sylius ad tertium consulatum prouectus est. unde Martialis, Augusto pia tura uictimasq; Pro nostro date Sylio Camœnæ: Bisfenos iubet en redire fasces, Noto consule nobiliq; uirga &c.

Sertinius uir clarissimus tantum concessit Martialis ingenio & doctrinæ, ut ei adhuc uiuenti imaginem more ueterum in sua bibliotheca posuerit. Crinitus.

Ausonius Cæsaris Gratiani (cuius filium Gratianum iuniorem erudierat) beneficio & honestissimis suffragiis dignitatem adeptus est consularem. Idem.

Aurelius Prudentius beneficio Theodosij imp, ad præfecturam militiæ perductus est. Crinitus.

Lampaco, urbi Helleponti, propter Themistoclem percipit rex Persarum. Marcell. lib. 22.

Phalaris Agrigentinus tyrannus aliàs sæuissimus templū Schefichoro edificandum curauit, suasitque diuinos illi honores in urbe patria habendos, quem tamen olim capitalem inimicum habuerat, Pontan. de Obed.

Democedes medicus a Dario (quem sanitati restituerat) duobus aurearum compedum paribus & ab uxoribus ipsius Darii aureis phialis donatus est. auctor Herod. in Thalia.

Matthias, rex Pannoniæ, Ioan. Monteregium hominem Germanum, & Ephemeridum scriptorem, multis auxit honoribus & diuitiis. Volater.

Quum Hermolaus Barbarus Venetorum legationes obiret in Italia, & ad urbem Florentiam accederet, Laurentius Medices tanto uiro cum multis amicis obuiam proces-

fit, quamvis podagricus, eumq; in Caiana uilla honorificē  
tissimē excepit, quam cum instructissima bibliotheca eidem  
obtulit. Crinitus cap. 9. lib. 15.

Robertus, Siciliae rex, Fr. Petrarcham, omnesq; eruditos  
uiros in precio habuit. Volat. in Philol.

Ptolemæus Philadelphus senex lxx. Bibliacæ historiæ  
scientissimos ab Iudæa usque in Ægyptum uocauit; quos  
regia urbe acceptos, hospitaliter & benignè aluit, magnisq;  
muneribus donatos dimisit. Sab. in exe.

Ioanni Campegio Bononiensi, in Patauinum gymnasium  
(quod ad publicam litterarum professionem fuerat inuitatus)  
proficiscēti, ab urbis magistratibus gymnasiarchisq; magna  
hominum frequentia obuiam itum est. Idem Sab.

Vicentina ciuitas Sabellicum argentea patera magni pon  
deris donauit.

Cæsar Dictator duas Timomachi tabulas lxxx. talentis  
emit in templo Veneris genitricis dicaturus. Plin. lib. 35.  
cap. 11.

Candaules rex Bularchi picturā Magnetum haud medio  
cris spaciū rependit auro. Plin. cap. 8. lib. 35.

Quintilianus ex Hispania ueniens stipendium a fisco ac  
cepit ab Eusebio sub Domitiano. Budæus lib. 2. de Asie.

Thaddæus Florentinus medicus tanta fuit nominis cele  
britate, ut ad curam ægrotorum extra urbem uocatus, non  
uilius, quā quinquaginta aureorum mercede singulos dies  
peregrinaretur; uocatusq; ab Honorio quarto centum si  
bi statui uoluit, a quo curato decem millia reportauit. Vo  
laterranus.

Propter Ialij imaginem, a Prothogene pictam, Deme  
trius Rhodon non succendit, ne simul tabula conflagraret.  
Plin. lib. 35.

M. Popilius Andronicus opusculum quoddam annalium  
xvi. millibus nummūm uendit. Tranquillus de Gram.  
illust.

Arrianum historicum (qui historiam Magni Alexandri  
octo libris scripsit) Hadrianus & Antonius, ppter litteras ad  
honorem consularem euexerunt. Heliconius apud Volat.

Asinius Pollio Varronis imaginem collocauit in biblio-



theca.

Cyrus Ponnopolyta poeta, beneficio Theodosij iunioris, & Eudoxiæ eius uxoris, præsul factus est. Suidas apud Volat.

Democritus Diagoram Mileesium philosophum seruunt mille drachmis emit, ut eundem erudiret. apud eundem.

## LITTERARVM, ET LITTERATORVM qui fuerunt amantiſſimi :

**A**Naxagoras omne patrimonium ſuis conceſſit, remque omnem publicam & priuatam neglexit; ut liberius uacaret philoſophiæ. Laertius, & Valerius de ſtudio.

Naugauit in Ægyptum Democritus in Perſidem uſque ad rubrum mare, ut & Chaldeos conſuleret, & melius philoſopharetur. idem quoque oculos ſibi eruit, quod rerum naturalium, & diuinarum contemplationi impedimento eſſe uiderentur. exiſtimabat enim cogitationes, commentationesq; animi ſui contemplandis naturæ rationibus uegetiores, & exactiores fore, ſi eas uidendi illecebris, & oculorum impedimentis liberaſſet. ut autem commodius amplecteretur ſtudia, diuitias omnes reliquit, quæ tamen tantæ fuerant, ut pater eius Xerxis exercitui epulum dare poſſuerit. auctores Gellius cap. 17. lib. 10. Cic. lib. 5. de Finibus. Val. de ſtudio.

Cyprianus diem nullum ſine Tertulliani lectione permittebat eſſuere, cuius libros quum peteret, dicere ſolebat;

Da mihi magiſtrum. auctore D. Hieronymo.

Scipio Africanus Pædiam Cyri de manibus non ponebat. Beroaldus auctor.

Gordiano imperatori bonæ litteræ adeo placuerunt, ut pluris fecerit librorum, quam auri, uel argenti ſibi theſaurum comparare. Habuit enim in bibliotheca LXI. milia librorum. Iulius Cap.

Monimus, Corinthii cuiuſdam trapezitæ filius, quum philoſophiæ amore raperetur, cuperetq; magnopere dare operam Diogeni, neque tamen hoc ipſum a domino poſſet impetrare, ſimulata inſania monetam cœpit ſpargere, eoq; modo dimiſſus, ad philoſophiam ſe conuertit, Diogenemque

secutus est. Laertius.

Pythagoras ad perdiscendam philosophiam, solùm uertit exilio suscepto uerius, quam peregrinatione. profectus ad Persas magorum prudentiæ se formandum tradidit, a quibus siderum motus, cursusq; stellarum didicit. Cretam deinde, & Laedæmona nauigauit; quarum moribus & legibus inspectis ad Olympicum certamen descendit. quod & de Empedocle scribit Plin. lib. 30.

Alexander, quum esset legendi & discendi percupidus, Iliadem Homeri (quam rei militaris uaticum solebat appellare) Aristotele exponente perdidit: eam semper uacuam pugione sub puluino iacentem tenere solitus. Onescritus apud Plutarchum in Alexandro.

Euclides Megarensis, quum disciplinæ Socraticæ percipiens esset, neque tamen Athenas (ubi profitebatur Socrates) auderet ire, quod capitale foret, si quis Megarensium Athenis, aut Atheniensium Megaris propter mutuum utriusque urbis odium, deprehenderetur, sub noctem tunica longa muliebri indutus ad ipsum philosophum commeabat, ut uel noctis aliquo tempore consiliorum sermonumq; eius fieret particeps. rursus sub lucem eadem indutus ueste redibat. Gellius lib. 6. cap. 10.

Ferunt Platonem, quum tenui admodum esset pecunia, tres tamen Philolai Pythagorici libros decem millibus denarium mercatum, quod precium a Dione quodam Syracusano acceperat. idem octogenario maior moriens sub capite Sophronis numeros habuisse fertur. sic nec extrema quidem eius hora agitatione studij uacua fuit, inquit Val. Max. de studio. Gel. lib. 4. cap. 17.

Aristotelem quoque traditum est pauculos Speusippi libros post mortem eius emisisse talentis tribus Atticis. Gellius lib. 4. cap. 17.

Fuit Hippocrates discendæ medicinæ adeò studiosus, ut eum non puduerit uel retrimenta gustare, ut inde morbi naturam persentisceret. quod tamen aliqui Æsculapio ascribunt. auctor Cælius cap. 12. lib. 16.

Hadrianus imperator impensè adeò Græcæ doctrinæ inuigilabat, ut a plerisque Græculus uocaretur. Sextus Au-

relius .

Cato Uticensis, ne quid temporis absque aliqua exercitii parte efflueret, in turia Græcè lectitabat, tantisper dum cogeretur senatus. Cic. lib. 3. de Finibus.

Tacitus imperator Cornelii Taciti uiri consularis historiam de Romanis imperatoribus, non modò in omnibus bibliothecis iussit collocari, sed etiam edicto cauit, ut decies quotannis ad usum publicum transcriberetur, atq; in bibliothecis poneretur. Flavius Vopiscus.

Beatus Hieronymus Romæ primum, mox in Bizantio & Antiochia, demum apud Solymos discendi studio uariis præceptoribus operam dedit. habuit in litteris Hebræis Barbanum & Nicodemum Iudæos, in humanioribus litteris Donarum & Victorinum, in sacris Gregorium Nazianzenum, Apollinarem Antiochenum, & Dydimum Alexandrinum. Crinitus cap. 6. lib. 6.

Augustus liberalibus studiis, præsertim eloquentiæ, in tantum incubuit, ut nullus, ne in procinctu quidem laberetur dies, quin legeret, scriberet, declamaret.

Nemo studia bonarum artium fuit indulgentius, quam Carolus Magnus, ut qui Parisiense gymnasium, & Papiense accersitis undecunque doctissimis uiris instituerit. Bap. Egnatius.

Fuit & Carolo Crasso singularis beneuolentia in litteratos homines, quos ad scribendum solebat adhortari. Idem Egnatius.

Sigismundus imp. doctos homines etiam fuit, & magnis honestauit dignitatibus. accusauit etiam plerunque Germanos principes, qui latinas odissent litteras. reprehensus à quibusdam, quòd uiros humiles, sed litteratos fouerit: Ego, inquit, eos amo, quos uirtutibus & doctrina (ex quibus nobilitatem metior) ceteris antecellere uideo. Baptista Egnatius.

Scipio in mediis difficillimi belli apparatusibus bonarum artium studia non prætermisit, philosophorum scholas crepidatus frequentans. & ne post tot insignes uictorias animù sibi insolescere prosperis successibus rerum permetteret, cù litteris & litteratis frequens uersabatur. Pontanus de fort.

Borsus



Borsus, Ferrariensium princeps, ingeniiis magnopere fa-  
uit, quæ undecunque accersita domi alebat, & in his T. Stro-  
cium poetam Florentinum, Ioannem Aurispiam, Hugonem  
medicū, & Petrum Bonum Lyristē egregiū. Volat. in Georg.

Bestarionis præsbyteri. cardinalis ( qui sub Eugenio quar-  
to floruit ) domus fuit liberalium artium officina, doctissi-  
mosq; viros semper aluit, atque fouit. nec minus ipse in lit-  
teris uersabatur. Platonem in primis obseruabat, in cuius  
defensionem commentarios edidit contra Trapèzuntium  
Peripateticum. Volat.

Liuius Drusus, ætatis uiribus & acie oculorum iam defe-  
ctus, ius ciuile tamen populo interpretatus est, quod cu-  
pientibus discere utilissima composuit monumenta. Val-  
de studio.

Publius Crassus, quum in Asiam ad Aristonicum regem  
debellandum consul uenisset, tantum Græcæ linguæ studiū  
impendit, ut eam in quinq; diuisam genera per omnes par-  
tes ac numeros didicerit. Valerius, & Blondus lib. 4.

Carneades philosophus, quum cibi capiendi causa recu-  
buisset, philosophicis cogitationibus interdum usque adeo  
inhærebat, ut manum ad mensam porrigere obliuisceretur.  
Idem cum Chrysippo disputaturus helleboro se antè purga-  
bat ad exprimendum ingenium suum attentius, & illius re-  
fellendam actius. Val. Maximus.

Captis Syraculis Marcellus Archimedis philosophi pre-  
cibus parcī iussit, cuius tamen machinationibus uictoriam  
suam multum ac diu inhibitam senserat. Plinius lib. 7. c. 37.

Confectus senio Socrates fidibus tractandis operam de-  
dit, ut tantis doctrinæ suæ diuitiis musicæ rationis adderet  
elementum. Cicero de Senectute.

Chrysippus LXXX. Isocrates quantum & LXXX. nati an-  
nos opera scripserunt: hic Panathenicon, ille Logicon acu-  
tissimæ subtilitatis uolumen. Valerius.

Cleanthes quæstu extrahendæ aquæ nocturno tempore  
inopiam suam sustentabat, diurno Chrysippi præceptis per-  
cipiendis operam dabat. Idem quum centesimum attingisset  
annum, auditores tamen erudiebat.

Sophocles centum propè natus annos Oedipodem tragœ

ET LITÆRÆ RV. M. QV. I.  
diam conscripfit . Cicero in Catone Maiore , Sophocles, in  
quit, ad summam senectutem tragœdias fecit .

Simonides poeta octogesimo anno & carmina docuit , &  
in eorum certamen descendit. Val.

Carolus septimus , sexti filius , Gallorum rex , solenni  
episcoporum concilio Pragmaticam instituit sanctionem, ut  
qui magna olei impensa euassissent litterati , ad sacerdotia  
prouherentur . prius enim curæ animarum ( quas uocant  
beneficia ) mulionibus , aut etiam lenonibus præsulum da-  
bantur : ita ut utilius multo uideretur, in aulica uita eius rei  
gratia parasitari , & scurram agere , quàm studium litteris  
impertiri . asini enim portabant mysteria : doctos oportebat  
sua fama contentos uiuere, nec aliquid sperare quidquam .

Antonius cognomento Pius , rhetoribus ac philosophis  
non salaria modò , uerum etiam honores ac prouincias de-  
creuit . Pontanus de liberalitate .

Alexander Seuerus non modò litteratorum genus omne,  
uerùm haruspices , & architectos ( in quo quisque elucesce-  
ret ) profecutus est . Idem auctor .

Iulius Massanienfis, Alphonfi regis censui rationibus præ-  
positus, ita Iouianum Pontanum poetam elegantissimum  
iuuit ; ut Pontanus ipse omnia sua eidem referat accepta ,  
ibidem .

Ptolemæus rex Alexandrinus doctissimos quosque ad se  
uocatòs , salariis donisq̃ue profecutus est . Pont.

Abundauit uiris doctis Nicolai quinti Pontificis Maxi-  
mi, & Alphonfi regis aula : quorum hic Antonium Panhor-  
mitam ob scriptum de dictis ac factis suis librum mille au-  
reis donauit, Poggium Florentinum quingentis, ob con-  
uersum è Græco in Latinum Xenophontis librum , qui Cy-  
ri pædia inscribitur . Idem.

Dionysius Syracusanus Heliconem Cyzicenum talento  
donauit, quòd Solis deliquium prædixisset .

Lyfander ob pauculos uersiculos Antilochi poetæ pileū  
argento impleuit . Pontanus .

Ferdinandus rex grandem pecuniæ summam quorannis  
ex ærario pendendam statuit rhetoribus , medicis, philoso-  
phis , & theologis , qui publicè Neapoli docerent . Egre-

gium sanè factum (inquit Pontanus) ingenia prosequi, vi-  
tutes ornare, & ad excolendos animos excitare iuventutem.

Terentius Varro annos sæculi supergressus interijt scri-  
bendo. Blondus lib. 4.

Cato Celsorius anno LXXXVI. ætatis causam pro se egit  
aduersus temeraria iuventutem: litteras Græcas didicit, &  
ius ciuile: defendit Gálbam oratorem accusatum. Flavius  
lib. 4. Val. de studio.

Iulius Cæsar (ut est apud Suetonium) omnes medicinæ  
& liberalium artium professores ciuitate donauit, ut liben-  
tius urbem incolerent.

Vespasianus imperator ingenia & artes maximè fouit;  
primusq; è scisco Latinis Græcisq; rhetoribus annua cen-  
tena constituit; præstantes poetas muneribus ornauit; &  
bibliothecas incendio absumptas reparauit. Suetonius &  
Blondus lib. 4.

## INDOCTI, ET QUI LITTE- ras oderunt.

**L**icinius Imperator fuit litteris adèd infestus, ut ui-  
rus ac pestem publicam eas appellaret. sed cur, inquit  
Bapt. Egnatius, eas non odisset, quarum adèd expers erat,  
ut ne decretis quidem subscribere posset.

Valentinianus quoque imperator, Gratiani filius, ma-  
gno litterarum odio conflagrauit.

Cælius scribit, Heraclidem Lycium hebeti fuisse inge-  
nio, & ad litteras, politioremq; cultum ineptissimo.

Philonides fuit Melitensis quispiam prægrandi corpore,  
cæterum insulsus & indoctus. unde adagium fluxit. Brasmo  
positum; Indoctior Philonide.

Britanion (cui uisito Constantius imperator pepercit)  
adèd expers litterarum est habitus, ut ne prima quidem ele-  
menta calleret. Baptista Egnatius.

Herodes Atticus, quum ingenio & eloquentia nulli se-  
cundus haberetur, filium habuit adèd hebetem, ut ne pri-  
ma perciperet elementa. Philostratus in eius uita.



## BIBLIOTHECÆ MEMORABILES.

**T**yrannion grāmaticus (qui floruit ætate Magni Pomp.)  
supra tria librorum millia possedit. Plut. in Sylla.

Gordianus imperator coaceruauit in bibliotheca LXII.  
millia uoluminum. Capitolinus.

Plutarchus in Antōnio scribit Pergamenas bibliothecas  
habuisse ducenta librorum millia.

Porro ex antiquis bibliopolis unicus ferè Triphon cele-  
bratur. Martialis lib. 4. Non habeo, sed habet bibliopola  
Triphon. Hic ille est, ad quem scribit Fabius in liminari  
Institutionum oratoriarum epistola.

## QVI MVLTÀ SCRIPSERVNT.

**S**cripsit Theophrastus trecēta librorum uolumina, Chry-  
sippus septuaginta, Seruius Sulpicius c. l. x. x. libros  
de iure ciuili, Ateius Capito l. x. Empedocles tria & qua-  
draginta, Galenus cxxx. Beda xxxvi. Aristarchus gram-  
maticus, Aristophanis grammatici discipulus, scripsit com-  
mentarios supra mille.

## LABORIOSI, ET VARIARVM

artium periti.

**C**leantes philosophus inopia mercenarium se fecit,  
Cac noctu quidem, in hauriēdis aquis uictum sibi com-  
parauit, interdū liberalibus studiis dedit operam. pinsebat  
quoque farinas, sæpenumero, ut Peniam illam, necessarium  
plerisque malum, excuteret.

Pugnabat Plautus in paupertatem dies & noctes: scribe-  
bat enim fabulas suas interdū, noctu uerò operam locabat  
pistori, & in agendis molis (quas trusattiles uocant) qualē-  
cunque faciebat quæstum. Varro apud Gellium cap. 3. l. 3.

Turanus fuit quispiam exactæ diligentæ, senex: cui quū  
Cæsar post x. c. annum procurationis uacationem ultro in-  
dulxisset, id ægrè ferens, componi se in lecto, & uelut ex-  
animum a circumstante familia plangi iussit. nec antè tri-  
stitiæ finem fecit, quàm pristino labori sit restitutus. Ce-  
lius lib. 6. Marcel. 16.

Iulius Cæsar, consumptis in re bellica diebus, noctes ta-

men ad tripartita diuidebat officia: quietis scilicet, publicæ rei, & musarum, Marcellinus lib. 16.

Legimus Alexandrum Magnum, quum dormitaret, brachio extra cubile protento pilam tenuisse argenteam supposita pelui, ut quum neruorum rigorem sopor laxasset infusus, gestaminis lapsi tinnitus abrumperet somnum. Ammianus Marcel. lib. 16.

Iulianus imperator dimidiata nocte semper exurgebat, non è plumis perdicum subalaribus, ut Heliogabalus, aut stragulis sericis ambiguo nitore fulgentibus, sed ex asperis stratis, in quibus uix decumberet abiectissimi uernæ. Marcellinus ibidem.

Porcius Latro incepta semel studia non poterat interrompere, ubi se ad scribendum concitasset: iungebantur noctibus dies, & sine intervallo sibi instabat: nec desinebat, nisi deficiebat, quum se syluis & montibus tradiderat, omnes illos agrestes in syluis & montibus natos laboris patientia ac uenandi solertia prouocabat. Cælius cap. 35. lib. 5.

Sophocles, Plato, Isocrates, Hieronymus, & alij complures ad extremam senectutem scribentes, labores subierunt, finemque dicendi cum uita fecerunt. Volaterr.

Helius Hippias sophista præter litterarum studia (in quibus ætate sua nulli fuit secundus) Olympicis ludis zonam, uestem, calceos, ampulam, anulum, gemmam (in qua signum insculperat) sibi fecit, habuitque artem multarum rerum, quæ mortales plurimos ornare potuisset. Quintil. lib. 12. Instit. orat.

Hadrianus imper. fuit arithmeticæ peritissimus, & geometriæ. pinxit egregiè, musicem tenuit, astronomiæ scientia omnes ætatis suæ faciliè superauit.

Fuit Aurelius Alexander optimus haruspex, excellens augur, musicus insignis, & utranque oratione eruditissimè scripsit. quibus rebus tantam impendit operam, ut consueuerit in conuiujs uel legentes audire, uel alijs uescantibus legere.

Nihil unquam legit Plinius, quin excerperet; nec in bibliotheca tantum, sed in mensa, sed in lectica, sed equitâs quoque uel scribebat, uel scribendum aliquid dictabat.

Diodorus Siculus ne in descriptione orbis (ut alij plerique) erraret, bonam Asiæ & Europæ partem magno suo in commodo peragravit.

Virtuti maximæ tribuendum est Nicaulæ Ægypti, & Æthiopum reginæ, quòd audita Salomonis sapientia, ab extremo Arabiæ in Iudæam iuerit, ut eum audiret.

Apollonius Tyanæus ut Brachmanum scientiam haurire posset, Persas, Caucasum, Albanos, Scythas, & Massagetas prætergressus, in Indiam penetrauit. quibus auditis per Elamitas, Babylonios, Chaldaeos, Medos, Parthos, Assyrios, Phœnicas, Arabes, & Palestinos in Ægyptum rediit, ut quaquà transiret, ibidem a doctis (siqui essent) proficeret, & aliquid decerperet. transiit & in Æthiopiam ad Gymnosophistas.

Antisthenes, audito Socrate, statim conuersus ad discipulos, monuit ut alium quærent præceptorem, sibi se inuenisse dictans. quo facto, relictis omnibus fortune, Socratem secutus est.

Alphonfus Aragonius, Siciliæ rex, iam quinquagenarius, præceptori tamen se submisit, ne loquendi usu careret.

## O T I O S I.

**A**tralus, Eumenis frater, otio adedò solutus est, ut faginæ traditus, imperij onus in Philopomenem è familiaribus unum reiecerit. Cælius cap. 23. lib. 6.

Vacia Seruilius, uir prætorius, nulla alia re, quàm otio notus consenuit. propterea à transeuntibus dici solebat, Vacua hic situs est. Seneca in epistolis, & Cælius.

Herondas, quum Athenis quidam otij damnatus foret, iussit eum sibi ostendi, qui in causâ liberali conuictus foret. Plutarchus in Apophtheg. Laconicis.

## CORONÆ DIVERSÆ.

**V**ariæ fuerunt olim coronæ quibus pensabatur hominum uirtus, ut & ignauis torpor excuteretur, & in generosis uirtus cresceret. Plin. lib. 22. numerat gemmas, aureas, uallares, murales, rostrales, ciuicas, triumphales, quibus nobiliorem fuisse gramineam dicit.

Coronæ Triumphales erant aureæ, mittebanturq; imperatoribus ob honorem triumphi. hæc uulgò dicitur aurum



coronarium , inquit Gellius . Aureis postmodum successerunt Laureæ: erâtq; eiusdem & uirtutis & honoris præmia . Obsidionalem coronam dabant obsidione liberati ei , qui liberauerat . ea fiebat gramine , unde & Graminea dicta est . hanc s. p. q. r. Fabio Maximo dedit , secundo bello Punico , quòd urbem Romam obsidione liberaffet .

Ciuica dabatur ei , qui ciuem a morte liberaffet . fiebat fronde querna , aut ilignea . Cælius , Aduerhuntur , inquit , cum ilignea corona , & chlamyde . L. Gell. uir Censorius cæ- fuit Ciceronem consulem hac ornandum corona , quòd eius opera atrocissima illa Catilinæ coniuratio deleta , uindicta- taq; fuisset . Muralis dabatur , ab imperatore ei , qui primus murum subiisset , & in oppidū hostium per uim ascendisset . Castrensem donabat imperator ei , qui primus hostium ca- stra pugnans introiisset : habebat autem insigne ualli . Na- ualem merebatur , qui in maritimo prælio primus hostium nauem ui armatus transiliisset . ea rostris nauium erat insi- gnita . Muralis autem , Castrensis , & Naualis fiebant ex au- ro . Oualis corona erat Myrtea : ea utebantur imperatores , qui ouantes urbem introibant . Ouatio , minor erat trium- pho . Ouationis causa est non triumphus , quum aut bella non rectè indicta sunt , nec cum iusto hoste gesta : aut quum ho- stium nomen humile est , ut seruorum , aut pyrratarum : aut quum deditione facta , incruenta parsa est uictoria . hæc fiebat ex Myrto . Dabatur Oleagina ob conuersum hostem . De coronis uide Gellium lib. 5. cap. 5. Blondum Foroliuien- sem de Roma Triumphante lib. 6. Volaterranum lib. 26. Philologiæ . Plinium lib. 16.

## TRIUMPHATORES, SEU QUI

de diuersis regibus & populis triumphauerunt .

**L** Atilius Calatinus triumphauit de Sardis . C. Domi- cius de Aruernis & Bathuleorum duce . Liuius Sali- nator de Illyriis . M. Atilius Regulus de Salentinis . Paul- lus Æmilius iunior de Liguribus , & Perseo . Menenius Agrippa Lanatus de Sabinis . M. Antonius triumphare de Armeniæ rege . M. Aquillius consul de Aristonico rege . Iunius Babulcus Brutus dictator Equos subegit ,

## TRIUMPHATORES.

ac die octaua de eisdem triumphauit. Furius Camillus Veios decennali obsidione domuit, ac de iisdem triumphauit. Sp. Cassio duo triumphi contigerunt. M. Curius de Samnitibus & Sabinis. P. Decius iunior de Samnitibus. Cn. Duillius, qui Pœnos primus classe deuicit, primus de nauali uictoria triumphauit. Fabius Rullianus de Apulis, Nucerinis, Samnitibus, Vmbris, Marfis, ac Thuscis triumphauit. Fabius Gurgès de Samnitibus. Q. Fab. Max. de Liguribus. Gn. Fuluius Flaccus de Samnitibus. M. Fuluius nobilior ouauit de Ætholis, triumphauit de Ambraciensibus. L. Lucretius Tricipitinus de Volscis. Marius de Teutonibus, & Iugurtha. Propertius lib. 4. Dij melius, quantus mulier foret una triumphus Ductus erat per quas ante Iugurtha uias. Q. Cæ. Metellus de Iugurtha, & Numidis. L. Munius de Achæis. M. Horatius consul de Sabinis sine auctoritate senatus. L. Papirius Cursor de Samnitibus. L. Papirius Crassus, eius filius, de Priuernatibus. Cn. Pompeius, Magni Pompeij pater, de Picentibus. Pompeius Magnus de Iarba, Mithridate, Aristobulo rege Iudæorū. Aul. Postumus Tubero de Volscis. L. Æmilius Paullus de Liguribus. Q. Capitolinus, quinquies consul, de Volscis. Scipio Africanus de Hannibale, & Syphace. Sulpicius de reliquijs Brenni. L. Valerius, Valesij filius, de Veientibus, & Sabinis. Valerius Coruinus qui, sexies fuit consul, de Samnitibus. L. Valerius Potitus de Volscis, & Equis sine auctoritate senatus. M. Atilius Glabrio de Antiocho, & Ætolis. Aurelianus imper. de Zenobio Palmyrenorum regina. Septimius Seuerus imperator de Arabibus, & Adiabenis. Dagobertus rex Francorum de Saxonibus. Papirius Maso de Corsis. Iulius Cæsar cōfectis bellis quinquies triumphauit: primum triumphum egit Gallicum; sequentem Alexandrinum; deinde Ponticum; huic proximum Africanum; nouissimum Hispaniensem. Triumphauit Bacchus de Indis. Tattius de Sabinis, Gordianus de Persis. Augustus Curules triumphos tres egit, Dalmaticum, Asiaticum, Alexandrinum, continuo triduo. Antonius Commodus triumphauit de Germanis, Domitianus de Dacis, & Cattis. Papirius Cursor de Corsis, in monte Albano.

Porro autem lege fuit cautum, ne quis triumpharet, qui minus, quam quinque millia una acie superasset. Nulli item licuit triumphare, qui nec dictator, neque prætor, nec consul res gessisset. item nemini prius decernebatur triumphus, quam regionem, de qua triumphaturus erat, successori pacatam reliquisset. Triumphantes auratis curribus uehebantur, quos albi trahebant equi. Pompeij tamen currum in triumpho Africo traxerunt Elephantes: quem imitatus Cæsar, uestus est Elephantis quadraginta, dextra læuamque lychnos gestantibus, auctore Tranquillo. Et Gordiano quadrigæ Elephantorum decretæ sunt triumpho Persico. Habuit & Aurelianus currum quattuor ceruis iunctum. Moris quoque fuit, ut in triumphantium curru sederent eorundem filij, unde & Æmilius Paullus speciosissimo triumpho filium duxit, quem triduo post amisit. Triumphantem sequebantur laureati milites. Moris item fuit, imperatores belli ciuilis uictoria, quantumuis magna, non triumphare, quia ciues, non hostes occidissent. Item, ut milites & abiecti missi quique diuersis conuicijs triumphantes incesserent, ne prospera illa fortuna plus equo superbirent, & insolescerent. Sic triumphante Cæsare milites dixerunt: Gallias subegit Cæsar, Nicomedes Cæsarem. Item, Romani seruate uxores, mœchum caluum uobis adducimus. Ventidium quoque Bassum in Parthico triumpho secuti milites decantabant: Qui mulos fricabat, factus est consul. Porro lege cautum erat, ne dux ante triumphi initium urbem ingrederetur. Paulus Orosius, & cum eo Blondus scribunt, Romanos triumphos numero fuisse cccxx.

Omniū ultimus triumphauit Probus imperator.

Hæc de triumphis, de quibus qui plura scire cupiet, uideat Blondum Foroliuiensem lib. 10. de Roma triumphante.

## PRÆCEPTORES, ET PÆDAGOGI.

**C**hrysisippus, Erasistrati: Asclepiades, Temisonis: Protagoras, Euathli: Agonas, Zoroastris: Callimachus, Eratosthenis: Eratosthenes, Aristophanis: Volcacius, Celsii: Anaxagoras & Damon, Periclis: Molo, Ciceronis. Possidonium quoque Ciceronis magistrum fuisse, Cicero in



# PRÆCEPTORES, ET PÆDAGOGI.

lib. de Fato . Eum audiendi gratia Rhodum adiit , ut in eius  
 uita Plutarchus . Socion, Senecæ: Seneca, Neronis: Cebes,  
 Phedonis : Philetas Cous , Ptolemæi: Pamphilus Amphipolyta ,  
 Apellis : Empedocles , Gorgiæ : Plutarchus , Traiani: Donatus ,  
 & Victorinus , Hieronymi: Palemon , & Flavius Virginus ,  
 Persij : Architas , Empedoclis : Saccas Ammonius , Plotini :  
 Serbidiu Scæuola , Papiniani : Arnobius , Lactantii : Linus ,  
 Herculis : Lysias , Epaminonda : Polycletus , Argij ,  
 Asopodori , Alexis , & Aristidis pictorum : Agelades ,  
 Myronis: Softratus , Lyfippi: Phydias, Alcamanis ,  
 & Colotis: Myron, Lycii: Lyfippus, Phœnicis: Euxiandas ,  
 Aristidis : Eupompus , Pamphili: Theophrastus ,  
 Demetrii Phalerei : Chiron , & Phœnix , Achilles: Linus ,  
 Orphei , Thamiræ , & Herculis: Pherecides , Pythagoræ:  
 Marianus Matthæus, Frâciscus Puteolanus , Berroaldi: Lyfima-  
 chus, & Leonides , Alexandri: Connidas , Thefei : Sarpedon ,  
 Catonis: Zopyrus , Alcibiadis: Achilles , Ptolemæi: Sadra-  
 gesilus , Dacoberri: Sicinus , liberorû Themistoclis ,  
 Hopleus , Tydei: Acetes , Pallantis : Hyagnes tibicen ,  
 Marfiæ : Pontanus , Marulli: Silenus , Bacchi : Rainerius  
 Foroliuiensis , Bartoli: Bartolus , Baldi : Baldus docebat  
 Ticini: Paulus Castrensis , & Antonius Rosellus Paduæ :  
 Benedictus Capra , Perufij: Barbatia Siculus , Bononiæ . Fuit  
 & Victorinus Fertinus Gonzagarum pædagogus : Antonius  
 Panhormita , Alphonfi Arragonis Siciliæ regis præceptor :  
 Andronicus Theffalonicenfis , Politiani : Chalcidias , Iouiniani  
 grammatici: Andalus Genuélis , Boccacij . Ammonius ,  
 Origenis: Anacreon . Smerdis filii Polycratis Samiorum regis:  
 Thales Milefius , Anaximâdri Anaximenis: Anaximenes Anaxagoræ:  
 Philoxenus , Antigenidis mufici: Socrates , Antisthenis: Antisthenes ,  
 Diogenis: Euphranor , Appionis grammatici: Afclepiades ,  
 Apollodori grammatici: Apollodorus , Pergameus , Cæfaris  
 Augufti : Menecrates , Arati poetæ: Anaxagoras , Archelai  
 Milefij: Plato , Aristotelis : Socrates , Aristippi : Aristophanes  
 grammaticus . Aristarchi : Crates , Bionis: Hermocrates ,  
 Callimachi: Aristoteles , Calisthenis : Anaxagoras , Cafneadis:  
 Socrates , Cherephontis: Herodotus , Chærii : Diogenès ,  
 Cratis Thebani : Paulus ,

Dionysij Ariopagitæ: Prodicus, & Socrates, Euripidis. Docuit Aristoteles annis xxx. Quintilianus xx. Pomponius Lætus Romæ, x. Campanus, Perusie: Christophorus Landinus Florentie bonas artes professi sunt. Possem infinitos huiusmodi congerere, quos prætermitto, quod hoc ipsum modici uideatur momenti: tamen etiam, quod non pure non posse fieri, ut quis ex maiori congerie fructum sibi faciat, cui hæc nihil profuerint.

## PATRIA, ET LOC VS NATALIS

multorum illustrium uirorum.

**R**vdie, urbs Apuliæ, Ennii: Sassina Umbræ, Plauti: Campania, Neuii: Brundisium Calabriæ, Pacuui: Mediolanum, Statij Cæcilii: Pisaurus, Accii: Carthago, Terentii: Arunca, Lucilij: Roma, Lucretii: Bononia, L. Pomponii: Roma, Decii Laberii, & Q. Catulli epigrammatistæ: Syria, Publii Syri: Roma, Porci Licinii: Verona, Valerii Catulli. Roma, Q. Cornificii: Cremona, Furii Bibaculi: Atax, uicus prouinciæ Narbonensis, Pub. Terentii Varronis: Roma, Iulii Calidi: Mantua, Virgilii: Venusium Apuliæ, Quidii: Parma, Cassii Severi: Roma, Cæsaris Germanici: Verona, Æmilii Macri: Corduba Hispaniæ, Lucani, Sextilij, & Senecæ: Roma, Alinii, Galli: Volaterræ Etruriæ, Persii: Neapolis, Statij Papinii: Hispania, Sylii Italici: Setia Campaniæ, Valerij Flacci: Aquinum, Iuuenalis: Bilbilis Hispaniæ, Valerii Martialis: Italica Hispaniæ, Voconii Victoris: Carthago, Alphi Auiti: Africa, Septimii, & Aurelii Olympii Nemesiani, & Mauri Terentiani: Sicilia, Calpurnii: Alexandria, Claudiani: Byrdegala, Ausonii Galli: Hispania, Damasi, Iuueni, & Prudentii: Africa, Licentii Hipponensis: Gallia, Sidonii Apollinariis: Roma, Pomponii Secundi, Pedonis Albinouani, Aruncii, Stellæ, Sentij Auguris, Vestritii Spuringæ, & Pauli Passieni: Salamin, Solonis: Lacedæmon, Chilonis: Mitylene, Pittacii: Priene, Bianctis: Lyndus, Cleoboli: Corinthus, Seriadri: Scythia, Anacharsis: Gnosus, urbs: Cretæ, Epimenidis: Syria, Pherecidis: Miletus, Anaximenis: Clazomene, Anaxagoræ: Athenæ, Socratis, Xenophontis,

# VIRORVM ILLVST. PATRIA.

Æschinis, Critonis, & Glauconis: Cyrene, Aristippi: Elis,  
 Phædonis: Megara, Euclidis, & Stilponis: Thebæ, Cebe-  
 tis, & Cratis: Athenæ, Platonis, Polemonis, Antisthenis,  
 & Speusippi, Chalcedon, Xenocratis: Soli, Crantoris: Cy-  
 rene, Lacydis, & Carneadis, Carthago, Clitomachi: Sta-  
 gyra, Aristotelis: Lampſacus, Stratonis: Troas, Lyconis:  
 Pontus, Heraclidis: Synope, Diogenis: Syracusæ, Momy-  
 mi: Ægina, Onesicriti: Phœnicia, Menippi: Cyprus, Zeno-  
 nis: Samos, Pythagoræ, & Melissi: Agrigentum, Empedo-  
 clis: Tarentum, Architæ: Croton, Alcmaeonis: Metapon-  
 tus, Hippaci: Gnydos, Eudoxi: Ephesus, Heracliti: Co-  
 lophon, Xenophanis: Abdera, Democriti, Protagoræ, A-  
 naxarchi: Elis, Pyrrhonis: Nicæa, Timonis: Athenæ, Epi-  
 curi: Calagurium Hispaniæ, Quintiliani: Crastus urbs Si-  
 cilix, Epicarmi: Pella Macedoniæ Alexandri: Melibœa,  
 Philoctetæ: Panope, Epei auctoris machinæ Troianæ: Af-  
 cra, Hesiodi: Cheronea, Plutarchi: Megara, Theogenis:  
 Mitylene, Alcei: Lesbos, Sapphus puellæ: Rhodos, Pene-  
 rii, Stratoclis, Andronici: Pylos, Nestoris: Croton, Alcmā-  
 nis: Miletus, uel Phœnicia, Thaletis: Imera, Stefichori:  
 Ithaca, Vlyſſis: Thebæ, Amphionis, & Pindari: Cos, Apel-  
 lis: Thracia, Orphei: Alexandria, Appiani, Aristarchi, &  
 Arri: Arpinum, Ciceronis: Tyana Græciæ, Apollonii: Me-  
 daura, Apuleii: Caros, Archilochi: Athenæ, Aristidis:  
 Rhodos, Aristophanis: Nicomedia, Arriani historici: Me-  
 thymna, Arionis: Seleucia Siciliæ, Athenæi philosophi:  
 Chaldæa, Beroſi: Agrigentum, Charcini: Africa, Cypria-  
 ni, Carthago, Clitomachi: Athenæ, Cratini, Eupolidis,  
 & Demadis, & Demosthenis: Syracusæ, Dionis: Thebæ,  
 Epaminondæ: Hierapolis Phrigiæ, Epicteti: Cyrene, Era-  
 tosthenis: Athenæ, Hermippi: Arelate, Fauorini: Chalcis  
 Syriæ, Iamblici philosophi: Antiochia, Ioannis Chryſosto-  
 mi: Iudæa, Iosephi: Elis, Hippix: Cos, Hippocratis: A-  
 thenæ, Isocratis: Syracusæ, Lyciæ: Athenæ, Menandri &  
 Periclis: Thebæ, Musæi: Smyrna, Homeri: Anazarbum Cili-  
 ciæ, Opiani: Roma, Q. Hortensij: Cæsarea Cappadociæ, Pro-  
 hæresij: Ægyptus, Ptolemæi astrologi: Syracusæ, Philemo-  
 nis: Cos, Philetæ: Roma, Sallustij, & Suetonii: Patauium,



T. Liuij : Athenæ, Sophoclis, & Thucididis : Thracia, Thamyra : Ereſſus urbs Læsbi, Theophrasti : Lesbos, Terpan-dri : Carthago, Tertulliani: Vmbria, Propertij, & Pontani .

## FORMOSI ET FORMOSÆ EX

historicis, oratoribus & poetis .

**A** Maryllis puella . Virg. Formosam resonare doces Ama-  
rillida syluas .

Alexis . Idem Ecl.2. Formosum pastor Coridon ardebat  
Alexim .

Ægle nymp̃ha . Idem Ecl.6. Ægle Naiadum pulcherrima .

Adonis Myrrhæ fuit filius, Veneri ob speciosam formam  
dilectus . Virg. Ecl.10. Et formosus oues ad flumina paut  
Adonis . Ouid. lib.10. & Proper . lib.2.

Auentinus . Virg. uictoresque ostentat equos satus Her-  
cule pulchro Pulcher Auentinus .

Astur . Virg. Sequitur pulcherrimus Astur, Astur equo  
fidens, & uericoloribus armis .

Atys, puer Phrygius, a Cybele, ut fabulantur poetæ, ob  
formam adamatus est. Ouidius lib.5. Met. Erat Indus Atys,  
quem flumine Gange, &c.

Atalanta puella fuit in Arcadia uenatrix, & Iasij filia li-  
berali admodum forma. Ouidius lib.8. Met. Venit Atalan-  
te Schænci pulcherrima uirgo, &c.

Ariadne filia Minois, forma fuit elegante, quam propte-  
rea Bacchus duxit in uxorem, eiusque coronam stellis orna-  
tam in astra retulit . Catul. de ea & Theseo loquens, sic in-  
quit: Hunc simulac cupido conspexit lumine uirgo; Regia  
quam suaues expirans costus odores .

Achillas puer. Martialis lib.3. Huic comes hærebat do-  
mini fugitiuus Achilles, Insignis forma nequitiaque puer .

Antiopa, filia Nyctæi, & uxor Lyci regis Thebarum, spe-  
ciosissimam propter formam a Ioue adamata est, ex quo Ze-  
tum & Amphionem suscepit . Propertius, Tu licet Antiopæ  
formam Nyctæidos, & tu Spartanam referas laudibus Her-  
mionem .

Argia, Adraſti Argiuorum regis filia, & uxor Poliniciſ,  
fuit itidem mirum in modum speciosa . Stadius lib.2. Theb.

• Igregiam Argiam, nec formæ laude secundam Deyphilem.

Antinoo Bithinico, mira pulchritudine adoleſcenti; tanta, tamq; elegans fuit forma, ut Hadrianus imperator (a quo adamabatur) templum ei, apud Mantineam conſtituerit, & ciuitatem apud Nilum, eiusq; imaginem ſecerit inſcu pi nummis. propterea Hiëronymus Hadriani concubinum eū uocat. Volat.

Fuit Achantus puer ſpecioſus, quem poetæ fingunt in flo rem ſui nominis conuerſum fuiſſe.

Æginam, Aſopi regis Bæotiæ filiam, ob excellentē pulchritudinem adamauit Iupiter, iacuitq; cum ea in ſpecie ignis. Ouidius, Aureus ut Danaen, Aſopida luſerit ignis.

Forma in primis uiſenda, & amabili fuiſſe ferūt inter Græcos Alcibiadem, ſicut inter Romanos Scipionem, Deme trium cognomento. Plutachus in eius uita, Hoc, inquit Alcibiadi conceſſit natura, ſibiq; cum paucis commune, ut non modò in pueritia aut adoleſcentia, ſed etiam in omni ætatis gradu maximum ſemper decorem, & formoſam ho minis ſpeciem prætulert.

Amaracum poetæ fingunt in herbam odoriferam muta tum, idq; propter elegantem formam.

Aſterius, filius fuit Cerëris, forma ſingulari, omnium tamén amores reſpuens. unde Ouidius in Ibin, Filius ut Cereris fruſtra tibi ſemper ametur, Deſtituatq; tuas uſque petitus opes.

Sex. Aurelius ſcribit Auguſtum fuiſſe mitem, gratum, ciuiliſ animi, toto corpore pulchrum, ſed oculis magis, quorum facies clariffimorum in ſiderum modo promicabat.

Alfus filius fuit Gygar Danorum regis, quem tam excel lenti forma, ac cæſarie extitiſſe ſcribit Saxo Grammaticus, ut argenteis nitere crinibus putaretur.

Amphimedon Calentinus: Formoſum Phiale prius arſe rat Amphimedorē Amphimedō Phiales maxima cura fuit.

Herodotus ſcribit Agariftam, Clifthenis filiam, adeò for moſam extitiſſe, ut ad habendas eius nuptias, celebrata ſint procorum ſpectacula, & certamina, quò ſpecioſiſſimi qui que Græciæ adoleſcentes confluxerunt.

Barynes meretricis formam commendat Horatius lib. 2.

Car. dicens : Vlla si iuris tibi peierati Pœna Baryne nocuisset unquam, Dente si nigro fieres, uel uno Turpior ungui, Crederem, &c.

Bryseis fuit adeò formosa, ut Achilles eius amore confla-  
grauerit, eamq; quamuis ancillam, plusquam puellas om-  
nes adamauerit. Horatius, Prius insolentem Serua Bryseis  
niueo colore Mouit Achillem. Propertius lib. 2. Omnia for-  
mosam propter Bryseida passus.

Credibile est Bersabæam, Vriæ uxorem, eleganti fuisse  
forma, quæ sapientissimum illum regem, & prophetam san-  
ctissimum Dauidem usque adeò titillauerit, ut solitæ reli-  
gionis oblitus, adulterio & homicidio ( Vriam enim deu-  
oit morti ) suam contaminauerit sanctitatem. Stroza pater,  
Ille sacri uates operis Iefficia proles, Præfecit populo quem  
Deus ipse suo, Bersabææ captus forma, &c.

Bellerophon a Schenobæa, Præti Argiuorum regis uxo-  
re, propter formam adamatus, & ad Venerem ( cui tamen  
assentiri noluit ) postulatus est.

Fuit & Baryllus, Anacreontis poetæ amasius, liberali for-  
ma. unde Pontanus de Stell. Nirea sic perhibent, & ama-  
rum a uate Baryllum, Pictum oculis, fufumque coma, ro-  
seumque labellis.

De Castore & Polluce Ouid. lib. 8. Met. At gemini non  
dum cælestia sidera fratres Ambo conspici, niue candidio-  
ribus ambo Vectabantur equis.

De Chione Dédalionis filia idem Ouid. lib. 11. Met. Na-  
ra erat huic Chione, quæ doratissima forma Mille procis  
placuit bis seprem nubilis annis.

Cænis puella Thesfala, a Neptuno compressa. Idé Ouid.  
lib. 12. Met. Clara decore fuit proles Elateia Cænis Thes-  
falidum uirgo pulcherrima.

Cyllarus. Idem lib. 12. Nec te pugnantem tua Cyllare  
forma redemit.

Calisto. Idem. li. 21. Fast. Fœdera seruasset, si non for-  
mosa fuisset.

Celeno. Idem lib. 4. Fast. Neptuno Halcyonem & te for-  
mosa Celeno.

Calypso Oceani & Thetyos filia. Ouidius de Ponto, An



# FORMOSI, ET FORMOSÆ.

grauē sex annis pulchram fouisse Calypson Æquoreęq; fuit concubuisse dēx? Idem lib.2. de Art. Littore constiterant, illic quoque pulchra Calypso.

Cydippe ab Acontio ob formam adamata est. Ouid. in epist. Aut esses formosa minus, peterere modeste: Audaces facie cogimur esse tua, &c.

Cestum puerum commendat a forma Mart. Quanta tua est probitas, quanta est præstantia formæ Ceste puer, puer castior Hyppolito: Te secum Diana uelit, doceatq; nātare, &c.

Catulla. Idem Mart. lib.8. Formosissima quæ fuere uel sunt, O quā te fieri, Catulla, uellem Formosam minus, aut magis pudicam.

Propertius, formam suæ Cynthiae sic comendat: Et quascunque tulit formosi temporis ætas, Cynthia non illas nomen habere sinat. Idem: Illic formosæ ueniant chorus heroinæ, quas dedit Argiuis Dardana præda uiris: Quarum nulla tua fuerit mihi Cynthia forma Grator, &c.

Herodotus ait Candaulis Sardium Tyranni uxorem foeminarum omnium fuisse pulcherrimam.

De Daphnide Virg. in Buc. Formosi pecoris custos, Formosior ipse.

Deiopeia nympa. Virg. 1. Æn. Sunt mihi bis septem præstanti corpore nymphæ, Quarum, quæ forma pulcherrima, Deiopeiam Connubio iungam, &c.

Dido. Idem lib.2. Æn. Regina ad templum forma pulcherrima Dido Incessit.

Deianira Herculis uxor. Ouid. lib.9. Nomine si qua suo tandem peruenit ad aures Deianira tuas, quondam pulcherrima uirgo, Multorumq; fuit spes inuidiosa procorum.

Deiphyle, uxor Thidei, Adraști filia. Stat. lib.2. Theb. Egregiam Argiam nec formæ laude secundam Deiphylem.

Diadumenus Augusti fuit prægustator, puer adeo speciosus, ut in formæ certamine, quod fiebat Elidi, meruerit palam. Volat.

Democles puer Atheniensis, fuit adeo speciosus, ut ex pulchritudine sua pulcher Democles ab omnibus uocaretur. cui (quod paucis admodum formosis contingit) tantā quoque

quoque extitit pudicitie cura, ut ad declinandam uim Demetrii (a quo petebatur ad stuprum) se in plenum feruentis aquæ leberem, quum aliter effugere non posset, coniecerit. Plut. in Demetrio.

Celius scribit Demetrium, cognomento Poliorcetem, forma fuisse in primis amabili. uide Plut. in eius uita.

Euryalus, Nisi anicus. Virg. lib. 5. Æn. Euryalus forma insignis, uiridique iuuenta. Idem lib. 9.

Endymion, Lunæ amasius, fuit admodum speciosus. Val. Flaccus lib. 8. Tum quoque siderea clarus procul ora iuuenta Lachmius æstiuâ residet uenator in umbra, Dignus amore dæ.

Fuit in Ephestione augusta adeo facies, ut uicti Darij uxor eum pro Alexandro salutauerit. ob quam formam ipsi quoque Alexandro fuit charissimus.

Eurydice, Orphei uxor, Quintil. lib. 2. Orpheos. Hæc fata Mercurio Eurydice, formosa puellas Tam uisa est superare parës, cælestibus aulis Quâ iucunda Venus dominas supereminet omnes.

De Fabulla Mart. lib. 2. Bella es nouimus & puella, uerum est, Et diues: quis enim potest negare?

Scribit Ælius Sabinus tantam pulchritudinem oris fuisse in filio Maximini, ut etiam caput eius iam morte nigrum, iam maceratum defluentis tabo, pulcherrimum tamen uideretur.

Galathea nympa. Ouid. lib. 13. Candidior folio niuei Galathea ligustri, Floridior prato, longa procerior alno, Splendidior uitro, tenero lasciuior hædo, Leuior assiduo detritis æquore conchis, Solibus hybernis, æstiuâ grator umbra, Nobilior pomis, platano conspectior alta, Lucidior glacie, matura dulcior uua, Mollior & cyeni plumis, & lacte coacto, Et, si nõ fugias, riguo formosior horto, &c.

Non aliam ob causam poetæ fabulantur Ganymedem Ioui miscere pocula, quàm ob elegantem speciem. Oui. lib. 4. Fast. Horat. lib. 3. Car.

Glycera. Horatius lib. 1. Car. Vrit me Glyceræ nitor Splendentis Pario marmore purius: Vrit grata proteruitas, Et uultus nimium lubricus aspici.

## FORMOSI, ET FORMOSÆ.

Galetes fuit adolescens forma speciosus, decensq; in primis, regi Ptolemæo propterea usque adeo carus, ut Ptolemæus ipse quibusdam (qui ad supplicium trahebantur) eiusdem patrocinio pepercerit. auctor Cælius lib. 7. cap. 35.

Gygis pueri formam describit Horatius lib. 2. Car. dicens: Vt pura nocturno renidet Luna mari Gnydiusq; Gyges: Quem si puellarum insereres choro, Mire sagaces falleret hospites, Discrimen obscurum solutis Crinibus, ambiguoque vultu.

Veteres fabuloso confinxerunt inuolucro Gorgonem propter eximium uenustatis decus, mentis inopes & stupidos reddentem spectatores in saxa deformasse. Cælius lib. 13. cap. 9.

Hippolytus, Thesei filius, fuit etiam pulcherrimus. Virg. Ibat & Hippolyti proles pulcherrima bello Virbius.

Hylam, Thyodamantis filium, ob formam adamauit Hercules, & Nymphæ rapuerunt. Mart. Pulcher Hylas teneram merfit in ora manum. Propertius, Cuius ut accensæ Dryades candore puellæ, Miratæ solitos destituere choros, &c.

Hyas Atlantis ex Æthra filius. Ouid. lib. 5. Fast. Non dum stabat Atlas humeros oneratus Olimpo, Quum satus est forma conspiciendus Hyas.

Celebratur etiam Hermiones Menelai filiæ pulchritudo. unde Propert. lib. 1. Tu licet Antiopæ formam Nisæidos, & tu Spartanam referas laudibus Hermionem. Pont. lib. 1. amorum:

Fuit tam elegans & concinna Hippodamiæ pulchritudo, ut ad impetrandas eius nuptias celebrata sint certamina procorum. in quibus quum uictor euasisset Pelops, puellam duxit uxorem. Propertius, Nec Phrygium falso traxit candore maritum Aduersa externis Hippodamia rotis: Sed facies aderat nullis obnoxia gemmis, Qualis Apellæis est color in tabulis. Idem lib. 2. uocat Ischomachem.

Hiera fuit uxor Telephi, mulier omnium (quas Prothesilaus uidit) maxima & pulcherrima.

Proposita de muliebri pulchritudine certamina plerisque in locis legimus: sicuti in Cereris Eleusina festo prope Alpheum, ubi uictrix Herodice meruit palmam. Cælius cap.



9. lib. 13.

Herodotus scribit Hippoclidem, Tysandri filium, diuitiis & forma inter Athenienses præcipuum fuisse.

Hypsiphile. Statius lib. 4. Theb. Errantes subito pulchram in mætre tuentur Hypsiphilem. Fuit Thoantis filia, a quo Thoantias appellatur.

Iulus, filius Æneæ ex Creusâ. Virg. lib. 7. Æn. primique duces & pulcher Iulus.

Iuuentius Catulli amasus. Idem Cat. Mellitos oculos tuos, Iuuenti, Si quis me sinat usque baliare, Usque ad milia basiem trecenta, Nec unquâ saturum inde cor futurum est.

Iason. Medea apud Ovidium Iasoni loquens, Et formosus eras, & me mea fata trahebant, Abstulerant oculi lumina nostra tui.

Ioseph. Mantuanus in Maria, Sic alacer Sanson; sic & formosus Ioseph.

De Lauso, Mezentij filio, Virg. lib. 7. Æn. Filius hunc iuxta Lausus, quo pulchrior alter Non fuit, excepto Laurentis corpore Turni.

Lauinix forma fuit origo belli inter Æneam & Turnum, quorum uterque eam sibi uxorem dari uolebat. Virg. lib. 12. flauos eius crines, & roseas appellat genas.

Catullus de sua Lesbica sic inquit: Lesbica formosa est, quæ quum pulcherrima tota est, Tum omnibus una omnes surripuit Veneres,

Laodomia, Catullus: Quo tibi cum casu pulcherrima Laodomia. Et Pont. lib. 2. de Amore coniugali.

Lais Corinthia meretrix fuit speciosissima. Ouid. lib. 1. Eleg. Qualiter in thalamos formosa Semiramis ille Dicitur, & multis Lais amata uiris.

Lycoris Cor. Galli amasia. Mart. lib. 6. Fœmina præfetri potuit tibi nulla Lycori. Prop. lib. 1. Et modò formosa quam multa Lycoride Gallus Mortuus inferna uulnera lauit aqua.

Musæus poeta formam Læandri pueri ex Abydo (qui Ero puellam adamauit, & ab ea redamatus est) multis laudibus commendat.

Lucretiæ formam tanti fecerunt Romani, ut eam suis

monumentis ubiq; celebrauerint, & uindicauerint a mortalitate, nec solum ob eximiam pulchritudinem, uerum etiam ob castitatem, quod uim Tarquinii gladio sit ulta.

Lycaste, Priami filia, tantæ fuit pulchritudinis, ut Polydamas Antenoris ex Theano Hecubæ sorore filius, illam ex concubina uxorem sibi copulauerit. fuit & alia Lycaste, quæ ob pulchritudinem Venus uocabatur.

Lamia, auctore Plutarcho, puella fuit speciosissima, a Demetrio adamata, quæ & tibiis optimè cecinisse dicitur. hæc primo canendi modulandiq; suauitate gratiam sibi apud omnes comparauit.

Ligurinus, Horatij fuit amasus, forma itidem excellēte, ut ipse poætæ testimonio constat, idem quoque Lycum celebrat, dicens: Et Lycum, nigris oculis, nigroq; decorum Crine.

Leda. Scroza filius, Formosæ meruit quo Iuppiter oscula Ledæ.

Maia Atlantis filia. Ouid. l. 5. Fast. Quarū Maia suas forma superasse sorores Traditur, & summo concubuisse Ioui.

Tibullus Marathi amasij sui formā uersibus commendat.

Magnēs Smyrneus fuit adolescens, omnium sui sæculi pulcherrimus, cunctisq; propterea gratissimus, sed maxime Gygi Lydorum regi. quod ferentes ægrè parentes, capillos ei totonderunt, ut aliquid de pulchritudine minuere tur. indignatus uerò Gyges, bellum mouit in Magnesium. Pausanias apud Volat.

Narcissus filius fuit Cephisi & Lyriopes, a multis nymphis ob pulchritudinem amatus: cuius desiderio quum nymphæ ipsæ intabescerent, mutatus est in florem sui nominis. Virg. in Batarū, Non illinc Narcissus abest, cui gloria formæ Igne Cupidinea proprios exarsit in artus. Oui. lib. 3. Met.

Nisus, Megarensium rex, ob pulchritudinem capillos aureos fertur habuisse. Tibul. lib. 1. Carmine purpurea est Nisi coma.

Nireus, filius Caropi & Alagiæ, puer fuit è Naxo admodum speciosus, cuius formam Homerus suis carminibus dignatus est. Horatius lib. 3. Car. Qualis aut Nireus fuit, aut aquosa Raptus ab Ida. Idem in Epodo, Formaq; uincas Ni-

rea. Ouid. lib. 4. de Ponto. Prop. lib. 3. & Pont. lib. 3. de Stellis.

Nearchi formam commendat Horatius lib. 3. Car. Ode 30. ubi ait, Fertur & leui recreare uento Sparsum odoratis humeris capillum. Qualis aut Nireus fuit, aut aquosa Raptus ab Ida.

Omphale, regina Lydorum, fuit facie adeò præstanti, ut ei se submiserit Hercules, Prop. lib. 3. Omphale in tantum formæ processit honorem, &c.

De Pyramo & Thysbe. Ouidius lib. 4. Met. Pyramus & Thysbe iuuenum pulcherrimus alter, Altera, quas Oriens habuit, prælata puellis, Contiguas habuere domos.

Fuit & formosus Paris, dicente Ouidio: Dux Pari Priamida damno formose tuorum,

Hominum pulcherrimum fuisse prædicant Phaona, quem inter lactucas occultarit Venus. dicuntq; oblatum eidem ab ipsa Venere alabastrum unguenti: quo quum se obliuisset, factus est omnium formosissimus, proptereaq; adamat a Mitylenæorum mulieribus, sed maximè a Sappho poetria Scamandronymi filia. Cælius lib. 5. cap. 43. Eius formam Ouidius sic describit: Hunc ne pro Cephalo raperes Aurora timebam, &c.

Phædrus Eliensis, Socrati Platoniq; familiaris, a domino Lænone (dictu infandum) ob excellentem formam coactus est se prostituere, suoq; corpore quæstum facere. Volat.

Plutarchus in Lucullo scribit, Præciam quandam fuisse in urbe Roma sceminam, uenustate formæ nulli secundam, quæ sua pulchritudine Cethegum sibi deuinxerit, adeò ut nihil probaretur Cethego, quod Præcia non iussisset.

Parthenopæum, Meleagri & Atalantræ filiū, seu, ut aliis placet, Martis & Menalippes, forma fuisse liberali scribit Statius: Pulchrior haud illi triste ad discrimen ituro Frons. fuit in syluis, qualis iam casside. missa Parthenopæus erat.

Panthea uxor fuit Abradatae uiri nobilis apud Persas quā Cyrus expugnatis Assyriorum castris duxerat captiuam. Abradta autem absente, & apud Bactrianos legatum agente, Araspe Medo seruanda tradita est, qui apud Cyrum affirmauit nondum esse ortam, aut omnino inuentam tota



Asia pulchriorem. auctor Xenophon apud Celiū lib. 7. c. 53.

Psammiticus rex Ægypti Rhodopem meretricem ob pulchritudinem matrimonio sibi iunxit.

Magnus Alexander, totius propè Orientis uictor & imperator, Rhoxanam Satrapis barbari filiam matrimonio sibi iunxit ob solam eius pulchritudinem uide Curtium lib. 5.

Q. Catullus poeta epigrammaticus formam Rosci pueri amantij sui his uersibus celebrat: Consteret exorientem Auroram fortè salutans, Quum subito a læua Roscius exortur. Pace mihi liceat cælestes dicere uestra, Mortalis uisus pulchrior esse Deo.

Serranus. Virgil. lib. 9. Et iuuenem Serranum illa qui plurima nocte Luferat insignis facie.

Sulpiciæ formam commendat Tibullus lib. 4.

Illius ex oculis quum uult exurere diuos,

Accendit geminas lampadas acer amor, &c.

Fuit etiam in Semiramide eximia pulchritudo, & facies imperio digna. unde & mortuo marito Persis imperauit usque ad prouectam filij ætatem. Ouid. lib. 1. Eleg. Qualiter in thalamos formosa Semiramis isse Dicitur.

Spurina fuit egregius adolescens: qui quum fœminas uirosque ad libidinem solo decoro aspectu prouocaret, pulchritudinem oris spontè uulneribus deformauit. Val. Max. de Verecun.

Sisigambis uxor Darij nulli suæ ætatis fœminæ pulchritudine cessit, teste Curtio: quam tamen uicto Dario Alexander non solum non uiolauit, sed & summam adhibuit curam, ne quis captiuo corpori illuderet.

Scribit Celius, Scipionem, cognomento Demetrium, apud Romanos forma fuisse amabili & eleganti.

Saxo grammaticus lib. 8. Danicæ histor. scribit Suauitdam reginam tantæ fuisse pulchritudinis, ut quum uincta loris exposita esset equinis calcibus obterenda, ipsis quoque iumentis horrore fuerit, artus eximio decore præditos sordidis lacerare uestigiis.

Turnum à forma plerisque in locis commendat Virg. ut lib. 7. Petit ante alios pulcherrimus omnes Turnus, auis, atausque potens, Item Ipse inter primos præstanti corpo-

re Turnus Vertitur arma tenens, & toto uertice supra est.

Thysbe amafia Pyrami. Ouid. lib. 4. Metam. Pyramus & Thysbe iuuenum pulcherrimus alter, Altera ( quas Oriens habuit ) prælata puellis.

Ferunt Albium Tibullum poetam elegiographum corporis forma admodum præstanti fuisse. unde Horat. de eo loquens: Non tu corpus eras sine pectore, Dij tibi formam, dij tibi diuitias dederant.

Thetidem deam maris poetæ niueam & formosam faciūt, quòd perpetuis aquis abluatur. Catullus, Te ne Theris tenuit pulcherrima Neptunine.

Paulus Diaconus scribit Theodotem puellam, genere Romanam, formā fuisse conspicua & mirabili, flauis promissisq; capillis ad pedes usq; pendentibus, eaq; pulchritudine inescatū Cunibertum regem, amore puellæ exarsisse.

Tyro puella, Salmonei filia, ob formā Neptuno adamata est. de hac Proper. lib. 11.

Violantillam, Stellæ poetæ uxorem, multis uerbis commendat Stat. lib. 1. Syl. Idem paulò pòst: -at tu pulcherrima forma Italydum, tandem merito possessa marito.

Habuit Xerxes in exercitu LXIIX. myriades, quæ ratio habet bis & quinquagies centū octoginta tria millia hominum. Herodotus tamen scribit in tanto mortaliū numero neminē fuisse pulchriorem rege ipso, aut proceriore statura.

Sunt alij permulti pueri, & puellæ, in quibus elegans fuisse pulchritudo memoratur, ut Pyramus, Pelops, Idas, Castor, Pollux, Iason, Artaxerxes, Cyrus, Troilus, patroclus, Hymen. Ex sceminis Pasiphae, Ariadne, Berenice, Hermione, Bryseis, Penelope, Deidamia, Ersilia uxor Romuli, Ero, Virginia Anaxerete, Antigone, Arachne, Arechusa, Arctinoe, Polixena Pelagia, Lycaste, Iocasta, Hecuba, Cassandra, Hesperie, Cleopatra, Clœlia, Ilia. Sibyllæ, Vestales, Heroinæ, & aliæ propè infinitæ, quas qui scire uolet, auctores reuoluat.

Helenæ forma poetis omnibus cantatissima laudem meruisset maximam, nisi ea Troiæ ruinam, bellique decennalis causam attulisset. at nemo est, cui non sit odio, quum tantæ cladis & calamitatis uenit in mentem. Paris apud

Ouid. formam illius Veneri comparat, dicens: His similes uultus (quantum reminiscor) habebat, Venit in arbitrium quum Cithæra meum, &c.

## D E F O R M E S .

**B**rotheus, Vulcani & Mineræ filius, deformi facie dicitur fuisse. ob quam dum plerisque esset ridiculus, animi dolore se in rogi cōiecit, teste Ouid. in Ibin: Quodq; ferunt Brotheum fecisse cupidine mortis, Des tua succensæ membra cremanda pyræ.

Hipponactis poetæ Iambographi deformitatem suis tabulis expresserunt Bubalus & Anterinus pictores: eamque imaginem, quod notabili esset uultus fœditate, proposuere in ridentium circulis magno suo malo. indignatus enim Hipponax utrunque suis satyris tanto retaliauit sœnore, ut ambo laqueo se præfocauerint. Plin. cap. 5. lib. 36.

Aiunt & Corytheum quempiam fuisse hominem notissimæ deformitatis, quiq; liberos suscepit, patrem infelicissima forma referentes: unde fluxit adagium, Corytheo deformior. Erasmi.

Homerus scribit Therfiten omnium, qui ad Troiam uenerunt, fœdissimum fuisse, totumq; hominem a capite ad pedes ita graphicè depingit, & corporis uitia, & animi morbos, ut dicas pessimum ingenium in domicilio se digno habitasse, inquit Erasmus. unde adagium, Therfitæ facies. Ouid. lib. 4. de Ponto.

Damon fuit pædotribâ quispiam insigni clauditate deformis, qui quum crepidas retortis suis pedibus congruentes furto amississet, imprecatuſ est, ut eius pedibus conuenirent, qui surripuisset, auctor Cælius.

Ferunt Æsopum, a Phrygia fabulatorem, omnium quoque turpissimum extitisse. fuit enim nigerrimus, unde illi datum nomen: nam Æsopus, & Æthiops idem ferè significant. corpore præterea gibbosus, uerum ingenio (quo de formitatem illam pensauit natura) clarissimus. Cælius lib. 3. cap. 474.

Galbæ imperatori corpus fuit gibbo deforme. Macrobi. Epictetus uerò philosophus fuit claudus. unde & hoc di-



stichon a Macrobio positum: Seruus Epiſterus genitus sum corpore claudus, Paupertate Irus, diis & amicus ego.

Hermippus poeta fuit Athenienſis, altero captus oculo. Volaterranus.

Colomanus rex Pannoniorum poſt Ladislaum, dicitur fuiſſe ore improbo, luſcus, claudus, gibboſus, & lingua blæſus. Volater.

Virgilius ſcribit Polyphemum cyclopem Siculum fuiſſe monoculum, ubi ait: & telo lumen terebramus acuto, Ingens quod torua ſolum ſub fronte latebat. Idem, Monſtrum horrendum, informe, ingens, cui lumen ademptum.

Poetæ quoque fabulantur Vulcanum claudum fuiſſe, ac toto deformem corpore: dicuntque propterea parentes infanti non riſiſſe, ſuoque cubili admiſiſſe. Virg. Incipe parue puer, cui non riſere parentes, Nec deus hunc menſa, dea nec dignata cubili eſt. Ouid. lib.2. Eleg.

Martialis Philenem puellam luſcam fuiſſe, & altero lip-pam oculo uidetur innuere, lib.1. ubi ait: Oculo Phileniſ ſemper altero plorat, Quo fiat iſtud quæritis modo? Luſca eſt. Idem lib.2. Cur non baſio te Phileni? calua es: Cur non baſio te Phileni? ruſſa es: Cur non baſio te Phileni? luſca es.

Idem auctor lib.3. ait, Veruſtinam tres habere dentes, tres capillos, peſtus cicadæ, crus formicæ, rugoſam frontem, mammas aranearum caſibus pares, os riſtibus crocodili ſimile, cantum ranarum, & culicum, noctuæ uiſum, hirci foetorem, & pleraſque alias deformitatis inhoneſtas notas.

Olim creditum eſt eos ſeptem diebus formoſos fore, qui leporem eſtaſſent. propterea idem Martialiſ Gelliæ deformitati illudens, ait eam nunquam eſtaſſe leporem, hiſ uerbis:

Quum leporem mittis, ſemper mihi Gellia mandas,

Septem formoſus Marce diebus eris.

Si uerum dicis, ſi uerum Gellia mandas,

Ediſti nunquam Gellia tu leporem.

Idem Martialiſ lib.12. Zoili ſui deformitatem ſic depi-git: Crine ruber, niger ore, breuiſ pede, lumine læſus,

## DE ORVM AMASII.

Rem magnam præstas Zoile , si bonus es .

Aiunt Socratem philosophum fuisse simis naribus , recalua fronte , pilosis humeris , & repandis cruribus . propterea quum duæ uxores Xantippe & Myrrho zelotypia quadam in contentiones uenirent , illis inter se iurgantibus dicebat : Quid propter me iurgia simul exercetis , quem adeò deformem peperit natura ?

Afferuntur & alia de forma philosophorum . Zeussippus dicitur fuisse ceruice curua , Aratus panda , Zeno fronte contracta , Epicurus cute distenta , Diogenes barba comante , Socrates cadente , Aristoteles brachio exerto , Xenocrates crure collecto , Heraclitus oculis fletu clausis , Democritus labris risu apertis , Chrysippus digitis propter numerorum indicia constrictis , Euclides propter mensurarum spatia laxatis , Cleanthes propter utrunque corrolis . auctor Sidonius lib 9.

## DE ORVM AMASII.

**G**Anymedem in primis fabulantur poetæ Iouis esse amasium , quem ob formam Aquila pedibus in Ida corripuerit , & in cælum euexerit . Virgilius , quem præpes ab Ida Sublimem pedibus rapuit Iouis armiger uncis . Ouid. lib. 10. Rex superam quondam Phrygij Ganymedis amore Arsit .

Endymionem formosum pastorem Luna fertur adamasse , adeò ut cælo relicto in montem Lathmium eius osculandi gratia plerunque descenderit . Pontanus de Stellis . Ouid. lib. de Arte . Proper. lib. 2. Nudus & Endymion Phœbi cepisse sororem Dicitur , & nudæ concubuisse dexæ .

Hylam Thiodamantis filium adamauit Hercules , secumq; duxit cum Argonautis . ubi quum aquas hauriens puer urnæ pondere fuisset demersus , multis clamoribus ab ipso Hercule conuocatus est . hinc natum adagium , Hylam uocare . Val. Flac. lib. 3. Arg. Rursus Hylam & rursus Hylam per longa reclamat Auia , respondent sylux , & uaga certat imago . Proper . lib. 2.

Adamauit etiam Hercules Abderum puerulum , non minori , quàm Hylam affectu .

Hyacinthus Apollinis fuit amasius. Ouid. lib. 10. Te quoque Amyclide posuisset in æthere Phœbus, Tristia ponendi tempus si fata dedissent. Plin. 2. Hyacinthum comitatur fabula duplex, luctū præferens eius, quem Apollo dilexerat.

Adamauit etiam Apollo Branchum, puerum Thessalum, quem mortuum suis templis sacrum haberi uoluit: item Daphnem puellam, Penei fluminis filiam, quam fugientem in Laurum conuertit. Mantuanus, Quot studuit uerbis Daphnem facundus Apollo Flectere.

Ampelos, puer speciosus, Baccho adamatus est. Ouid. lib. 3. Fast. Ampelon intonsum Satyro nymphæq; creatum Fertur in Ismariis Bacchus amasse iugis.

Adonis, Cynaræ ex Myrrha filius, Veneri fuit carissimus. Quidius lib. 1. de Arte, Nec te prætereas Veneri ploratus Adonis. Propert. lib. 2. & Pon. lib. 1. de stellis.

Cephalus & Tichonus carissimi fuerunt Auroræ. de Cephalo Quid. lib. 3. de Arte, Lathmius Endymion non est tibi Luna pudori, Nec Cephalus rosæ præda pudenda Dex. Propert. lib. 2.

Atys, puer Phrygius, Cybeles fuit amasius. Catullus, Ternerum uidit Atyn prope marmor Pelagi, facit impetum: ille demens fugit in marmora fera, ibi semper omne uitæ spatium famula fuit. Ouid. lib. 10. hirsuto uertice pinus Grata deum matri, siquidem Cybeleius Arys Exiit hac hominem, truncoque induxit illo.

Amavit Hippolytum Diana, cum ob formam, tum raram in forma castitatem.

Pindari poetæ, eiusq; carminum amatorem fuisse Panæ fabulantur. auctor Plutarchus in Numa Pompilio.

Syrinx quoque Arcadica fuit nympa, quam a Panæ depicte adamatam scribit Ouidius.

## HOMINVM AMASII.

**H**Abuit in primis Valerius Flaccus poetæ, Setinus, in deliciis Amazonicum puerum, cuius formam commendat Martialis. Tibullus suum Cherinthum, de quo lib. 4. ait: Est qui te Cherinthe dies dedit hic mihi sanctus, Atque inter sanctos semper habendus erit. De quo lib. 2. sic ait:



Heu heu quàm Marathus lento me torquet amore .

Lygdum adamauit Pamphilus Saxus : unde lib.4. ait: Sed peterem Lygdum , Lygdus mea uita , meum cor Lux mea , qui facie uulnera mille gerit . eius quoque formam multis locis magnopere extollit .

Batyllus fuit Anacreontis poetæ delictum: unde Horatius in Epodo, Non aliter Samio dicunt arsisse Batyllo Anacreonta Teium . Ab eodem quoque adamat'us est Megistheus puer . de utroque Politianus in Rustico , Nunc Samium celebras ( iubet Adrastra ) Batyllum , Nunc teneram Eurypilem , tenerumq; Megistea laudas, Tandem acino passæ ca dit interceptus ab uux .

Lycum puerum adamauit Alcæus poeta Lyricus , de quo Hor. lib. i. Carminum , Liberum & musas , Veneremq; , & illi Semper hærentē puerum canebat: Et Lycum nigris oculis , nigroq; Crine decorum . Politianus in Nutricia .

Amavit Vagius poeta elegiographus Mysten, cuius mortem multis lacrymis defleuit , dicente Horatio: Tu semper urges flebilibus modis Mysten ademptum , nec tibi Vespero Surgente decedunt amores , nec rapidum fugiente Solem .

Asinius Gallus poeta , filius Asinii Pollionis , uiri consularis , pari quoq; affectu dilexit Hippolytum liberali forma adolescentem .

Voconius Victor poeta habuit in deliciis Testylum puerum elegante forma . unde Martialis , Testyle Victoris tormentū dulce Voconi, Quo nemo est toto notior orbe puer: Sic etiam positus formosus amere capillis , Et placeat uati nulla puella tuo .

Lygurius Horatij fuit delictum , unde lib.4. Car. scribit: Sed cur heu Lygurine, cur Manat rara meas lacryma per genas ? Cur sacunda parum decore inter uerba cadit lingua silentio ? Nocturnis ego somniis iam captum teneo , iam uo lucrem sequor . Amavit & Lycistum , de quo sic scribit in Epodo: Nunc glorientis quamlibet mulierculam Vincere mollicita amor Lycisti me tenet .

Amavit Roscium adolescentem Q. Catullus epigrammatista , de cuius forma hunc in modum scripsit : Constiteram exorientem auroram fortè salutans, Quum subito a læua Ro

scijs exoritur: Pace mihi liceat cælestes dicere uestra. Mortalis uisus pulchrior esse deo. Amavit & Theotimum de quo sic scribit: Aufugit mi animus: credo, ut solet, ad Theotimum Deuenit: sic est, perfugium illud habet.

Arctius Euripides tragædiographus Agatonem puerulum, quem adultiorem quoq; amplexabatur arctius, suauitabaturq; etiã spectante populo, & in conuiujs. Plut. in Apoph.

Pari affectu Aratus poeta Cilix Philinum adolescentulũ deperit, pro cuius reditu è Chio insula deos multa precatus est.

Catullus suos amores in Iuencium his exprimit uerbis: Surripui tibi, dum ludis, mellite Iuenci, Suauiolum dulcius ambrosia. Verũ id non impunè tuli, nanq; amplius horam Suffixum in summa me memini esse cruce. Quæ carmina plena sunt pruritus, multamq; præferunt lasciuia.

Antinous puer fuit elegantissimæ formæ ex Claudiopoli Bithyniæ ciuitate, quem Hadrianus imperator ad infamiam usque adamauit, ut etiam mortuo ciuitatem construxerit, templumq; erexerit cum ara, & eius effigiem curauerit imprimendam. Dion Cassius. Spartianus ait puerum illum ab imperatore muliebriter desletum.

Pausanias Lacedæmonius, auctore Cælio, Argilium speciosa pulchritudine adolescentem amore Venereo dilexit.

Cælius lib. 19. cap. 11. citat hos Platonis uersus amatores de suo Agathone, quem uti meritorium dilexit: Suauitans Agathoni animam ipse in labra tenebam, Ægra etenim properans tanquam abitura fuit, amavit quoque Stellam ob ingenij suauitatem, & elegantiam, de qua, auctore Plutarcho, sequentes uersus lusit: Ardentes stellas lucens mea Stella tueris, Cælum utinam fierem, te ut multo lumine cernam. Item, Stella prius superis fulgebas Lucifer, at nũc Hesperus ah fulges manibus occiduus. Hæc nouissima scripsit post eius mortem.

Minos rex Cretensium susceptas cum Atheniensibus inimicitias, ob mortem filij sui Androgei, lubens deposuit amore Thesei, quem deperibat, inescatus.

Laius a Pelope hospitio susceptus filium eius Chrysippũ ita adamauit, ut secũ Thebas rapuerit. Praxilla tamen apud

## DE OR. ET HOM. AMASIÆ.

Cælium testis est, hoc a Ioue perpetratum.

Gyges rex Lydorum Magnetem Smyrnæum eximia pulchritudine clarum usque aded dilexit, ut bellum in Magnesium mouerit; quod puero; capillos rotundissent, quo uideretur deformior.

Aristogiton Atheniensis Armodium insigni forma adolescentem etiam deperit. auctor Thucydides lib. 6.

Amavit Epicurus Philoclem eximium adolescentem, ad quem solitus erat hoc modo scribere: Consumor ac deficio amabilem tuum ac diuinum ingressum sustinens.

Catullus facit Aufilenum Cælij cuiusdā Veronensis amasium, ubi ait: Cælius Aufilenum, & Quinctius Aufilenam Flos Veronensium depereunt iuuenum.

Inter meritorios pueros etiam ponuntur Euryalus Virgilianus, Parthenopæus Statianus, Cortallus Siculus Anacreontis, Harmodius Hippia; Alter Platonis, Piso Galbæ.

## DE ORVM, ET HOMINVM AMASIÆ.

**I**am diximus Daphnen; Penei fluminis filiam, adamatam Apollini. Sapho ad Phaonem, Et Phœbus Daphnen; & Gnosida Bacchus amavit.

Tyro Salmonei filia adamata est a Neptuno, & ab eodem compressa. Propert. lib. 1. Non sic Æmonio Salmonida missus Enipeo Tænarius facili pressit amore deus.

Heben deam iuuentutis amavit Hercules. Idem Propert. lib. 1. Nec sit cœlestem flagrans Amor Herculis Heben Sæn sit in Oetæis gaudia prima iugis. Amavit quoque Iolen, & Omphalem reginam Lydorum. Idem Propert. lib. 3.

Aliæ deorum & hominum amasix fuerunt Ariadne, Minois filia, Bacchi: Syrix, nimpha, Panos: Ero, Læandri: Phyllis filia Lycurgi regis Thracum, Demophoontis: Ariadne, Thesei: Atalanta, Meleagri: Cydippe, Acœtici: Iphis Patrocli: Smilax, Croci; auctor Plin. lib. 16. cap. 35. Glycera, Pausiæ Sicitionij pictoris; Plin: lib. 21. cap. 2. & lib. 35. cap. 10. Sappho; Phaonis:

Campsæ, Alexandri, quam Alexander ipse muneri dedit Apelli pictori; Plin. lib. 35. cap. 10. Philace, Stratonis; auctore Plutarcho. Rhoxanæ, Alexandri; Plutarchus,



& Curtius. Echo, Narcissi. Ausonius, Commoritur Narcisse tibi resonabilis Echo. Calentinus, Risit Liriopes flagrantem filius Echo.

Thysbe, Pyrami. Stroza pater, Non magis infelix Thyf-be dilexit Amantem.

Tyro Salmonei filia, Enipei. Propert. lib. 1. Testis Thefalico flagrans Salmonis Enipeo.

Phœbe, Castoris; Ilaira, Pollucis, quæ fuerunt Leucippi filia. Propert. lib. 1. Non sic Leucippi succendit Castora Phœbe, Pollucem cultu non Ilaira soror.

Gloris, seu Flora, dea florum, Zephyri, a cuius nomine dicitur Zephyritis.

Galatea nympha Polyphemum. Proper. lib. 3. Quinetiam Polypheme fera Galatea sub Ætna, Ad tua rorantes carmina flexit equos.

Bersabea, Davidis. Idem Stroza, Ille sacri uates operis Iesseia proles Præfecit populo quem deus ipse suo. Bersabeæ captus forma tibi magne Cupido Cessit.

Helena, Paridis. Proper. lib. 2. Ipse Paris nuda fertur periisse Lacæna, Quum Menelæo surgeret è thalamo.

Acme, Septimij. Catullus, Acmen Septimius (suos amores) Tenens in gremio, mea inquit Acme, Ni te perdit amo, atque amare porro Omnes sum assidue paratus annos Solus in Libya, Indiaq; tosta Cæsis ueniam obuius leoni.

Acalanta, Mimaltonis Arcadici. Propert. Mimalion nullos fugiendo Tulle labores Scæuitiam duræ contudit Iasidos.

Antigone, Hæmonis Bæotij: quam quum iugulari fecisset Creon, Hæmon ad mortuæ tumulum se interfecit. Proper. lib. 2. Quid? non Antigones tumulo Bæotius Hæmon Saucius ipse suo corrui ense latus?

Briseis, Achillis. Horatius, Prius insolentem Serua Briseis niueo colore Mouit Achillem. Propert. lib. 2. Omnia formosam propter Briseida passus, Tantus in erepto scæuit amore dolor. item, Nec non exanimem amplectens Briseis Achillem, Candida uesana uerberat ora manu.

Rhodope, Charaxi, fratris Sapphus. Sappo ad Phaonem, Arsit inops frater uictus meretricis amore, Mistaq; cum turpi damna pudore tulit.

Andromeda, Persei. Sappho ad Phaonem, Candida si nō sum, placuit Cepheia Perseo Andromede, patrię fusca colore suæ.

Hesperie, nympa, Æsaci.

Lesbia Catulli. Catullus, Nulla potest mulier tantum se dicere amatam Vere, quantum a me Lesbia amata mea est. Hęc uerò nomine uocabatur Claudia. amauit etiam Ipsithillam.

Quinctilia, Calui Licinii. Catullus, Certè non tanto mors immatura dolori est Quinctilię, quantum gaudet amore tuo. Propter. lib. 2. Hoc etiam docti confessa est pagina Calui, Quum caneret miserę funera Quinctilię.

Lyda, Callimachi: Batthis, Philetæ. Ouid. lib. 1. de Tristib. Nec tantum Clario Lyde est delecta poetæ, Nec tantum Coe Batthis amata suo.

Beatrix, Dantis Aligerij: Aurea, Petrarchæ: Licinia, Horatii. Horat. lib. 2. Car. Me dulcis dominæ musa Lycinię Cantus me uoluit dicere lucidum Fulgentes oculos, & benè mutuis fidum pectus amoribus. Amavit & Glyceram. de qua libro tertio Carm. Me lentus Glyceræ torrens amor meæ.

Stella, Platonis. auctor Plutarchus.

Violantilla, Stellæ poetæ. hæc Græcè Hiantis dicitur. Martialis libro 6. Perpetuam Stellæ dum iungit Hiantida uari Læta Venus dixit, Plus dare non potui. aliter uocatur Asteris. uide Statium in syluis.

Leucadia, Terentii Varronis Atacini. hinc fluxit illud distichon, Hęc quoque perfectò ludebat Iasone Varro, Varro Leucadiæ maxima flamma suæ.

Delia, Sulpicia, Nemesis, Næra, Tibulli. de Nemese notum est illud, Vrit amatorem Nemesis lasciuia Tibullum, In tota iuuic quem nihil esse domo.

Hostia, seu Cynthia, Propertii. Propertius ipse lib. 1. Illa uel angustò mecum requiescere lecto, Et quocunque modo maluit esse mea, Quam sibi dotata regnū uetus Hippodamiæ, Et quas Elis opes antè pararat equis. Idem lib. 1. Cynthia prima suis miserum me cepit ocellis, Contactum nullis ante cupidinibus. Martialis, Cynthia secundi carmē  
iuuenile

iuuenile Properti Accepit famam, nec minus ipsa dedit.

Melenis Domicij Marſi. Martialis, Nota tamen Marſi fuſca Melenis erit.

Ceſennia. Cn. Getulici epigrammatiſtæ. Biſſula Auſonij Galli: Metella Tici dæ epigrammatiſtæ. Cytheris, ſeu Lycoris Cornelij Galli hinc illud manauit, Gallus. & Heſperis & Gallus notus Eois, Et ſua cū Gallo nota Lycoris erit. Pamphila Valerii Æditui. de qua ſic apud Gellium ſcribit: Dicere quum conor curam tibi Pamphila cordis, Quid mi abs te quæram? membra labris abeunt: Per pectus miſerum manat ſubito mihi ſudor, Sic tacitus, ſubitus, duplo ideo pereo.

Chryſis, Q. Trabæ comœdiographi: de qua ſic ſcripſit: De improuiſo Chryſis ubi me aſpexerit, Alacris obuiam mihi ueniet, complexum exoptans meum Mihi ſe dedit, Fortunam ipſam anteibo fortunis meis.

Neæra, Lycinij Imbricis, itidem comœdiographi: de qua afferuntur hi uerſus: Nolo ego Neæram te uocent, ſed Ne rienem; Quum quidem Marti es in connubium data.

Propertius lib. 2. de plerisque poetarum amariſis ſcribit.

Item Sidonius Apoll., lib. 2. de aliis meminit: ſiſq; oppidò meminiens, quòd olim Marcia Hortenſio, Terentia Tullio, Calpurnia Plinio, Pudentilla Apuleio, Ruſticana Symmacho, legentibus medicantibusq; cadelabra tenuere. reminiscere quòd ſæpe uerſum Coryna cum ſuo Naſone cõpleuit, Leſbia cum Catullo, Ceſennia cum Getulico, Argentaria cum Lucano, Cynthia cum Propertio, Delia cum Tibullo.

His addi poſſunt Lamia Demetrii, Phryne Timothei, Flora Pompeij, Aſpasia Periclis, Rhodope Pſamnitici, & Antonii Cleopatra.

## CINÆDI, PÆDICONES

& pathici.

**A** Emilii cuiuſdam cinædi obſcenos amores, mollesq; delicias, poſtremò infinitas libidines notat Catullus. Idem in Naſonem quendam pathicum his inuehitur uerbis: Multus homo es Naſo, neque tecum multus homo, ſed Descendis Naſo, multus es & Pathicus.



Phædon philosophus quum adolescentulus Athenis esset in seruitute, a domino in Iupanari constitutus est, ut prostaret, & corpore faceret quæstum.

Martialis lib.3. arguit Gargilianum quendam, ut cinædum & mollem, quem depilatoris unguentis faciem lauare consueisse dicit.

Armodio & Aristogitoni apud Athenienses mutua erat Veneris consuetudo.

Cratinus Atheniensis comædiographus notatus est etiã Prædastiæ, seu obsceni in pueros amoris.

L. Quinctus Flaminius, uir consularis, puerum ardebat, a cuius latere nunquam discedebat. quinetiam ad eius uotum hominem quendam securi percussit, dum ille coram se aliquem optasset interfici.

Ferunt Ibycum historicum, patria Rheginum, infano puerorum amore exarsisse.

Hipparchus, Pisistrati filius, stuprato Armodio, Aristogitonis puero, utriusq; coniurationem in se concitauit.

Libanius Sophista Antiochenus Constantinopoli ob impudicos amores puerorû pulsus est. demum Nicomedia (quò se receperat) eandem ob causam detrusus.

L. Papirius Publium adolescentem in uinculis tenuisse, plagisq; & contumeliis (quòd stuprum pati noluisset) affecisse dicitur. qua re ad senatum delata, damnatus est, lege lata, ne quis in corpora libera ob æs alienum ius haberet. uolebat enim hoc sibi licere Papirius, quòd Publius eidem esset debitor.

Theophrastus philosophus Nicomachum, Aristotelis filium, ad præposteram usque uenerem adamauit.

Alexander Abonotichites copiam sui corporis mercede faciebat. auctor Lucianus.

Habuit Pausanias Lacedæmonius stupri consuetudinem cum Argilio adolescente.

Erasmus in Adagiis ait Cleocritum, ueteris comædiæ scriptorem, maledictis proscissum, quòd cinædus esset. quam notam Argirrhio cuidam inquit.

Catullus in Thallum adolescentem impudicum his uerbis inuehitur: Cinæde Thalle mollior cuniculi capillo, Vel

anseris medulla, uel hinnula molli cella. Idem quoque Porcium, & Socratonem suis uersibus infamat, quòd stupri meritis a Pisone prætoris præpositi sint duobus aliis adolescentulis, scilicet Veraniolo & Fabullo.

Idem Mamurram Formanum & Cæsarem notat, ut cinædos & pathicos, dum ait, Pulchrè conuenit improbis cinædis, Mamurræ pathicoq; , Cæsariq; : Nec mirum, maculæ pares utrisque. Sed & Suetonius ait, nihil famam pudicitie Cæsaris læsisse, præter Nicomedis regis Bithyniæ contubernium.

Laborauit hac infamia Pindarus poeta, qui in gremio pueri adamati obdormiscens uitam efflauit. teste Valerio.

M O L L E S, E F F O E M I N A T I,  
& elegantes.

**T**heopompus scripsit Stratonem Sidonium mortales omnes superasse deliciis, & mollitie. ad quod allusit Mirandula in hymnis: Quàm quæ Sidonium uelabat purpura regem.

Augustus ad Mecenatem scribens, eiusdem mollitiem, & delicias multis expressit locis. sed hoc maximè Vale Mecenatæ, mel gentium, ebur Etruriæ, lasar Arretinum, Tiberinum margaritum, Cilneorum Smarragde, laspi figulorum, Berille & carbunculi Porcenæ. Macrobius lib. 2. & Crinitus l. 24. Annæus quoque Seneca Mecenatem uocat discinctum, molliissimasq; eius delicias, & portentosam orationem. Idem, Magnum, inquit, Romanæ eloquentiæ daturus exemplum, nisi illum eneruasset felicitas.

Aiunt Artemonem quendam fuisse mollem adè, & solum deliciis, ut nunquam pedibus itaret, sed semper lectica circumferretur, haberetq; duos utrinq; famulos, peluim æream supra caput ferentes, ne quid supernè noxium excideret: propterea factus est prouerbio locus, Artemon uersatilis. Crinitus lib. 16. cap. 11.

Fuit & Abron quispiam uitæ adè corruptæ, & effeminae, ut locum paræmiæ sequenti reliquerit: Abronis uitam agens. de molliter, ac deliciose uiuentibus.

Clithenes Comicorum conuiciis laceratus est, quòd pa

rum uir haberetur, seq; cultu indecoro uelut in mulierem transfigureret. quod fecisse dicitur Assyriorum rex Sardanapalus, ut liberius inter fœminas lasciuiret.

Syri olim malè audierunt ob morum mollicitiem. unde adagium, Syrus quum non sis, ne Syriſſa. Eras. in Chil.

Lyſicrates abiit in uulgi fabulam, quo iam senio confectus capillos fucaret, ut speciosus uideretur & iuuenis. cuiusmodi ridentur apud Martialem Ollus, apud Horatium uxor pauperis Ibyci.

Maſſylienſes luxu perditī muliebrem in modum ornabantur, comis unguento delibutis, capillisq; religatis. hinc ortum adagium, E Maſſylia ueniſti: in molles.

Argyrrius fuit dux quiſpiam effœminatus, nihil habens uiri, præter barbam.

Battalus fuit nescio quis tibicen, qui lasciuia, & uinolenta carmine complexus est, fecitq; adagio locum, battali similis. Celiſius ait hunc primum omnium calceis fœmineis in scena uſum fuiſſe, artemq; tibiſtarum omnino remolliuiſſe. a quo fluxos, & exoletos, & parum uiros Battalos uocant.

Celiſius ſcribit Nitarum quendam fuiſſe, mollicitie plauſquam muliebri infamem.

Dionyſius apud eundem Celiſium teſtis eſt, Ariſtodemum tyrannum apud Cumas in Romanis antiquitatibus mollem fuiſſe cognominatum, quòd parum uir eſſet, ac pudicitiam ſubſtrauiſſet.

Ferunt Andramytem Lydorum regem omnium primum fœminas eunuchas feciſſe, eiſq; eunuchorum uice uſum.

Gaudebat Ariſtoreles mundo cultu & elegante, comamq; delicatus contondebat: anulis præterea digitos onerabat, & in hoc placebat ſibi nimium. quo factum eſt, ut mollicitiei ſuſpectus haberetur.

Ariſtophanes Philoſtratum quendam laſciuiuſculè ſe ornantem Cynalopecca uocabat, uocabulo ex cane, & uulpe concinnato.

Demofthenem tradunt cultu corporis nitido nimis, & accurato fuiſſe, adeò, ut molles (quibus laſciuiebat) tuniculæ ab æmulis probro datæ ſint. quinetiam notatus eſt, ut parum uir, quodq; polluto eſſet ore.



Eodem quoque modo Hortensius orator probrosis lacertus est satyris, quòd circumspèctè & morosè indutus esset, quodq; manus eius inter agendū essent argutæ, & gestuosæ. sed & L. Torquatus eum Dionysię saltatriculæ nomine appellabat. auctor Gellius.

Traditum est Heliogabalum, seu Elagabalum (qui supra omnia prodigia fuit mollissimus) uersatilia triclinia habuisse, in quibus amicos quandoq; ponere consuevit, eosque uolis & floribus opprimere, sic ut aliqui animam efflauent. auctor Lampridius. Idem quoque quaternos canes ad currum iunxit: processit & in publicum, iunctis quattuor ceruis: coniunxit etiam leones, & tygres, Cybelem se & Liberum patrem uocans: habuit uehicularum gemmata, & aurata: atque, ut insaniam libidini adderet, iunxit etiam quaternas mulieres, nudusq; a nudis uestus est.

Aristagoras quidam Milesius quum in concionem prodiiisset, insolita apud Lacedæmonios uestitus mollitię, quidam ex ephoris hoc eum dicto submonuit, Domi Milesia.

Agathon fuit quispiam tibicen, cantilenarum suauitate aures maiorem in modum deliniens; quem infamia mollitię laborasse, testis est apud Erasimum Zenodotus.

Sardanapalus ob insignem mollitiem prouerbio locum fecit. fuit enim deliciis usque adeò effœminatus, ut inter eumuchos, & puellas ipse puellari cultu delitesceret.

Atidius Melior Domitiani temporibus tantæ fuit mollitię, ut nitidus appellari meruerit. unde Statius, Stat quæ perspicuas Nitidi Meliores ouacet Arbor aquas.

Diadumenus fuit quispiam elegans iuuenis, cuius effigiẽ Polycletus expressit iuuenta molliore.

Fuit Miraces nescio quis concinnatulus, qui unguentatos auratosq; capillos fertur habuisse. de hoc Val. Flaccus lib. I. Argon. simul armiger ibat Semiuir, impubemq; gerens sterilem; inuentam.

Bacchi mollitię Seneca in Hercule furente his exprimit uerbis: Non erubescit Bacchus effusos tener Sparnisse crines, nec manu molli leuem Vibrasse thyrsus, quum parū forti gradu Auro decorum Syrma Barbaricum trahit.

Fuit Iulius Cæsar adeò effœminatus, ut Curio pater qua

dam eum oratione omnium mulierum uirum, & omnium uirorum mulierem appellauerit.

L. Sylla imperator chlamydato sibi, & crepidato Neapoli ambulare deforme non duxit. Val. Max.

C. Duillius (qui de Pœnis triumphauit) quotiescunque epulaturus erat, ad funalem cæreum præunte tibicine & fidicine a cœna domum reuerti solitus est. auctor Valerius Maximus.

Clodius Pulcher eneruem & frigidam iuuentam egit, perditoque amore uulgatissimæ meretricis infamis fuit.

### VIRI MULIEBREM HABITUM MENTITI.

GRÆCIS, ad expeditionem Troianam proficiscentibus, quum Thetis dea præuideret Achillem filium ibidem interfectum iri, eum ex antro Chironis dormientem rapuit, & puellaribus tunicis indutum, præmonitumque, ne se masculum cuiuspiam proderet, inter filias Lycomedis regis occuluit, quarum unam Deidamiam grauidam fecit, Pyrrhumque ex ea suscepit, uerum, quum Græci oraculo didicissent Troiam sine Achille capi non posse, missus est Vlysses, ut Græcorum omnium astutissimus, ad explorandam rei ueritatem. quoniam iam facti suspicio & rumor ferebatur. ut ergo proderet Achillem, cistiferum se finxit, attulitque mercatoris instar fusos, acus, monilia, & cetera id genus, quæ puellam decent, cum arcu & sagittis. quum ergo Achilles relictis puellaribus instrumentis arcum intendisset, uires suas, & sexum prodidit, & eo comento repertus est. Ouid. lib. 1. de Arte, Turpe nisi hoc matri precibus tribuisset Achilles, Veste uirum longa dissimulatus erat. Stat. lib. 4.

Sicubi unquam Amor uires suas aut in mortalium ullo docuerit, maximè probauit in Hercule, quem tot alioqui monstrorum domitorem coegit relictæ (quæ uirum decet) uirtute ad muliebres transire delicias, seq; in puellam transformare, & fœminam mentiri, ut liberius cum Omphale regina Lydorum lasciuiet: qua etiam iubente fusos, & lanas rudibus illis manibus (quibus portentosa subegerat) at-

trēstauit . quod ei magno dat probro Deianira , apud Ouidium loquens : Crassaquē robusto deducis pollice fila , Æquaquē formosæ pensā rependis heræ . Item apud Propertium sic loquitur : Idē ego Sidonia feci seruilia palla Officia , & Lyda pensā diurna colo : Mollis & hirsutum cepit mihi fascia pectus , Et manibus duris apta puella fui . Stat. lib. I. Achill. I.

Tranquillus in Iulio scribit P. Clodium inter publicas Bonæ deæ cæremonias penetrasse ad Pompeiam, Q. Pompeij filiam , & Syllæ neptem, muliebri ueste & propterea Cæsarem cum ipsa Pompeia diuortium fecisse . præterea Cic. quadam ad Lentulum epistola scribit , Clodium ipsum non pluris fecisse Bonam deam, quàm tres sorores .

Clithenes malè audijt , & comicorum laceratus est satyris , quòd parum uir haberetur , seque cultu indecoro in fœminam transfiguraret , unde adagia nata , Clithenem uideo ; & , Clithene intemperantior .

Eadem nota inuritur Cleocrito , quod ad maiorem lasciuiam tunicis & uestibus fœminam mentiretur .

Euclides Megaricus quum Socraticæ disciplinæ cupientissimus esset , neque tamen auderet Athenas ire (ubi profitebatur Socrates) quòd capitale foret , si quis Atheniensium Megaris , aut Megarensium Athenis , propter mutuum utriusque urbis odium , deprehenderetur , muliebri ueste indutus ad audiendum philosophum sub ipsam noctem itabat , ac demum ipso auroræ diluculo reuertebatur , auctor Gellius cap. 10. lib. 6.

Omnium , quos euernauit molities , & deliciæ corrumpunt , principem locum maioremque apud posteros ignominiam meruit Assyriorum rex Sardanapalus ; qui eò illecebrarum se demisit , ut relicta maiestate ( qua princeps tanto debet excellere , quanto sublimior est ceteris ) positis mascululi sexus indumentis , mentitus sit fœminam , interq; puellas & eunuchos euirator spadone delituerit . quæ fuit causa , ut ab Arbactō præfecto , lasciuiam tam corruptam peroso , ad incendium domus ( in quam uictus se receperat ) & uoluntariam mortem sit coactus ,



## MVLIERES HABITVM

uirilem mentitæ .

**L**ongè uerò aliter fecit Semiramis , Assyriorum regina ; quæ quum certò intelligeret , graue esse populo fœminam pati principantem , mortuo marito , uirum mentita est , ut tantisper imperaret , dum filius Ninus ( qui per impubertem adhuc ætatem regnare nō poterat ) adulesceret , regnoq̃ foret idoneus . Iustinus lib. 1.

Laudabile fuit , nec minus astutum Theodoræ uirginis Antiochenæ commentum , quæ militis ad se stuprandam missi libidinem & furorē adeò uerbis emolliuit , ut non solum a flagitio deterruerit hominem , uerū etiam mutatis cum eo uestimentis , exitum a carcere ( quo per Diocletianum fuerat intrusa ) & impunitatem meruerit . Ambrosius lib. 2. de Virgin.

Marina uirgo , natione Græca , sexum quoque dissimulauit , sed honesta de causa , ut scilicet admitteretur in cœnobium quoddam , in quo soli uiri recipiebantur , ubi ad mortem usque sanctissimè uixit nomine Marini . Volat.

Euphrosina uirgo Alexandrina quum animæ tenus curiosa , corporis cultum nihili faceret , uirum mentita , profecta est in cœnobium , in quo pater degebat , ubi durauit xxxvi. annos nemini nota . Idem Volat.

Pelagia mulier fuit Antiochena , uoluptatibus & illecebris primū deditissima , ut quæ nulli rei attentius uacaret quàm corpori comendo ; tandem tamen meliore ducta spiritu , ubi aspernari cœpit , quod pridem amabat maximè , uirum se finxit . & ne rediuius aliquis pristinæ uanitatis fomes denuò repullularer , relictis hominum colloquiis , secessit in solitarias nemorum latebras , ubi ad mortem perseuerauit constantissimè

Scitum est ex chronicis , & a maioribus scriptum Ioannam Anglicam ab ephebis sexum uirilem simulasse , & tandem fato nescio quo , aut fortuna uolente , ad Pontificatum peruenisse , in quo annis circiter duobus sederit post Leonem quartum , neque prius innotuerit facti ueritas , quàm a quodam ex domesticis imprægnata , tandem emisserit partum . Sabell. & Cæl. Vide Platinam De uitis pontificum , hoc

anno a nobis excusum: in quo id esse falsum, multis probatur argumentis.

Dicæarchus apud Cælium testis est Lastheniam, Mantineam, & Axiotheam Phliasiam, Platone usas præceptore, & ornatu uirilium auditorium nonnunquam intrasse.

Eugenia, filia cuiusdam Philippi, inter Romanos potentissimi, uirum quoque mentita est in cœnobio: quo se inclu-  
sit, ut Domino commodius seruiret.

## MERETRICES QVÆDAM.

**R**hodope meretrix fuit Ægyptia, quæ tantas opes meretricio quæstu sibi comparauit, ut superbam & magnificam in Ægypto pyramidem construxerit. eam Sappho Doricam uocat, & fratris sui Charaxi amicam his uerbis: Arsit inops frater uictus meretricis amore, Mistaque cum turpi damna pudore tulit. Sunt qui putent alteram fuisse Rhodopen, Thraciam genere, quam Xanthus Samius in Ægyptum detulerit; eandem meretricem, pyramidis illius auctorem, & Æsopi fabulatoris Phrygii conseruam. cui opinioni astipulatur Plinius libro 36. natur. histor. de hac etiam meminit Plutarchus in Nicia, & Herodotus in Euterpe.

Baryne Romana fuit meretrix, quam Horatius suis carminibus illustrauit, dicens: Vlla si iuris tibi peierati poena Baryne nocuisset unquam.

Simili modo Martialis de Sparale scribit: nouit Loturos Dalsius numerare, poposcit Mammosam Sparalen pro tribus, illa dedit.

Lais meretrix fuit Corinthia, ad quam propter formæ elegantiam Græci omnes turmatim conuolabāt. Claudianus in Eutropium, Haud aliter iuuenum flammis Ephyreia Laïs, Et gemino ditata mari. Aristipo Cyreniaco cum ea fuit consuetudo: quod tamen flagitium philosophus sic defendebat, ut diceret. multum inter se & cæteros Laidis amatores interesse: quod ipse haberet Laidem, alij uerò haberentur a Laide. auctor Lactatius, qui etiā hoc ait: Quid ergo interfuit quo animo philosophus ad meretricem famosissimam commear, quum eum populus & riuales sui uiderent omnibus

perditis nequiores? ab hac meretrice quum Demosthenes petiisset, ut sui copiam faceret, & illa decem drachmarum millia pro cōcubitu poposcisset, pecuniæ magnitudine deteritus & expanidus philosophus, Penitere, inquit, tanti nō emo. auctor Gellius, & post hunc Macrobius.

Thais fuit itidem meretrix, quæ, Atticam iuuentutem in sui amorem pellexit. hanc suis carminibus celebrauit Menāder poeta Græcus, unde & Menandræa dicta est. Propert.

Turba Menandræ fuerat nec Thaidos olim

Tanta, in qua populus lusit Eriſthonius.

Phryne meretrix Theſpiensis (quæ ciuitas est Bæotiæ) olim in iudicium uocata, dum sibi timeret a sententia iudicum, sublatis tunicis corpus denudauit. cuius pulchritudine permoti iudices, liberam abire permiserunt. neque tam profuit puellæ Hyperidis actio & patrocinium, quàm uenustas formæ. auctore Quintil.

Eidem quum Praxiteles dedisset optionem eligendæ imaginis omnium, quas haberet, pulcherrimæ, nec tamen ipse prodere uoluisset, quæ nam esset pulcherrima, hoc fabricauit commentum: subornauit enim qui Praxiteli nunciaret Officinam cum signis & tabulis conflagrare. quo tristi nuncio permotus Praxiteles percontari cœpit, Eſset ne saluus suus Cupido. hoc itaque dolo explorauit meretrix, quæ nam esset tabula? omnium ditissima. Crinitus lib. 24. cap. 10. De hac meminit Propertius lib. 1. Nec quæ deletas potuit, &c.

Faucula Clunia meretrix fuit, alioqui tamen pientissima. nam Hannibale Capuam tenente alimenta captiuis egentibus furtim suppeditabat. Liuius lib. 26.

Flora meretrix fuit, quæ populum Romanum constituit hæredem. unde Floralia sacra eidem consecrata sunt: alio nomine Larentia uocatur. de hac uide Gelliū lib. 6. cap. 7.

Glycerium Theſpiensis fuit meretrix, quæ tabulam Cupidinis (quam a Praxitele gratis acceperat) Theſpiensibus quoque dono dedit.

Leontium Gellius scribit fuisse meretricem, quæ Theophrasti libris doctissimè responderit.

Sinope scortum fuit nobile, celebratæq; lasciuiæ: hinc



Sinopiffare uerbū, est libidinari, & lasciuire. Eras. in Chil.

Eriſiſthon quidam Theſſalus, quum abſumptis facultatibus ad extremam deueniſſet inopiam, coactus eſt filiam (quā habebat liberali forma) Metrā nomine prostituere. ad quā qui commeabant adoleſcentes, corporis copiam non aſſequebantur, niſi equos, boues, ampliſſimaq; deferrent munera, quia nondum id temporis repertus fuerat geminarum uſus. porrò Theſſali per iocum dicebant Metram Eriſiſthonis uerti in ea omnia, quæ illi ab amatoribus donabantur, unde fluxit prouerbiū, Mutabilior Metra Eriſiſthonis.

Niceta & Aquilina ſorores, quum corporis quæſtu mererent, miſſæ ſunt a rege Dagnæ ad corrumpendum beatum Chriſtophorum, inculcandūq; ei falſæ religionis cultum. uerū aliter res ſe habuit. nam & ipſæ ad fidem conuerſæ ſunt, & iuſſu regis interfectæ.

Aphra fuit meretrix in Creta, quæ unā cum tribus ancillis Dimna, Eugenia & Eutropia cunctis ſe prostituerebat. tandem tamen a Narcifſo, Hieroſolymarum epiſcopo, ad bonam frugem reuocata, uoluptati repudium miſit, & Chriſtianam ſecuta eſt religionem, pro qua etiam martyrium paſſa eſt.

Eodem modo Maria Magdalena, Siri & Eucharix filia, Lazariq; & Marthæ ſoror, aliquot annis uoluptatibus indulſit, adeò ut peccatricis meruerit nomen. demum tamen ubi ad CHRISTI, in Simonis leproſi domo recubētis, pedes ſe propoluifſet, ſuisq; rigaſſet lacrymis, capillisq; abſterſiſſet, & delibuiſſet unguento, ueniam impetrauit.

Plinius ſcribit Campaſpen meretricem fuiſſe forma admodum liberali, quam Alexander Apelli pictori eam depereunti dono dedit.

Auctorum monumentis celebratur Læna meretrix, quæ nullis tormentis cogi potuit, ut Armodiū & Ariſtogitonem tyrannidas proderet, in hoc Anaxarchum imitata, quī quum ſimili de cauſa torqueretur, præciſam dentibus linguam in tortores expuit. auctores Plinius & Lactantius, & Crinitus lib. 9. cap. 8.

Lyde ſcortum celebratur Horatio lib. 2. Carm. dicenti:  
Quis deuium ſcortum Eliciet domo Lyden,

## MERETRICES QVÆDAM.

Ferunt scortum quoddam fuisse nomine Cyrenem, quæ in peragenda Venere duodecim figuris usa sit. Auctor Erasmus in explanatione illius adagii, Duodecim artium homo.

Aspasia meretrix fuit, cuius gratia & suasu Pericles Samios expugnauit. auctor Plutarchus.

Idem in Photione scribit Pithonicam fuisse meretricem, quam Harpalus Alexandri domesticus supra modum adamauerit.

Eodem teste Alcibiades Atheniensis meretricem habuit carissimam, Timandram nomine, quæ mortuo tumulum pro facultatibus suis magnificum erexit. cum hac oppressus est Alcibiades ipse a Lyfandro.

Chione nomen est scorti apud Martialem lib. 1. dicērem, A Chione saltem, uel Laide disce pudorem, Abscondūt spurcas hæc monumenta lupas.

Apud eundem notatur Lycisca, ut fellatrix & lupa, his uerbis: Facere in Lyciscam, Paule me iubes uersus, Quibus illa lectis rubeat, & sit irata. O Paule malus es; irrumare uis solus. Item apud Iuuenalem, Nomen mentita Lyciscæ.

Philenis meretrix fuit, quam Philocrates, poeta Græcus, suis carminibus lacerauit. de hac etiam meminit Mart. libro 7.

Verrius apud Lactantium testis est Faulam Herculis scortum fuisse.

Alcen quandā fuisse meretricem palam est ex uerbis Gellij lib. 4. scribentis: Dicebat Pythagoras se Euphorbum primo fuisse, deinde Pyrandrum, deinde Callidenam, deinde scēminam pulchra facie meretricem, cui nomen fuerit Alce.

Mandulia fuit meretrix, cui Hostilius Mancinus diem dixit ad populum, quod de ambulacro eius noctu lapide ictus esset. auctor Gellius.

Apollodorus prodit meretriculas quasdam fuisse Aphias, id est, Apuas cognominatas, quod minutulæ forent, albæq; oculis grandioribus. nomina eis fuere Stagonium & Anthus. Cælius cap. 19. libro 10.

Scribit Cælius Sapphon è Lesbo meretricem fuisse, sed non poetriam: quoniam Lyrica Scandronymi fuit filia altera a scorto.

Fingunt fabulæ Mintham Plutonis fuisse, pellicem, quem Proserpina dolis circumuenerit, & in hortensem mentham commutauerit. huius meminerunt Scrabo lib.8. Cælius cap. 22. lib.6.

Pandemus meretriculæ cuiusdam fuit nomen. Cælius.

Aristophanes in comœdiis scripsit Cynnam, Salauacham, & Casaurium fuisse Athenis celebres & forma exuperanti meretriculas.

Abrotonum meretricis nomen est, quam Themistoclis fuisse matrem, Amphicrates apud Cælium prodit, in libro de Viris illustribus.

Fuit Anticyra meretrix, quam inde nuncupatam ferunt, quòd cum mentis emotæ hominibus, furentibusque discumberet: uel quòd Nicostratus medicus moriens hellebori uim ei magnam reliquerit. Cælius cap.6. lib.13.

Hermia fuit meretrix, cui præ nimio amore sacra fecit Aristoteles, eiusque laudibus hymnos dicauit. unde ab Eurimedonte, seu Demophilo accusatus, relictis Athenis (ubi xxx. annos docuerat) Chalcidem se recepit. auctor Origenes.

Herodotus in Euterpe scribit Archidicem Græcam fuisse meretriculam, cuius amore insaniens Charaxus frater Sapphus Mitylenam redierit.

Inter Corinthias meretrices nominantur Lais, Cyrene, Leæna, Sinope, Pyrrhine, Sicyone.

Martialis lib.7. epigrammaton notat Céliam, quòd cui cunque petenti corporis sui copiam faceret. uide uersus in historia de libidinosis.

## LENONES, ET LENÆ.

**D** Ipsas nomen est lenæ, quam Ouid.1. Eleg. suis carminibus insectatur, quòd puellam suam meretricia arte instrueret: sic autem scribit: Est quædam (quicumque uolet cognoscere lenam, Audiat) est quædam nomine Dipsas anus, &c.

Crobylus leno fuit scelestissimus: is duo scorta domi habebat, quorum lenociniis quamplurimos adolescentes in perniciem alliciebat. allestos compilabat furto. unde natum



## PROCI DIVERSARVM

adagium, Crobyli iugum, quod de conuentu & societate duorum hominum, qui pari sunt improbitate, dici consueuit. Erasmus in Chiliadibus.

Timeus apud Erasmus testis est, Cinnarum quempiam fuisse, patria Selinusium, arte lenonem; qui quoad uiuebat, pollicebatur se facultates omnes Veneri consecraturum. ceterum moriens populo diripiendas exposuit.

Catullus inuehitur in quendam Silonem, quem, ut lenonem, arguit.

Aphra meretrix (quam diximus à Narcisso Hierosolymarum episcopo a turpi & immundo quæstu reuocatam fuisse) matrem habuit Hariam, quæ solis lenociniis uictum sibi comparabat.

## PROCI DIVERSARVM MVLIERVVM.

**H**ippoclides Tylandri fuit filius, qui cum multis aliis iuuenibus Clisihenis Sicyonij filiam ambiuit. auctor Herodotus, qui filiam illam Agaristam uocat, aliosque eius procos enumerat Smyndridem, Sybaritem, Syritanum, Damnaſum; quos ab Italia ad certamen uenisse scribit. uenerunt eodem telte ex Ionio sinu Amphimnestrus Epidamnius, Ætolus, Meges; è Peloponneso Leocides Phidonis Argiuorum tyranni filius, Amianthus, Arcas, Laphanes, Heleus; ex Attica Megacles Alcmæonis filius; ex Etruria Lyſanias; è Theſſalia Diactorides, Granonius; ex Molossis Alcon. Conuenerant autem in Græciam, ut in Olympico certamine uires suas ostentarent, quoniam pater puellæ Clisithenes Aristonymi filius proclamauerat, ei se daturum filiam, quem in certamine præstantissimum reperisset.

Proci Hippodamiæ Oenomai filiæ numerantur Marmax, Alchathus Parrhaonis filius, Euryalus, Eurymachus, Croталus, Acrias Lacedæmonius, Capetus, Lycurgus, Lasius, Calcodus, Tricolonus, Aristomachus, Prias, Pelagus Æolius, Cromius, Erythrus Leuconis filius. alij tamen enumerantur Merinnes, Hippotous, Pelops, Opontius, Acarnam, Eurymachus, Eurylochus, Automedon, Lasius, Calchon, Tricoronus, Alcathus, Aristomachus, Crocalus.

Cælius scribit Marmaca omnium primum uenisse Hippodamiam procum, & ante alios ab Oenomaο necatum; equasq; eius tradunt uocatas Partheniam & Eripham: quas quum iugulasset Oenomaus, iussit sepeliri.

Absente Vlyssæ proci ex diuersis locis conuenerunt, ut castris Penelopes infidiarentur: fueruntq; Dulichij LII. Samij XXIv. Zacynthij xx. Ithacenses xxii. ex quibus hi ab Homero nominantur, Antinous, Eurinous, Eurymachus, Leocritus, Neso, Pyfander, Helippus, Agalus, Leocles, Ampinomus, Demotholomæus, Medon præco, Euphemus citharæcedus. quos omnes reuersus Vlysses occidit. Ouidia na Penelope nonnullos his uerbis enumerat: Dulichij, Samiijq;, & quos tulit alta Zacynthos, Turba ruunt in me luxuriosa proci. Quid tibi Pyfandrum, Polybum, Medonraq; durum, Eurymachiq; auidas, Antinoiq; manus, Atque alios referam? quos omnes turpiter absens Ipse tuo partis sanguine rebus alis. Irus egens, pecorisq; Melanthius auctor edendi, Vltimus accedunt in tua damna pudor. De Antinoo Propert. lib. 4. meminit: Penelopem quoque, neglecto rumore mariti, Nubere lasciuo cogeret Antinoo.

Fuit Hippomenes unus ex procis Atalantæ uirginis Arcadicæ, quæ cum amatoribus certabat cursu. unde Statius lib. 1. Syl. Vidi ego & immiti cupidum decurrere campo Hippomenem.

Claudianus lib. 1. de Raptu, facit Martem & Apollinē proserpinæ (priusquam a Plutone rapta fuisset) procos, ubi ait:

Personat aula procis, pariter pro uirgine certant:

Mars donat Rhodopen, Phœbus largitur Amyclas:

Mars clypeo melior, Phœbus præstantior arcu.

Virgilius, Ouidius, & Ausonius inter procos Didonis numerant Hiabam Getulorum regem. propterea Dido ipsa apud Ausonium sic loquitur: Sed furias fugiens, atque arma procacis Hiarbæ, Seruauī, fateor, morte pudicitia.

Saxo grammaticus facit Otharum quendam fortissimum, procum Sirithæ uirginis pudicissimæ; Hildigisleum uerò Theutonicum Sygnis puellæ, Sigari cuiusdam filia.

## RIVALES, SEV EIVSDEM PVEL-

læ amatores.

**A** Naufis (de quo meminit Val. Flaccus lib.6. Argon.)  
riualis fuit Stiri Albani.

Excandescit Catullus in Raudum riualem, ut puellæ suæ  
furem, ubi ait: Quænam te mala mens miselle Raude Egit  
precipitem in meos iambos?

Idem Catullus ægrefert Lesbium riualem sibi ob pul-  
chritudinem a Lesbia præpositum, ubi ait: Lesbius est pul-  
cher, quidni, quem Lesbia malit, Quàm te cum tota gen-  
te Catulle tua.

Idem Catullus uocat Mamuram Phormianum & Cæsa-  
rem socios riuales. quàm durum sit autem, & intolerabile  
riualem pati, Propertius docet illis uersibus:

Te socium uitæ, te corporis esse licebit,  
Te dominum admitto rebus, amice, meis.  
Lectò te solùm, lectò te deprecòr uno:  
Riualem possum non ego ferre Iouem.

## RAPTORES DIVERSARVM

puellarum.

**R** Apuit Pluto Proserpinam, Cereris filiam. unde a Clau-  
diano Infernus raptor dicitur. Ouidius, Raptor agit  
currus, & nomine quenque uocando Exhortatur equos.  
Syllius lib.14.

Eurytus Centaurus Hippodamen rapuit. Ouid. lib.12. Me-  
ram. Euritus Hippodamen: alij quam quisq; probabat, Aut  
poterat, rapiunt.

Theseus Ariadnam Minois regis filiam, & Helenam ip-  
sam prius, quàm Paris, non offensa tamen eius uirginitate.  
Ouidius Te quoque qui rapuit, rapuit Minoida Theseus.  
Idem lib.1. de Arte, Forma uiros neglecta decet, Minoida  
Theseus Abstulit, a nulla tempora comptus acu.

Paris Helenam, unde fax belli Troiani secuta est. Ouid.  
lib.12. Victus es a timido Graiæ raptore maritæ. Idem in  
Epist. Hermiones, Tyndaris Idæo trans æquora ab hospi-  
te rapta, Argolicas pro se uertit in arma manus.

Tarquinius Sextus Lucretiæ Romanæ pudicitiam per uim  
expugna-



expugnauit: cuius rei dolore manum sibi intulit puella .  
hunc raptum graphicè describit Ouidius lib.2. Fast. Seneca  
in Octauia, Nata Lucreti stuprum sæui passa tyranni .

Telamon Græcus Hesionem puellam Trôianam, & Achil  
les Briseida . Ouidius in Epistola Acontij, Hesionem Tela  
mon, Briseida cepit Achilles, Vtraque uictorem nempe se  
cuta suum . Idem Achilles rapuit Diomedam Phorbantis fi  
liam è Lesbo .

Boreas Orithyiam filiam Ericthei Athenarû regis . Ouid.  
lib.1. Eleg. Si satis es raptæ Borea memor Orithyie . Pro  
pertius. lib. 3. Infelix Aquilo raptæ timor Orithyie .

Romulus Sabinis, & Hersiliam . Ouid. de Arte, Primus  
sollicitos fecisti Romule ludos, Quum iuuit uiduas rapta  
Sabina uiros . Pamphilus, Rômani si fortè duces rapuere  
Sabinas .

Pyrrhus Achillides Lanassam, Herculis neptem, & An  
dromachem .

Ajax Oilei filius Cassandram . Ouidius in Ibin, Vtrque  
ferox perit & fulmine & æquore raptor .

Nessus Centaurus Deianiram, Herculis uxorem, ut scitè  
docet idem Ouidius lib.9.

Euenus Martis & Stropæ filius, ex Alcippa Oenomai fi  
lia Marpissam suscepit, quam Apharetus uisam ex chorea  
rapuit . Plutarchus in Parallel.

Simili modo Catheus nobilissimus adolescens Saliam uir  
ginem, Anij Thuscorum regis filiam, adamauit usq; ad ra  
ptum . Idem testis .

Tlepolemus Aftyothiâ ex Ephyra Pelopônesi urbe rapuit.

Ajax Telamonis filius Tegmessam . Horatius, Mouit Aia  
cem Telamone natum Forma captiue dominum Tegmessæ.

Iason Medeam, Aetæ Colchorum regis filiam, quam  
postea reliquit superinducta Creusa .

Hercules Pyrenem uirginem Bebryciam, a cuius nomi  
ne montes Pyrenæi nomen sumpserunt . Sylius, Nomen Be  
brycia duxere a uirgine colles, Hospitis Alcideæ crimen, &c.

Iupiter Æginem rapuit prope Acrocorinthus .

Castor Phœben, Pollux Ilairam sorores Leucipi filias .  
Propert. lib.1. Non sic Leucippi succendit Castora Phœbe,

## NVTRICES DIVERSORVM

Pollucem cultu non Ilaira soror .

Apollo Marpissam Eueni filiam , & Idæ uxorem. Idē Pro-  
pertius, Non Idæ & cupido quondam discordia Phœbo Aue-  
sta externis Hippodamia rotis .

Axus Oceani filius rapuit Perhibiam , Iupiter Europam .  
Seneca , Modo per fluctus raptam Europam , Taurum tergo  
portasse truce .

Hercules Augen. Idem Seneca, Arcadia nempe uirgo Pal-  
ladios choros Dum nectit Auge , uim stupri passa excidit .  
Dryope nympha Hylam .

## NVTRICES DIVERSORVM

hominum .

**P**hilix nutrix fuit Domitiani , quæ domini cadauer po-  
pulari Sandapila per uestpillones exportatum in subur-  
bano suo Latina uia funerauit . auctor est Suetonius .

Policha nutrix fuit Oedipi , quem pater Laius deuouerat ,  
quod eius manu periturum se ab oraculo didicisset .

Barce nutrix Sichei Phœnicum ditissimi , & mariti Dido-  
nis . Virg. libro 4. Æn. Tum breuiter Barcen nutricem af-  
fata Sichei , Annam cara mihi nutrix huc siste sororem .

Charme Scyllæ puellæ . unde Virg. in Cyri , Illa autem  
quid nunc me , inquit , nutricula torques .

Caieta Æneæ . Virg. lib. 7. Æneid. Tu quoque litoribus  
nostris Æneia nutrix Æternam moriens famam Caieta de-  
disti . Mart. Seu placet Æneæ nutrix , seu filia Solis .

Beroe Semeles , quæ fuit mater Bacchi . Ouidius lib. 3.  
Metam. Ipsaque erat Beroe Semeles Epidauria nutrix .

Aceste nutrix fuit filiarum Adraasti . Statius lib. 1. Theb.  
Tunc rex longæuus Acestem , &c.

Accam Laurentiam Romuli fuisse nutricem testis est Pli-  
nius lib. 18. cap. 2. Item Statius lib. 1. Syl. Iam secura parēs  
Thuscis regnabat in undis Ilia portantem lassabat Romulus  
Accam .

Nysa Bacchi fuit nutrix , quam Plinius ait sepultam fuisse  
prope Scytopolin .

Habuit Alcibiades nutricem nomine Amyclam , uel , ut  
alii legunt , Amydam , pædagogum uerò Zopyrum . Plutar. in

Lycurgó & Alcibiade.

Fuit & Hellanice nutrix Alexandri, auctore Q. Curtio.

Eupheme nutrix fuit Musarum, quæ filium nomine Erotum suscepit Parnasi incolam, & uenationi deditum.

Amalthea & Melissa Iouem infantulum caprino lacte fouerunt. hinc orta fabula, qua poetæ nutritum a capra fabulati sunt. Pont. Post hinc & pecus Olenium & Iouis inclita nutrix. Alij tamen dicunt Iouem ab Adrastea & Ida Melissei filibus nutritum, ut docet Erasinus in illo adagio, *Copia cornu*.

Ino fuit nutrix Bacchi. Ouid. in Ibin, Vt teneri nutrix eadem matertera Bacchi. Statius lib. 2. Syl. Quid te post cineres, deceptaq; funera matris Tutius Inoo reprobantem pectore Bacche? Ammonius grammaticus ponit Fesulam unam è Bacchi nutricibus.

Archemorus filius. Lycurgi regis Thracum nutricem habuit Hyfiphilem. quæ quum infantem in herba reliquisset, depastus est a serpente. Statius auctore.

Caphyrna, seu Calpurnia Oceani filia Neptunum educavit una cum Rhodiis. testes Annius in Berosum, & Calde-  
rinus in Statium.

Spaco nutrix fuit Cyri. quæ dictio quoniam Medorum lingua canem significat, factum est, ut Cyrus creditus sit nutritus a cane. testis Herodorus in Chio.

Ericlea, seu Eurichia nutrix fuit Vlyssis, de quo Ovidius in epistola Penelopes intelligit, dicens: Hoc faciunt custosque bouum, longæuæque nutrix.

#### O B S T E T R I C E S.

Plinius lib. 28. cap. 7. Sotiram & Salpem obstetrices facit, quarum etiam placita in quibusdam morborum remediis citat. Idem libro 32. cap. 6. de Salpe meminit.

#### A N C I L L Æ Q V Æ D A M.

Cybale ancilla fuit pauperis cuiusdam Simili, cuius paupertatem Virg. describit in Moreto. Idem ibidem, Exiit interea Cybale quoque sedula panem.

Lathris ancilla fuit Cinthiæ Propertianæ. Idem lib. 4. Deliciæque mæx Lathris, cui nomen abusu est.



Cypassis ancilla fuit Corinnæ. Ouid. lib. 2. Eleg. Commendis in mille modis perfecta capillis, Comere sed solas digna Cypassideas.

Phyllis Troiana Phoecei, Bryseis Achillis. Horatius, Nescit ancillæ tibi amor pudori Xanthiæ Phoecei prius insolentem Serua Bryseis niueo colore Mouit Achillem.

Galantis ponitur ab Ouidio ancilla Alcmæ matris Herculis lib. 9. Met. ubi ait: Vna ministrarum media de plebe Galanthis Flauatomas aderat faciendis strenuâ iussis. Plin. lib. 36. cap. 27. facit Ocrisiam Tanaquillis reginæ ancillam.

Tegmessa Aiæ Thelamonij, Cassandra Agamemnonis. Horat. Mouit Aiæ Telamone natum Forma captiue dominum Tegmessæ: Arsit Atrides medio in triumpho Virgine rapta.

Næra & Charmione duæ fuerunt Cleopatæ ancillæ, quæ spontaneam dominæ mortem secutæ sunt, ac suis gladiis se confoderunt. Plutarchus.

Agar ancilla fuit Abrahæ, a cuius nomine Agareni dicti sunt, qui & Saraceni a Sara eiusdem Abrahæ uxore nominantur. Iosephus lib. 1. Antiq.

Gyge ancilla fuit Parysatis reginæ Persarum, & matris Cyri. auctor Plutarchus.

Thressa Thaletis fuit ancilla, quæ Thaletem ipsum in foueam collapsam obiurgasse dicitur, quod cælestia scire cuperet, quum ne prospicere quidem potuisset, quæ ad pedes essent. Theodoricus Cytensis.

Herodotus in Euterpe scribit Rhodopen Thraciam ancillam fuisse Iadmonis Samij.

Elos, ancilla fuit Athamantis, a cuius nomine dicta est urbs Achaie, Alos.

Chionia, beatæ Anastasiæ fuit ancilla.

Lardana apud Herodotum nomen est ancillæ, a qua fluxerunt Heraclidæ.

Titula seu Philothis nomen est ancillæ Romanæ apud Plutarchum in Camillo, & apud Macrobium lib. 1. Satur.

Plecura fuit ancilla Dianæ, de qua Mart. lib. 2. Et cecidit sectis ista Plecura comis. Apud eundem, lib. 7. Lagopice nomen est ancillæ.

Proconnesia ancilla est apud Plinium, quæ eiusdem diei coitu alterum domino similem, alterum procuratori eius peperit.

## EVNVCHI, ET SPADONES.

**A** Ristonius fuit eunuchus Ptolemæi, Phileterus Lisimachi. Dorotheus præsul Antiochenus natura fuit eunuchus.

Phauorinus quoque philosophus, Arelate oriundus, fuit eunuchus, Hadriano principi maximè infensus. propterea tria de se mira prædicabat, se Gallum Græciscare, eunuchum mœchum putari, inimicum imperatori uiuere.

Hyacinthus & Prothus eunuchi fuerunt Eugenii filii præfecti sub Maximiano.

Narses fuit eunuchus, Iustiniani principis cubicularius, è cartulario & bibliopola princeps copiarum factus post Belisarium, qui, multis rebus præclarè gestis, tandem siue inuidia, siue fortuna, siue populi accusatione in odium Iustiniani & uxoris eius deuenit, adeò ut imperator litteras ad eum dederit plenas ignominie, quibus eum monebat, ut ad eolum, pensum, & lanas rediret. Tum ille iratus, Ducam, inquit, tale pensum, talemque ordiar telam, quam non facile sit uobis explicare. itaque ut iniuriam ulcisceretur, Longobardos Romani iam diu inuadere cupientes conuocauit. Paulus diaconus,

Parthenius & Calocerus eunuchi Tryphonie uxoris Decii, martyres facti sunt sub eodem principe.

Ananias, Azarias & Misael pueri nobiles, natione Iudæi fuerunt, quos Nabuchodonosor captos duxit Babylonem, & ibidem castrauit, deditque Aphanam eunuchorum præfecto.

Paronetenus fuit Spado, quem Plinius ait ingenti precio fuisse emptum.

Arnaces eunuchus fuit, quem Themistocles accepit in deditionem. Plutarchus in Aristide,

Tyreus eunuchus fuit & cubicularius uxoris Darii,

Didymus fuit quispiam eunuchus, qui uxoris suæ copiam omnibus faciebat, ut eo ditesceret modo.

Photinus fuit eunuchus Ptolemæi, qui in gratiam Cæsaris uictoris, Pompeium suasisit interimendum. Lucanus, Au-

## INCESTVOSI.

fus Pompeium leto damnare Photinus.

Ganymedes fuit eunuchus, & nutritius Arfinoes, de quo Lucanus lib. 10. A famulo Ganymede dolis peruenit ad hostes Cæsaris Arfinoe.

Bagoas fuit spado, qui Alexandrum obsequio corporis sibi deuinxit, auctor Cælius.

Corn. Tacitus scribit Pelagonem fuisse spadonem, quem Nero Centurioni & Manipulo ministrū regiū præposuerit.

Possidius fuit eunuchus Messalinæ, uxoris Claudij Tiberij, cui imperatrix ipsa post triumphum Britannicum inter militarium fortissimos arma insignia, tanquam participi uictoriæ, dono dedit. Sex Aurelius.

Sporus fuit spado Neronis, quem Nero ipse exectum for mare in mulierem tentauerat. hic dominum iuuic ad inferendam sibi mortem.

Fuit Menophilus Mithridatis Pontici regis eunuchus. auctor Ammianus Marcellinus.

Amantius fuit eunuchus Iustini imperatoris.

Hermotimus Xerxis. Herodotus.

Candaces Æthiops natione, fuit eunuchus, & CHRISTI discipulus.

Sylla & Cotta cum unico testiculo nati sunt. Blondus.

Halotus fuit eunuchus Agrippinæ, & prægustator Cæsaris Claudij, qui suasu imperatricis, boleto medicato dominum interfecit. Suetonius.

Bochis eunuchus fuit Statyræ & Rhoxanæ, sororum Mithridatis.

Hermias eunuchus fuit trapezitæ cuiusdam, qui Athenas profectus, Platonem, Aristotelēq; audiuit. Strabo lib. 13.

## INCESTVOSI.

**A**Nchemolus filius Rheti, Marrhubiorum regis, nouer cam suam Casperiam stuprauit. Virg. lib. 10. Hinc Schelenium petit, & Rheti de gente uetusta Anchemolum thalamos ausum incestare noueræ.

Artaxerxes puellam Atossiam pertitissimè adamauit. quo factum est, ut post frequentem Veneris consuetudinem, eam in matrimonium duxerit, contemptis Græcorum legibus. Plutarchus.



Tereus rex Thracum, Martis filius ex Bistonide nympha Philomelam filiam Pandionis regis Athenarum, uxoris suæ Prognem sororem, stuprauit. Ouidius libro 6. Metam. falsusque nefas & uirginem & unam Vi superat, frustra clamato sæpe parente. Ausonius, Intulit incestam tibi uim Philomela ferus Thrax.

Menephron iacuit cum matre. Ouid. lib. 7. Met. Dextra Cyllene est, in qua cum matre Menephron Concubitus erat, seuarum more ferarum. Quintilianus in Cleopol. Flagret si matris amore Menephron.

Saupus Mileti ex Cyane filius, quum esset forma libera li, adamatus est a sorore Biblide ad incestum usq; cuius poenitentia postea se interfecit. Ouid. lib. 9. Biblis Apollinei correpta cupidine fratris, Non soror ut fratrem, nec qua debebat, amauit. Idem lib. 1. de Arte.

Myrrha, Cynaræ Cypriorum regis filia, rem habuit cum patre, & ex eo concubitu suscepit Adonidem. Ouid. lib. 10. Accipit obsceno genitor sua uiscera lecto, Virgineosq; metus leuat, hortaturque timentem. Plena patris thalamis excedit, impia diro. Semina fert utero, conceptaque crimina portat.

Macareus, filius Æoli, rem habuit cum sorore Canace. Ouid. lib. 2. Trist. Nobilis est Canace fratris amore sui. Idem in epist. Canaces, Cur unquam plus me frater, quam frater amasti? Et tibi non debet quod soror esse, fui? Idem in Ibin, Utq; sua Macareus, sic potiare tua.

Cleopatra a fratre (quem pro marito habebat) polluta est. unde Lucanus lib. 8. Degener incestæ sceptris cessare sororis & lib. 10. Miscuit incestam ducibus Prolemæida nostris.

Martialis scribens ad Fabullum lib. 12. arguit Themisonem quendam incestus cum sorore, ubi ait: Quare non habet, Fabulle quæris, uxorem Themison? habet sororem.

Oedipus mortuo Patre Laico (quem ignotum occiderat) nescius & imprudens duxit Iocastam matrem suam, ex qua suscepit Etheoclem, & Polynicem. Statius libro 1. Theb. Scandere quinetiam thalamos hic impius heres Patris, & immeritæ gremium incestare parentis Appetiit, proprios monstro reuolutus in ortus. Ouid. in Ibin, Nec plus aspi-

## INCESTVOSI.

cias, quàm quem sua filia rexit, Expertus scelus est cuius uterque parens. Claudianus in Eutropium.

Statius lib. 9. Thebaid. ait Cydonem quendam adamatum a sorore. eius uerba sunt hæc; Et malè dilectum miseræ Cy dona sorori.

Thyestes rem habuit cum Europa fratris uxore, & cum Pelopeia filia. Ouidius, Filia si fuerit, sit quod Pelopeia Thyesti, Myrrha suo patri, Nyctimeneque suo.

M. Tullius Cicero postulauit P. Clodium inimicum incestus cum sororibus. ait enim eum non pluris fecisse Bonam deam, quàm tres sorores.

Secundus philosophus quum matri nescienti esse filium, se commiscuisset, & illa, factò cognito, sceleris horrore intulisset sibi mortem: ipse quoque quum incestus pœnitentia, tum dolore maternæ mortis æternum tacuit, ut ulcisceretur uocē, qua in cōcubitu matri innotuerat. Diogenes.

Antiochus Soter rex Syriæ, quum Stratonicem nouercā impatienter deperiret, indulgentia patris obtinuit. Volat.

M. Antonius imperator consuetudinem ueneris habuisse dicitur cum Faustina sorore, ex qua & Lucillam genuit, quam L. Antonio fratri copulauit.

Antonius Caracalla imp. quum Iuliam nouercam impotenti amore deperiret, Vellem, inquit, si liceret. quibus uerbis ostendebat se eius concubitum appetere. Tum illa, Si libet, licet, respondit. leges dat imperator, non accipit. Quibus uerbis audacior factus Caracalla, nouercam ipsam sibi copulauit, cuius filium Getam paulò antè interfece- rat. Sex. Aurelius, & Ælius Spart.

Ptolemæus Evergetes Berenicem sororem adamatam in matrimonium duxit.

Theodoricus, Francorum rex, fratris a se interfecti filiam duxit in uxorem.

Fuit & Ioui deorum maxima stupri frequens consuetudo cum Cerere & Iunone sororibus, ut uolunt poetæ: Quæ quæ deorum furta carminibus suis detegunt, nihil aliud faciunt, quàm quòd indicant non esse iis credendum, quos stupris, incestibus, & adulteriis contaminatos docent.

Capronia uirgo uestalis comperta incestus, laqueo sus-

focata est.

Caligula tres sorores suas stupro contaminauit: ob quem incestum Iouem se uocabat. Sex. Aurelius & Tranquillus; cuius uerba sunt hæc: Cum omnibus sororibus suis stupri consuetudinem fecit, plenoque conuiuio singulas infra se uicissim collocabat, uxore supra cubante. ex his Drusillam uitiasse uirginem prætextatus adhuc creditur.

Commodus quoque imperator (qui natus est eo die, quo Caligula) sorores constuprauit, concubinasque sub oculis suis constuprari ab amicis iubebat. Lampridius.

Aufilena quædam proscinditur a Catullo, quod patruo se prostituisset, & ex eo genuisset liberos. hæc sunt eius uerba: Aufilenâ uiro contentam uiuere solo Nuptiarum laus est laudibus eximiis, Sed cuius quamuis potius succumbere fas est, Quàm matrem fratres efficere ex patruo.

Fabulantur poetæ Nereum, maris deum, iacuisse cum Doride sorore, & ex ea suscepisse nymphas, quas Nereides uocant.

Phœnix Amyntoris filius rem habuit cum patris pellice. Domitius Caldepinus in Ibin Ouidij.

Phineus duos habuit filios, qui nouercam Cleopatram Dardanij Scytharum regis filiam uiolarunt. unde & a patre excæcati sunt, Ouidius in Ibin.

Ptolemæus Philadelphus stupri consuetudinem fecit cum Arsinoe sorore, ut Herodes Antipas cum Philippi fratris uxore,

Hypermnestra concubitus fratris, quem deperibat, nocturno tempore affecta est. Ouid, in Ibin, Quæq; sui Venerem iunxit cum fratre mariti Locris in ancillæ dissimulata necem.

Hæmon Rhodopen filiam pro uxore habuit: diis incestum uindicantibus, ambo in montes conuersi sunt, ad quod alludit Ouid. in Ibin, dicens: Nec tibi si quid amas, felicius Hæmone cedit.

Leucon interfecit Oxilochum regem Ponti fratrem suum ut eius uxore frueretur.

Aruntius quum Bacchi sacra despicaretur, ulciscente numine in ebrietatem lapsus, filiam Medulianam corrumpit.



quod ægreferens puella, patrem ipsum interfecit.

Idem quoq; contigit Cyannippo, qui ulciscente Baccho (cuius sacrificia itidem spernebat) lapsus in ebrietatem, Cynam filiam stuprauit, a qua postea interfectus est. Plutar. in Parall.

Valeria Tusculana Valerio patri (quem deperibat) fraude ancillæ concubuit. quod ubi rescuit Valerius, intulit sibi mortem. Idem auctor.

Papirius Romanus nomine, Papirii Volucris filius, sororem nomine Canusiam grauidam fecit. rei certior factus pater, utrique gladium misit, quo se interfecerunt.

Gidica, Pomminii Laurentini uxor, Comminium priuignum adamauit usque ad incestum. a quo repulsam passâ, laqueo se suspendit. quo mortis genere periit Phædra, ab Hippolyto priuigno itidem spreta.

Tuciam uirginem Vestalem incestam fuisse, testis est Plinius lib. 28. cap. 2.

Sysmithritas, Persarum satrapes, duos ex matre liberos suscepit. nam, auctore Curtio, apud Persas parentibus stu pro coire cum liberis fas est.

Scribit Corn. Tacitus Agrippinam se plerunque ad incestum obtulisse Neroni filio, quum per uinum & epulas incalesceret.

Perdix uenator fuit infando matris Polycastes amore correptus, quam & contaminauit. unde Perdix libido abiit in prouerbiū pro efferrata, turpi atq; infami. auctor Cælius,

Claudius Cæsar Agrippinam Germani fratris filiam nouercam duobus liberis superinduxit, cuius insidiis & uenenis postea interfectus est. Sex. Aurel.

Ioannes Ariminensis sororem suam duxit uxorem. Pontanus de Obedientia.

Herodotus scribit Cambysem, regem Persarum, uni ex sororibus stuprum intulisse, eaq; mortua, alteram iuniorē itidem uiolasse, & uxorem duxisse, quam postea interfecit.

Scythes, rex Scytharum, Opœam nouercam duxit in matrimonium. Idem auctor.

Philippus, frater Alfonsi decimi Hispaniæ regis, Christianam Daciæ regis filiam, & fratris sui uxorem sibi per

ADVLTERI, ET ADVLTERÆ. 126  
uim copulauit, spreta religione, ac sacerdotio, quum es-  
set abbas, & præsul Hispalensis.

Nictæus, rex Æthiopiæ, cum Nictimene filia concubuit.

### ADVLTERI, ET ADVLTERÆ.

**P**aris, quòd Helenam Menelai uxorem rapuerit; & He-  
lena, quòd maritum reliquerit, inter adulteros nume-  
rantur. Ouid. in epist. Sit facie quamuis insignis, adultera  
certè est, Deseruit socios hospite capta deos. Idem, Quid  
petitur tanto nisi turpis adultera bello? Horatius, Iam nec  
Lacæna splendet adulteræ famosus hospes.

Clytemnestra amore Ægysthi, quocum mœchari consue-  
uerat, maritum Agamemnona Troia redeuntem interfecit.  
Propert. lib.3.

Martialis arguit Leuinam mulierem, quòd casta uenerit  
Baïas, & adultera redierit. hæc eius uerba: Incidit in flam-  
mas, Veneremque secuta, relicto Coniuge, Penelope ue-  
nit, abiitque Helene. Idem quoque arguit adulterij Pau-  
lam aliam scœminam.

Idem lib.2. de Thelesia scribit: Vxorem nolo Thele-  
sinam ducere. quare? Mœcha est. Sed pueris dat Thelesi-  
na, uolo. Idem lib.6.

Proculina quoq; , Lectoria, & Gellia ab eodem notan-  
tur, ut adulteræ, & a Catullo notatur Aufilena.

Hippia, Iuuenalis: Promptius expediam, quot amaue-  
rit Hippia mœchos.

Suetonius scribit Iulium Cæsarem diuortium fecisse cum  
Pompeia uxore, Qu. Pompeij filia, & Scyllæ nepte, quòd  
fama ferret, eam a P. Clodio inter sacra Bonæ dæ adul-  
teratam.

Iulia Agrippina mater Neronis adulterij consuetudinem  
fertur habuisse cum Domitiano. Iuuen. Quum tot aborti-  
uis scœundam Iulia uiluiam Solueret.

Homerus poetarum max. natus est ex adulterio matris  
Cricheidis, uirginis Cumanæ. Plutarchus.

Dauid, lumen sapientiæ & religionis speculum, cum Ber-  
sabea uxore Vriæ adulterium commisit: cui sceleri adiecit  
ipsius Vriæ mortem, quem bello perdendum exposuit.

## ADVLTERI, ET ADVLTERÆ.

Conradinus imp. Conradi filius, ut uxore comitis Caser-  
tani potiretur, uirum honoris specie ablegauit,

Egica rex Hispaniæ Fasillam ducem Tudensem ( ut eius  
uxore potiretur ) interfecit,

Hippomenes filiam Limonem in adulterio deprehensam  
equo famelico deuorandam exposuit. Quid. in Ibin, Solaq;  
Limone poenam ne senserit illā, Et tua dente ferox uiscera  
carpat equus. Idem, Vtq; nouum passa est genus Hippome-  
neia poenæ.

Quum turpissimum sit ab his uirtute nos superari, quos  
antecellimus dignitate, nihilominus Ioannes xir. Pont.  
Max. exuta morum honestate, relegataq; uerecundia, gre-  
ges meretricum aluit. quibus flagitiis non defuit ultio. ad  
extremum enim deprehensus in adulterio, ibidem interfe-  
ctus est. Platina,

Vgolinus Gonzaga princeps Mātux cum Isabella uxore  
Luchini Vicecomitis Italiæ mœchatus est. Volater.

Ludouicum Gonzagam in adulterio deprehensum Man-  
tuani capite punierunt.

Messalina uxor Claudij Tiberij primo clam, mox passim,  
quasi iure, adulteriis utebatur. ex quo facto plures metu ab-  
stinentes extincti sunt, dehinc atrocius accensa nobilissi-  
mas quasque nuptas & uirgines turpitudinis suæ comites de-  
legit, coegitque mares, ut adessent, quod si quis recusaret,  
ficto crimine in ipsum, omnemq; eius familiam iubebat se-  
uiri. quinetiam ( quod turpius est multo ) prouocauit ad le-  
cti palæstram unam ex ancillis, quæ meretricio quæstu ui-  
ctum sibi quæritabat. Sex. Aurelius. De hac Iuuenalis Sa-  
tyra 6. Claudius audi Quæ tulerit, dormire uirum quū sen-  
serat uxor, &c.

Fabia Fabii Fabricani uxor, dum Petronium Valentinum  
liberali forma adolescentem ( quocum adulterij consuetudi-  
nem habebat ) maximè deperiret, maritum interfecit, ut  
adultero frueretur securius. Plutarchus in Parall.

Plinius lib. 29. ait Vectium Valentem medicum fuisse  
adulterio Messalinæ imperatricis nobilitatum.

Idem ait adulteria fuisse in domibus principum, ut Eu-  
demi in Liuia, Drusi Cæsaris & Valeris medici in Messalina.



Alcibiades Athenienſis cum Thimea Agidis regis uxore libidinari ſolicus eſt. Plutarchus.

M. Varro apud Gellium teſtis eſt C. Salluſtium hiftoriarū ſcriptorem deprehenſum in adulterio ab Annio Milone, & loris cæſum, dataq; pecunia dimiſſum. Cicero impropere ipſi Salluſtio, quòd paternam domum uendiderit, ut adulteri pœnam declinaret.

Cælius ſcribit Phaonem, ſpectabili forma adoleſcentem, a Mitylenæorum mulieribus ardentè adamatum, unde factū, ut in adulterio deprehenſus iugularetur.

Hyettus uir quidam Argiūſ Molurum quendam in adulterio cum uxore deprehenſum interfecit. Idem Cæl.

Phauorinus philoſophus, quum eunuchus foret, & androgynus, adulteræſ tamen uiri conſularis uxorem creditus eſt. Idem.

Qui imperatorum uitas ſcripſerunt, teſtantur Phocam imper. diuerſis adulteriis infamem fuiſſe.

Zoe imperatrix Romanum Argyropylum maritum interfecit, quo liberius mœcharetur cum Michaelè Palagone, qui imperio ſucceſſit. Bap. Egnatius

Conſtantine Monomachus imper. concubinam egregia admodum forma loco legitimæ uxoris habuit, quam effluſim deperiit. Idem Egnat.

Corrupti Iulius Cæſar plurimas illuſtres fœminas; Poſtumiæ Seruij Sulpicij, Lolliæ Aulij Gabini, Tertulliam M. Craſſi, & Gn. Pompeij Muciam: ſed ante alias dilexit M. Bruti Seruiliam matrem, cui ſexagies ſextertium gemmam mercatus eſt. corrupti quoque Seruiliæ filiam Iuniam Tertiam, M. Craſſi uxorem. dilexit & reginas, ut Euriem Mauram Bogudis uxorem, ſed maximè Cleopatram, cum qua & conuiuia in primam lucem ſæpe protraxit, & eadem naue thalamoq; pœnè Æthiopia tenus Ægyptum penetrauit. Suetonius.

Exercuit & Auguſtus adulteria, ut cum Liuiâ, quam quum grauidam reddidiſſet, tegendi ſcleris cauſa, nuptias feſtinauit, ut obtecit Antonius. abduxit & fœminam conſularem è triclinio, uiro coram, quam rurfus ad conuiuium rubetibus oculis, & incomptiore capillo reduxit. rem quoque

## LIBIDINOSI, ET

habuit cum Tertullia, Terentilla, Drusilla, Salvia, & Cistifcentia. Suetonius.

Saxo Grammaticus ait Frigham Othimi Danorum regis uxorem cuidam familiarium se stupro subiecisse.

Gregorius Turonensis scribit, Deuteriam quandam foemina a Theodeberto Francorum rege adulteratam. idem ait Dagulphum abbatem in adulteria admodum procliuem fuisse.

Scribit Macrobius Æsopum libertum Demosthenis consocium adulteri (quod cum Iulia patronus commiserat) totum diutissime perseverasse non prodere patronum, donec aliis consociis coarguentibus Demosthenes ipse fateretur.

Plato in 11. de Rep. scribit, Gygem stuprasse Candaulis Lydorum regis uxorem, quod & confirmat Herodotus.

Aripercus Clotarii filius, Francorum rex, ob amorem in ancillas, cum uxore diuortium fecit.

Solon suis legibus uoluit fas esse deprehendenti mœchum interficere in ipso adulterio.

Adulteri pœnam apud Roman. uide Gell. lib. 10. c. 23.

Zaleucus legem tulit, ut quisquis mœchus, aut adulter deprehensus fuerit, erutis oculis pœnaslueret.

## LIBIDINOSI, ET LASCIVI.

**P**Asiphae, Solis filia, & uxor Minois regis Cretæ, taurum ad coitum usque fertur adamasse, ex quo & biforme illud monstrum Minotaurum suscepit. Propertius,

Vxorem quondam magni Minois (ut aiunt)

Corrupti torui candida forma bouis. Idem lib. 3.

Fuit in Aiace Oilei filio tantus libidinis feruor, ut temperare sibi nequiverit, quin Cassandram Priami filiam in templo Palladis opprefferit. quo factum est, ut dea iniuriam ulciscente fulminatus sit in mari cum aliquot aliis Græcis, ut docet Virg. lib. 1. Æn.

Immoderatam Celiæ libidinem notat Martia. lib. 7.

Das Cattis, das Germanis, das Celia Dacis,

Nec Cilicum spernis, Cappadocumque toros.

Et tibi de Pharia Memphiticus urbe fututor

Nauigat, a rubris & niger Indus aquis.

Nec recuzitorum fugis inguina Iudæorum, &c.

Herodorus apud Cēlium testis est, Persas a Græcis didicisse pueris abuti. in quos debacchari solitum Alexandrum scripsit Athenæus, quum etiam Bagoan, inspectante theatro uniuerso, suauari plerunq; non erubuerit. contrā tamen plerique sentiunt, feruntq; tanta castitate præditum fuisse, ut præter uxorem, & Bersanen, è Damasco uiduam mulierem, nullam aliam complexus fuerit.

Hipparchus Pisistrati filius, quum Armodium, & Aristogitonem excellenti forma pueros per uim prædicasset, coniurationem in se concitauit. iuuenes enim probrum ægreferentes, non prius finem insidiis fecerunt, quàm eum de medio sustulerint, libidinem hominis magis, quàm tyrannidem pertæsi. auctor apud Volat. Thucydides.

Iam docuimus, quomodo P. Clodius præter stupratas sorores mulierem mentitus inter publicas Bonæ deæ cæremorias ad Pompeiam Q. Pompeij filiam fortim penetrauerit, eamque adulterauerit. Plutarchus in uita Cicero.

Q. Flaminius, uir consularis, puerum impudicè deperit, adeo ut quocunq; profisceretur, nunquam ab eius latere discederet. quoq; magis inferuaret amasio, quendam conuiuio securi percussit, quum puer aliquem se præsentē optasset interfici: licet hoc in foeminæ gratiam factum dicant nonnulli. Volat.

Coactus est Augustus Iulias filiam, & neptem, omnibus libidinum probris contaminatas, relegare. constat filiam infamem fuisse uulgaris per urbem adulteriis.

Ferunt Palemonem grammaticum flagrasse libidinibus in mulieres usque ad oris infamiam.

L. Papirius Publius, &c. uide suprà 113. & Liuium lib. 8.

Idem in T. Veturium adolescentem fecisse dicitur C. Plocius. Valerius Maximus.

Habuit Philippus Macedo Alexandrum adolescentem Olympiadis uxoris suæ fratrem nō ad alium usum, quàm ad stupri consuetudinem. Trogus lib. 8.

Semiramis Assyriorum regina, quæ masculinam uirtutem semper ferè prætulit, & omnium calculis laudata est, ad extremum tantis deliciis, tantoq; pruritu libidinis incaluit, ut mortuo marito, non admisit solum, at etiam prouoca-



uerit plerosque ex suis militibus, qui forma essent elegantiore, quos postea crudeliter necabat. Diodorus lib. 3. Pro dunt & nonnulli eam a Nino filio interemptam, quum eius congressum appeteret. Trogus lib. 1. Et (quod omnium longè turpissimum est) equum ab ea adamatum usque ad coitum; Iuba testis est apud Plinium.

Victorinus tyrannus (qui Galeni temporibus Gallias rexit) causa libidinum in matronas interfectus est apud Agrippinam. Trebellius Pollio:

Aristo Ephesius genus fœmineum perosus cum asina concubuit, ex eoq; concubitu genita est puella, cui a cruribus asininis nomen inditum est Onosceli. Plutarchus in Parall.

Idem ait Publium Stellum (quem Fulvium alij uocant) mulierum odio equæ se commiscuisse, ex qua formosam suscepit puellam, Hipponam nomine:

Demetrius Poliorcetes, Antigoni filius, Democli, laudabilis formæ adolescentulo, stuprum inferre uoluit. quod quum per inualidas ætatis uires puer non posset aliter effugere, in proximum feruentis aquæ leberem se coniecit, ibiq; mortuus est. Idem Demetrius Lamiæ aliisq; scortis talenta c. c. l. erogauit. Plutar.

Aufidius crebris fuit adulteriis formosus, & matronarum frequentissimus corruptor apud Romanos. Iuuenal. Sat. 9. Notior Aufido mœchus celebrare solebas. Martial. Procuratorem uultu qui proferat ipso, Acrior hoc cuius non erit Aufidius.

Non erubuit imper. Caligula fororibus suis congregi, quarum ambas exoletis suis prostrauit, quod facilius eas in causa Æmilij condemnaret, tanquam adulteras. Liuiam Horestillam C. Pisoni nuptam, sibi iunxit, & intra biennium repudiatam relegauit. Lolliam Paulinam C. Memmio ablatam coniunxit sibi, breuiq; missam fecit, interdicto cuiusque in perpetuum coitu. Cesoniam admauit, quam amicis plerumque ostēdit nudam. M. Lepidum & M. Nestorem Pantominum dilexisse fertur commercio mutui stupri. Val. Catullus, consulari familia iuuenis, stupratum se ab eo, & latera sibi contubernio eius defessa uociferatus est. Suetonius.

Commodus imperator sorores constuprauit, suasq; concubinas uidentis ac uolens, ab amicis constuprari passus est. adolescens infamauit omne genus hominum, quod erat sectum, & ab omnibus est infamatus. habuit in deliciis homines appellatos nominibus uerendorum turpiusq; sexus, quos libentius oculis suis applicabat. Lampridius.

Idem Commodus cum ccc. concubinis, quas ex matronarum meretricumq; delectu ad formæ speciem constituerat, ac trecentis aliis puberibus exoletis (quos ex plebe & nobilitate collegerat in palatio) batrabatur & lasciuiabat. Lampridius.

Childericus Francorum rex ob libidinem in matronas regno pulsus est, demum tamen restitutus.

Gordianus Iunior (qui cum patre imperauit) totus fuit mulierosus, ac libidini deditus. concubinas habuit xxxi. & ex omnibus ternos & quaternos liberos. unde & Priamus sui sæculi uocatus est, & a nonnullis per cauillum Priapus. Iulius Capitolinus.

Vgutius princeps Florentinus interfectus est a ciuibus ob procliuiem in fœminas libidinem. Volat.

Xerxes rex Persarum eò lasciuiæ se demisit, ut Supintriis nouarumq; uoluptatum repertoribus præmia constituerit. Valer. Maximus.

Messalina Claudij Cæsaris coniux ad certamen Veneris elegit nobilissimam ex prostitutis antillam mercenariæ stipis, eamq; die ac nocte superauit quinto ac uicesimo concubitu. Plin. lib. 10. cap. 62.

Idem Plinius scribit Arellium celebrem fuisse Romæ pictorem paulò ante diuum Augustum, qui semper alicuius amore fœminæ flagrauerit.

Crassus Romanorum ditissimus, uno è fratribus mortuo, illius uxori congressus est, & ex ea filios aliquot procreauit. Plutar.

Surinas Parthorum ditissimus, & secundus a rege, ducentas pellices habebat in castris. Idem auctor.

Appius Claudius decemuir Virginiam puellâ plebeiam, sed forma excellentem (quam Virginius pater M. Icilio tribunicio uiro, & expertæ uirtutis homini desponderat) per

uim stuprauit, quum nec precio, nec spe posset allicere. quæ fuit causa abrogandi magistratus decemuirorum, quem admodum reges prius ob stupratam Lucretiam eiekti fuerant. Linius, & Cic. lib. 2. de Finib.

Tigilinus fuit quispiam inter Romanos uitæ corruptissimæ, qui per impudicitiam multa a Nerone consecutus est, quem ad omne corruperat. Cor Tacitus lib. 17.

Martialis lib. 7. taxat Papillum quendam uelut cunnilingum, & irrumatorem.

Hostius princeps quidam fuit obſcenitatis perditissimæ, præferuidæq; libidinis, Augusti temporibus, utrique Veneri, masculæ scilicet, & muliebri deditissimus: qui fecit specula eius notæ, ut imagines multò redderent maiores. quum ergo Veneri se daret, ea ita disponebat, ut quum uirum pateretur, omnes admissarij sui motus in speculo uideret, ac deinde falsa ipsius membri magnitudine tanquam uera gauderet.

Agrippina filii Neronis concubitarum desiderasse fertur. Cli. apud Tacitum lib. 4.

Ausonius inuehitur suis carminibus in quendam Eunum, quem ut liguritorem, & irrumatorem taxat.

Sotades poeta fuit iambographus impurissimus, qui uersus adeò pathicos, cinædicamque Venerem spirantes conscripsit, ut ab eius lectione casti abhorrerent oculi. quo factum est, ut Sotadica poemata proverbio locum fecerint. Politianus in Nutricia, Pars quoque Sotadicos ceu prostituere cinædos.

Conuenit inter multos Socratem (qui tamen Apollinis oraculo mortalium sapientissimus est habitus) Athenis in ius fuisse uocatum, & ab Anyto accusatum, quòd puero- rum mores corrumperet: quod etiam Tertullianus confirmat.

Quum multa sint exempla crudelitatis in Nerone, libidinis quoque non pauciora turpissimam eius uitam infamât. quorum hæc præcipua. Rubriæ Vestali uirgini uim intulit. puerum Sporum exectis testibus in muliebre naturam trāsfigurare conatus est, quem & solenni nuptiarum officio ad se cum dote perductum pro uxore habuit. propterea emana-



rat iocus, benè agi potuisse cum rebus humanis, si Domitius pater talem habuisset uxorem. præterea matris concubitum appetiit, cum qua (dum in lectica unà ueheretur) libidinatus est. uiros, & fœminas ad stipites quandoque deligauit, ut eorum inguina & inuaderet, & delamberet. Do-  
 rphoro liberto (sicut ipsi Sporus fecerat) denupsit, uoces & eulapus uini patientium uirginū imitatus. Hæc Tranquillus. de hac eius portentosa libidine Corn. Tacitus abun-  
 describit.

Fuit Caluia Crispillina magistra libidinum. Neronis, digna discipulo magistra. idem Tacitus lib. 17.

Æschines criminosa & uirulenta oratione Timarchum de impudicitia accusauit apud Athenienses. Gellius cap. 3. lib. 18.

Cicero lib. 2. de Finib. ait, L. Torium Balbum ita uixisse, ut nulla tam exquisita posset inueniri uoluptas, qua non abundaret.

Omnes libidinum uoluptates experiri uoluit Assyriorum rex Sardanapalus, dum uiriles perosus tunicas, in mulierem se transformauit, relictaque regni cura, lasciuia se totum deuouit, ac perdendum commisit. Trogus lib. 1. & Cic. lib. 5. Tusc. quæst.

Quid iam mirum debet uideri, si cœcinna & elegans puellarum forma uiros torreat, & ad Venerem titillet, quum etiam reperiantur, qui inanimatarum rerum amore, & desiderio intabuerint? alunt enim Pigmalionem quendam fuisse, qui statuam formosam dilexerit, eamq; , ceu egregiam aliquam nympham, & frequentibus osculis suauitatus sit, & lecto dignatus. unde Quinctianus in Cleopoli, Concedat honori Pygmalion, licuit cui eburnea membra puellæ Compleri, & pulchro componere corpora lecto.

Adolescens quoq; Atheniensis speciosum Fortunæ simulacrum, ad tantam adamauit insaniam, ut ipsum & arctissimè complecteretur, & suauiretur blandissimè. quo desiderio quum in dies acrius intabesceret, impatiens amoris perrexit ad senatum, extensisq; precibus rogauit fieri sibi statuae potestatem, largum auri cumulum paratus erogare. qua in re quum repulsam passus esset, ad statuam ipsam cor-

pus confodit. Cælius cap. 32. lib. 7.

Est & aliud simile exemplum apud Pliniū de puero Atheniensi, qui Praxitelis simulacro congressus sit. cuius concubitus relictæ maculæ fuerunt indices. de hoc Quintilianus: Cedat Praxiteles, cuius muliebris imago procacem Impulit ad coitum iuuenem.

Antonius, cognomento Caracalla, Iuliam nouercam in matrimonium duxit. Ælius Spartianus.

Dionysius iunior, quum se in Locrensiū urbem contulisset; per summam lætitiā uirgines eius loci construprabat, quas pulso paulò post in exilium tyranno ciues peremere, impactis sub unguibus acubus, ossibusq; in mortario attritis. Cælius.

Ferunt Orpheum Thraca detestandæ in mares libidinis principem & repertorem fuisse, quum tamen aspernaretur fœminas. Ouid. lib. 10. Met. Cælius cap. 30. lib. 8.

Catullus Ruffi cuiusdam Bononiensis libidinem amarulenter lacerat, quod mulieris magæ os irrumaret.

Satyrus felle aspergit quendam Gellium patruī sui irumatorem, matrisque & sororis stupratorem.

Conuiciis quoque proscindit Gallum quendam, qui ut facilius posset fratrum suorum liberos & uxorem in suam libidinem allicere, ipse leno eos supra committere docuit. hæc autem Catulli uerba: Gallus homo est bellus, nam dulces iungit amores Cum puero, ut bello bella puella cubet. Gallus homo est bellus, nec se uidet esse maritum, Qui patruus patruī monstret adulterium.

Nihil propè, quod uirum perfectum deceat, Cæsari defuisset, si pudicitie famam seruasset tenacius. uerum seu malis artibus, siue natura hoc catœthes pestilensq; uirus ei usq; adeò inhæsit, ut Curio pater quadam eum oratione omnium mulierum uirum, & omnium uiroꝝ mulierem appellauerit. quod (ut cetera taceamus exempla) portentosa eius libidinem satis arguit Suetonius.

Sunt qui dicant Thamyræ primum flagitiosis puerorum amoribus, ac præposteris concubitus fœditate pollutum, quum cœpisset effluuium deperire Hymenæum, Calliopes, & Magnetis filium. alij tamen Thaloni Cretensi rei tam pro

brofæ initia contribuunt, qui Rhadamanthum adamarit .  
Cælius lib.8. cap.30.

Aristoteles prodit permissam fuisse in Creta masculam  
Venerem, lata quoque de hoc lege . traditum est, & Chal-  
cidenfes in Euboiâ, pueriles amplexari amores ad stuporem  
usque . Cælius ibidem .

Sophocles & Æschylus hac peste famam suam corrupe-  
runt, non tacentibus theatris .

Lufius Marii ex sorore nepos, quum Trebonio pudicæ  
sanctitatis militi uim & stuprum uellet inferre, ab eodem in  
terfectus est .

Diuinxit sibi Alexandrum Bagoas spado, nec alio obse-  
quio, quàm impudica sui corporis copia . propterea quum  
Orfines Persa nobilissimus Alexandrum eiusq; amicos mu-  
neribus cumularer, soli Bagoæ nihil honoris detulit . roga-  
tus causam, respondit, se amicos regis non scorta colere .  
Cælius cap.30. lib.8.

Salustius impingit Ciceroni, quòd filiam habuerit pelli-  
cem matris . sed inimici uerba fidem non capiunt .

Testatur est Græcorum monumentis Pindarum nouem  
Lyricorum principem in gremio dilecti pueri mortuum in  
gymnasio repertum . Val. Max. de mortib. non uulg.

Ferunt & Agatoclem Siciliæ tyrannum forma & uenusta-  
te corporis præeminentem diu uitam stupri patientia exegif-  
se, propterea Timæus dixit illum primæuo ætatis flore scor-  
cum promiscuum, impudentissimo cuique expositum . Iusti-  
nus lib.22.

Crathis pastor, quum in Venerem esset procliuior, ca-  
pram omnium formosissimam deperire cœpit, cui congre-  
diebatur frequenter, demumq; uti amicam gratè amplexa-  
batur cum multa suauiatione . quod contemplatus hircus,  
zelotypiæ cæstro concitatus, dormientem Crathim cornibus  
inuasit, & interfecit . hoc ex Græcis aduocant Cæl. & Vol.

Pausanias dux Lacedæmonius Argillum forma conspi-  
cium adolescentem mirè dilexit, sed amore Venereo . habe-  
bat enim puerum pro scorto . Cæl. cap.62. lib.16.

Proculus imperator centum Sarmatas uirgines bello ca-  
ptas intra dies quindecim ( ut ipse gloriabatur ) grauidas red



didit, magno libidinis argumento. Flavius Vopiscus, & Sabellicus in exemplis.

Collegit Heliogabalus, naturæ monstrum, lenones, meretrices, exoletos, & subactores propè innumeros, quibus adecit nasatos homines, id est, inutoniatos, quoniam his ad libidinem, & flagitium utebatur scelestissimè. quocirca Lampridius ad Constantinum imperatorem, de prodigiosa eius uenere scribens, ait: Quis ferre posset principem per cuncta caua corporis libidinem recipientem, quum ne belluam quidem talem quisquam ferat Romæ? Habuit insuper emissarios, quibus nihil aliud erat negocij, nisi benè nasatos perquirerent, eosq; ad aulam perducerent, ut illis se compollueret.

Ferunt Augustum inter duodecim catamitos, totidemq; puellas accubare solitum. idem, abiecta uxore Scribonia, amore alienæ coniugis possessus, Liuiam quasi marito concedente sibi coniunxit, quumq; esset luxuriæ mancipium, eius tamen uitæ seuerissimus fuit ultor. Testis Sex. Aurelius. M. Antonius dicebat eum adoptionem auunculi stupro meruisse. Fertur & Aulo Hircio in Hispania trecentis millibus nummum se subtrauisse. Idem solitus est suburere crura nuce ardenti, quò mollior pilus surgeret. Suetonius.

Celmis unus fuit ex Idæis Dactylis, qui matrem deorum Rheam uiolauit stupro. Sueton. apud Erasum.

Tiberius Cæsar, auctore Tranquillo, cellariam excogitauit sedem arcanarum libidinum: in quam accersiti puellarum & exoletorum greges, monstrosiq; concubitus reperiatores triplici serie connexi incestarent se coram ipso. in syluis quoque uenereos locos excogitauit, commentusq; est, quibus impetrabat prostantes. intulit & pueros primæ reuerentudinis (quos pisciculos uocabat) ut natanti sibi inter femina uersarentur, ac luderent, lingua morsumq; sensim appetentes: eosq; quasi infantes firmiores, nec dum tamen late depulso, inguini ceu papillæ admouebat. fertur & in sacrificando quondam facie ministri accerram præferētis ne quiuisset abstinere, quin pænè uixdum re diuina peracta ibidem statim seductum consupraret, fratremq; eius tibicem: quibus tamen postea crura infregit, quòd flagitium mutuo.

exprobrabant.

Exercuit imperator Domitianus assiduitatem nimix libidinis, quam Clinopalen, id est, lecti palæstram uocabat. inter uulgatissimas meretrices quandoq; nataffe dicitur. fratris filiam adhuc uirginem alteri collocatam uiro corruptit. Suetonius.

Nicomedes rex Bithynix stuprum Cæsari intulit, non sine maxima utriusque nota, theatricisq; conuiciis. extant enim C. Licinij uersus: Bithynia quidquid & prædicator Cæsar unquam habuit. Dolabella quoque Cæsarem ipsum pellicem reginx uocabat; Curio stabulum Nicomedis, & Bithynicam fornicem. & Bibulus proscripsit collegam suum Bithynicam reginam, cui dicebat regem antea fuisse cordi, nunc esse regnum. & C. Memmius obiecit ad cyathum & uinum Nicomedis steterisse, cum reliquis exoletis pleno conuiuio accubantibus. Gallico denique triumpho milites eius inter cetera carmina illud pronunciauerunt: Gallias Cæsar subegit, Nicomedes Cæsarem. Idem Sueton.

Amythone, Thelesippa, Megara, Atthys, Cidno, ancillæ fuerunt Sapphus, quibus Sappho ipsa ad libidinem utebatur. eas enim subagitabat, & mutuo ab eis patiebatur. unde in eius epistola ad Phaonem legitur: Vilis Amythone, uilis mihi candida Cidno, Non oculis grata est Atthys, ut antè meis.

Fuit Aristoteles in amore tam infelix, ut pellici sacra faceret. auctor est Mirandula super hymnos.

Hercules tanta in fœminas licentia fuisse fertur, ut quinquaginta uirgines una nocte dicatur stuprasse. Ioan. Franc. Mirandulanus.

Periander Corinthius (qui tamen inter septem sapientes Græciæ numeratus est) rem habuit cum Melissa uxore, uel ut aliis placet, meretrice mortua. Herodotus lib. 5.

Alchidas Rhodius formoso cuidam simulacro se commiscuit, reliquitq; indices tam immoderatæ libidinis maculas. auctor Plin.

Anthia, uxor Præti regis Argiuorum, Bellerophontem ad stuprum uoluit inducere.

Gemellus Tribunicus lupanar domi suæ instituit, in quo

## ANIMALIVM AMATORES.

Muciam, & Fulviam fœminas illustres, nobilemq; puerum Saturninum prostituit.

Fecit Catilina multa stupra cum uirgine nobili, & cum sacerdote Vestæ. postremò ut Aurelia Orestilla frueretur, filium eius ueneno sustulit: quòd is iam adultus terrori esset matri, ne secundum nuberet. Sallustius & Valerius.

## ANIMALIVM, ET ALIARVM RERVM amatores.

**S**emiramis adamavit equum, ut diximus, Pasiphæ dilexit taurum. Aristo Ephesius asinæ se commiscuit, Fulvius equæ.

Hortensius orator amavit murænam, quam atratus multos dies fleuit. Aristomachus Solensis tanto apum amore captus est, ut duo de sexaginta annis nihil aliud fecerit. Hiliſcus quoque Thasius apes coluit in desertis. Morum arborem ætate Plinij adamavit Passienus Crispus his consul, osculari complectiq; eam solitus, atq; etiam cubare sub ea, vinumque illi effundere. Multorum quoque litteris proditum est, amatam a Xerxe platanum. Iam diximus Crathidem patrem amore capræ exaruisse, puerum Atheniensem & Pygmalionem statuas adamasse, Alchidam Rhodium ad statuam se polluisse. Iunius Pisciculus simulacrum unius è Thespiadibus pari feruore complexus est. Antonia Drusi murænam adeò dilexit, ut ei inares & monilia addiderit. Cyparisso tantus fuit in Ceruam amor, ut ea mortua præ dolore quoque expirauerit. P. Pilatus, legatus Caij principis, imagines Atalantæ & Helenæ nudas a Cleophanto Corinthio pietas, earum libidine captus, rapere conatus est.

## AB ANIMALIBVS DIVERSIS AMATI.

**E**gesidemus apud Plinium testis est, Hermiam puerum adamatum a Delphino, uectumq; per maria, quumque tempestate suborta periisset Hermias, amasij perdiri dolore piscem in sicco expirasse. uaria sunt ibidem exempla de pueris ab huiusmodi piscibus amatis. Argis puer, Olenus nomine, adamacus est ab ansere, Glauce quædam citharistria ab ariete. Lacydi philosopho anser adhæsit perpe-



tuus comes, nusquam ab eo non in publico, non in balneis, non noctu, non interdium digressus. Plinius cap. 22. lib. 10. Apud Ciliciæ Solos Xenophontis puerum forma præcellentem dilexit canis. Cælius lib. 7. Spartæ quoque adolescentem graculus. Nicander apud Cælium testis est, gallo galinaceo esse amoris intellectum in hominem. quod ne cui uideatur fabulosum, ait, Secundū ( qui pincerna regius fuit in Bithynia ) a gallo amatum eximiæ, cui nomen foret Centaurus. Pueri nomen fuit Amphilocus, genere Olenius. In Leucadia uirginem in tantum adamauit Pauo, ut ea mortua commoreretur. Educata a uirgine lapud Seston urbem Aquila retulit gratiam, aues primo, mox deinde uenatus aggerens. quin dum mortuæ uirgines cremarentur ossa, in defunctæ rogi se coniecit uolucris, simulq; conflagrauit. Plinius lib. 10. cap. 5. Vrsus filiam cuiusdam patris familias in agro Suetico cum ancillulis lusum egressam, deturbatis comitibus rapuit, exceptamq; ungibus præ se leniter ferens, ad notam nemoris latebram deportauit. cuius egregios artus nouo genere cupiditatis aggressus, petita lania, tu prædani in usum nefariæ libidinis uerit. effectus enim ex raptore amator, famem concubitu soluit, ardoremq; gulæ Veneris satietate pensauit. Saxo Grammaticus lib. 10. historiæ Danicæ.

## Z E L O T Y P I .

CYrce, filia Solis, uenefica, ægreferens Scyllam nympham amatam a Glauco deo marino, fontem ( quò illa se lauare consueuerat ) infecit uenenis. quo factū est, ut Scylla in monstrum marinum sit conuersa.

Phanus quum uxorem haberet adulterij suspectam, atriij fores sic occlusit, ut non nisi cum stridore sonituq; possent aperiri. uerū quum illa per regulas adulterum intromitteret, uicini per iocum dicebant, Phani hostium. quo prouerbio innuebant aliquid seruatum frustra.

Procris suspicata maritum Cephalum alterius foeminae amore captum, eundem in syluas secuta est, delituitq; in dumis, ut obseruaret clanculum quid maritus faceret. quum autem uepres ( in quibus latebat ) aliquantum mouisset, Cephalus arbitratus esse feram, eam iaculo confodit. Plutar-

chus in Parall. Idem memorat de uxore Cyanippi, & uxore Æmilij adolescentis.

Dirce ubi sensit inaritum suum Lycum, amore Antiopæ captum, puellam raptam tauri ceruicibus alligauit. quo tormento cruciata Antiopæ, tantisper uociferata est, dum a uicinis sit concursum. Eras. in adag.

Memmius Romanus, quum ageret Tarracinæ, deperibat in quendam mulierculam non sine Largio quodam riuali. cū hoc igitur quum aliquando rixa incidisset, eò iracundiæ prouectus est Memmius, ut ipsi Largio brachium mordicus arripuerit. unde fluxit adagium in uulgus, Lacerat lacertum Largij mordax Memmius. Erasimus in Chiliad.

Helena post mortem Menelai a Megapentho, & Nicostroto filijs Orestis fugata in Rhodum, ad Polyzo uxorem Tli-polemi peruenit, quæ iussit eam arbori suspendi ob uiri zelyotypiam.

C A S T I S S I M I .

**P**enelope. Icarī filia, nullis procorum blandimentis, nullis pollicitationibus adduci potuit, ut absente per uiginti annos marito Vlyssæ, castitatem corrumpere, unde Propert. libro 3. Hæc etiam clausas expugnant arma pudicas, Quæque terunt fastus Icariorum tuos. Idem, Nec fida Euadne, nec pia Penelope. Idem lib. 2. Penelope poterat bis denos salua per annos Viuere, tam multis foemina digna procis. Ouid. lib. 3. Eleg. Penelope mansit (quamuis custode careret) Inter tam multos intemerata procos.

Daphne, Penei filia, fuit seruandæ castitatis adeò studiosa, ut procos omnes retercerit, ipsumq; Apollinem, quamuis perpetua iuuenta, intonsisq; crinibus speciosum. Ouid. l. 1. Metam. Multi illam petiere, illa auersata petentes Impatiens, expersq; uiri nemora aua lustrat. Nec quid Hymen, quid amor quid sint conuubia, curat.

Biblia uxor Duillij Romani (qui primus nauali certamine triumphauit) tantæ fuit pudicitiae, ut suo sæculo castitatis norma & speculum uideretur.

Plato de Republica testis est Asbylum athletam Crotonia tam perpetua uirginitate præditū fuisse ob studium cursus. Martialis lib. 8. Cæsti pueri castitatem & formam commen-

dat his uerbis: Quanta tuâ est probitas, quanta est præstantia formæ, Cæste, puer, puero castior Hippolyto. Te secum Diana uelit, doceatq; natare, Te Cybele secum uellet habere Phryga.

Lucretia ob acceptû a Tarquinio stuprum, temeratamq; pudicitiam, facinus sua morte uindicauit.

Alexandrum Macedonem sunt qui libidinis arguant. contra tamen reperiuntur exempla, quæ hoc ipsum refellant, & in eo doceant castitatem. nam & uicti Darij uxorem filiasq; captiuas non solum non corrupit, at etiam edicto cavit, ne quis aliquid in eas moliretur. præter uxorem & Bersanem è Damasco uiduam, ac regiam mulierem, nullam aliam complexus est. puerorum insuper abstinentissimus, quorum uiginti millia ad militarem disciplinam iubebat erudiri, quum tamen ætatis illius homines mascula & præpostera libidine passim obrutescerent. Curtius lib.3. & Gellius lib.6.c.8.

Democles puer, dubium maiore pudicitia, an forma corporis elegantiore, quum uideret se ad stuprum sollicitari a Demetrio Poliorcete, nec aliter uim tyranni importunam posset effugere, in proximum feruentis aquæ leberem se cõiecit: ibiq; ad mortem durare maluit, quàm quid inhonestum perpeti. Plutarchus.

Amœbeas citharædus tanta fuit castitate, ut uxorem (quam habebat formosam) nunquam attrigerit. Ælianus apud Volater.

Apollonius Tyanæus philosophus a puero titillationes Venereas adeò repressit, & contudit, ut præsignis in eo nosceretur castitas, a qua nunquam postea reclinauit. Cels. lib. 8. cap.6.

Fuit in athleta Clitomacho tanta castitas, ut si fortè canes uidisset coeuntes, statim uultum auerteret.

Chrysanthus Alexandrinus, eiusq; uxor, Daria nomine, uirgines manserunt in coniugio.

Ictus Tarentinus athleta nobilis, quum certò sciret corporis uires eneruari libidine, toto uitæ tempore durauit expers ueneris, ut palæstricis ludis esset accõmodatior. Volat.

Hippolytus Thesei filius, quam a Phædra nouerca adamaretur supra fidem, nullis tamen precibus adduci potuit, ut



ei congrederetur. Seneca, Exosus omne fœminæ nomen fuit Immitis annos cœlibi uitæ dicat.

Origines Adamantius uirilia sibi amputauit, ne molestâ sibi Venerem experiretur. imitatus Hierophantas Atheniensem sacerdotes, qui sorbitione cicutæ se castrabant, quo mundius in sacerdotio uiuerent.

Publius adolescens, L. Papirii cliens & libertus, quum domini stuprum pati noller, in uincula & carcerem coniectus, & multis postremò plagis affectus est. maluit tamen egregius adolescens omnia tormenta corporis experiri, quâ præpostera illa Venere contaminari.

Pausanias Macedo per uim stuprum passus ab Attalo, pro uocauit ad Philippum, iniuriâq; non sine magna querimonia ad eum detulit: quem quum ridentem facinus, eoq; risu probantem conspiceret, iram in eum conuertit, exegitq; ultionem ab iniquo iudice, quam a stupratore non poterat. Trogus lib.9.

Sophronia Romana mulier, quum uim & stuprum Decii principis non posset effugere, gladium mariti consensu arripuit, eoq; corpus sibi confodit, Eusebio teste.

Spurina adolescens, quum egregia sua forma, decoroq; aspectu uiros & mulieres ad libidinem concitaret, faciem & pulchritudinem oris sponte uulneribus deformauit. Valer. Max. de uerecundia.

Veturius carcerem, plagas, diuersaq; tormenta maluit pati, quàm Cœlio Plocio stuprandum se committere. Valerius de Pudicitia.

Zenobia regina Palymireorum tanta fuit castitate, ut ne cum uiro suo quidem, nisi prolis causâ congrederetur. Trebellius Pollio.

Amos Ægyptius mulieri (quam in matrimonium duxerat) nunquam congressus est, quineriam eidem amorem uirginitatis in animum induxit.

Ammianus Alexâdrinus episcopus, beati Marci Euangelistæ discipulus, oculum sibi perforauit, quod intuitu parum pudico transeuntes fœminas aspexisset. Sabellicus in exemplis.

Alphonfus secundus, Alphonfi Catholici nepos, & Hispa

nix rex, nunquam uxori congressus est. unde & casti meruit cognomentum. Volat. in Geographia.

Etelfrida Angliæ regina post primum partum abstinuit a uiro.

Bellerophon, Glauci Corinthiorum regis filius, quum a Stenobea uxore Præti Argiuorum regis efflictim adamaretur, nullis tamen precibus induci potuit, ut cum ea stuprum committeret. Tortellius.

Baldraca puella generis obscuri, peregrinæq; cōdicionis, quamuis multarum rerum ob paupertatem esset indiga, noluit tamen corporis sui copiam facere Othoni imperatori, quamuis montes & maria, quod aiunt, promittenti. Volat. in Geographia.

Xenocrates philosophus, quum magnam castitatis opinionem sibi comparasset, accessit ad eum Phryne meretrix; petiitq; partem lecti, quam concessit. nec tamen ullo noctis tempore attigit puellam, quamuis formosissimam. hinc illa manè rediens, dixit se non a uiro, sed a statua uenire. quod argumentum est magnæ castitatis: nam proximè uoluptates magis titillant, & multos (quorum mores in tuto positi uidentur) seducunt, & euerberant. Laertius, & Val. de Continentia

Dula maluit a milite quodam interfici, quam ab eodem uiolari.

Ephrosyna, uirgo Alexandrina, uirum mentita, domum patris Pannuti reliquit, ne ad nuptias cogeretur.

Bdeltrudis regina, duobus in Anglia regibus nupta, castitatem semper illibatam seruauit, utroque ad pudicitiam inducto.

Eduardus, tertius Anglorum rex, uxorem (quam duxerat) nunquam attigit, matrem Euinam (quam adulterii suspectam habebat) in cœnobium relegauit.

Petrus Vrscolus, dux Venetorum, post susceptum filium uxorem nunquam attigit. quod utriusque uoto factum est. Volat.

Vandegisillo Comiti Palatino (qui sub Dagoberto rege floruit) quum per uim data esset uxor, eam ad amorem castitatis induxit. quo factum est, ut uterque in cœnobio se

incluserit.

Fara uirgo fuit Gallica; clarissimis orta natalibus Heraclio imperante: quam dum parentes Hagericus & Leodegunda per uim cogere uellent ad matrimonium, in tantas prorupit lacrymas, ut inde cæcitatem contraxerit.

Vuenceslaus filius Bursinor regis Boemorum perpetuam seruauit castitatem.

Cazimirus quoq; rex Poloniæ perpetuo cælebs & castus mansit.

Henricus primus imperator, perpetuam in matrimonium seruauit castitatem cum uxore Sinegunda. Bap. Egnatius.

Iulianus martyr, & Basilissa uxor impolluti quoque manserunt in coniugio.

Isacius Conuenus inip. tanta fuit continentia, ut uxorem nunquam inire uoluerit post prolem semel ex ea susceptam: quamuis tamen ad morbi remedium medici consulerent, ut coitu frequentiore uteretur.

Ludouicus episcopus Tolosanus, Caroli secundi Siciliæ regis filius; ea fuit castitate, ut nulli prorsus scemina, præter quam matri, & sororibus, & uerba faceret: ne uel colloquio sanctitatem corrumpere.

Triptolemo, Cereris filio, quum pleræque uirgines amplissimam offerrent dotem; ut cum eo nuptias contraheret, aspernabatur omnes & reiciebat. Ouid. in Ibin, Filius ut Cereris frustra tibi semper ametur, Destituatq; tuas usque peritus opes.

Pudicissima scemina semel matronarum sententia iudicata est Sulpicia Paterculi filia. Plinius lib. 7. Valer. ult. cap. 8. lib.

Melanio quidam odio mulierum in solitudinem demigravit, perque auia montium & nemorum cane uno feras insectari solitus est, nec unquam domum reuocari potuit, unde natum adagium, Melanione castior.

Rhodogune, uel Rhodope, Darij filia, mortuo marito, nutricem dedit morti secundas nuptias suadentem.

Cor. Tacitus scribit Pontiam quandam Romanam sceminam nullis uerborum lenociniis, aut pollicitationibus ad adulterium cum Octauio tribuno plebis committendum im-



pellì potuiffè , quin ab eodem interfici maluiffè .

P. Scipio Africanus, expugnata Carthagine Hispaniæ ciuitate , uirginem tempeftiuam forma egregia , & nobilis uiri filiam productam ad fe , patri inuolatam reddidit . Gellius lib.6. cap.8.

Quandiu C. Gracchus Sardiniam prouinciam adminiftrauit , nulla meretrix introiuit eius domum , nulli pueri eximia facie ei ad cyathum fteterunt . Idem Gellius .

Chiæ mulieres tanta fuerunt caftitate , ut neq; adulteriffi neq; illegitimus concubitus apud eas unquam prodatur accidiffè . Plutar. de Virtutibus mulierum .

Trebonius pudicæ fanctitatis miles Lufum Marii ex fopore nepotem , caftitati fuæ ftuprum & infidias molientem , dedit morti . Plutar. in Apophr.

Fertur Euripides perpetuo mulierum odio conflaiffe , fiue quia natura effet talis , abhorreretq; a mulierum cœtu , fiue quòd duas habuerat uxores fimul , pro Athenienfium de creto : quarum matrimonii quum pertæduiffet , toti fexui bellum indixit . Cælius lib.13.cap.10.

Julianus imperator tanta enituit caftitate , ut poft amiffam coniugem nihil unquam Venereum attigerit . Ammianus Marcellinus lib.25.

Syritha, Synaldi regis Danorum filia , tantæ fuit pudicitia , ut quum ob elegantiam formæ magna procerum frequentia peteretur , neminem tamen infpexerit . Saxo lib.7.

Dryas, Fiumi filia , afpectum uirorum ufque adeò refugit , ut in publicum prodire nunquam uifa fit . quo factum eft , ut ueritum fit , ne eius facris intereffent mares . Plutarchus .

Olim tanta fuit Patauinarum mulierum caftitas , ut non nifi operta facie prodierent in publicum . Cæl. lib.7.cap.27. unde Martialis , Tu quoque nequitias noftri lufusq; libelli Vda puella leges , fis Patauina licet .

Diogenes tragædus ab uxore perpetuò abftinuit .

Pontius Aufidius , ubi refciuit filiam a Fannio Saturnino pædagogo fuo corruptam , utrunque puniuit morte . Val. Maximus .

Pub. Meuius libertum ( quem unicè diligebat ) propter illatum filia iam nubili ofculum interfecit . Idè de pudicitia .

motam sibi cognouisset, Faceſſe, inquit, mulier; nondum penitus extinctus est ignis. Idem.

Hilario Abbas ingentiam corpori concupiscentiam alloquens, dicere solebat: Conficiam te inedia, ut de cibo cogites, non de uoluptate.

Euagrius quoque Abbas ad reprimendam Veneris tentiginem, uaria tormentâ in membris suis irrogauit. nam & corpus inedia confecit, & hyernas plerunq; noctes in puteis egit, ut Bernardus Abbas in lacu, Aniumarus Tamanensis in uepribus, Franciscus Aſiſias in hybernis niuibus. Sabell.

Iudith mulier uidua, quum ad recens connubium impelleretur, cilicium ornâtum prætulit, obiecitq; libidini ieiunium, uigilias somno, & otio laborem, inquit Sabelliticus.

Anna Phanuelis filia post septimum connubii annum uidua facta, ad quartum usque & octogesimum castè uixit. Idem Sabelliticus in exemplis.

Esseni, populi Syriæ, uitam olim duxerunt alienam ab omni mulierum commercio, Venere abdicata. Plinius lib. 5. cap. 17.

Timoclia, mulier Thebana, stuprum a quodam Barbaro Thracum principe per uim passa, iniuriam hoc modo ulta est: odio enim dissimulato, dixit stupratori se scire locum, ubi plurimum esset auri, perductusq; est ab ea ad profundissimum puteum, qui fuit in remotiore domus parte. quò quum Thrax exploratundus uenisset, & iam iam pronus immineret puteo, a Timoclia (quæ a tergo stabat) deiectus est in præceps, & satis obrutus. Sabelliticus.

Damon Peripolita, insigni forma adolescens, uidēs Romanum quendam præfectum Cheronæ, stuprum sibi per uim machinari, quia prius blandiendo nihil profecisset, ad pudicitie munimen aliquot socios conuocauit, qui omnes fulgine tincti, ne agnoscerentur, præfectum in foro sacrificantem obtruncarunt.

Cyane uirgo Syracusanâ, uiolatam ab ebrio patre pudicitiam ægre ferens, apprehensum capillis stupratorem ad arā traxit, eumq; pro uictima cecidit, ad pacandam pestem, qua propter facinus Syracusæ laborabant. Plutarchus in Parall.

Medullina quoque uirgo Romana ab ebrio patre in tene

bris uiolata, ut stupri auctorem agnosceret, digito eius anulum detraxit. ubi ex pignore patrem esse comperit, eundem ad aram gladio confodit. Idem auctor.

Abſalon Amon fratrem occidit, quòd immodestè Thamar sororem communem deperibat, eiq; uim intulerat.

Constantinus imp. Crispum filium capite puniuit, quòd nouercam Faustam stupri compellasset.

Hieron Syracusanus Epicharmum poetam multauit, quòd præsente ipsius coniuge lasciuos recitasset uersus.

Marcia, Varronis filia, quum suo sæculo sculpendi, pingendiq; arte insignis haberetur, abstinuit semper ab effingenda uirili figura, ne pudibunda quoque exprimeret.

Eugenia uirgo, Philippi proconsulis Alexandrini filia, quum ab imperatore Commodo stuprum sibi timeret, monachi habitum mentita est, & nomen.

(Ioannes Malatesta uxorem, nomine Fræscam, in complexu Pauli Malatestæ fratris sui deprehensam, gladio transfixit unâ cum adultero.

Ludouicus quoq; Nortmanniæ seneschalcus Carlottam uxorem cum Ioanne Lauerno, eius adultero, morti dedit.

Franciscus Gonzaga Agneti adulteræ caput adimi iussit.

Rodolphus quoq; Gonzaga, quum uxorem adulterij compertam haberet, eam unâ cū adultero in cōcubitu deprehensam occidit.) hæc quattuor exēpla non rectè hic posita sunt.

Pastor presbyter & Anacoretha, matrem ad se ueniētem cella clausa repulit, causâ seruandæ castitatis.

Hugo Carthusiensis per annos xv. mulieris faciem nunquam uidere uoluit.

## M V L I E R E S D O C T Æ.

**C**Orinnæ tres fuerunt. Prima Thebana, seu Tanagræa, Archelodori & Procratiæ filia, & Myrtydis discipula, quæ Lyricorum principem Pindarum quinques uicisse, & epigrammatum quinque libros edidisse fertur. de hac Proper. lib. 2. Et sua cum antiquæ committit scripta Corinnæ. Statius lib. 5. Syl. Secunda fuit Thespia, ueterum quoque monumentis celebrata plurimum. Tertia floruit Ouidij temporibus, poetæ carissima.

Erinna poetria Teia, aut Telia (est enim Telos insula



prope Gnydon ) floruit Dionis Syracusani temporibus. scripsit Dorica lingua elegans poema, trecentis uersibus absolutum, aliaq; item epigrammata. ferunt eius carmina ad Homerica accessisse maiestatem. mortua est annos xix. nata. Propertius lib. 2. Carminaq; Erinnes non putat æqua suis.

Sappho Lesbica Lyrica, floruit temporibus Alcæi & Stesichori poetarum. maritum habuit Cercylam, ditissimum uirum ex Andro, ex quo filiam suscepit Clio nomine. scripsit Lyricorum libros ix. præterea epigrammata, elegias, iambos, & monodias. carmini Sapphico (cuius inuentrix fuit) cedit nomen. Sunt qui dicant aliam fuisse Lesbiam, poetriam quoque, quæ adolescens Phaonem adamauerit, & è Leucade in aquas se demiserit utracunque fuerit, unam tantum commendat Latini poetæ. Statius lib. 5. Syl. Stesichorusque ferox, saltusque ingressa uiriles, Non formidata, temeraria Leucade Sappho.

Polla Argentaria, Lucani fuit uxor, testimonio Martialis: Hæc est illa dies, quæ magni conscia partus Lucanum populis, & tibi Polla dedit. Tanta dicitur fuisse doctrina, ut maritum iuuerit in emendandis tribus primis libris Pharsiliæ. Statius lib. 2. Syl. Huc castæ utulum, decusq; Pollæ, Iucunda dabis allocutione. Eadem inceptos permultos uersus perficiebat pari grauitate & elegancia.

Aspasia, mulier Milesia, magna doctrinæ fama claruit: in studiis philosophicis abundè promouit: rhetoricen exercuit. fuit Periclis magistra, & tandem uxor. Plutarchus in Pericle.

Cleobulina, Cleobuli Lindij (qui fuit unus ex septem sapientibus Græciæ) filia, scripsit ænigmata quædam uersibus hexametris, quorum unum adhuc extare fertur. Est unus genitor, nati bona pignora bis sex, Triginta cuius nate sed dispare forma, Hæ niuæ aspectu, nigræque coloribus illæ, Atque immortales omnes moriuntur ad unam. Laertius.

Cornificia, soror Cornificij poetæ, elegantissima scripsit epigrammata.

Cornelia, uxor Africani, & mater Gracchorum, epistolas reliquit ornatissimè scriptas, unde & filiorum fluxit eloquæ

ria. unde Quintil. Nam Gracchorum eloquentiæ, inquit, multum contulisse accepimus Corneliam matrem, cuius doctissimus sermo in posteros quoq; est epistolis traditus.

Idem de filiabus Lælij, & Q. Hortensij sic inquit: Lælij filia reddidisse in loquendo paternam eloquentiam elegantiore dicitur. & Q. Hortensij filia oratio apud Triumuiros habita legitur, non tantum in sexus honorem.

Liciniarum quoque in dicendo lepos a patre L. Crasso emanauit.

Muciae duæ filiae ab utroq; parente eloquentiam didicere.

Anastasia, discipula Chrysogoni martyris fuit, & uxor Publij Romani, cuius torum simulato morbo euitauit. scripsit epistolas ad Chrysogonum, quibus conquerebatur facultates suas a sacrilego uiro absumi, seq; in carcere detineri. hæc ad palum cremata est, quod sanctis ministraret. Volat.

Damophila Græca, uxor Pamphili, socia Sapphus poetrix, poemata scripsit amatoria, & Dianæ laudes. Theophrastus in uita Apollonii.

Hypathia, mulier Alexandrina, Theonis Geometrae filia, & uxor Isidori philosophi, uixit imperante Arcadio. scripsit in astronomiam, professa Alexandriae uaria disciplinarum genera magno & frequenti auditorio, conuolantibusq; turmatim, & undecumque discipulis: Suidas apud Volat.

Leontium, Græca adolescentula, philosophicas disciplinas adeo sectata est, ut etiam non dubitauerit cum magna sui nominis laude in Theophrastum philosophum, alioqui laudatissimum, scribere.

Praxilla Sycionia fuit poetria, quæ in suis carminibus Adonidem inducit ab inferis interrogatum, quid sapud superos pulcherrimum reliquerit, respondere Solem, Cucumeres, Mala. quod quum uehementer insulsum uideretur, cucumeres, & mala cum Sole componere, fluxit inde prouerbium, Stultior Praxillæ Adonide. in homines nullius iudicij. uide Erasmus.

Pthemone prima Apollinis Delphici uates fuisse, carmèq; heroicum inuenisse dicitur. Suidas apud Volat.

Sosipatra, uates fuit Lyda, multis disciplinis cumulatis.

fima, quam propterea creditum est a numinibus quibusdam fuisse educatam. Eugapius apud Volat.

Theano, mulier fuit apud Locros, in Lyricis præcellēs. alia fuit Metapótina, seu Cressa genere, mulier Pythagoræa, uxor Brotini Crotoniatæ: quæ scripsit commentarios in philosophia, de uirtute, poemata quoque & apophthegmata Pythagoræa. Laertius.

Zenobia, regina Palmyreorum, Græci Ægyptiiq; sermo nis fuit pericissima, & Latini non ignara. scripsit epitomen in Orientalem Alexandrinamq; historiam, Herennianum, & Timolaum filios litteris erudit, elegantissimas orationes ad milites suos plerunque habuit, quas Galeata recitabat. Pollio Trebellius.

Alpaides uirgo, quum religionem magno cultu amplecteretur, cælitus meruit, scripturæ sacræ bibliorumq; sensum percipere.

Delbora mulier de tribu Ephraim uaticinio clauit.

Ioanna Anglica ab ephēbis uirum mentita, Athenas se cōtulit, ubi litteris studiosè adeò operam impertiuit, ut Romam rediens, paucos haberet doctrina pares in sacris litteris. unde tantum apud omnes beneuolentiæ & auctoritatis sibi demeruit, ut artibus illis pontificatum sit adepta post Leonem quartum, quum uir esse crederetur. Sabell. libro 1. 9. Æn.

Luceia Mima, auctore Plinio, centum annis in scena pronunciauit.

Lastheniam Mantineam, & Axiotheam Philiasiam Platone usas præceptore scribit Plutarchus, ornatuq; interim uirili auditorium ingressas. Laertius.

Michale, Centaura mulier, docuit Theffalas remedium amoris. Seneca.

Diotima & Aspasia mulieres adeò in philosophicis promouerunt disciplinis, ut alteram Diotimam appellare magistram, alterius lectionibus interesse non erubuerit Socrates, philosophorū omnium longè optimus. Plato in Symp. & in Menexemo.

Lactantius ait, philosophos nullas unquam mulieres philosophari docuisse, præter unam ex omni memoria Themis-



item . sed quænam hæc & cuias fuerit , non docet .

Arete mulier eò doctrinæ conscendit , ut filium etiam institueret , qui appellatus est Aristippus . fuit Cyrenaica , & Aristippi patris Socratici dogma secuta est . mortuo patre scholam rexit in philosophia magno & frequenti auditorio .

Dama, Pythagoræ filia, & ipsa philosophiæ sectatrix ingenium & doctrinam in exponendis paternis sententiarum inuolucris exercuit .

Thargeliam quoq; sceminam sola illustravit philosophia . Plutar. in Pericle .

Ferunt & Muscam poetriam fuisse Lyricam , quæ & epigrammata scripserit , & lyricos nomos . Cæl. cap. i. lib. 8 .

Fuit & multorum carminum auctor Charixena , cuius meminit Aristophanes comicus .

Celebratur item Mæro , condito in Neptunum hymno .

Fuit Agallis Corcyræa illustris in arte grammatica , cui inuentum pilæ nonnulli ascribunt . Cæl. ibidem .

Telestham in poetica illustrem celebrat Pausanias , cui etiam apud Argos ante Veneris templum statua sit erecta . hanc Fulgosus Thelesellidem vocat . Plut. in lib. de uirtutibus mulierum .

Philosophicis quoque disciplinis ualde excelluit Hipparchia mulier Græca . Laertius de Hipparchia .

Cassandra, Priami filia , uaticinio & doctrina illustris habita est , & apud hostes in Lacedæmone tēplo fuit insignita .

Statius Papinius uxorem habuit nomine Claudiam , magno ingenio , doctrinaq; non uulgari præditam .

Eudoxia, Theodori iunioris uxor , præter egregiam formam , singularemq; pudicitiam etiam litteris excelluit , adeò ut librum quendam emiseric . Egnatius .

Utrina Scytharum regina , Arpichis uxor , Sylen filium Græcam linguam literasq; edocuit . Herodotus in Melp .

Politianus magnis laudibus cōmendat Cassandram Fidelem, Venetam puellam , quam ait pro lana librum , pro fuso calamum , stylum pro acu tractasse , Latinasq; epistolas scripsisse . sic enim de ea in principio cuiusdam epistolæ meminit : O decus Italiæ uirgo , quas dicere grates , Quas ue reserere parem , quòd etiam honore me tuarum litterarum non

dedignaris , &c.

Themistoclea, soror fuit Pythagoræ, cuius placitis & opinionibus plerisque in locis usus est Pythagoras .

Proba Valeria, Romana puella, græcis latinisque litteris eruditissima, truncatos Virgilii uersus, ad fidem & mysteria catholicæ religionis conuertit, fecitq; de CHRISTI gestis , & eius morte opus nobilissimum , quod Centones appellauit .

Amalthææ Sibyllæ Cumanæ libris non secus ac diuinis oraculis in imperii administratione populus Romanus semper usus est .

Elizabetha, Abbatissa Germanica , multas orationes ad sui conuentus sorores conscripsit, opusque de uiuis, quibus ad Deum itur .

Baptista, prima Galeatii Malatestæ Pisauriensis principis filia , & Guidoni Montefeltrensi Urbinatium Comiti matrimonio copulata , cum doctissimis uiris plerunq; magna sui laude disputauit ; libros quoque de humana fragilitate, & de uera religione conscripsit .

Isota Nouarrolla, Veronensis , philosophiam uerbo & opere professâ est . scripsit quandoque ad Nicolaum quintum , & Pium secundum pontifices . scripsit quoque dialogum , quo disputatur, uter grauius peccauerit Adam ne , an Eua . quibus litterarum laudibus adiecit perpetuum uirginitatis uotum .

Minerua Iouis primi filia non aliam ob causam relata est in numerum deorum , quàm propter bonarum artium ( quarum fuit inuentrix ) peritiam , unde & ueteres illæ Athenæ sui hominis immortalitatem mutuata sunt .

Manto , Tyresæ uatis filia (quæ Mantuæ nomen indidit) doctrina quoque & uaticiniis clauit , adeò ut ex pecudum fibris , extorumq; intuitu futura præsentisceret, ac præsagiret .

Nicostrata , seu Carmentis , Græcas litteras impense doctâ plerasq; ex latinis primùm reperit . quo coniectarè licet mulierem uersatili ingenio , uariâq; doctrina fuisse præditam .

Catharina uirgo, Costi Alexandriæ regis filia , sacris lit-

teris partim studio, partim diuini spiritus afflatu adeò fuit imbuta, ut accersitos a patre undecunque doctissimos viros & philosophos ad persuadendam idololatriam, refellendamq; unius Dei religionem, uiuacissimis terruerit argumentis, suæq; opinioni attraxerit; pedum non succubuerit eorum rationibus.

Fabiola, Romana mulier, quum magno studio sacras litteras amplecteretur, prophetias, euangelia, & psalmos frequentissimè reuoluebat, ut iterata plerumq; lectio amorem diuinæ religionis (qua deflagrabat) augeret uehementius. unde & beatus Hieronymus librum de ueste sacerdotali eidè nuncupauit.

Marcella Romana propter sacras litteras (quas egregie callebat) frequentibus epistolis a beato Hieronymo salutata est. ad eam enim scripsit, de mundi contemptu, de decè nominibus, quibus apud Hebræos dicitur Deus, de fide nostra & hereticorum doctrina, de blasphemia in spiritum sanctum, de studio Theophili episcopi Alexandrini, & alia id genus permulta.

Eustochium, Paulæ mulieris Romanæ filia, Latinarum, Hebraicarum & Græcarum litterarum studiis plurimum excelluit. unde & suo tempore nouum orbis prodigium uocata est. ingenium sacris litteris deuquit maximè, atque adeò, ut psalmos Hebraicè legeret cursim & mira celeritate. qua in re amorem beati Hieronymi multum sibi deuexit.

Genebria mulier natione Veronensis tempore Pij secundi pontificis Romani, sua egregia eruditione meruit nomen immortale. epistolas scripsit luculentas & maxima refertas doctrina. recitabat decòro gestu, uoce uirili, permista suauitate.

Constancia, Alexandri Sfortiæ uxor, numeratur inter claras mulieres, & excellentes doctrina. ab infantia bonis disciplinis operam dedit, adeò ut imparata quoque disertissimè loqueretur. habebat assiduè præ manibus opera Hieronymi, Ambrosii, Gregorii, Ciceronis & Lactantii. ualebat etiam scribendis ex tempore carminibus, non sine magna multorum admiratione. quod sine præceptore ferebatur didicisse. Nec defuit tam illustri fœminæ germen simile. habuit enim filiam, Baptistam nomine, tanta doctrina, ut do-



etissimos quosq; sua terreret eloquentia . Politianus in Nutricia plerasque mulieres doctas & eruditas carminib. enumerat .

## M V S Æ N O V E M .

**M**Vs poetæ fingunt esse Iouis & Meseumoriæ , Mnemosynes filias , quòd doctum oporteat sæcunda esse memoria . dicunt insuper has Musicæ præesse , & carminum inuentrices uocant , quòd Musa cantum significet , & poetis proximè ad Musam accedat , quum præsertim & numeris constet , & prosodia . Fingunt earum sedem esse in Helycone , Bœotiæ monte , prope Phocidem , a quo , ut a confinibus locis , diuersa meruerunt nomina . Vocantur siquidem Helyconides , & Heliconiades ab Helycone : Parnasides , a Parnaso Phocidis monte , ubi etiam finguntur habitare : Aonides , & Aoniæ , ab Aonia , quæ est propinqua Phocidi : Citheriades , a Cytherone Bœotiæ monte ; Pierides , a Pieria regione Macedoniæ , ubi etiam Musarum domus esse dicitur : Thespiades , a Thespia oppido , Helyconi propinquo : Pegasides , a Pegaso equo Bellerophontis , qui pedum ungulis fontem è terra dicitur elicuisse , sacrum Musis , nomine Hippocrenem , a quo & Hipocrenides dicuntur : Libethrides a Libethro Macedoniæ monte sibi sacro : Pympleides , seu Pymplææ , uel a Pymplæo Macedoniæ fonte , uel monte Orchomenorum : Castalides quoque pari ratione dicuntur a poetis , a Castalio fonte Parnasi , quæ etiam sacrum musis fabulantur . Superest , ut hæc omnia testimoniis confirmemus . Virgilius in Bucolicis , Nymphæ noster amor Libethrides . Columella lib. 11 . Nunc uos Pegasidum comites Acheloidas oro . Ouidius in epistola Sapphus , At mihi Pegasides blandissima carmina dicant . Idem ibidem , Nec mihi Pierides subeunt , Dryades ue puellæ , Nec me Thespiadum cetera turba iuuat . Lucræti lib. 3 . Adde Helyconiadum comites , quorum unus Homerus . Ouidius lib. 4 . Fastorum , Pandite mandati memores Helyconis alumna . Statius lib. 1 . Syl. Nunc opus Aonidum comites tripodumq; ministri . Idem lib. 2 . Syl. Et superet Pymplæa sitim . Sidonius , Hippocreni satas iungebat Pegasus alas . Dicuntur etiam Aganippides , & Aganippeæ , ab Aganippe Bœo-

tiæ fonte. Marullus, Nec melior uita scientia est, Exem-  
ploq; Aganippidum. Item Ilissiades, a fluuio Athenarum:  
Ligyæ, ob canorum genus: Corycides, a colle uel antro  
apud Delphos: Mnemosynides, a memoria. Calliope dici-  
tur bona uox: Clio, gloria, uel celebritas: Erato, amor,  
uel cantus amoris: Thalia, cantus lasciuiæ: Melpomene,  
cantus: Terpsichore, exultans choreis: Euterpe, concen-  
tus suauitas: Polyhymnia, multitudo cantionum, & hym-  
norum. Varia sunt earum inuenta. Clio inuenit historiam,  
Thalia georgiam & circa plantas pragmatia, Euterpe ma-  
themata, Terpsichore pædiam, Erato orchesim, Polyhym-  
nia lyram, Melpomene cantum, Vrania astrologiam, Cal-  
lioepoesim. Musis in Helicone rem primùm diuinam fece-  
runt Orhus, & Ephialtes: sacrumq; illis dixerunt montem,  
quas tres tantùm intelligi uoluere, Meleten, Mnemen, Aœ-  
den. Nouem postea fecit Pierus Macedo, nominibus (quæ  
nunc habentur) impositis. inquit Cælius cap. 8. lib. 10.

## G R A T I Æ T R E S.

**Q**uas uocamus Gratiæ Latinè, Græci Charites uocāt.  
Hesiodus posuit Æglen, Euphrosynem, & Thalam.  
Homerus unam ex his Pasitheim uocat. De Euphrosyne  
Bap. Pius, Gestibus Euphrosyne blandus amor oculis. Pin-  
guntur autem facie uirginum, hilari uultu, uestibus lucidis  
& fluentibus. item ut iuuenes, manibusque complexis  
se ipsas insipientes. Inducuntur a poetis saltantes uerno  
tempore. Vnde Horatius, Iunctæq; nymphis Gratiæ decen-  
tes Alterno terram quatunt pede. Politian. in Rust. In me-  
diis resoluta comas, nudata papillas Ludit. & alterno terrâ  
pede Gratia pulsat. De Pasithea Statius lib. 2. Theb. Non  
hoc Pasithea blandarum prima sororum. Finguntur Iouis  
& Eurynomes, fuisse filix & Veneris pedissequæ.

## S I B Y L L Æ D E C E M.

**F**uerunt primis sæculis puellæ uaticino spiritui afflatæ,  
& futura præfagientes, quas Sybillas dixerunt. decem  
autem scribit fuisse Varro. Cumana proprio nomine uoca-  
tur Amalthea, a Virgilio Deiphobe. Tiburtinam ueteres,  
Albuneam appellarunt. Polit. in Nutricia quasdam enu-  
merat his uerbis:

-quin & ueteres prompsere Sibyllæ.

Carmen Amalthea, & fati Marpesia diues,  
Herophileque Idæa genus, prædoctaque Sabbe,  
Demoque, Phigoque, & uerignara Phænnis,  
Et Carmenta parens, & Manto, & Pythia longos  
Phœmonoe commenta pedes, & filia Glauci

Deiphobe. Sed hæc fortè nomina sunt aliarum Phœbadû.  
Herophile ex Ioue, & Lamia, Neptuni filia, genita est.  
prædixit excidium Troiæ, & Helenæ raptum. Lactantius  
scribit, Amaltheam eandem esse cum Herophile, seu Damophile.  
Qui omnium uaticinia uolunt cognoscere, uideant Lactantium.

# FOEMINARVM QVAVNDAM illustrium nomina. Vxores.

**H**Ecuba uxor Priami, Andromache Hæctoris, Creusa  
Ænææ, Artemisia Mausoli, Monyma Mithridatis, Ersilia  
Romuli, Herpilida Aristotelis, Hipsicratea Mithridatis,  
Amatrix Xerxis, Hermodice Midæ, Semiramis Nini, Fun-  
dania Varronis, Plotina Traiani, Cassandane Cyri, Atossia  
Darii, Penelope Vlyssis, Dido Sichæi, Porcia Bruti,  
Poppea Neronis, Eurydice Orphei, Pirrha Deucalionis.

Matres. Perictione mater Platonis, Ceres Proserpinæ,  
Agrippina Neronis, Alcmena Hærculis, Veturia Cōriolani,  
Olympias Alexandri, Helena Constantini, Cricheis  
Homeri, Beronice Ptolemæi Philadelphi, Ilia Romuli, El-  
bia Ciceronis, Aurelia Iulii Cæsaris, Alcimede Iasonis.

Filiæ. Cassandra filia Priami, Hesione Laomedontis, He-  
lena Ledæ, Musæ Iouis, Proserpina Cereris, Ægina Æso-  
pi, Andromeda Cephei, Ariadna Minois, Hyperinnestra  
Danai, Niobe Tantali, Polixena Hecubæ, Deïdamia Ly-  
comedis, Europa Agenoris, Hypsipyle Thoantis, Ino Cad-  
mi, Lauinia Latini regis, Maia Atlantis, Antigona Ioca-  
stæ, Manto Tyresæ, Vesta Saturni, Direptis Mithridatis.

Reginæ. Semiramis regina Assyriorum, Camilla Volsco-  
rum, Nicaula seu Saba Æthiopum, Athalia Hebræorum,  
Thomyris Scytharum, Hester Persarum, Cleopatra Ægy-



M V L I E R E S B E L L I C O S Æ ,  
 pri, Zenobia Palmyreorum, Amalasuntha Gothorum, Theodolinda Longobardorum, Radegundis Franciæ, Cassiope Æthiopum, Harpalice Amazonum, Hippolyte Magnesiæ, Teuca Illiricorum. Item Minerua, Rhea, Iuno, Isis, Diana, Delbora, Medea, Nicostrata, Penthesilæa, Sappho, Iudith Hebræa, Lucretia, Clælia, siue Chælia, Irene imperatrix, Ioanna Gallica, Briseis, Phyllis, Dirce, Erigone, Iuturna soror Turni, Oenone amica Paridis, Dionassa Lycurgi Æthiopum, Amazones oēs, Sibylla, Poetriæ, Atalanta uenatrix, Nyssa, Scribonia, Victoria, Elpinice, Faunia, Hyparetha, Locris, Macaria, Metella, Myrrha, Nycia, Olbia, Papiria, Perictoria, Phestias, Phila, Phirais, Sandane, Seruilia, Sophonisba, Stratonice, Terentina, Testa, Tymeia, Tymoclia, Nausica, Victorina, Sisigambis, Cæcilia, Panthea, Phedalia, Thargelia, Mammeia, Theodora, Phya, Nitocris, Euryale, Hiera. Sunt & aliæ propè infinitæ, quarum nuda nomina crescerent in uolumen. nec ego commetarium hac in re uolui contexere, quum quòd esset operis propè infiniti, tum etiam ne alienis uestigiis insisterem. nam hoc iam negotium præmoliti sunt Boccacius, & aliquot alii. Si cui uidebor inaudita cōfinxisse nomina, legat Plutarchi uitas. reperiet eorum (quæ uidentur inusitata) partem non modicam.

M V L I E R E S B E L L I C O S Æ , E T  
 masculæ uirtutis.

**P**enthesilæa, Amazonum regina, muliebre aspernata molliciem operibus semper (quæ uirum decent) innutrita est. Troianis fauit contra Græcos, fuitque uexillifera, & turmas equitum duxit. Proper. lib. 2. Ausa ferox ab equo quondam oppugnare sagittis Mæotis Danaum Penthesilæa rates. Aurea cui postquam nudauit cassida frontem, Vicit uictorem candida forma uirum. Virg. libro 1. Æneid. Ducit Amazonidum lunatis agmina peltis Penthesilæa furans.

Cunabula Camillæ Volscorum reginæ manifestum futuræ uirtutis lumen promiserunt. nam ab ipsa iam tum infanzia, non molliculis inuoluta est pannis, non a blandientibus

nutriculis educata, sed a patre Metabo in mediis sylvarum latebris ferino lacte pasta est. relictis demū crepundiis paulo prouectior facta, neque tractandis insuevit lanis, nec suos aut pensā manibus accepit, sed ferinis amicta pellibus, fundas cœpit circumagere, complicare arcus, sagittas torquere, ceruos & capreas lassare cursu. cui uirtuti adiecit studium uirginitatis, orto demum inter Turnum & Æneam bello, Rutulis adhæsit, fuitq; ductrix copiarum. quam eius uirtutem Virgilius in fine 7. sic describit:

Hos super aduenit Volsca de gente Camilla,

Agmen agens equitum, & florentes ære cateruas, &c.

Cleopatra Ægypti regina, Dionysij Auletis filia, quum mortuo iam Cæsare Antonium lasciuientibus momordisset oculis, & in amorem sui pellexisset, præter Syriæ & Arabiæ regnum ausa est Romanum quoq; imperium sperare. quum ergo magis ac magis in dies cresceret libido principandi, imperium ipsum ab Antonio petere non dubitauit. quod quum exorasset, sumptis cum eo armis, in Augustum, eiusq; generi Agrippam copias duxit, mouitq; bellum, cuius fortuna anceps aliquandiu pependit. uictis ad extremum Antonianis effrænata mulier cecinit receptui, ac se in pedes dedit cum adultero, quos secutus uictor Augustus ita oppressit, ut neglecta pacis condicione, Antonium ad inferendam sibi mortem compulerit. quo extincto, ubi nullum rebus afflictis subsidium uidit Cleopatra, brachium aspidi mordendū præbuit, ne in triumphum captiua raperetur. De hac Propertius libro 3.

Scilicet incesti meretrix regina Canopi

Vna Philippæo sanguine adusta nota,

Ausa Ioui nostro latrantem opponere Anubim, &c.

Helerna, Iani filia, mortuo patre apud Tiberim regnauit, præfuitque uiris sine uirili auxilio.

Apud Meroen quoque principata est Candace regina, & imperauit Æthiopium genti.

Semiramis regnandi libidine tota pruriens petiisse fertur a marito Nino, ut quinque dies tantum imperaret, & sceptro uteretur. quod quum exorasset, satellitibus iussit, Ninum ut interficerent. hoc itaque modo regnum consecuta,

MVLIERES BELLICOSÆ,

Affyriis tantisper dominata est, dum a Nino rege iuniore filio interfecta sit, quòd eius concubitus rogasset. eadem muros Babylonis condidit, aut a Nitocri regina conditos auxit, & reparauit.

Hippolyte Amazonum regina, quum instar ceterarum bello insuesceret, ausa est arma capere in Theseum, a quo expugnata, & in uxorem ducta est. Propertius, Felix Hippolyte nuda tulit arma papilla, Et texit galea barbara molle caput.

Zenobia, Palmyreorum regina, post mortem Odenati mariti sui imperium arripuit in Syria: nec dubitauit arma capere in Aurelianum imperatorem, a quo uicta, & in triumphum ducta est. quum autem probro daretur ipsi Aureliano, quòd de ea triumphasset, Nihil, inquit, me pudet de foemina triumphasse, quæ uirtute plus, quàm uirili sit praedita. Pontanus, Qualis & Æthiopum quondam sitientibus aruis In fuluum regina gregem sese armat, & audet Sola pedes sese irato obiectare leoni, Insignique arcu, & duplici Zenobia telo.

Hypocratea Mithridatis coniux in omni bellorum discrimine adiutrix stetit marito, quinetiam capillos sibi rasit, ne ferendæ galeæ essent impedimento.

Valasca Boemorum regina, facta cum ceteris mulieribus coniuratione de excutiendo uirorum principatu, copiarum ductrix bellum mouit, interfectisque uiris, foeminas omnes asseruit libertati, adeò ut Amazonum instar multos annos principatæ sint sine uiris.

Regnante apud Gallos Carolo septimo, quum Angli omnia populabundi passim irrumperent, deualterentq; omnia, & iam prospero fortunæ Zephyro adiuti, nihil sibi non pollicerentur; desperatis Gallorum rebus adfuit Ioanna, magni spiritus uirguncula, quæ attritos Gallos animans ad ultionem, & libertatis gloriam, prima belli campum ingressa, non prius suos hortari & ipsa certare desit, quàm hostem in fugam ueterit, reportata uictoria.

Artemisiam reginam Carix, & Mausoli coniugem, mirantur Græci, quòd irruentis Rhodios classe exuerit, insulam quoque domuerit, erecta in urbe statua, quæ ciuitati



stygmata uideretur inurere. Herodotus ad hunc modum de ea scribit: Verùm, inquit, Artemisæ præcipua me tenet admiratio, mulieris expeditionem aduersus Græciam secutæ, quæ defuncto uiro, nulla adacta necessitate, sed præstantia animi atq; uiriliter in militiam concessit. Nomen ei erat Artemisæ Lydani filix: paternum genus est Halicarnassio, maternum ex Creta. hæc Halicarnasseis & Cois, & Nisyris, & Calydnis quinque cum naualibus uenit omni copia instructis.

Vulgata est, & nota Amazonum uirtus; quæ reiecto uiro rum & principatu & commercio solæ sibi imperauerunt, suamque libertatem armis defenderunt.

Atalanta uenatrix fuit Arcadica, uibrandis iaculis, & arcubus complicandis assuesceta, quæ inulitate magnitudinis aprum, uniuersæ formidolosum Ætolix, prima aggressa est, & uulnerauit una cum Meleagro. Pontanus libro 3. de Stellis, de hac puella, eiusque uirtute sic meminit:

Qualis in Ætolum campis Meleagria uirgo

Strauit aprum, primamque manu stringente sagittam

Intorquens, ausa est spumanti occurrere monstro.

Mox læta & spoliis, famosa & cæde superba.

Thomyris, Scytharum regina, potentissimo Persarum regi Cyro bello congressa est, ipsumque & uita & castris spoliavit, ad ulciscendam filij mortem, quem ille prius occiderat. Herod. libro 1.

Delbora mulier bellatrix imperauit Israelitis, quos ab incursionibus uicinorum plerunque tutata est, quorumq; rep. & imperium uariis auxit honoribus.

Virtutem Hasbites feminx bellicæ exercitæ sic describit Sylius lib. 1.

Hæc ignara uiri, uacuoque assueta cubili,

Venatu & syluis primos defenderat annos.

Non calathis mollita manus, operata ne fuso.

Dytinnam & salrus, & anhelum impellere planta,

Cornipedem, ac strauisse feras immitis amabat.

Idem lib. 2. ait, Tiburnam Sagunthum fuisse feminam Murri uxorem & bellatricem.

Teuca Illyricorum regina uiris fortissimis imperauit. P.

## MVLIERES BELLICOSÆ,

Iunium, & T. Coruncaium legatos summa Romanorum iniuria interemit. fuit Argonis uxor. Plin. lib. 34. cap. 6.

Lacænx mulieres uirorum obibant munera, sese in gymnasio, in bello, in uenatione exercentes. hæ cum uiris in certamen aduersus Messenios fortiter descenderunt.

Margarita, Henrici sexti Britannix regis coniux, aciem uiri deficientem restituit.

Gaditanæ mulieres a partu statim surgunt, ministeriaq; domus obeunt.

Olim Germanorum mulieres inclinatam aciem, & iam ad Triarios uergentem, restituerunt.

Bellouacæ mulieres à Carolo Burgundiorum duce longa obsidione fatigatæ, mœnia defenderunt, & obsessorem è scalis in fossas urbis detruserunt, reportatis ad suos uexillis.

Lesbia puella, murorum parte machinis Turcarum deiecta, oppidanis fugam aut deditionem meditantibus salutem peperit. obtulit enim se primam impetui, & iaculis, inimicorum pro tutandis ipsis muris.

Amalasuntha, Gothorum regina, principata est apud Rauennam, Burgundiones, & Alemannos Liguriam populates Italia pepulit, adiuuante Theodato, quem regnis consortem susceperat. Volat.

Maria Puteolana, a Puteolis Campanix urbe nomen adeptâ, bellica uirtute maximè floruit ætate Frâncisci Petrarchæ. erat laborum apprimè patiens ab ipsa iam inde adolescentia: abstinebat uino: erat parca cibi & uerborum: reiiciebat collos, pensa, fusos, & lanas, & cetera, quæ muliebre decet molliem: gaudebat arcubus, iaculis, pilo, galea, scuto. noctes perpetuas quandoquæ uigilabat, nec dormiebat, nisi coacta, idq; subdio, & humi, reclinans caput in scutum propuluinari: inter armatos uersabatur. quod quamuis impudentiæ speciem præferat: nihil tamen uehementius curauit, quàm studium uirginitatis: in qua permansit ad mortem usq; cultum corporis aspernabatur: quibus artibus bellicosa ad modum facta est:

Bona Longobarda, bellatrix itidem puella, floruit anno Domini M C C C C L X V I I I. nupsit Brunorio Parmensi, egregio bellatori: a teneris annis lustrabat syluas uenatricibus

bus stipata canibus : maritum in omni discrimine comitabatur : quem quum Alphonſus rex Siciliæ aliquando certa de cauſa in uincula conieciſſet , miſera captiui ſcœmina ad diuerſos principes inſtar pegafarij curſoris cucurrit , ut ab eis litteras & patrocinium obtineret pro uiri ſalute : quod obtinuit .

## A M A Z O N E S.

**A** Mazones Scythicæ fuerunt mulieres , ad Tanaim & Thermodoonta fluuios habitantes . unde Claudianus , Thermodoontiaca Tanaim fregere ſecuri . Syl. lib.8. Perſtrẽpit & tellus , & Amazõnius Thermodon . Hæ quum nuptias ſeruitutem eſſe non matrimonium opinatentur , animum nubendi omiſerunt . duxerunt temp. ſine uiris . ſolebant inire finitimos , ne gens periret . ſi qui mates naſcerentur , interficiebant . uirginẽs non ocio , neque lanificio , ſed armis , equis , uenationibus & ſagittis exercebant . infantibus dexteriores inurebant mammæ , ne ſagittarum ictus impediretur ; Duæ primũ his reginæ fuerunt , Martheſia , & Lampedo ; quæ maiore Europæ parte ſuis armis potenter ſubacta , Aliæ quoque nonnullas ciuitates oc upauere . Martheſiæ ſucceſſit Orithya , ſeruata in omne æuum uirginitate commendabilis . hac principante cum Antiope ſore , bello petiæ ſunt ab Hercule : quas quum uiciſſet , Antiopem & Menalippen rapuit Hercules , Theſeus Hippolytem . Orithyæ ſucceſſit Pentheſilæa : quæ dum Troianis ſupperias ferret , ab Achille iuxta multorum opinionem interfecta eſt . qua mortua reliquæ iam ægtè ſe tutantes ad Alexandri ætatem durauerunt . huius Minithia concubitum per dies xlv . obtinuit , ut filium haberet paternæ uirtutis heredem . Ceterũ peltam & ſecurim primæ omnium inuenerunt , unde ſecurigeræ & peltiferæ dicuntur . Pelta quoque & ſecuris Amazoniæ & Pentheſilææ dicuntur . Ouid. in epiſtola Phædræ , Prima ſecurigeras inter uirtute puellas . Val. Flac. libro 5. Stat. lib.12. Horat. lib.4. Car. Ouid. lib.2. de Ponto .

Harpalice. Virg. lib.1. Æn. uel qualis equos Threiffia fatigat Harpalice .

Pentheſilæa . Idem , Ducit Amazonidum lunatis agmi-



na peltis Penthesilæa furens, mediisque millibus ardet .

Hippolyte . Seneca in Agamemnone , Vidit Hippolyte ferox pectore è medio rapit Spolium & sagittas .

Harpe . Val. Flac. lib. 6. Quæ Pelta uocat, iamque ibat in Harpen Menalippe . Virg. Threiciam sexto spoliavit Amazona baltheo . Porro autem Stephanus Byzantius scribit Amazones Sauropatidas à Græcis fuisse appellatas, quòd lacertis uerterentur, quas illi Sauras uocant . De earum moribus pauca admodum Curtius refert lib. 5. de gestis Alexandri his uerbis : Vestis non toto Amazonum corpori obducitur : nam læua pars est ad pectus nuda, cetera deinde uelantur, nec tamen sinus (quem nodo colligunt) infra genua descendit . altera papilla intacta seruator, qua mulieris sexus liberos alant : adurit dextera, ut arcus facilius intendant, & tela uibrent .

## B E L L A ,   E T   A L I A   Q V Æ D A M mala à mulieribus orta .

**B**ellum Græcorum in Troianos ortum est ab Helenæ raptu . Ouid. lib. 1. Elæg. Qualis ab Europa Phrygiis aduecta carinis Coniugibus belli causa duobus erat . Propert. lib. 2. Olim mirabar, quòd tanti ad Pergama belli Europæ atque Asiæ causa puella fuit . Idem lib. 2.

Pelops quum Phrygiæ regno successisset, bellum mouit in Oenomaum patrem Hippodamiæ propter puellam ipsam adamatam, & negatam sibi in matrimonio .

Alia fuit Hippodamia Atracii filia & uxor Pyrithoi, quam quum mero talescentes & æstuentes libidine centauri raptissent, bello petiti sunt à Pyrithoo . unde puellam ipsam Propertius Iscomachen uocat . Isto enim Græcè significat habeo, & mache dicitur pugna, uerba eius sunt hæc: Quælis & Iscomache Lapithæ genus heroinæ, Centauris medio grata rapina mero .

Archelaus rex Macedoniæ interfectus est ab adolefcete, Crateua nomine, quem habebat in deliciis, quòd ei promissam filiam alteri posthabuerit . Volat.

Archilochus poeta Iambographus Lycambem socerum ad præproperam laquei mortem impulit, propter eius filiam

sibi in matrimonio denegatam . unde Ouidius , Postmodo si perges , in te mihi liber iambus Tincta Lycambæo sanguine tela dabit .

Pericles propter Aspasiam concubinam Sântos infestos Milesiis debellauit .

T. Coruncanium liberius in legatione ad Teutam Illyricorum reginam locutum , regina ipsa interfici iussit , uiolatorum iure . Liuius & Florus .

Propter Chryseidem filiam Chrysæ ( qui sacerdos fuit Apollinis ) ab Agamemnone raptam , Apollo pestem in castra Græcorum immisit , quæ non prius desit serpere , quàm patri suo reddita sit puella . Tortell.

Propter Launiam Latini regis , & Amatæ filiam ortum est bellum inter Æneam & Turnum , dum uterque eam sibi in matrimonium dari cuperet . Pont. lib.4. de Stellis .

Roma condita quum Romulus ad augendum urbis populum Sabinorum fœminas rapuisset , inde bellum ortum est , & motum a maritis , raptum ulcisci , & raptas repetere uolentibus . Proper. lib.2. Cur exempla petam Grâiûm ? tu criminis auctor Nutritus duro Romule lacte lupæ . Tu rapere intactas , docuisti impunè Sabinas ; Per te nunc Romæ quidlibet audet amor .

Mortuo Menelao Megapenthus & Nicostratus , Orestis filii Helenam in Rhodum fugauerunt ; ubi a Polyzo Tripolemi uxore arbore suspensa est ob zelotypiam . Volat.

Lyfimachus filius Agathoclis filium Agathoclem ( cuius auspiciis multa bella feliciter gesserat ) ueneno sustulit instigante Arsione nouerca Ptolemæi sorore . Volat.

Lucretius poeta amore fœminæ in furorem uersus amatorium hausit poculum , quo spiritum efflauit . Idem .

Tullia procurauit , ut maritus suus Seruius Tullius a Tarquinio Superbo interficeretur .

Sanfon quum Dalidæ uxori crinem fatalem ostédisset , in quo prodigiosæ uires consistebant , dormiens ab eadem raptus incidit in manus inimicorum .

Iphis egregia forma adolescens spretus ab Anaxarète puella se suspendit .

Deianira auctor fuit duelli inter Herculem & Nessum Cē

taurum, atque etiam mortis ipsius Herculis. Seneca, Oturpe fatum, foemina Herculeæ necis auctor feretur. Fuit etiã causa belli inter eundem Herculem & Acheloum.

Achab rex, Israhelitarum suasu Iezabellis uxoris occidit prophetas.

Chilpericus Clotharii filius opera Fridegundis, seu Fridegundæ uxoris, dum uenatu rediret, interfectus est.

Seleucus Callinicus rex Syriæ, dum nouercam Berenicæ Ptolemæi sororem expulisset, ab ipso Ptolemæo bello petitus est. Iustinus lib. 27.

Deiphobus insidiis Helenæ (quam post mortem Paridis coniugem duxerat) occisus est, toto corpore inhonestis plagis deformato.

Amphiaræus uates quum præuidisset se periturum Thebis, si eò ad bellum proficisceretur, coniecit se in latebras & occuluit. eum tamen prodidit uxor Eryphile, spe habendi monilis aurei, quod gerebat Polynices. itaque uxoris fraude coactus ire Thebas, hiatu terræ absorptus dicitur.

Euander, Pallantis Arcadum regis nepos, suasu Nicostrætæ matris occidit patrem suum. Tortellius.

Eduardus Anglorum rex & martyr, uxoris suæ fraude occisus est.

Pterelas, Thebanorum rex, proditione filix Polydices interfectus est a Creonte.

Nisus quoq; Megarensium rex obsessus a Minoe rege Cretæ proditione Scyllæ filix (quæ Minois amore tenebatur) fatalem amisit crinem, atque ita ab hoste interfectus est. de utroque Ouid. Filia ne ue magis capiti sit fida parentis, Quam tua uel Pterela, uel tua Nise fuit.

Cleopatra causa fuit belli inter Ptolemæum Philopatoré patrem suum, & Alexandrum Syriæ regem.

Gandulphus martyr dum uxorem adulterij increparet, eiusdem insidiis interfectus est ab adultero.

Hippolytus a Phædra nouerca stupri falsò accusatus, dum Thelei patris furorem uellet declinare, discerptus est ab equis.

Propter Hermionem Orestes Pyrrhum occidit.

Ottarus rex Boemiæ insimulatus ignauix & timoris ab



uxore Margarita , quòd cum Rodulpho Cæsare fœdus inisset , bellum mouit , in quo profligatus est .

Israhelitarum rex suasu Ataliæ uxoris infinita propè commisit flagitia .

Isis causa fuit , cur Mercurius mandato Iouis Argum occiderit .

Luchinus , Italiæ comes , mouit bellum in Vgolinum Gonzagam propter Isabellam uxorem suam , ab ipso Vgolino uitiatam , Volat .

Martia meretrix , Antonium Commodum imper. ( cuius erat concubina ) fecit occidi ab athleta quodam , quocum adulterij consuetudinem habebat . Sex. Aur.

Rodericus Gothorum rex quum filiam Iuliani cuiusdam præfecti ( qui Tingitanam prouinciam administrabat ) adulterasset , dolore animatus pater , Sarracenos conuocauit , mouitq; bellum , in quo septingenta utrinque millia hominum perierunt . Volat .

Alexander instinctu Thaidis meretriculæ Persepolim urbem combussit . Curtius lib. 5. Ebrio , inquit , scorto de tanta referente sententiam , unus & alter & ipsi mero onerati assentiuntur : rex quoque fuit audior , quàm patientior . Quin igitur ulciscimur Græciam , & urbi faces subdimus ? omnes incaluerant mero . itaque surgunt temulenti , ad incendendam urbem , cui armati pepercerant . primus rex ignem regiæ iniecit , tum coniux , & ministri , pellicesque . Cæl. & Strab. lib. 15.

Violata Lucretia causa fuit exigendi regum principatus , quemadmodum per Virginiam decemuiri desierunt .

Octauia soror Augusti , ab Antonio repudiata , causa fuit belli ciuilis .

Antiochus dum bellum gereret in Romanos , uino & Veneri dies multos indulgit , cum puella quadam Calcidensi , quam deperibat . ex quo factum est , ut mollior illa , deliciisq; correptus , hosti uictoriam reliquerit . Liuius lib. 36.

Ouidius lib. 2. Eleg. de quibusdam bellis , & aliis multis malis , quorum auctores extiterunt fœminæ , ad hunc modum scribit :

Nec belli est noua cura mei ; nisi rapta fuisset

BELLA A' MVLIER. ORTA.

Tyndaris, Europæ pax, Asiæque foret.

Fœmina syluestres Lapythas, populumque biforsem

Turpiter appposito uertit in arma mero :

Fœmina Troianos iterum noua bella mouere

Impulit, in regno iuste Latine tuo.

Fœmina Romanis iterum nunc urbe recenti

Immisit soceros, armaque sæua dedit.

Vidi ego pro niuea pugnantes coniuge tauros,

Spectatrix animos ipsa iuuenca dabat. Item Horat. lib.

1. Serm. Nam fuit ante Helenam cunctis teterrima belli  
Causa, &c.

Idas & Lynceus, Auernes & Apharei filii, pro Leucippi  
filiabus Phœbe & Ilaira aduersus Castora & Pollucem pro-  
pe Spartam dimicarunt. in quo congressu periit Castor. Pol-  
luci autem profuit immortalitas.

Contra tamen nonnullæ reperiuntur fœminæ, quæ maxi-  
mi quandoque boni auctores extiterunt, sed breui admo-  
dum numero.

Dominica, uxor Valentis imp. Gotthos, ad euertendam  
Constantinopolim irruentes, pacauit.

Anno uerbi incarnati circiter c c c c x i i. constituerat  
Ataulphus, Gotthorum rex, urbem Romam uel diripere, uel  
expugnare, saltem, eamque Gotthiam appellare; nisi Pla-  
cida, Honorii soror, & uxor, ipsius barbari ferocientem  
apinum, & iam paratum sceleri, uerbis emolluisset. Pau-  
lus Diaconus.

Iuguldis, soror Childeberti, Hermogillum Lemigildi  
Gotthorum regis filium, & maritum suum ad Christianam  
conuertit pietatem. Volat.

Clotildis, regina Franciæ, Clodouem regem maritum  
suum, Childerici filium, eodem modo ad cultum sacræ re-  
ligionis induxit. Idem Volat.

Pompeia Plautina Iulianum imperatorem maritum suum  
auertit ab extorquenda populo pecunia, & colligendo fi-  
sco. auctor Sex. Aurel. His adduntur Helena Constantini  
mater, Monica Augustini, & nonnullæ aliæ.

## NOVERCÆ QVÆDAM.

**I**No Phryxi, & Helles Athamantis filiæ, fuit nouerca: Hippodamia, Chrysippi: Casperia, Archemoli: Phædra, Hippolyti: Stratonice, Antiochi Soteris: Iulia, Antonii Caracallæ: Gidica, Cominii: Ida, Phinidarum: Iuno, Herculis: Opœa, Scylis regis Scytharum: Eribœa, Mercurii: Alfrida, Eduardi secundi Anglorum regis: Marina Constantini Heraclii, quem ueneno sustulit: Nuceria, uxor Hebii, nouerca fuit Firmi, quem morti dedit. Plutarchus in Parallellis.

## TEXTRICES, ET LANIFICÆ.

**P**holoe Cretensis fuit fœmina lanificii & texturæ admodum perita. Virg. lib. 5. Æn. Olli serua datur operum haud ignara Mineruæ, Cræssa genus Pholoe, geminiq; sub ubere nati.

Prima telas texere, easque retorquere inuenit in Coo Pamphila mulier, Platis filia. Plinius lib. 11. cap. 22.

Arachne (ut fabulantur poetæ) quum esset lanificii peritissima, ausa est Mineruam, eius artis inuentricem, ad certamen prouocare. a qua uicta, in araneam mutata est, quæ nunc quoque nere non desinit, suisque filis hæret adhuc pensilis. Architrenius, Nobile surgit opus leuius, quam torlit Arachne: Pollice Lyda manus & uestibus impluit aurum, Pectinis ingenio nulli cessura.

Fusos in lanificio reperit Closter, filius Arachnes: linum, & retia, Arachne ipsa. Plinius.

Fuit & optima textrix Penelope poetarum testimonio. Ouidius, Nec mihi quærenti spaciosam fallere noctem, Lasaret uiduas pendula tela manus. Vnde & Tela Penelopæa, & Icariotis dicitur, quodd Icari filia fuerit Penelope. Idem lib. 3. de Ponto, Morte nihil opus est, nihil Icariotide tela.

## VESTALES QVÆDAM VIRGINES.

**O**ppia una fuit ex uestalibus, quæ comperta stupri uiua defossa est. Stroza filius, Vestalis uirgo læsi damnata pudoris, Contegor hoc uiuens Oppia sub tumulo. Liuius 22. Duæ quoque fuerunt Claudiæ, Vestæ cæ-



remonis addictæ: Fuit & Fonteia Vestalis, soror M. Fontei: qui quum Galliæ exercitui præflet, accusatus est provincie malè administratæ. Marcia item incesti damnata. Minucia propter elegantem corporis cultum venit in suspicionem libidinis, unde & uiuâ defossa est. Floronia conuicta stupri sibi mortem intulit, metu grauioris supplicii. Postumiam uestalem nimius corporis cultus stupri quoque suspensam fecit: pontificum tamen absoluta est sententia. Liuius lib. 4. 12. & 22.

Stupri damnata est Sextilia, ut etiam Tutia. Liuius. Thracia Caia, sine Suffetia statua posita est. Plin. Plutarchus in Gracchis ait, Liciniam fuisse unam e Vestalibus. Vbidia Vestalis fuit, quam Messalina misit ad pacandum Claudium maritum suum, quem iratum sibi intellexerat.

## EXERCITVS NVMEROSI.

**B**Ela, quarto Andreæ Hierosolymitani filio, apud Pannonios regnante, Tartari cum quingentis armatorum milibus Pannoniam ingressi sunt, a quibus superatus Bela interfugit. Volater.

Pompeii in Cæsarem dimicantis acies habuit XL. millia peditum, equitum in sinistro cornu septem millia, in dextro quinq; ; præterea Orientis auxilia, totam urbis nobilitatem, senatores, prætorios, consulares.

Cæsar in acie habuit peditum xxx. millia, equites non amplius mille. Eutropius.

Mardonius Persa (quem Xerxes apud Salaminem reliquit, ut dispalatos milites resarciret) habuit in exercitu peditum ducenta millia, equitum uiginti millia uictus est tamen apud Platæas a Pausania Lacedæmonio, turmis longè minoribus stipato. Cælius cap. 62. lib. 16.

Hieroboam, rex Israelitarum, in exercitu, quem contra Abyam Iudæorum regem duxit, habuit lxxx. millia bellatorum; Abyas uerò xl.

Senonum dux Brennus, qui primus Romanam superbiam retudit, habuit ccc. millia,

Theodoricus Clodouei primi filius in Italiam cū lxxx. milibus traiecit: quibus impetu repentino Belisarii copias

fregit, omnemq; Transpadanam subiugauit regionem. Volat.

Tamburlanus Scytharum rex Euphratem fluuiū cum sexcentis peditum millibus, equitum uerò trecentis traiecit. quo numero Asiam minorem obtinuit, regem Turcarum, Pazaitem, uel, ut alii scribunt, Baiasetem, captiuum duxit, Scythas, Medos, Albanos, Mesopotamiam, Parthiam, Persiam, Armeniam sibi subiugauit. Volat. in Geog.

Exercitus Antigoni habuit peditum xx. millia, equites trecentos.

Exercitus Antiochi ccc. millia armatorum, quibus Romanos inuasit. falcatis etiam curribus, & elephantis aciem instruxit. Plutarchus in Russo,

Idem ait certū non esse quantæ fuerint Hannibalis copię. alii centum millia peditum, & uiginti equitum fuisse dicūt. quidam aiunt addita ex Gallis & Liguribus lxxx. millia peditum, decem equitum. quamuis autem exactus ad fidem numerus dari nequeat: hoc tamen argui potest numerosum habuisse exercitum, quod amissis in Alpium traiectu triginta millibus, adhuc Romanorum potentiam non expauerit.

Achæorum exercitus in Cleomenem, ducem Spartanorū, fuit uiginti millium peditum, equitum mille.

Athenienses in Syracusanos certaturi, duce Alcibiade, habuerunt supra cxl. triremes, centum & quinque millia peditum, tum sagittarios, & funditores mille & trecentos; tormentorum præterea ac machinarum expugnandis urbibus copiam ingentem. Plutar. in Alcibiade.

Exercitus Artaxerxis regis Persarum in Cadusios habuit triginta peditum millia, equitum mille. Sabell.

Certaturus in Alexandrum Darius habuit sexcenta hominum millia. Plutarchus scribit, Dariū fuisse decies centena millia militum. Q. Curtius minorem illi facit copiarum numerum lib. 4. quum ait: Summa totius Darii exercitus equites xly. millia, pedestris acies ducenta millia expleuerat.

Copiarum Alexandri, qui minimum asserunt numerum, trecēta millia peditum, equitum uerò quinque fuisse tradūt. fertur in Asiam traiecisſe cum millibus armatorum non amplius xlviii. Volaterranus. Iustinus lib. 11. scribit eum

tantum habuisse peditum xxxi. millia, equitum quattuor millia & quingentos; naues centum octoginta duas.

Antigonus, Philippi filius, & pater Demetrii Poliorceris Macedoniæ regis, habuit in exercitu contra Seleucum Syriæ principem, & alios regis supra lxx. millia peditum, equitum uerò decem millia; item elephantos lxxv.

Seleucus uerò, & Antiochus, eius filius, armarunt in ipsum Antigonum xciiii. millia peditum, equites supra decem millia, elephantos quadringentos, currus centum & uiginti.

Bellans in Parthos M. Antonius habuit lx. Romanorum peditum millia, & his auxilia equitum adiuncta Hispanorum, & Gallorum decem millia; ceterarum nationum equitum peditumque trecenta millia. Plutarchus.

Parthorum uerò exercitus in Antonium habuit ccc. millia equitum.

Exercitus Antonii contra Cæsarem habuit peditum centum millia, equitum xxxi. naues quingentas.

Exercitus Cæsaris contra Antonium habuit naues ducentas quinquaginta, peditum octoginta millia, equitum uigintiduo. Idem Plutarchus in Cæsare.

Exercitus Crassi contra Parthos habuit peditum legiones septem, equitum quattuor millia, ac totidem uelites.

Carthaginieneses Siciliam cum septuaginta millibus militum, ducentis triremibus, & mille nauibz inuaserunt. quos tamen superauit Timoleon dux Corinthiorum, eorumque castra diripuit, desideratis decem millibus.

Demetrius, Antigoni & Stratonices filius, & Macedoniæ rex, habuit in copiis peditum decem millia, equitum decem, naues quingentas.

Exercitus Marii & Catuli contra Cimbros habuit quinquaginta hominum millia cum ccc. militibus. Plutar.

Mithridates rex Ponti, habuit peditum centum millia, equitum decem, currus falcatos nonaginta. Celius ad hunc modum de Mithridate, Habuit, inquit, equitum quinquaginta, peditum ccl. millia; machinarum uerò & omnis bellici instrumenti pars eius summa. depugnabant cum eo reges, dynastæq; Armeniæ, ac Scytharum, qui circa Pontum



incolunt, supraque Mæotidem paludem.

Pompeius in bello contra Pyratas habuit quingentas naues, peditum cxx. millia, equitum quinque. Plutar.

Pelopidas, dux Thebanorum, duxit contra Syracusanos septuaginta millia militum.

Heluetiorum, in Galliam Aquitanicum irrumpere uolentium tempore Iulii Cæsaris, exercitus habuit trecenta hominum millia. Volater. in Geog.

Credibile est Ariouistum Germanorum regem numerosas habuisse copias, uel hoc uno argumento, quod a Cæsare uictus octoginta militum suorum millia amiserit. Plutar.

Neruii (quos Lucanus rebelles uocat, quiq; nostro tempore Tornienses uocantur) in bello contra Cæsarem sexaginta hominum millia amiserunt.

L. Luculli copiae in Mithridatem, Armeniae regem, fuerunt triginta millia peditum, equitum duo millia cum quintis.

Perseo Macedoniae regi in Paullum Æmilium dimicaturum fuere quattuor millia equitum, peditum uero XLVIII. millia.

Tigrani regi Armeniae fuere ducenta quinquaginta quinque armatorum millia contra Romanos, qui è tanto exercitu peditum centum millia, equitum uero quinquaginta Lucullo duce interfecerunt.

Terentius Varro consul, & Æmilij Paulli collega, habuit in exercitu octo & octoginta hominum millia contra Carthaginenses.

Quinctius Flamininus in bello contra Philippum Macedoniae regem habuit xxvi. millia hominum.

Habuit Eumenes rex Pergami in exercitu contra Macedones xxxvi. millia bellatorum.

Radagasus Gothorum rex (qui floruit Arcadii & Honorii imperatorum temporibus) habuit in exercitu supra ducenta bellatorum millia. Paulus Diaconus.

L. Æmilius, & Atilius, consules, principio sui consulatus quattuor legiones urbanas in Gallos armauerunt, quarum singulis quinque millia & ducenti pedites, equites uero trecenti inerant. habebat & ex sociorum auxiliis triginta mil-

# EXERCITVS NUMEROSI.

lia peditum, equitum uerò duo millia. cui numero Thufci & Sabini feptuaginta addiderunt millia, ubi primùm Galli Apenninum tranfire nunciati funt. poft hos Umbri & Sarsennatæ Apennini incolæ xx. millia contulerunt. Samnites lxx. millia peditum, equitum feptem millia. Iapigenfes & Mefapij quinquaginta millia peditum, equitum xvi. millia. Lucani xxx. millia peditum, equitum tria millia. Marfi, Maricini, Ferrentani, & Veftini peditum xx. millia. eoque modo ceteræ totius Italiæ urbes fuas fuppetias cõtulerunt. ita ut numerus excreuerit ad fepties centena millia peditum, equitum uerò lxx. millia. Polibius.

Veftiges, rex Gothorum, poft Atalaricum filium Amalafunthæ reginæ, ad obfidionem urbis Romæ cum ducentis armatorum millibus profectus eft. Volat.

Soli Aruerni (modica Gallorum portio) ducenta bellatorum millia obiecerunt Æmiliano Maximo ad Ifaræ, & Rhodani confluenta. Strabo.

Sefoftris rex Ægypti (qui infuetam feruitii Arabiam fubegit, maximam Libyæ partem occupauit) habuit in pedeftribus copiis fexcenta peditū millia, equitum uero xxiiii. curruum bello aptorum oſto millia & uiginti. Diogenes libro 2.

Ninus, Affyriorum rex, armauit in Baſtrianos decies fepties centena millia peditum, equitum ducenta, curruum centum millia.

Xerxes rex Perſarum, in Græcos dimicaturus, habuit de regno ſuo feptingenta millia, de auxiliis trecenta, roſtratas naues mille & ducentas, onerarias ad tria millia. toto numero habuit tria millia nauium, in quibus fuerunt hominum Myriades xxiiii. terreſtris autem exercitus fuerunt centum & feptuaginta Myriades, equitum oſto. Herodotus libro 7.

Ad uindicandum Helenæ raptum Græci armauerunt in Troianos dccclxxxvi. bellatorum millia. contrà uerò Troiani habuerunt dclxxvi. millia, carinas circiter mille. auctor Dares Phrygius.

Exercitus Moſe habuit dciii. millia, imbellis autem populi vi. millia. tota ſumma millies mille, & centum quin-

quaginta tria . Ioseph. lib.3.

Carolo Martello Gallorum regi fuerunt trecenta armorum millia .

Porro autem Lacedæmones prodibant in bellum cum tibiarum modulatione , ut suauissimo cantu deliniti non remi discerentur periculi .

Pari modo Cretenses canebant cithara .

Massagetæ rubras induebant tunicas , ne uulneratorum cruor terrorem ceteris afferret .

Parthi in fuga sagittas a tergo iaculantur . Lucanus , Ocyor & missa Parthi post terga sagitta . &c.

B E L L A , I N Q V I B V S M V L T V M  
cruoris effusum est .

**A** Bias Iudæorum rex bellans in Hieroboam regem Israelitarum quinquaginta millia ex eius exercitu deleuit . Iosephus lib.8. Antiquitatum Iud.

Phaceas rex uno die deleuit ex copiis Achab Iudæorum regis post Ioathan cxx. millia bellatorum , & ducenta utriusque sexus millia captiua duxit .

In bello Benadab Syriæ regis contra Achab Israelitarum regem perierunt ferro hominum centum millia .

C. Cæsar dictator prædicare solitus dicitur undecies centum & nonaginta millia præter eos , qui ciuilibus bellis periissent , suo ductu , & auspiciis cæsa . Sabell. in exemplis.

Gedeon nocte una apud Iordanem centum & uiginti millia Madianitarum interfecit .

Obselis a Vespasiano Hierosolymis undecies centena millia ferro & fame perierunt . Iosephus .

In agro Tholosano Athila rex Hunnorum congressus est cum Etio & Theoderico Gotthorum regibus . in quo confecti clxxx. millia uirorum decubuere . Paul. Diac.

Quantam suorum ltragem acceperit Ladislaus rex Pannoniæ , dum in Amurathem regem Turcarum confingeret , hinc auspicari licet , quod ex ipsis etiam uictoribus quadringenta millia post pugnam desiderata sint . Sabell.

Carolus Martellus , Gallorum rex , Abidirānum Visigothorum regem (qui in Galliam hostiliter irruerat) ad Bur-



degalam domuit, ceciditq; eius exercitus c c c l. millia: quum tamen Franci non amplius mille perierint. Sabel.

Cyrus, Persarum rex, traiecto Araxe cum ducentis millibus in Scythas profectus, tam infeliciter bellauit, ut ne nuncius quidem tantæ cladis superfuerit. Idem.

Miltiades, Atheniensium dux, in Marathone Atticæ cāpo centum millia ex Darii Persarum regis exercitu profligauit. sunt etiam qui ducenta dicant deleta. Sabel.

Claudius Nero, & Liuius Salinator sexaginta Pœnorum millia apud Metaurum Vmbriæ fluuium ceciderunt, dum Asdrubal fratri suo Hannibali suppeticas ferre conaretur. Plutarchus.

Vscodoniæ; seu Hadrianopolim, Thraciæ urbem, quum cepissent Scythæ, in ea centum hominū millia ingulata sūt.

M. Claudius, & C. Cornelius consules, quinquaginta Gallorum millia profligarunt. Volat.

Friola, filius Alphonsi Catholici regis Hispaniæ, l. millia Sarracenorum in bello occidit. Idem.

In bello Eduardi, quarti Anglorum regis, contra Scotos perierunt Scotorum lx. millia, Anglorum septem solum.

Claudius princeps c c c. millia Sarmatarum cecidit ad Martinopolim.

Cosroes, rex Persarum, Palestinam cum Hierosolyma, ac nongentis millibus Christianorum euertit.

In bello Rhoderici regis Gotthorum contra Sarracenos d c c. millia hominum utrinque perierunt.

Q Fabius Allobrox de exercitu Bituiti Aruernorum regis cxx. millia hominum cecidit. Liu. lib. 6.

Cæsa sunt ab Alexandro ex Darii exercitu supra undecim millia: Cæsa sunt a Crasso, duodecim millia de Spartaci exercitu. Cæsa ad Cannas Romanorum quinquaginta millia. Cæsa ad Granium flumen a Lucullo ex Mithridatis copias hominum uiginti millia, præter captos. Cæsa sunt a Pompeio ex liberis nouem millia. Cæsa a Sylla ex Marianis uiginti millia. Decem millia ex Mithridatis exercitu a Pompeio. Cæsa a Ptolemæo ex Demetrii exercitu l. millia. Cæsa ab Alexandro Persarum x x i i. millia. Cæsa a Parthis Romanorum decem millia, duce Crasso. Cæsa ex

Scipionis & Catonis exercitu a Cæsare quinque hominum myriades . Cæsa a Mirhridate septem Romanorum millia . Cæsa a Lucullo ex Tigranis Armeniæ regis exercitu peditum centum millia , equitum quinquaginta . Cæsa octo millia Cilicum a Lucullo . Cæsa L x x x. millia Germanorum sub Ariouisto dūce a Cæsare . Cæsa Pœnorum x l. millia a Scipione . Cæsa x v. millia Romanorum ad Thrasymenum . Cæsa L x. millia Neruiorum a Cæsare . Cæsa x x x. millia hominum de exercitu filiorum Pompeii a Cæsare . Cæsa in bello Macedonum contra Lacedæmonios quinque millia , & trecenti , ex Macedonibus trecenti & non amplius . Cæsa in urbis Hierosolymitanæ excidio undecies centena millia . Cæsa a Britannis Romanorum L x x. millia , ducibus Perilio & Suetonio . Auctor Cor. Tacitus . Cæsa paulò post a Romanis Britannorum L x x x. millia . quam cladem ægreferens Boudicea , eorum regina , ueneno clausit uitam . Cæsa a Graciano imp. triginta Alemanorum millia , apud Argentarium oppidum . Sex. Aurel.

## BELLICOSI VIRI CVM

illustribus uictoriis .

**A**lexander Macedo , Philippi ex Olympiade filius , tantum nomen bellica uirtute sibi comparauit , ut recens quoque sit semper eius memoria . uiginti natus annos Thebas euerit . traiecto Hellesponto , Ilium profectus est . ubi animaduerso Achillis sepulcro , Achillem ipsum felicem prædicauit , quod laudum suarum præconem habuisset Homerum . Darium Persarum regem ad Granium flumen perdomuit , cæsis uiginti Persarum millibus ; ubi Darium ipsum cum uxore , & filiabus captiuum duxit ; quem tamen iterum donauit uenia . uerum ubi tertio redintegrasset copias , uicto regnum eripuit : eius tamen interfectionem Bessus supplicio affecit . Scythas demum laceffiuit . in India Porum regem , numerosis armatum copiis , & quattuor cubitis cum palmo procerum , fudit , cui & pepercit . Curtius & Plutar. auctores .

Xerxes , rex Persarum decies centena millia militum , id est , ut nunc loquimur , milionem unum amauit in Græciam ;

ATHON montem aceto dirupit, diruptum fecit peruium uellis; cum Themistocle congressus est, & apud Salaminem ab eodem uictus, post aliquot annos cum Cimone Atheniensium duce manum conferens, quum fortunam ubique noueram experiretur, uoluptati se dedit.

Arfaces, obscuræ conditionis homo, collecta Scytharum exulum manu, Parthos subegit, Syriæ regem Seleucum & Hircanos redegit in seruitutem.

Tamburlanus, Scytharum rex, Medos, Albanos, Mesopotamiam, Persiam, Parthiam, & Armeniam subiugauit; traiecto cum DC. millibus peditum, equitum uerò trecentis Euphrate Asiam minorem obtinuit; regem Turcarum Pazaitem, uel, ut a Platina nominatur, Basasetem, captiuum in laqueos coniecit, tanta feritate, ut eum instat belluæ clatris inclusum secum semper duxerit, & sub mensa, in modum canis, micæ & frutilla comedere iusserit, equumq; ascensus, eius humeros pro scabello pedibus conculcauerit.

Amurathes, rex Turcarum, Thessalonicam urbem uicam diripuit; Epirum & Ætholiam subiugauit; Pannoniam cum centum armatorum millibus ingressus est; Pannonios bello bis fudit.

Seleucus Nicanor, rex Syriæ, Babylonem cepit, Bactrianos expugnauit, penetrauit ad Indiam, compolitis in Oriente rebus Lyfimachum domuit, & interfecit. Trogus lib. 15. & Volat. in Geog.

Antiochus Maximus, Syriæ rex, Babyloniam, Ægyptum, & Iudæam patrio adiecit imperio; Græciam cum sexaginta millibus intrauit.

Cyrus Astyagem regno Persarum expulit, translato in Persas Medorum imperio; Babylonios cum Cræso Lydorum rege domuit, quem primò uenia donatum, ac secundò rebelantem uita & regno spoliavit; subacta Asia, ac toto Oriente, aggressus est Scythas, ubi a Thomyri eorum regina uictus est, & interfectus.

Dirius Istaspis filius Babylonios perdomuit; Ionas nauali prælio superauit; Atheniensibus congressus est, sed magno suo incommodo.

Mithridates,



Mithridates, Phraatis filius, Parthorum auxit imperium; Armenios nunquam antea sub iugum missos adortus est; Babylonios accepit in deditiōnem fratre interfecto, quem subditi regno præfecerant ob ipsius Mithridatis crudelitatem, cum Romanis bellum gerens Crassum cum filio, ac toto exercitū deleuit.

Hannibal; Amilcaris filius, uiginti annos natus, Saguntum expugnauit; in Italiani quinto mense, superatis Alpibus, ab Hispania peruēnit; apud Ticinum Corn. Scipionem; patrem Africanī maioris; occurrentem superauit; Sempronium consulem apud Trebiam ingenti clade affecit; C. Flaminium quoque profligauit ad Thrasymenum, interfectis ex eius copiis xxv. millibus; P. Æmilium, & Terentium consules cum exercitū deleuit apud Cannas: ubi senatores xc. alij ad xlv. millia perierunt: ubi & anulorum modii tres reperti sunt: inde omnium metu accessit proximē Romam, & ad tertium usque lapidē Claudium Marcellum Romanorum ducem iterum fudit; & ad extremum uictus a Scipione Romam liberauit metu: Liuius.

Aratus, dux Sicyonius, collectā coniuratorum manu patriam seruitute liberauit, expulitq; Nicoclem tyrannum; composito patriæ statu dux Achæorum factus, eorum rempub. annos xxiv. felicissimē administrauit; Locridem, & Calydoniam depopulatus est; Acrocorinthum expugnauit; Macedonibus inde repulsis Argeorum tyrannos Aristonicū primò, deinde Aristippum bello sustulit; Ætolos Achæis inimicos plerunque debellauit: sublatū demum dicitur; & ueneno potus a Philippo Macedonum rege, cui erat formidolosus:

Cleomenēs; dux Lacedæmoniorum, Aratum ducem Achæorum multis affecit cladibus; Argos antea nulli expugnatum in potestatem recepit; annos xiv. felicissimē imperauit, suisque reliquit multas illustres uictorias:

Demetrius Poliorcetes, Antigoni Macedoniae regis filius, traiecto Euphrate Babyloniam occupauit; Athenas a Cassandri & Ptolemæi imperio redemit; Cyprum, expugnato Ptolemæo, nauali bello recepit; Bæotios accepit in deditiōnem; Pyrrhum ab oppugnatione Thessaliæ repres-

fit: ad extremum fortuna insidiante uenit in manus Antiochi .

Epaminondas, Thebarum princeps , cum Lacedæmoniis congressus, multas uictorias retulit ; traiectus lancea, & in castra semianimis relatus , ubi audiuit saluum esse scutum suū , nec ab hostibus raptum , Bene res habet , inquit , mortem hanc morior lubens . atque ita ueluti gratulabundus expirauit .

Lyfimachus, Agatoclis filius, leoni famelico , Alexandri iussu datus in prædā ( quod Callistheni captiuo ad remedium calamitatis dedisset uenenum ) manum amiculo inuolutam in os leonis intulit , arreptaque lingua feram exanimauit . quo illustri facinore conciliatus est Alexandro . Trogus lib. 1 §.

Pyrrhus , Epirotarum rex , Leuinum consulem apud Heracleam bellorum nouitate turbauit ; ad uigesimum ab urbe lapidem castra posuit ; Curio , & Fabricio congressus est ; Argos obsedit , ubi regulæ iactu ad extremum fertur periisse .

Philippus Macedo Athenienses uicit : traiecit in Illiricum : Larissiam urbem cepit : expugnauit Thessaliam , & Methonem Magnesiæ urbem : dux a Thebanis delectus contra Phocenses , eos diripuit : Olynthios deleuit : Arisbam Epiri regem regno deiecit : Byzantium obsedit , ubi longa mora consumptus ad pyraticam se conuertit : Scythas stragemate superauit : rebellantes iterum Athenienses domuit .

Timoleon dux Corinthius Syracusas a Dionysii tyrannide liberauit ; tyrannum in exilium misit ; Leontinorum principem , nomine Icetem , bello captum interfecit ; Mamercum Catanæ tyrannum in fugam uertit ; Leptinum ( qui Apolloniam per uim ceperat ) captum & uinctum Corinthū misit ; Carthaginenses in Siciliam irrumpentes superauit , eorumque castra diripuit .

Cæneus Thessalus quum multis interfuisset præliis , nunquam tamen lædi potuit . hinc natum prouerbum , Inuulnerabilis , ut Cæneus . Nestor apud Ouidium lib. 12. uestro fuit unicus æuo Contemptor ferri , nulloque forabilis

ictu. Cyenus, at ipse olim patientem uulnera mille Corpore non læso Perrhæbum, Cænea uidi, Cænea Perrhæbum, qui factis inclytus Othryn Incoluit.

Archidamus, Lacedæmoniorum princeps, Methonem ad Athenienses deficientem recepit; in bello contra Pylon primus è naui profiliens, nec uulneratus est, nec scutum amisit; aduersus Amphipolim strenuè decertauit; tandem infirmatus, quòd Agnoni Thraciæ regi faueret, damnatus est.

Codrus, Atheniensium rex, quum in bello Peloponnesiaco accepisset ab oraculo uicticem fore gentem, cuius princeps bello periret; relictis uestibus imperatoriis, gregarium se finxit militem, eoque modo inimicis occidendum se præbuit.

Idanthysus, Scytharum rex, bello res magnas gessit, multum Asiæ subiugauit, & totam propè Ægyptum peruagatus est.

Arturus, rex Britannia, adeò bellica uirtute excelluit, ut quadringentos & sexaginta uiros in prælio solus interfecerit, ac regna plurima suæ adiecerit ditioni. utebatur galea aurea, in qua sculptum draconem præferebat; ferebat clypeum, in quo picta erat Christiparæ genitricis effigies, ut omni discrimine, rebus omnibus, eam semper haberet præ oculis, uelut adiutricem; utebatur lancea ardua, & inuitari ponderis, quam secum deferri semper uolebat. Cantatissima est eius uirtus, & recens propè memoria, frequensque fama in ore omnium.

Leonidas Spartanus quattuor, nec amplius, suorum milibus stipatus, ausus est manum conferere cum numeroso illo, omnium post homines natos, populosissimo Xerxis Persarum regis exercitu, apud angustias Termopylarum: ubi parta uictoria immortale quoque sibi nomen peperit. idem quoque milites solebat hortari, ut pranderent, tanquam apud inferos cenaturi: quo uerbo uidebat eos esse uacuos metu. Iustinus lib. 2.

Clodoueus, Gallorum rex, Alemanos domuit, Gotthos regno suo expulit, Alarieum eorum regem cecidit, aliaque permulta egit facinore, quibus docuit gentem suam ad arma



natam.

Huius filius Theodericus, Turingiam cum rege subiugavit; traiecit in Italiam cum lxxx. millibus armatorum; Belisarii copias repentino fregit impetu; Transpadanam regionem uicit; decem Burgundiorum millia Gothis auxilio misit.

Carolus Martellus, Pipini primi filius, Aurelianos uno impetu fudit; traiecto Rheno Alemanos, Sueuos, Bauaros regno Francorum adiecit; Sarracenos ab Eudone duce in Aquitaniam uocatos profligauit, caesis ex eorundem exercitu ccc. lxxxv. millibus; Amorrheum alterum eorum regem, suppetias Athimo apud Narbonem obsessio ferentem, deleuit; Gotthos (qui Hispaniam citeriorem Galliae partem annos iam ccc. turbauerant) profligauit; omnem postremo Galliam Francorum regno subiecit. Volat.

Carolus Magnus, Pipini secundi filius, euidentis uirtutis Gallicae reliquit argumentum. in primis Aquitanorum regem Himuldum in deditionem accepit. accersitus ab Hadriano Pont. Longobardos cum duce Desiderio, Italia expulit; quam annos iam ccviii. possederant. domum reuersus bellum Saxonum (quod annos propè xxxi v. durauerat) quamuis interpolatum, prosecutus est. quos sub iugum redactos; ad Christianae quoque pietatis cultum induxit. Aigolandum Sarracenum, Hispanosq; , male de Christo sentientes; subiugauit. Beneuentanos (qui duce Aratio in Romanum Pont. tumultum parabant) repressit. Taxilonem Bauariae ducem, res nouas molientem, sola pacauit legatione. Hunnos (qui Pannoniam occupauerant) magnis affecit cladibus. Godefrédum Nortmannorum ducem, Francorum socios uexantem; in potestatem suam redegit. Leonem tertium Pont. a Romanis expulsus, suae sedi restituit. Cui tantae uirtuti adiecit amorem litterarum, quas usque adeo & amabat, & mirabatur, ut Parisiensem Academiam primus instituerit. Erat corpore procero, uastis praeter consuetudinem uiribus:

Gedeon iudex Hebraeorum percussit quattuor reges Medianitarum, Oreb, Zeb, Zebee, & Salmanam. interfecitq; ex eorum exercitu cxx. millia hominum apud Iordanem no

ſte una. Iosephus lib. 5.

Fecit Themistocles filium suū Cleophantum in equestri facultate adeò strenuum, ut equis rectus insisteret, & rectus iacularetur, aliaque permulta efficeret stupenda. Celsius cap. 12. lib. 18.

Conon, dux Atheniensium, fuit bellica uirtute clarissimus, qui Lysandrum Lacedæmoniorum ducē terrestri prœlio uicit, & Athenarum restituit libertatem. unde factum adagium, Bellum Cononi curæ fuerit. Iustinus lib. 5.

Pompeius magnus Syllæ primū partibus adhæsit; Domitium expugnauit; de Iarba rege Mauritanix triumphauit nondum patientibus annis; contra Sertorium in Hispaniam profectus, Metelli copiis se coniungens, eum cum tota factione sustulit; Pyriticum bellum tribus confecit mensibus; triumphauit de Mithridate rege Ponti; Tigranem uicit regem Armeniæ, quem tamen ad genua sua prouolutum regno restituit; Iberos, Albanos, Iudæos debellauit, capto eorū rege Aristobulo, & in triumphum unā cum filio Tigranis ducto; reuersus ex Oriente triumphū egit biduo, prænotatis uictarum gentium titulis; ad extremum uerso fortunæ Zephyro uictus a Iulio Cæsare in campis Pharsalicis, coactus est uelut profugus ad Ægypti regem Ptolemæum se recipere, ubi hospitis (cui se commiserat) perfidia interceptus est.

Victor Pompeii Cæsar Galliam omnem decennio subegit, eamque redegit in prouinciæ formam; Germanos, ponere super Rhenum fabricato, maximis affecit cladibus; aggressus est Britannos ignotos antea, superatisque pecunias & obsoles imperauit; Macedoniā transgressus Pompeium per quattuor penè menses, maximis obsessum operibus, ad extremum Pharsalico prœlio fudit, & fugientem Alexandriam persecutus, occisum ut deprehendit, cum Ptolemæo rege bellum difficillimum gessit; uictor Ægypti regnum Cleopatrx, fratrique eius minori permisit; ab Alexandria Syriā, & inde Pontum transit, urgentibus de Pharnace nunciis, quem Mithridatis Magni filium multis iam successibus præferocem intra quintum (qua affuerat) diem una profligauit acie. dehinc Corn. Scipionem, Pompeii socerum, & Iubam

reliquias partium Africa refouentes deuicit, & Pompeij liberos in Hispania, confectis bellis quinquies triumphauit; primum triumphum egit Gallicum; sequentem Alexandrinum, ex uicto & interfecto Ptolemæo; huic proximum Africanum, ex Iuba debellato; deinde Ponticum de Pharnace; nouissimum, Hispaniensem de Pompeii liberis. Resistente demum fortuna, quum optimatum partibus esset formidolosus, Bruti, Cassii, & aliorum coniuratione, tribus & uiginti uulneribus in senatu confossus est, Suetonius, & Plutarchus.

M. Antonius Triumuir, interfecto Cæsare, sædus cum Lepido, & Augusto contraxit; Brutum & Cassium Cæsaris interfectores uicit in Macedonia; profectus in Asiam, multos in Oriente reges debellauit; Antigonum Iudæorum regem securi percussit; Phraati Medorum regi congressus, quum uictor euasisset, uictum ad Araxem usque persecutus est; Armeniæ regem Alexandriam duxit in triumphum. quum ergo uidit se positum in gremio luxuriantis fortunæ, (in quo parum sibi cauet mortalitas) deliciis captus, incidit in amorem Cleopatræ: quam repediata Octauia Augusti sorore sibi copulauit. hinc orta fax belli ciuilis: hinc Augusti nata indignatio, cui apud Actium congressus, & ad extremum uictus, profugit in Alexandriam, ibiq; gladio se confodit.

Atilius Regulus consul fufis Salentinis triumphauit; primus Romanorum ducum in Africam classe traiecit; quasiata Amilcaris classe naues longas. LXXII. oppida ccc. ac toridem hominum millia cepit; in Africa portentosa magnitudinis serpentem occidit; captus demum insidiis Xantippi Lacedæmonii mercenarii militis, miserabili exitu ab inimicis enecatus est.

C. Acilius Cæsaris miles, nauali ad Massiliam prælio, inietta in puppim hostium dextra, & obruncata eam læua apprehendit; nec antè dimicare desiit, quàm captam profundo mergeret, Atheniensem illum Cynegirum imitatus, qui in confectanda Xerxis classe, idem legitur fecisse, Herodotus lib. 6.

Acilius, Belisarii miles, solus ad portam Pintianam Got



thorum repressit impetum . Procopius .

Furius Camillus Faliscos obsedit ; Veios decennali obsidione domuit ; Gallos Senones Roma pepulit, eisq; uexilla Romanorum extorsit ; quintò dictator Celtas iterum Romanam petentes ad Anienem fluuium superauit .

M. Curius Dentatus triumphauit de Samnitibus , iterum de Sabinis , tertio de Lucanis ouans urbem ingressus est ; Pyrrhum Epirotarum regem ex Italia pepulit ; legatis Samnitum aurum offerentibus respondit , se malle imperare aurum habentibus , quàm accipere .

T. Q. Flamininus ( eius Flaminij filius, quid ad Thrasymenum Hannibali inauspicatè congressus cecidit cum exercitu ) Philippum Macedoniæ regem prælio fudit , castris exiit ; Thessaliæ iuuantibus Ætolis, & Acarnanibus uexauit ; ciuitates , quæ sub Philippo erant , per præconem liberæ esse pronunciauit ; Demetrium obsidem accepit , quem postea pecunia multatum in regnum restituit ; Labin Lacedæmoniorum tyrannum subegit ; legatus in Græciam contra Antiochum & Ætolos ad confirmandas in fide Romanorum ciuitates missus est .

T. Sempronius Gracchus, Gracchorum pater, Celtiberos in deditionem accepit ; prætor Galliam domuit ; subiugauit Sardiniam , cuius incolas plurimos exposuit uenales .

Manlius Capitolinus ob Capitolium a Gallis defensum nomen sortitus , annos xvi. natus militem uoluntarium se obtulit ; militaribus donis xxxvii. a suis ducibus donatus est . cicatrices habuit xxxiii. in corpore . Plinius .

M. Claudius Marcellus Gallos , qui se Insubris iunxerant , iuxta Padum uicit, interfecto eorum duce Viridomaro ; Hannibalem inuictissimum ducem primus apud Nolam superauit ; contra Syracusas profectus, triennio urbem oppugnauit ; tandem interfectus est ab exercitu Hannibalis apud Venusiam .

C. Marius septies consul , Iugurtham captum in triumphum duxit ; Cimbros in Gallia , Teutones in Italia oppressit, de quæ his triumphauit ; Apuleium & Glauciam prætores seditiosos interemit ; Syllam uictum coegit Minturnis delitescere inter paludes ; speculatoré Gallum ad inferendâ

sibi mortem missum, uultus maiestate deterruit. Plutarchus, & Liuius.

Porſena, rex Etruſcorum, dum Tarquinius in urbem reſtituere tentans Ianiculum cepiſſet, Horatius Cocles pro pōte ſublicio ſtecit, ſuſtinuitq; hoſtilem impetum, donec pōs a tergo frangeretur, quocum in Tiberim decidit. Sabell.

Quique ſibi pontem paſſus poſt terga reuelli;

Ipla licet contra ſtaret Etruſca phalanx.

Scipio Africanus, annum agens xvi i. principio ſecundi belli Punici ductus in caſtra, circumuentum ab hoſtibus patrem liberauit; poſt Cannenſem cladem quum iuuentus dereliquenda Italia cogitaret, ipſe gladio ſupra capita erecto iurare ſingulas coegit, ſe non relicturos patriam. mortuo in Hiſpania patre, quum omnes id bellum reſugerent, ſponte ſe obtulit, natus annos xx i y. ubi Carthaginem nouam uno die expugnauit; Aſdubralem ſuperauit; Maſſaniſæ nepotem in bello captum auo remiſit; Syphacem regem ui cepit; Hannibalem ex Italia acceſſitum ſuperauit, Carthaginemq; Romanis fecit tributariam; reuerſus Romam triumphauit; conſul in expeditionem Aſiaticam profeſtus, omnia ſuis auſpiciis rexit; Antiochum ſub iugum miſit; accuſatus demū, quod prædam Aſiaticam non totam in ærarium contuliſſet, Linternum ſeceſſit in uillam ſuam, pertæſus ingrati tudine urbis. Liuius.

Scipio Æmilianus, Paulli Æmilij filius, Numantiam euerſit, Carthaginem penitus ſuſtulit.

M. Scæua centurio Cæſaris in Gallia ſolus in acie reſtitit. quum in hoſtes rueret, & iam telo femur tranſfixus eſſet, contuſusq; caput iſtu ſaxi, clypeo & galea diſſectis, gladioq; fracto, duplici lorica munitus, ſe in mare proiecit; & quū natando perueniſſet ad ſuos, Parce, inquit, imperator, arma perdidit. Tranquillus ſcribit eum eſſoſſo oculo, tranſfixisq; humero & femore, ac clypeo centum & uiginti foraminibus terebrato, caſtelli commiſſi portam non reliquiſſe.

Paullus Æmilius, Æmilij Paulli conſulis, collegæ Terentij Varronis, filius, de Liguribus triumphauit; Perſeum Macedoniæ regem cepit, demum in triumphum duxit; pro conſul in Hiſpania cū Vaſcetanis & Luſitanis aduerſo Mar-

te pugnavit; anno tamen sequenti Lusitanos fudit, cælis ex  
eorum exercitu xix. millibus, captis uerò dxxx.

Aurelianus imper. irrumpentes in Italiam Sarmatas bello fudit, è quibus uno die octo & quadraginta sua manu interfecit; Zenobiam quoque Palmyræ reginam in triumphū duxit; profectus in Galliam, Tetricum subiugavit; mox in Ægyptum traiciens, regionem pacavit, sublato Firmo, factiones ibidem suscitante; Romam postremò reuersus, de his omnibus triumphauit. Fla. Vopiscus.

Iustinianus imp. Persas domuit; Vandalorum gentem de leuit; Africam Rom. imperio totam restituit; Gothos iterum in Italiam irrumpentes fudit; Mauros Africam infestantes cum Atila rege subiugavit, quæ magna ex parte auspiciis Belisarii gessit. propter tot uictorias dicebatur Alemannicus, Gothicus, Alanicus, Vandalicus, Africanus. Paulus Diaconus lib. 18. rerum Rom.

L. Sicinius Dentatus propter ingentem fortitudinem Achilles Romanus uocatus est. pugnavit in hostem cxx. præliis; cicatricem auersam nullam, aduersas xlv. tulit. coronis donatus est aureis viii. obsidionali una, muralibus tribus, ciuicis xiv. torquibus lxxxi. armillis plus centum & sexaginta, hastis xvi. phaleris item quinquies uiciesque. Triumphauit cum imperatoribus suis triumphos nouem. Plin. & Gellius.

M. Sergius, ut scribit Plinius, secundo stipendio dextrā manum perdidit; stipendiis duobus, ter & uicies uulneratus est; bis ab Hannibale captus; bis uinculorum eius profugus xx. mensibus nullo non die in catenis & compedibus custoditus. sinistra manu sola, quater pugnavit, duobus equis insidente eo suffossis; dextram sibi fecit ferream, eaq; reli-gata præliatus est. Cremonam obsidione exemit; Placentiam tutatus est; duodena castra hostium in Gallia cepit; uicit etiā Fortunā. Solinus & Pontanus de Virtute bellica.

C. Tacitus prodit, Vespasianum consueſſe ante ire agmē, locum capere, cibo fortuito, ueste habituq; uix a gregario milite discrepante, legiones habuisse exercitas bello, noctu sterisse in excubiis, milites stratagematibus, dolisque bellis instruxisse.



# BELLICOSI VIRI CVM

Manlius Torquatus Gallum prouocantem, scuto, & gladiis duobus armatum, ornatumq; torque, & armillis, uiribus, adoleſcentia, magnitudine, & uirtute anteſtantem ceteris, occidit: mortuo torquem detraxit, eamq; ſanguinolentam collo ſuo impoſuit. quo facto, ipſe, poſteriorq; eius Torquati cognominati ſunt. Gell. cap. 13. lib. 9.

Auguſtus imp. Cantabros, Aquitanos, Rhetos, Vindelicos, Dalmatas Romano ſubiecit imperio; Sueuos, Carthosq; deleuit; Sicambros in Galliam tranſtulit; Pannonios ſtipendiariis adiecit; Getarum populos, Baſternasq; laceſſitos bellis ad concordiam impulit; obſides accepit a Perſis, creandiq; regis arbitrium. ad eum Æthiopes, Indi, Scythæ, Garamantes legatos cum donis miſerunt. bella ciuilia quinque geſſit, Mutinenſe, & Actiacum aduerſus M. Antonium; Philippenſe in Brutum, & Caſſium; Peruſinum aduerſus L. Antonium Triumuiſi fratrem; Siculum aduerſus Sextum Pompeium Cn. Pompei, filium. in bello Mutinenſi non modò ducis, ſed etiam militis functus eſt munere. nam aquiliſero legionis ſuæ grauiter uulnerato, ipſe aquilam humeris ſubiit, diuq; portauit. quod fuit argumentum & indicium magnæ fortitudinis.

Probus imperator, bello Sarmatico tribunus, tranſmiſſo Danubio multa fortiter fecit. donatus eſt haſtis puris quattuor, coronis uallaribus duabus, ciuica una, uexillis puris quattuor, armillis aureis duabus, torque aureo uno, patera una librarum quinque ad rem diuinam. Sabellicus in Elegiis Romanos quosdam bellicosos his uerbis enumerat:

Et quem deceptæ plectentem crimina dextræ

Cernere magnanimus Poſſena non potuit.

Tercentum Fabios, aſſertoresq; Camillos,

Nec quibus agnomen Africa terra dedit.

Non Catulos, Deciosq; duos, geminosq; Catones,

Non Capitolini nomina magna laris:

Nec taceat Coſſum, nec te, Marcelle, relinquat,

Non Curios parcos, Fabriciumq; ſenem.

Tollat in immenſum Syllam Mariosq; feroces,

Pompeiosq; duos, Cæſareamq; domum.

Gylippus uir Lacedæmonius, bello ſtrenuus, Athenien-

ses multis bellis, multisque cladibus effecit. Tibullus lib. 4.

Non magni potior sit fama Gylippi.

Sunt & alii plerique uirtute bellica memorabiles, ut ex Troianis Priamus, Æneas, Hector, Paris, Deiphobus, Troilus, ex Græcis Agamemnon, Menelaus, Achilles, Ajax uterque, Patroclus, Ulysses, Nestor, Diomedes. de Achille Catullus: Non illi bello quisquam se conferet heros. Horatius, Scriptor honoratum si fortè reponis Achillem, Impiger, iracundus, inexorabilis, acer, Iura neget sibi nata, nihil non arroget armis.

Bellicam Æneæ uirtutem Diomedes apud Virgilium lib.

11. his aperit uersibus:

Munera, quæ patriis ad me portastis ab oris,

Vertite ad Æneam. stetimus tela aspera contra,

Contulimusque manus. experto credite, quantus

In clypeum assurgat, quo turbine torqueat hastam, &c.

His adduntur Adrastus, rex Argiuorum, Agefilus, Brennus, Cambyfes, Catilina, Cimon Atheniensis, Cræsus, Euander, Iugurtha, Iason, Hercules, Pacorus rex Parthorum, Perseus, Theseus, Pyrrhus, Pyrrhus Achillides, Tydeus, Thrasibulus, & alii plerique poetarum carminibus cantatissimi.

## FORTISSIMI FORTITVDINE corporea.

**V**irgilius lib. 8. Æn. fingit Herilum tres animas habuisse, ter leto sternendum fuisse. nec aliam ob causam, ut coniecere est, quàm propter inusitatas, & portentosas hominis uires. sic autem loquitur Euander Maronius:

Et regem hac Herilum dextra sub tartara misi:

Nascenti cui tres animas Feronia mater

(Horrendum dictu) dederat: terna arma mouenda,

Ter leto sternendus erat: cui tunc tamen omnes

Abstulit hæc animas dextra, & totidem exiit armis.

Gratianus, pater Valentiniani imp. funarius est appellatus, quod uenalicium funem partanti quinque milites non possent extorquere. Sex. Aurel.

Cleomedes Astypaleus Lacchum Epidamnium pugilem armatum unico ictu inermis occidit, occisi latera aperuit, & iniecta manu eduxit intestina, ob quam feritatem, quum a iudicibus in ius uocaretur, per forum abiens, columnam (qua ludi litterarij domus fulciebatur) disiecit, eaq; ruina pueros omnes adobruit. alij dicunt fugientem in Mineræ templo arcam ingressum operculo se obtexisse, ubi nusquam repertus sit. Plutarchus in uita Romuli, & Crinitus cap. 1. lib. 15.

Milonem Crotoniatam, dum constitisset, nemo uestigio educebat. malum tenenti nemo digitis poterat extorquere, in Olympia bouem per stadium retento anhelitu portauit, quem ictu pugni interfecit, & uno die integrum deuorauit. quum autem nimia neruorum fiducia arborem uellet diducere, brachiis hinc inde constrictis, & deficiente conatu re tentus, lupis fuit præda. Iuuenalis satyra 10. uiribus ille Confusus periit, admirandisq; lacertis. Cælius cap. 21. lib. 5. De Milone meminit Gellius lib. 15. cap. 16.

Titormus Busequa fuit quispiam procerq; corpore, uiribusq; portentosis, cuius uires quum Milo uellet experiri, ille in Euenum descendens permagnum arripuit lapidem, quem ad se protraxit, & inde propulit, bisq; & ter hoc ipsum effecit, postea erexit, erectumq; & humero impositum ad quinquaginta ulnas uexit. hunc autem lapidem uix emouebat Milo. Aliud item roboris sui argumentum exhibuit Titormis. maximi enim tauri pedem corripuit, furentemq; & inde proripere se cupientem constantissimè retinuit, quod uidens Crotoniates, O Iupiter, inquit, an alterum nobis profeminasti Herculem hunc? Cælius cap. 69. lib. 11.

Poetæ scribunt Cacum immanem fuisse latronem, Vulcani filium, ignes, & flammæ ore uomentem, qui boues cauda raptos inuersis uestigiis, causa tegendi furti, in speluncam traxerit. fabulantur quoq; tam prodigiosis fuisse uiribus, ut cauernam suam obice montis præstrueret. Ouid. 1. Fast. Ille aditum fracti præstruxerat obice montis, Vix iuga mouissent quinque bis illud onus. Nititur hic humeris (cælum quoque sederat, &c.

Monychus nomen est Centauri, qui arbores & saxa pro



telis iaculabatur. Lucanus lib.6. Pharf. Asperate Pholoes frangentem Monyche saxa. Ouid. in Ibin, Quique trabes pressas ab humo mittebat in aures. Iuuen. saty. 1. Quantas iaculetur Monychus ornos. Idem quoq; fingitur de Rhæto Centauro. Lucanus,

Teque sub Oeteo torquentem uertice uulsas

Rhæte ferox, quas uix Boreas inuerteret, ornos.

Scinis latro fuit prope Corinthum, summas arbores in terram complicabat, hisq; alligatos homines discerpebat, truncis cum magno impetu in aera laxatis. Ouid. in Met. Occidit ille Scinis, magnis malè uiribus usus, Qui poterat curuare trabes, & agebat ab alto, Ad terrâ latè sparsuras corpora pinus.

Quantæ fuerint Turni uires hoc licet arguere, quod singulari certamine Saxum antiquum ingens (campis quod forte iacebat Limes) in Æneam contorsit. auctor Virg. Vix illud lecti bis sex ceruice subirent, Qualia nunc hominum producit corpora tellus.

Iunius Valens (qui in prætorio Augusti meruit) uehicula cum culeis sustinebat. Carpentia comprehensa una manu retinebat, contra nitentibus iumentis.

Rusticellus mulum suum tollebat, inquit Varro apud Plinium.

Lisimachus leonem (cui Alexandri iussu fuerat expositus) strangulauit, arrepta eius lingua.

Græcorum monumētis proditum est leonem insolita magnitudine confectum in Olympo monte à Polydamante athleta inermi. eundem quoq; scribunt in armenta boum in trasse, ubi taurum magnitudine insignem, altero posteriorum pedum arripuerit, ferocientemq; & prætabido impetu proflientem, non dimiserit prius, quam in eius manu ungulam reliquerit. narratur etiam quadrigas tora ui concitatas constantissimè retinuisse. qua fortitudinis fama per motus rex Darius, Artaxerxis filius, uirum magnæ mercedis pactione Susa pellicuit. eò quum uenisset Polydamas, tres omnium Persarum fortissimos (qui una ex prouocatione arma susceperant in aduersum) solus contrucidauit. cui inuitato robori cōfidens, dum forte fortuna cum aliquot aliis

in spelunca recumberet ad mensam, conuulsusque supernè scopulus ruinam minaretur, & omnes ad fugam impelleret, solus ibidem remansit, fore sperans, ut saxum decidens facile sustineret, quo tamen oppressus est. Cæl. cap. 56. lib. 7.

Sabinus Syrus, uir fuit memorandæ fortitudinis, qui tempore Titi Vespasiani primus Hierosolymæ muros ascendit. Iosephus lib. 7.

Sanfon mille quondam Philistæos asini maxilla interfecit; ligatus domum concussit ac diruit, eaque ruina oppressit quamplurimos; portas urbis euellit; capillis demum a Dalida meretrice rasis, in quibus robur fatale continebatur, uenit in hostium manus.

Taurea Iubellius Campanus, uir fuit memoranda fortitudine, qui in castris Hannibalis Claudium Ascilium Romanum ingenti hominem robore ad duellum prouocauit. idem capta a Fulvio Capua, uxorem, liberos ac se postremò ante pedes imperatoris gladio confodit.

Tritanus hostem, ex prouocatione dimicantem, inermi dextra uno digito superauit, & postremò correptum in castra transtulit. Plinius lib. 7.

Agatho uir fuit Athenis monstrosæ fortitudinis, & magnitudinis octo pedum, in ipsa etiamnum adolescentia uasta coma, hirsutis oculis, & iunctis, ut unus propè uideretur, læta facie, naso aquilino, ceruice torosa, pectore uasto, cruribus breuibus, ac extrà incuruatis. erat ei tegmen lupina pellis; frequens cum apris, lupis & tauris certamen, quorum uulnera ostentabat. uescebatur lacte asinino. cratera sibi iussu Herodis oblatum respuit, dicens: Haud purum esse, quod odore muliebri offenderetur.

Tydeus, Oenei Calydoniæ regis filius, quum Mycenis moraretur, neminem sibi uiribus conferendum reperit. missus ad Etheoclem legatus Thebænos ad quodlibet certaminis genus prouocauit, omniumque euasit uictor. quod quum ægreferrent, insidias in! oportuno loco tetenderunt. contiterunt enim iuuenes omnium fortissimos, qui transeuntem illac Tydeum interciperent, & obtruncarent, quos omnes tamen interfecit. Tortellius lib. 6.

Seleucus Nicanor, Syriæ rex, corpore fuit ingenti & ro

busto, adeò ut taurum syluestrem in Alexandri sacrificio elapsum sese opponens, utraque manu tenuerit.

Firmus imperator (quem Aurelius latronem Ægyptium uocabat) statura fuit ingenti, oculis promicantibus, capillo crispo, fronte uulnerata, fusco, uultu, reliquum corpus pilosus, & hispidus, ita ut Cyclops uulgò diceretur: robore autem adeò insignis, ut Triarium uinceret. nam & incudem pectori superpositam, tondentibus fabris, constanter pertulit, quum resupinus, & in manus curuatus pendere magis uideretur, quàm iacere. Crinitus.

Leginus Maximinum imp. (qui Thrax fuit) appellatum fuisse Milonem sui sæculi, quòd is hamaxas traheret, Rhedam onustam propelleret, aliaque item plurima perficeret, fidem uix capientia. Capitolinus.

Aristomenes Messenius solus ccc. Lacedæmones occidit. tandem uulneratus, & captus pœnam per cuniculos subterraneasque cauernas effugit. iterum captus, custodibus somno sepultis, accessit ad ignem, & lora combussit. tertio captum quum Spartani dissecuissent, introspexisseque qualis esset, repertus est hirsuto corde. Plinius libro 11. cap. 37.

Fusius Saluius duo centenaria pondera pedibus, totidem manibus, & ducenaria duobus humeris contra scalas ferebat. Plin. cap. 20. lib. 7.

Plinius ait se uidisse Athanatum quendam prodigiøsæ ostentationis, quinquagenario thorace indutum, cothurnisque quingentorum pondo calciatû, per scenam ingredi.

C. Acilius, Cæsaris miles, nauali apud Massiliam prælio hostilem ingressus puppim, abscissa dextra umbonem sinistra retinuit. eoque uultibus terrens, ut prostratis omnibus, nauem occuparit uictor. Plutarchus in Cæsare.

M. Seruilius, uir consularis, tricies & uigesies in singulari certamine pugnavit, ac semper trucidauit hostem. Plut. in Æmilio.

Bithon quidam (ut apud Cælium testis est Pausanias) taurum humeris gestabat, cuius memorabilis & prodigiøsæ fortitudinis indicem habuit statuam Argis.

Cynegirus Atheniensis in bello Persico magna pertina-



cia in conſectandis hoſtibus uſus eſt. nam & nauem onuſtam dextera manu tenuit , ea amputata ſiniſtram iniecit : quam & ipſam quum amiſiſſet , nauem mordicus arripuit , morſuq; retinuit furenti ſimilis . Trögus & Herodotus . Idem quoque dicitur accidiſſe Lucio Glaucō , uiro Romano , ut utranque amiſerit manum , quum Aſdrubalis nauem detinere uoluſſet .

Skyoldus, Vſſo, Freſicus, Starcatherus nomina ſunt apud Saxonem Grammaticum hominum magnis uiribus & magno robore præditorum ; quorum Skyoldus, Lothari Dani regis filius ; quum ab adoleſcētia uenandi ſtudio flagrarēt, immanem ( cui nemo audebat congredi ) belluam ſubegit , quæ futuram in eo fortitudinem ominata eſt. idem poſtea repertum miræ magnitudinis uſum ; & inſolitæ granditatis , cingulo detinuit , ſociisq; præbuit occidendum . complures quoque ſpectatæ fortitudinis athletæ ab eodem ſuperati ſunt . è quibus Attalus & Scarus illuſtres fuere .

Vſſo maiore erat corpore ; quam ut armis uti poſſet alienis . oblatiſ compluribus gladiis , manu capulum ſtringens fruſtillatim ſingulos agitando comminuit . nec erat tanti rigoris gladius , quem non ad primæ concuſſionis motum , in uarias partes eſfringeret , ac diſſolueret . Saxo lib. 4.

Vbbo Freſicus, Haraldi regis miles, præter undecim, quos in acie uulnerauerat ; uiginti quinque deſectorum pugilum interfecit . idem nemine propius cum ipſo congredi audente ſagittis impetit ſcxliv. ictibus prius perforatus eſt , quam lapſis corporis uiribus genua reclinaret .

Starcatherus iam ſenex , gemino cinctus enſe , totidem baculis infirmam ſenectutem iuuabat. cui quum popularium quidam illudens , inutilem & ſuperuacuum diſſet gladio uſum , ac propterea alterum ſibi donari per ludibrium petiſſet ; iuſſum accedere ſpe petitionis Starcatherus gladio tranſuerberauit : ad cuius facti ultionem , quum duo Hatheri milites magno equorum concuſſu aduolaſſent , utrumque occidit . facti cauſam percontanti Hathero , reſpondit , ſe ſemper poenas ab irriſoribus exigere ſolitum ; nec unquam impunè ſibi a procacibus inſultatum .

Paulus Diaconus ſcribit , Amelongum, Romualdi Longo bardorum

bardorum regis militem, quendam Græcum equitantem  
 istu baculi seila excussisse, & in aera supra caput suū leuasse.

Ferunt Odenatum, Zehobix Palmyreorum reginæ (de  
 qua Aurelius triumphauit) maritum, primam ætatem exer-  
 cuisse in capiendis leonibus, pardis, ursis, ceterisque; sylue-  
 stribus feris: famem insuper, æstus, frigora, pluias ubique  
 pertulisse: quibus duratus bellicas postea difficultates tum  
 aduersus alios, tum maximè aduersus Persas tulerit. Pollio  
 Trebellius; Pontanus de Fortitudine.

Smerdis, frater Cambyſis, solus arcum adduos digitos  
 complicabat, quem nemo Persarum poterat incuruare. He-  
 rod. lib. 3.

Dioxippus, Alexandri fuit miles fortissimus, qui prouo-  
 catus a Corrago milite, eūdem claua interfecit. Q. Curtius.

Eutynus athletā, patria Locrentis, quum ingenti esset  
 robore, saxum mīæ magnitudinis allatum humeris pro por-  
 ta Locrentium statuit, quod miraculi gratia uisebatur. idem  
 quoque Temeseum quendam reddere compulit, quæ cuique  
 magno fœnore extorserat. Erasinus, & Volater.

Fuit Carolus Magnus (ut iam dictum est) ptoçero cor-  
 pore, uastisque præter humanam consuetudinem uiribus,  
 cuius rei haud dubia sanè reliquit argumenta tam præclaris,  
 tamquè multiplicibus uictoriis.

Telamon propter insignem corporis fortitudinem Her-  
 cullis amicus habitus est, & Hesione possidere meruit.

Peleus feras omnes (ad quas discerpendas fuerat missus)  
 uiribus sustulit.

Periclymenus congressum Herculis sustinere ausus est.

Nestor apud Ouid. lib. 12. uires suas sic exprimit: Tunc  
 ego debueram capienda ad Pergama mitti, Tunc poteram  
 magni si non superare, morari Hectoris arma meis.

Theſeus, Ægei filius, Herculeæ uirtutis æmulus, Scyro-  
 nem & Procustem latrones; Scinin arbores complicantem,  
 Creontem Thebarum tyrannum, Minotaurum monstrum  
 biforme, Centaurosque plurimos interfecit, & (ut fabulan-  
 tur poetæ) ad inferos descendit cum Pyrithoo, ut Proser-  
 pinam raperent; quæ omnia Phyllis apud Ouidium decla-  
 rat his uerbis:

Quum fuerit Scyron lectus, toruusque Proustes,  
 Et Scinis, & Tauri, mistaque forma uiri;  
 Et domitæ bello Thebæ, fusique bimembres,  
 Et pulsata nigri regia cæca dei.

Si poetarum uerba fidem capiūt, nemini dubium est, quin omnium (qui prodigiosis uiribus exitere) laudem multis interuallis excesserit fortissimus ille Iouis & Alcmenæ filius Hercules: qui odio noueræ Iunonis agitated, multa passus est, & plerisque naturæ portentis expositus: a quibus tamen semper rediit uictor. In primis dum adhuc esset infans, duos angues arctatis gutturibus elisit. prouectior factus in Lærna plaude certamen suscepit cum Hydra rediui uis capitibus pullulante, dum unicus amputabatur uertex. Leonem Nemæum toti populo formidolosum, precibus Molochi pastoris (a quo susceptus fuerat hospitio) interfecit; alterum item in Theßalia non minus terribilem. Aprum in Mænalo Arcadiæ monte cuncta uastantem itidem iugulauit. Ceruam æripedem, & aureis cornibus decoram, cursu arripuit. Harpyas uolucres immundas, uirginem præferentes uultum, prope Stympalum Arcadiæ lacum sagittis confodit. Taurum furiosum & flammam uomentem distentis faucibus iugulauit in Attica. Acheloum in uarias formas se commutantem uicit. Diomedem regem Thraciæ equos hospirum cruore pascentem occidit. Busirim regem, Neptuni & Libyæ filium, hospites mactantem, & adiacentes Nilo regionis latrocinii deprædantem, itidem interfecit. Antæum Gigantem (cui terra mater suppedibat uires) lucta superauit. Abylen & Calpen columnas in Occidente posuit. Aurea mala sustulit Hesperidibus, interfecto (qui eorum custos erat) dracone. Geriona tricorpore uita spoliavit, & armento. Amazonum reginæ Balteum abstulit. Cæcum Vulcani filium & latronem, flammam ore uomentem, de medio sustulit. Nessum centaurum, Deianiræ raptorem, confodit iaculis. Hesionam Laomedontis filiam liberauit a monstro. Troiam deleuit. Lacinium latronem in Italia peremit. Cælum humeris (ut ad exprimendas uires fingitur) sustulit. Iunonem in papilla uulnerauit, uelut laborum suorum auctorem. descendit ad inferos, ibiq; Cerberum rapuit, raptum,



& carenis uinctum, in auras eduxit. Theseum liberauit. Lycum Thebarum regem (quod Megaræ uxori suæ stuprum in ferre uoluisset) morti dedit. Vnicum fuit monstrum, cui non potuit superesse, Amor. Vnde Ouidius, Quem non mille feræ, quem non Stcheleneius hostis, Non potuit Iuno uincere, uicit Amor.

### GIGANTVM QVORVNDAM NOMINA, & aliorum inusitatæ magnitudinis hominum.

**Q**Voniam prodigiosis uiribus facta est mentio, decens & congruum uidetur, ut subsequantur Gigantes, & qui inusitata fuerunt corporum magnitudine. Finguntur autem Gigantes terræ filii, unde & Terriginæ uocantur a Lucano scribente: Aut si terrigenæ tentarent astra Gigantes. dicuntur & impetum fecisse in deos, eosque cælo detrudere uoluisset, cuius rei causa dei omnes mutatis formis deliquerint. Vnde Ouidius.

Emissumq; ima de sede Typhoea terra,  
Cælitibus fecisse metum, cunctosque dedisse  
Terga fuga, &c.

Fuerunt ingentis staturæ, unde & ex his nonnulli cælum humeris dicuntur sustinuisse, ut Atlas, Hercules. fulmine omnes percussi sunt ob prædictam impietatem. pugna illa uocatur Gigantomachia. ipsi uerò aliter dicuntur Phlegæi fratres, a Phlegra ualle Macedoniæ, ubi cum cælestibus pugnauiere. Seneca in Thyeste, Nunquid struitur uia Phlegæos alta per hostes, & Thessalicum Thressa premitur Pelion Ossa? Dicuntur & Titanes. Idem Seneca in Hercule furente, Titanas ausos rumpere imperium Iouis. Antiquitus sic formabantur, ut eorum pedes in draconum uolumina desinerent, quod ea ratione factum est, ut intelligere mus, eos nihil rectum sublime cogitasse, quum detorti eorum gressus ad inferna demergantur. auctor Vectius apud Macrobiū. Ea est causa, quamobrem uocentur a poetis Anguipedes, & Serpentina. Ouid. lib. 1. Metam. quantum quisq; parabat Iniicere Anguipedum captiuo brachiis cælo. Pontanus, Tu ne deus, tu ne anguipes uisitare gigantes? Ouid. lib. 4. Trist. Sphingaq; & Harpyas, serpenti

genosque gigantes.

Nunc seriatim dicendum est de his, quorum frequentior est apud scriptores mentio. Virgilius lib. 1. Georg. de quibusdam meminit: tum partu terra nefando Cœumque Iapetumque creat, sæuūque Typhœa Et coniuratos cælum rescindere fratres. Ter sunt conati imponere Pelio Ossam, Scilicet atque Ossæ frondosum inuoluere Olympum: Ter pater exstructos disiecit fulmine montes.

De Iapeto Sylius lib. 12. Apparet procul Inarime quæ turbine nigro Fumantem premit Iapetum, flammisque rebellis Ora relectantem.

De Typhœo, seu Typhonē Virgilius lib. 9. Tum sonitu Prochyta alta tremit, durumque cubile Inarime Iouis imperiis imposita Typhœo. Val. Flaccus lib. 2. Horror abest, Sicala pressus tellure Typhœus. Virgilius in Cyri, Additur aurata confixus cuspide Typho. Lucanus lib. 4. de hoc & quibusdam aliis, Nondum post genitos tellus effœta gigantes; &c.

Inter Gigantes etiam númerantur Alcœus Titanis filius, geminique eius filij, ex Iphimeride a Neptuno uolata geniti, Othos & Ephialtes. Virgil. in Culice, Nami Victus sedet immanis serpentibus Othos, Deuinctum mæstus procul aspiciens Ephialtem, Conati quondam quum sint incendere mundum. Idem lib. 6. Æn. Hic & Aloidas geminos immania uidi, Corpora, &c.

Enceladum poetæ fabulantur in Sicilia fulminatum, ut Othum in Creta, Typhœum in Campania. de hoc Virgilius lib. 3. Æn. Fama est, Enceladi semustum fulmine corpus Virgeri mole hac, ingentemque insuper Ætnam Imposiram ruptis flammam expirare caminis; Et fessum quoties mutat latus, intremere omnem Murmure Trinacriam, cælum subtexere fumo. Idem in Ætna, Murmure Trinacrio morientem Iuppiter Ætna Obruit Enceladum, &c.

Tityus Gigas fuit nouem iugerum, qui quum Latonæ uim uellet inferre, ab Apollinē sagittis confossus est, & ad inferos detrusus, ubi a uulture corroditur; fibris, & iecore semper renascentibus. Virg. lib. 6. Æn. Nec non & Tityon ter ræ omnipotētis aluum Cernere erat: cui tota nouem per

iugera corpus Porrigitur; rostroque immanis uultur adunco  
Immortale iecur tundens, secundaque pœnis Viscera, rima-  
turque epulis, habitatque sub alto Pectore; nec fibris requies  
datur ulla renatis. Ouid. lib. 1. de Ponto.

Polyphemus cyclops, Neptuni filius ex Thoa, propter  
immanem corporis molem numeratur inter gigantes. de  
hoc Virg. lib. 3. Æn. Nam quantus, qualisque cauo Poly-  
phemus in antro Lanigeras claudit pecudes, atque ubera  
pressat.

Ægæon gigas est, quem nonnulli eundem cum Briareo  
faciunt. fuisse fertur centimanus, unoque ictu centum sco-  
pulos in Iouem torfisse. Virg. lib. 10. Æn. Ægæon qualis,  
centum cui brachia dicunt, Centenasque manus, quinquagin-  
ta oribus ignem Pectoribus arfisse, Iouis quum fulmina con-  
tra Tot paribus streperet clypeis, tot stringeret enses. Hunc  
poetæ fabulantur a Neptuno fuisse alligatum maris Ægæi  
scopulis. Statius, Audierat duros laxantem Ægæona nexus.

De Briareo Claudianus, quæ brachia centum Briareus  
aliis numero crescente lacertis. Tot simul obiectis posset  
configere rebus. Virg. lib. 6. Æn.

Inter hos ponitur Numas, quem aiunt sub Prochyta con-  
clusum. Syllius lib. 12. Apparet Prochite sæuam sortita Nu-  
manta.

De Porphyryone & adamastore Sidonius, Hic rotat ex-  
cussum uibrans in sidera Pindum Enceladus, rapido fit mis-  
sile Ossa Typhæo, Porphyryon Pangæa rapit, Rhodopéque  
Adamastor.

Anthæus gigas fuit in Libya proceri corporis, cui Her-  
culem luctanti terra mater augebat vires, quotiescunque  
eam attigerat. Lucan. lib. 4. Hoc quoque tam vastas cumu-  
lauit munere vires Terra sui foetus, quod quum retigere pa-  
rentem, Iam defecta uigent renouato robore membra.

Fuit & Astræus unus e Titanibus, qui contra deos arma  
sumpsere. hic ex Aurora uentos genuisse fertur.

Atlantem poetæ fabulatur gigantem omnium maximum,  
qui celum humeris sustinuerit. quod fingitur propter eius-  
dem nominis montem in Mauritania tantæ altitudinis, ut  
nubes contingere uideatur. Virg. ubi celifer Atlas A-



## GIGANTVM NOMINA

sem humeris torquet stellis ardentibus aptum. Ouidius lib. 5. Fast.

Gygem Hesiodus in Theogonia facit celi & terræ filium, & Briarei fratrem. Ouidius, Centimanumq; Gygem. Pontanus lib. 3. de Stellis, quosdam enumerat.

Sunt & alij, qui excreuisse dicuntur in Gigantæam propè magnitudinem. nam Agatho Atheniensis (qui floruit ætate Hadriani principis) adhuc adolescens fuisse dicitur altitudinis octo pedum.

Fuit & Porus rex in India quattuor cubitis & palmo procerus, quem Alexander bello uicit.

Aranthas Bebrycius octonis cubitis lógus fuisse traditur, Orestis corpus oraculi iussu refossum septem cubitorum fuisse monumentis proditur, auctore Plinio, Architrenius, Staturam cubitis septem distendit Orestes.

In Creta terræ motu rupto monte inuentum est corpus stans XLVI. cubitorum, quod alij Orionis, alij Etionis fuisse tradunt.

Ætate Plinii uisus est nouem pedum ac totidem unciarum homo Gabbara nomine, ex Arabia aduectus. Architrenius, In bis quinque pedes produxit Gabbarus artus.

Fuerunt semipede maiores Pusio & Secundilla, quorum corpora miraculi gratia asseruata sunt in conditorio Sallustianorum hortorum.

Goliath gigas fuit, quem Dauid fundæ uerbere deiecit in terram & interfecit. Policianus in Nutricia, Plallentemq; deo regem, qui turbine fundæ Ista Philisteo secuit puer ora Giganti.

Quàm procerus extiterit Maximinus imper. hoc satis argumentum constat, quòd uxoris dextrocherio (id est ornamento brachiorum) pro anulo ueretur.

Saxo Grammaticus ait Offotum fuisse gigantem, & pastorem, cuius armenta tutabatur canis Biornonis cuiusdam.

Berosus libro 5. antiquitatum Noa reponit inter gigantes & astrologos. facit Tuiskonem gigantem, cuius filius Manus apud Sarmatas regnauit ætate Semiramidis.

Inter gigantes quoque numeratur Hercules, quem fessio Atlante celum humeris subiisse ferunt.

Artachees uir fuit inter Persas procerissimus, ætate Xerxis, ut cui quattuor omnino digiti deessent a longitudine quinque regionum cubitorum. Herodotus.

Oromedon quoque nomen est gigantis apud Propertium lib. 3. scribentem: Te duce uel Iouis arma canam, cœloq; minantem Cœum & Phlegræis Oromedonta iugis.

Saxo Grammaticus ait Harthbenum fuisse quendam ex-Helsingia, qui raptas regum filias stupro scdare gloriæ loco ducebat, illum perimere solitus, a quo peragendæ Venæriis usu prohiberetur. atq; tantam in eo corporis magnitudinem exstitisse, ut ix. cubitis proceritatis eius dimensio tenderetur.

Fuit & Gemagog gigas cubitis duodecim procerus. Architenius, Cubitis te quattuor altum Gemagog Herculeæ suspendit in æra lucta. Idem, Gemagog arduitas Corinæi fracta lacertis.

## NANI, ET PVMILIONES.

Nani dicuntur homunciones breuiculi, & modicè ab humo extantes: uocantur aliter Pumiliones, & Pumili. Statius, Mirantur Pumilos ferociore. Talis fuit Conopas, in deliciis Iuliæ, nepris Augusti, duos pedes & palmum longus, auctore Plin. Cuiusmodi etiam fuisse fertur Andromeda, liberta Iuliæ Augustæ.

Manium Maximum & M. Tullium, equites Romanos, binum cubitorum fuisse, auctor est Varro apud Plin.

Duo fuerunt Molones nota corporis breuitate, quorum alter histrioniam exercuit, alter latrociniiis famosis factus est. inde natum adagium, Pusillus quantus Molon.

Pygmæorum, qui longissimi sunt, duos pedes & quadrantem non excedunt. hinc prouerbiū, Pygmæo breuior. Mantuanus, Inter pygmæos non pudet esse breuem. Habitant in extrema parte montium Indiæ: horum mulieres quinto anno pariunt, & senescunt octauo. infestantur maximè a gruibus, in quas turmatim prodeunt, & nihilominus uincuntur. Claudianus lib. 1. In Eutropium. Et Iuuenalis Sat. 13.

M. Antonius Sisyphum pumilionem habuisse fertur intra bipedalem staturam, ingenio tamen uiuacem. Augustus ex

## CYCLOPES.

hibuit spectaculis Lucium, adolescentulum honestè natum,  
bipedali minorem.

## ALOIDÆ, TYNDARIDÆ, ATRIDÆ.

**A**loidæ dicti sunt Othos & Ephialtes, ab Aloëo gigante, cuius uxorem Iphimediam compressit Neptunus, & ex ea suscepit geminos, qui quum Aloëi putarentur esse filii, dicti sunt Aloidæ, ut iam diximus.

Eo quoque modo Tyndaridæ uocati sunt Castor & Pollux, quod crederentur Tindari filii, quum tamen ex concubitu Iouis cū Leda geniti essent. Seneca, Hinc clara gemini signa Tyndaridæ micant. Quidius, Tyndaridæ fratres, hic eques, ille pugil. Simili ratione uocatur Helena Tyndaris.

Atridæ uocantur Agamemnon & Menelaus, ab Atreo parente. Horatius de Agam. Arsit Atrides medio in triumpho Virgine rapta. De Menelao Virg. lib. 11. Atrides Protei Menelaus ad usque columnas Exulat.

## CYCLOPES.

**C**yclopes ministri fuerunt Vulcani in Sicilia, quos poëta Monoculos dicunt, Neptuni filios ex Amphitrite. dicuntur Ioui fulmina conficere apud Liparam, quæ est una ex Aeoliis insulis. fabricam ferrariam primum in Creta repperunt. omnium præcipui fuerunt Brontes, Steropes, Pyragmon. de quibus Virg. lib. 8. Aen. Ferrum exercebant uasto Cyclopes in antro, Brontesque, Steropesque, & nudus membra Pyragmon. Ouid. lib. 4. Fastorum, Claudianus de 111. consulari Honorii, & Statius lib. 4. Syl. Hos autem occidisse fertur Apollo, propter fulmina Ioui fabricata, quibus perierat filius Aesculapius. hinc extrusus deorum contubernio exulauit in Thessalia, ubi Admeti regis fuit armentarius.

## CVRETES.

**C**vretes, seu Corybantes ministri fuerunt Cybeles, quibus ferrariam fabricam nonnulli referunt acceptam. horum nomina citat Erasmus ex Græcis carminibus, quæ Latina fecit: Illic habitabant Montigenæ Phryges Idæi, Gens arte celebris, Celmis Damnameneusque ingens, Acmonque superbus Montanæ docti cultores Adrastæ:



A quibus ars Vulcania primis esse reperta Dicitur, & nigrum nemoroso in monte repertum, In varios usus monstratum cudere ferrum, Impositumq; igni, miro splendere re cultu. Propter hoc inuentum (quod illis ascribitur) æra & ferra uocantur Corybantia. Virg. lib. 3. Æn. Hinc mater cultrix Cybele, Corybantiaq; æra. Tertullianus, Iuppiter Cretam suam Romanis fascibus concuti speret, oblitus illud antrum Idæum & æra Corybantia. Horum præcipuus fuit Celmis, a quo ferrum solidissimum cudebatur. hinc natum adagium, Celmis in ferro. de his, qui præter modum suis fidunt uiribus, tanquam inexpugnabiles, aut qui in sua arte magnopere excellunt. cuiusmodi sunt hæc, Roscius in scena, Antæus in arena, Hercules in claua.

### ATHLETÆ, PVGILES, ET PALÆSTRITÆ.

**A**thletæ dicuntur pugiles & luctatores, aliter Pancratiastæ, a Pancratio ludo gymnico. de quo Propertius, Et patitur duro uulnera Pancratio. Gellius ait unum ex liberis Diagoræ Rhodij fuisse Pancratiastem. Athletarum nomine dicebantur, qui manibus pedibusque quasi omni ope, omnibusque, ut dicitur, unguiculis connixi certabant. uocantur etiam Palæstritæ a palæstra luctatione, de qua Virg. lib. 6. Æn. Pars in gramineis exercent membra palæstris. Palæstrici item dicuntur, qui motus gestusque formant, ut in palæstra brachia recta sint, nec indoctæ rusticæ uel manus, ne qua in proferendis pedibus inscitia, ne caput oculique ab alia corporis parte dissideant. hæc ars Chironomia dicitur, quam ueteres ingenuis liberis necessariam putauerunt, uideturque nonnihil ad Histrioniam spectare, & oratoriam. hanc qui non didicerunt, Apalæstri uocantur, quod motu flexuque corporis ac omni habitu nullam omnino uenustatem leporemque præferant. In Gymnicis artificibus sunt etiam Pistæ, id est pugiles, & Dromeis, id est cursores, quales a Virg. ponuntur lib. 5. ubi ad patris Anchisæ tumulum exequialis celebrat ludos. Sunt & alia per multa Athletarum genera, ut Discopoli, qui discum in sublimem iaculantur, qui frequens erat antiquis ludus. Haktici, qui

cursus pernitate contendunt, qualis Virgilianus ille pedibus longè melior Lycus. De antiqua puerorum instructione Plautus, Ante solem, inquit, exorientem nisi in palæstram ueneras gymnasii, profectò haud mediocres pœnās penderes. Ibi cursu, luctando, hasta, disco, pugilatu, saltando sese exercebant magis, quàm scorto. Sed hæc fuerant Græcorum exercitia, quibus non utebantur Romani. Gymnici Agones dicebantur, in quibus nudi exercebantur Athletæ, quos in Arcadia primus reperit Lycæon. hinc Gymnasia uocantur exercitii loca, quæ a corporibus ad animorum exercitia postea traducta sunt. Athenis tria fuerunt Gymnasia, Lyceum, Academia, Cynosarges. fuit Lycæum Aristotelis schola, Academia Platonis. apud Cynosarges pueri exercebantur, qui nec a patre, nec a matre ciuitatis ius habebant. Porro moris erat, ut luctaturi cæromate, id est oleo cærato perfunderentur: quos qui ungebant, uocabantur Cæromatistæ. unde Lucanus liquidam uocat palæstrā lib. 9. dicens: Arcados auctoris citharæ liquidæq; palæstræ. Vinctam Statius lib. 6. Theb. Ante alios erat unctæ Pales. Eadem ratione madidam oleo palæstram uocat Calentius. Post unctionem demum inspergebantur puluere, ut corpora cæromate & sudore lubrica mutuas luctantium prehensiones admitterent. hinc factus prouerbio locus, Citra pulueris tactum: ubi dicimus rem aliquam sine discrimine & labore partam. Pulus ille uocatur Aphe. Ceterum ubi Fabius lib. 1. Inst. ait bonum esse, ut futurus orator Palæstricis det operam, non de his loquebatur, quibus pars uitæ in oleo cōsumebatur, sed de illa Chironomia, quæ est formandorum gestuum ac motuum norma, quam ab Athletica palæstra multum distare constat. palæstræ tamen appellatione rem athleticam omnem complectimur. Pugilatus (qui Græcè Pygmen dicitur) cæstibus fiebat, cuiusmodi fuit illa Daretis in Entellum concertatio apud Virgilium. Qui saltu certabant. plumbeis quibusdam pilis & massulis (Halteres Græci uocant) utebantur, quibus utraque manu se librabant. hoc adhuc nostri temporis faciunt Histriones sumābuli, qui ne corporis mole in hanc uel illam partem rapiātur, præpilatis perticis uacillationem impediunt. de his intelligit

Iuuen. Et lassata manu ceciderunt brachia massa. Cursorum alii Stadiodromi uocabantur, qui stadium percurrerant, & quiescebant in limite. Alii Diaulodromi, qui peracta meta eò demum reuertebantur, unde cursum inierant Dolichodromi dicebantur, qui sexies stadium curriculo obibant. Inter athletas etiam erant Acrochritæ, qui summis inter se manibus depugnabant, nullo complexu hærentes. Qui quinque certabant generibus Lucta, Pugilatu, Saltu, Cursu, & Pancratio, Pentathli uocabantur. Xystici, qui per hyemem exercebantur in porticu. nam Xystos latam porticum significat. Sciamachi dicebantur, qui sub tectis umbratilem pugnam fingebant, non ueram, quæ fiebat in sole & puluere, qualis est Lanistarum pugna, qui digladiandi artem profitentur, quique numeros omnes imperendi, cedendi, inferendi; & uitandi uulnera, atque etiam ubi punctum, cæsimque; ferendum sit, discipulos docent; ut si quando in puluerem prodesum sit, & uulnificum certamen, tutentur se melius, & inimicos inuadant caucius. Panis, quo utebantur Athletæ, dicebatur Colyphium. Nunc ad eorum nomina ueniendum est, qui uel unico palæstræ genere, aut multis claris extiterunt.

Ouidius lib.5. Metam. facit Broteam & Ammonem pugiles cæstibus claros, ubi ait: Hinc gemini fratres Broteasque, & cæstibus Ammon Inquicti, uinci si possent cæstibus enses.

Ex duobus Tyndaridis alter fuit equitatu clarus, alter pugilatu. Quid. lib.8. Tyndaridæ gemini præstantes cæstibus alter, Alter equo. Idem alibi, Tyndaridæ fratres, hic eques, ille pugil.

Fuit Amycus, Bebryciorum rex, filius Neptuni, cæstibus clarus, quibus aduenas in filius interficiebat. hunc occidit Pollux. Sidonius, Sparta Terapneæ pugilem cum Gynnade pinguem Stratum Bebryciis Amycum suspexit arenis. Valerius Flaccus lib.4. Argon

Cæstibus ergo ualuerunt Amycus a Polluce interfectus, Butes Amyci filius, & Eryx, quem Hercules dedit morti.

Butes Amyci filius, & Eryx Butæ, illustres fuerunt pugiles. Bute Darex interfecit, Erix magister fuit Entelli;



## ATHLETÆ, PVGILES,

cuius cæstus Entellus ipse in Daretæ certaturus protulit. fertur etiam Eryx in Herculem certasse, uictus quæ succubuisse. de utroque Virg. lib. 5. Victorem Buten immam corpore, qui Bebrycia ueniens Amyci de gente ferebat, Percussit, & fulua moribundum extendit arena. Idem, Vbi nunc nobis Deus ille magister Nequicquam memoratus Erix?

Eurymus Pyctes fuit patria Locrensis, qui saxum miræ magnitudinis ad Locrensiū portas humeris uexit, ut iam diximus.

Nestor (ut est apud Homerum) quum adhuc iuuenis esset, uicit pugnis Clitomedea, lucta Ancæum, Iphiclum pedum uelocitate, Phylea & Polydorum iaculatione.

Agelidamus Locrensis fuit Olympionica, quem ab inimico propè uinctum, quum unxisset Ilas socius, acrior ad conflictum rediens euasit uictor. in cuius laudem Pyndarus scripsit hymnum.

Fuit & Ægeſias Syracusanus, Sostrati filius, nobilis Olimpionica.

Archias Hyblæus fuit præco, qui tres ordine uicit Olympiadas, & Pythica, statua cum epigrammate ob uirtutem illam decoratus. Iul. Pollux apud Valater.

Asbilus Olympionices fuit Crotoniata, ter in Olympia continua serie uictor, quem perpetua uirginitate fuisse præditum ferunt.

Autolycus nobilis fuit Pancratiastes, cui statua posita est in Prytæneo: id erat locus Athenis in arce dignissimus, ubi iudices de negotiis reipub. pertractabant.

Cleomedes athleta Astypalensis genere, de cuius robore iam diximus in cap. de Viris prodigioso robore.

Cleomachus fuit pugil Magnesiensis, de quo nihil reperitur, præterquam quòd in cuiusdam cinædi, & ancillæ amorem incidens, corruptissimis euaserit moribus.

Clitomachus Palæſtritam non tam commendant uires, quàm pudicitia: quòd etiam coeuntes canes sine horrore nò posset aspicere, aut in conuiujs aliquid impudicum permittere. Ælianus apud Volater.

Coræbus, patria Eliensis, primus cursu uicit in prima Olympiade.

Democratem athletam , facto in palæstra circulo , dimouere nemo poterat .

Ferunt Demarchum Parrhasium Olympionicam gustatis pueri ( qui immolabatur ) extis in lupum fuisse commutatum , decimo demum post anno pristinae formæ restitutum .

Diagoras Rhobius , uictor in Olympia , quum eodem die tres filios uictores coronari uidisset , expirauit gaudio . Gellius .

Epitherfes , Metrodori filius , uicit in quattuor certaminibus .

Icto Tarentino palæstritæ tanta fuit gloriæ libido , ut toto uitæ tempore castus uixerit , ne uenereo concubitu corpus eneruaret , fieretque propterea inutilior ad certamen .

Ergoteli athletæ Cretensi Pindarus hymnum consecrauit ob eximiâs uires : cursu uicit in Olympia .

Hypenus athleta primus diaulo uicit .

Marullus fuit athleta , qui , relicta postmodum palæstra , ludum Romæ aperuit , fuitque Latini sermonis exactor diligentissimus : Volat .

De Milone Crōtoniata , prodigiosisque eius uiribus , & stolidâ temeritate iam diximus .

Nicēdorus Mantineus Pyctes ab adolescentia totum se palæstræ deuouit , ubi maximam promeruit laudem . factus senior , cœpit philosophari , legibusque & institutis cōsulare .

Polydamas Păcratiastes leonem occidit inermis , taurum apprehenso pede retinuit , insiluit in equos aurigis deiectis , agitatōs miro impetu detinuit currus , saxo ad extremum in cauernâ oppressus est , dum eius ruinæ sese satisfacere posse cōsideret .

Theagenes patria Thasius cXL. coronas è certaminibus retulit uictor .

Androgeus Minois regis Cretæ filius , quum omnes palæstra superaret , ab Atheniensibus & Megarensibus , hanc ei gloriâ inuidentibus , interfectus est . cuius mortem Minos pater ultus est bello . Tort .

Antæus gigas Libycus , & egregius luctator , ausus est cum Hercule in certamen descendere : cui quum Terra mater uires tactu augeret , constrictis in aere membris & fau-

A T H L E T Æ P V G I L E S,  
cibus ab ipso Hercule iugulatus est. hanc eorum luctam  
describit Politianus hoc modo:

Inculauere animis dura certare palæstra,  
Neptuni quondam filius, atque Iouis.  
Non certa nen erant operoso ex ære lebetes;  
Sed qui uel uitam, uel ferat interitum.  
Occidit Antæus. Ioue natum uiuere fas est,  
Estque magistra Pales Græcia, non Libya.  
Pythodemos luctator fuit egregius, cuius statuam fecit  
Dynomædes. Plinius.

Daretem Virgilius finxit fuisse nescio quem iactanticu-  
lum, suisque uiribus immodicè fidentem: qui in ludis illis  
(quos ad Anchisæ tumulum celebrabat Æneas) quum sibi  
nimium blandiretur, ut unumquénque magnifico sermone  
lăcēsseret, ad extremum coegerit Entellum, quamuis capu-  
larem, & propè uiribus effœctum, cæstus arripere. à quo ma-  
gna nominis infamia superatus, propè semianimis in ca-  
stra suorum relatus sit. unde natum adagium, Hieronymo  
positum, Daes Entellum prouocat.

Corycus luctator, quum neminem reperiret priorem;  
aut parem, cuiusque uiribus succumberet, etiam adagio se-  
quenti fecit locum, Luctari cum Coryco. de his, qui ali-  
quid supra uires moliantur.

Patrobius, libertus Neronis, tanto palæstræ studio tene-  
batur, ut arenam a Nilo usque iuberet sibi afferri in thea-  
trum, qua spargeretur. Plin. cap. 12. lib. 35.

De Ægle, Hyla, Phegeo, & Lyco Aufonius ad hunc mo-  
dum scribit: Doctus Hylas cæstu, Phegeus castus arte pa-  
læstræ, Clarus Olympiacis est Lycus in stadiis, &c.

Ægles Olympionica dum in sacro certamine sortitio in-  
ter ipsos & aduersarios non bona fide fieret, repente (quum  
prius esset mutus) in eum, qui id faciebat, sese uidere quid  
faceret, magnum inelamauit. orisque uinculo solutus, rectè  
postea semper locutus est. Gell.

Fuit Glaucus Carystius Pythes coronatus xxv. Olym-  
piade, quem Pythia ter uicisse ferunt, Isthmia decies. is in  
agro colendo uomerem (qui ab aratro casu exciderat) manu  
loco mallei in suum locum restituit. ductus postea a patre



in olympiam, quum ab aduersariis conficeretur plagis, & iam succumbens deficeret, clamauit profliliens pater, Percute qua aratrum. Quo ille stimulo concitatus, irruensque uiolentius, uelut impetu capto, aduersarium uicit, statuatq; meruit. Cælius cap. 28. lib. 6.

Fuit Eurymadas Pyctes Cyrenæus patriæ, qui aduersariis plagarum ui & frequentia dentes sæpenumero excutiebat.

Ferunt Heraclidem fuisse pugilem, infiniti propè cibipotusque capacem. non reperiēbatur illi par in potando. alios ad tentaculum inuitabat, alios ad prandium, ad cœnam alios, postremos ad comestationem. recedentibus primis iungebantur secundi, omnibusq; sufficebat solus. Cælius lib. 16. cap. 16.

Lachus Epidamnus fuit Pyctes, quem Cleomedes Astipalensis ictu pugni interfecit, ac demum interfecti lateribus apertis intestina exeruit.

Ischomachus Crotoniates uictor fuit in stadio, quo tempore M. Valerius, & P. Postumius Tubertus cōsules Romæ creati sunt.

Topsius luctator fuit egregius, Dionis Alexaudrini frater.

Buthus athleta uicit in Pithiis ludis. idem bouem integrū uno die deuorauit. quod de Milone Crotoniata dicitur.

Starchaterum Saxo Grammaticus prodit athletam fuisse, qui nulli mortalium suo tempore uiribus & uirtute cesserit. de cuius præclaris facinoribus multa commemorat.

Hama apud Saxones gymniciis palmis clarissimus habitus est, adeò ut magno militaris pompæ tripudio ductus sit ad conflictum, & Starchathero inter Danos fortissimo, sed capulari oppositus. quum ergo in conflictum ambo descendissent, astarentque hinc & inde numerosi spectatores, ut suæ partis uictori gratularentur; Starchatherus primo quidem insultu propter inualidas uires pænè resupinatus est; uerum ubi pudore resumpsit uires, & se sibi restituit, medium Hamæ corpus dissecuit. Saxo lib. 6.

Phailus fuit Athleta fortissimus, in cuius honorem Alexander Macedo multas exuias dono Crotoniatis misit.

Cylon fuit Olympionices Atheniensis affectatæ tyrannidis compertus.

## GLADIATORES.

Callias Athenienſis tyranni Piſiſtraci inimicus, in equorum curſu palmam obtinuit, in quadrigariis fuit ſecundus, in Pythiis primas metuit.

Pyrechmen luſtator fuit Ætolus, qui Degmenum Epeum ſingulari certamine uicit. Herod. lib.6.

Auenicon fuit pancratiſtes ex Antedone urbe.

Phrynon dux fuit Athenienſium, pancratiſtes clariffimus, quem Pyttachus Mitylenæus ſingulari contendens certamine, reſte ſub clypeo latente, inuoluit, atque hoc modo ſuperauit.

Glycon nomen eſt luſtatoris fortiſſimi apud Hor. in epiſtolis ſcribentem, Et qua deſperes inuicti membra Glyconis, Nodofa corpus noli prohibere chiragra.

In honorem deſuncti Archemori ( qui filius fuit Lycurgi regis Thracum ) annui Agones inſtituti ſunt. Stadius lib.6. Theb. quosdam enumerat ex hiſ, qui ibidem certauerunt, quorum hæc ſunt nomina, Hippomedon iactu diſci præſtans Phlegias, Alcidas Lacon, Capaneus Ætolus, Agylleus, Tydeus, & alii nonnulli.

## GLADIATORES.

**G**ladiatorum genera ſunt Retiarii, Secutores, Mirmillones, Hoplomachi, Thraces. horum magiſtri dicuntur Lanifæ. hi gladiaturam domi exercebant, inſtituebantque tyrones, quos uendebant munerariis. erant Munerarii ſpectaculorum exhibitores, qui ludos gladiatorios populo exhibebant, a Græcis dicuntur Agonothetæ. Martialis, Suspectam uelut emptor, aut Lanifæ. Retiarii pugnant in Mirmillonem, uocabulo a retæ deducto, quod ſub ſcutis ferebant, ut inuoluerent inimicum. Mirmillones nomen habuerunt a Mirmillonio genere armaturæ Gallicæ, quo utebantur. Retiarii tunica utebantur & fuſcina. Iuuenalis, Vicit & hoc monſtrum tunicati fuſcinâ Gracchi. Suet. Retiarii, inquit, tunicati quinque numero gregatim dimicantes ſine certamine ullo, totidem ſecutoribus ſuccubuerant: quum occidi iuberentur, unus reſumpta fuſcina, omnes interemit. Secutor galeam ferebat, & clypeum falcæque ſupinam, Retiarius galerum tantum. de hoc Iuuenalis Saty.8. Nec galea frontein abſcōdit, mouet ecce tridētē, &c.

Inter

Inter gladiatores præcipui habentur Bithus & Bacchius, qui pares fuerunt arte, & pares audacia. hinc natum adagiū, Bithus contra Bacchiū, quum duo æqualiter improbi contendunt inter sese. Horatius, ut non compositi melius cum Bitho Bacchius: nam quum mutos interfecissent, tandem congressi mutuis uulneribus se confoderunt.

Ersenius & Pacidianus gladiatores icideni fuerunt nobilissimi. a quibus natum adagium præcedenti simile, Ersenius cum Pacidiano. Cic. de perfecto Oratore, A me autē (quod maximis minima conferam) gladiatorum par nobilissimum inducitur. Æschines tanquam Ersenius, non spurcus homo, sed doctus & acer. cum Pacidiano hic componitur, optimus longè post homines natos.

Spartacus gladiator fuit, Thrax genere, magnis uiribus prætans. qui unā cum Chryso & Oenomaō, efracto. Lentuli ludo gladiatorio, Capua erupit cum lxx. gladiatoribus. qui omnes collecto exulum & fugitiuorum non paruo exercitu bellum ingens concitarunt, adeo ut mitti Crassum oportuerit, qui perditos eorum conatus reprimeret. Horat. Æmula nec uirtus Capuæ, nec Spartacus acer.

Turbo, faciens genitium Turbonis; nomen est gladiatoris apud Horat. lib. 2. Serm. Corpore maiorum rides Turbonis in armis.

Martianus nomen est Gladiatoris apud Plutarchum in Galba.

Idem ait Spiculum fuisse gladiatorem, quem Romani Neronis statuis subiectum in foro perdidierint.

Horat. facit Veianium gladiatorem in principio epistolarum, ubi ait: Veianius armis Herculis ad postem fixis lateret abditus agro, Ne populum extrema toties exoret arena.

Gracchus nomen est Retiarij apud Iuuen. Saty. 8. scribentem: Nec clypeo Gracchum pugnantem aut falce supina: Damnat enim tales habitus, & damnat, & odit.

## HISTRIONES, ET ACTORES.

**H**istriones uocantur ludiones & gesticulatores, qui oculos spectatorum suis oblectant ludis. theatricorum enim artificum alij uocantur Gymnici, alij Scenici. de



Gymnicis nonnihil dictum est in Athleticis. Scénici uocantur, qui scenicos agonas exercent, aliter Dionysiaci, uelut patri Libero dicati. In his sunt Comœdi, & Tragœdi, id est, fabularum actores; item Mimi, Pantomimi, Archimimi, Ethologi; Ethopœi. qui omnes significant alienæ personæ simulatores, & hypocritas, Latine uocantur Histriones, uel ab Histria, ex qua primum uenerunt, uel quod Hister uocabulo Tusco significet ludionem. Mimi dicuntur imitatores, qui dicta, facta, moresque hominum & naturas imitantur. quamuis etiam Mimi dicantur poemata sine reuerentia lasciuiam imitancia, ut apud Ouidium, Scribere si fas est imitantes turpia Mimos. Pantomimi omnium personarum imitatores & effectores. Suetonius in Călig. Nestorem Pantomimum etiam inter spectacula osculabatur. Bibaculus scriptor egregius ob eximiam imitationem Pantomimus uocabatur. Si Venus leporem in horoscopo respexerit, faciet Pantomimos, & Mimologos, inquit Iulius Maternus. Archimimi sunt histrionum principes. Ethologi sunt effectores morum & affectum cuiuscumque personæ. Cic. lib. 2. de Oratore, Mimorum est enim Ethologorum, si nimia est imitatio, sicut obscenitas, quibus uerbis Cicero nimiam & uelut Mimicam in oratore culpam imitationem. Sunt & Ethopœi histriones, qui mores imitantur eius personæ, quam sustinent. unde Ethopœia morum alienorum imitatio, quæ aliter uocatur Mimelisis, inter Scenicos quoque ponuntur Thymelici, Salutatores, Chironomi. Thymelici sunt Citharœdi, Citharistæ, Lyristæ, Tibicines. Thymelici actiones suas in Orchestra peragebant: Comici, & Tragici in scena. Thymelici autem dicuntur uel à Thymele muliere, quæ prima saltationem docuit, uel quod apud Græcos histrionicam significet. Martialis lib. 1. Chironomi sunt gesticulatores, & Chironomia, saltatio gesticulatrix. Iuuenalis Saty. 6. Chironomon Lædam molli saltante Batyllo. ubi Læda nomen est saltationis, Batyllus histrionis. Idem Saty. 5. Saltantem spectas & Chironomonta uolanti Cultello. Saltationis species antiquitus fuerunt Pyrrhica, quæ & Enopolia a quibusdam dicitur, id est a pacata. hinc Pyrrhicarii, Pyrrhicistæ dicun-

tur saltatores armati. Tranq. in Cæsare Dictatore, Furius Leptinus stirpe prætoris, & A. Calpenus senator quondam actorq; causarum Pyrrhicam saltauerunt. Nomen autem sumpsit a Pyrrho inuentore. Cordax saltatio est obscena & comica. Tercium genus saltationis Sicinnis appellatur, quæ satyrica esse dicitur. Plin. lib. 1. Saltationem armatam Curetes docuere, Pyrrhice Pyrrhus. ubi armatam a Pyrrhica distinguit, quas tamen easdem esse sentit doctissimus Budæus, a quo bonam horum fragmentorum partem emendicauit. Est & alia saltatio, quæ Eumelia dicitur, id est pacata. Pro dunt historiarum Romanorum histriones pullos Italia a Nerone, quum propter eos uariarum factionum ortæ essent, & adeo uehementes, ut ad compescendam fautorum contentionem milites theatro assidere iuberentur. Vnde & Tranquillus, Pantomimorum, inquit, factiones simul cum ipsis relegatarum. restituti sunt demum per Neruam, sed iterum postea sublatis a Traiano.

Parisi histrio, libertus fuit Domitiæ, Neronis amicæ, qui solitus erat luxu Neronis intendere tempore cenæ, eiusq; animum demulcere, auctore Cor. Tacito. de hoc intelligit Iuuenal. Esurit, intactam Paridi nisi uendit Agauen, &c. Tranquillus ait eum a Nerone occisum, quasi grauem aduersarium. Idem scribit Domitianum repudiasse uxorem, Paridis histrionis amore perditam.

Genesius Arelatenensis patria, mimus fuit apud Domitianum, qui Christianos turpissimis gestibus irridebat. tandem & ipse sub imperatore passus est.

Roscus Gallus comoedus fuit ut omnium peritissimus, ita & notissimus, qui gestus & pronuntiationis exercitatione eo uenit præstantiæ, ut si quempiam in arte sua perfectum uelimus dicere, eum uocemus uelut Roscium in scena. Persona primus usus est in scena, quod obliquis esset oculis, turpiq; aspectu. scripsit librum, quo histrioniam comparauit eloquentiæ. Cicero grauissima oratione populum obiurgauit, quod agente Roscio tumultum mouisset. Idem lib. 2. de Oratore, Quam soleo, inquit, sæpe mirari eorum impudentiam, qui agunt in scena gestum spectante Roscio. quis enim se commouere potest, cuius uicia ille

non aduertat? Postrò autem fuit Roscius L. Syllæ aded cæ-  
rus, ut anulo aureo ab eodem dictatore donatus sit. tanta  
præterea tum gratia, tum gloria, ut mercedem diurnam de  
publico mille denarios sine gregalibus acceperit. Macro-  
bius lib. 3. cap. 7. Horat. de eo scribit: clament periisse pu-  
dorem Cuncti patres, ea quum reprehendere coner;  
Quæ grauis Æsopus, quæ doctus Roscius egit.

Æsopus fuit tragædus amicus Cic. qui ex histrionia tan-  
tas opes sibi comparauit, ut patinam haberet de . fester-  
tiis taxatam, filiumq; reliquerit aded diuitem & prodigum.  
ut uniones acetoliquefactos cœnis apponeret. Plin. ait pa-  
trem posuisse in patina aues cantu aliquo aut humano ser-  
mone uocales millibus sex singulas coemptas, nulla alia  
inductum suauitate, nisi ut in his imitationem hominis man-  
deret, dignus prorsus filio, a quo deuoratas diximus mar-  
garitas.

Dion Cassius prædit, Neruam Cocceium gladiatoribus  
theatricis, mimisq; & saltatoribus maximè oblectatum, è qui-  
bus unum præ ceteris (cui nomen erat Pylades) dilexerit.  
fuit hic Pylades histrionica clarus. Hylam discipulum usq;  
ad æqualitatis contentionem eruditione propexit. de utro-  
que abundè meminit Macrobius lib. 2. Saturn. Augustus  
Cæsar, auctore Tranquillo, Hydram Pantomimum in atrio  
domus suæ nemine excluso flagellis uerberauit, prætere  
licentiam histrionis culpante. Pyladem quoque urbe atque  
Italia summouit, quòd spectatorem (a quo exhibebatur)  
demonstrasset digito, conspicuumque fecisset.

Stephanio etiam nomen est histrionis, quem Suetonius  
Logatarium uocat, quòd primus togatus saltauerit fabu-  
las, dicente Plinio: Minus miror Stephanionem, qui pri-  
mus togatus saltare instituit. Hunc Augustus per bina thea-  
tra uirgis cæsum relegauit, quòd circumtonsam in puerilem  
habirum matronam ei ministrasse comperisset.

Rubrius apud Plinium histrio dicitur, cui L. Plancus co-  
gnomen imposuit.

Astydamas fuit histrio Morsimi filius, cui statua in thea-  
tro ponenda decreta erat, quòd in agendo Parthenæum se  
se gnauiter ac scitè gessisset. itaq; titulum conscripsit, quo



suas ipse laudes complectebatur. unde natum adagium, Lau-  
das te ipsum Astidamæ in modum.

Nicostratus fuit comædiarum actor talis apud Græcos,  
qualis apud Rom. fuisse traditur Roscius. propter cuius ar-  
tis peritiam reliquit locum sequenti prouerbio, Ego faciã  
omnia more Nicostrati.

Cytheris fuit Mima, cum qua M. Antonius post Pharsali-  
cam pugnam uectus est curru, quem generosi spiritus leo-  
nes trahebant. Plin. lib.8.

Idem scribit M. Oflium fuisse histrionem & comædum,  
qui quum populo admodum placuisset natali die suo, conui-  
uiumq; haberet, edita cæna calidam potionem in pultario  
poposcerit, simulq; personam eius diei acceptam intuens,  
corona è capite suo in eam transtulerit, taliq; habitu rigens  
nullo sentiente expirauerit.

Saculio nomen est histrionis apud Plutarchum, quem Bru-  
tus in bello contra Antonium captiuum cepit.

Fuit & Satyrus apud Græcos histrio, qui Demosthenis  
lingua prædediti, ac propterea ingrati populo, sic forma-  
uit uocem, ut non prior Demosthenes, sed alter uideret-  
ur. Plutar.

Thymele mulier prima saltationem docuit. hinc Thyme-  
lici dicuntur saltatores mimi. Martialis, Qua Thymelen spe-  
ctas, derisoremq; Latinum. Iuuenalis, Attendit Thymele,  
Thymele tunc rustica dicit.

Polus histrio fuit fama celebri in terra Græcia, qui ge-  
stus & uocis claritudine & uenustate ceteris antestabat.  
egit tragædias poetarum; Athenis etiam Electram Sopho-  
clis poetæ urnam cum Orestis ossibus gestantem. quem  
actum scitè adeò & doctè obfoluit; ut inagines rerum uer-  
bis exprimēs, spectatores ad fletum & lacrymas cōcitauerit.

Fuit Callipides gesticularius & tragediarum histrio inter  
Græcos clarus: qua in re plurimum se mirabatur. itaque ubi  
Agésilao regi occurrisset, arrogantius eum salutauit, sub  
inde illi se ostentans, arbitratus fore, ut comiter a rege exci-  
peretur. uerùm quum seriis rex intenderet, nec animadu-  
teret ad Callipedem, Non admodum, inquit, nosse me ui-  
deris o rex. Tum subridens Agésilas, An non es, inquit,

## LVDI, ET SPECTA-

Callipedes ille dicelictas? id est, mimus Spartanorum uocabulo. quibus uerbis ludioni tumorem retudit. Fuit autem Callipedes adeo gestuosus, ut Simia gesticulosiorem Græci eum dixerint. quam ob rem pronuntiatio illa tam elegans & arguta reddebat hominem tardio rem.

Fuit Theocrines primùm tragædiarum actor, deinde calumniator & sycophanta. unde & Demosthenes in oratione pro Cresiphonte Æschinem tragicum Theocrinem uocat. Erasmus in Chil.

Cydiscus nomen est tragædi apud Plin. lib. 35. cap. 10.

Fauo fuit Archimimus, qui in funere Vespasiani Imperatoris personam eius tulit, uiriq; (ut moris erat) facta & dicta imitatus est. interrogatis itaq; ab eo procuratoribus ex æquiarum, quanti constaret funus? ut audiuit, sestertiū centies, exclamauit, centum sibi sestertia darent, ac se uel in tiberim prolicerent. quibus uerbis taxabat Imperatoris auaritiam, qui indignaretur tantam impensam in funere suo factam fuisse.

Spinther fuit histrio, a cuius nomine uocatus est Lentulus Spinther, quod eius similitudinem referret maximè.

Castor & Docilis histrionum sunt nomina apud Horat. in epist. scribentem: Ambigitur quid enim Castor sciat an Docilis plus.

## LVDI, ET SPECTACVLA DIVERSA.

**A**ctia ludi fuerunt quinquennales, instituti apud Actium Epiri promontorium ab Augusto, post Antonium & Cleopatram superatos, in honorem Apollinis Actiaci.

Buberiæ ludi fuerunt a bobus appellati, quoniam a ueteribus gratia boum instituti sunt: uocantur etiam Boalia.

Pythia uocabantur ludi Apollinares, instituti in honorem Apollinis post interfectum Pythona serpentem. Horat. Qui Pythia cantat Tibicen, didicit prius, extimuitq; magistrum. Sabellicus.

Cor. Tacitus scribit Neronem instituisse ludos Iuuenalium uocabulo, in quibus non nobilitas ulla, non ætas, aut acti honores erant impedimento, quod minus Græci Latiniq; hi

striones artem exercerent usq; ad gestus modosq; parum uiriles. quin & scemina illustres deformia meditabantur. fieri quoq; iussit conuenticula, & cauponas, ubi posita erant irritamenta luxus, unde corruptis moribus accessit libidinum colluies post natos homines longè maxima.

Olympia ludos in honorè Iouis constituit Hercules apud Elidem & Pisam, Græciæ oppida, ubi Gymnicum certamè fiebat quinto quoque anno. in his, qui dimicabat, uocabatur Olympionices. hic Hercules stadium fecit tâto ceteris maius, quantò mensura pedis eius ceteris præpollebat.

Nemæa fiebant in honorem Archemori Lycurgi regis Thracum filii, quem ab Hypsipyle nutrice in herba relictum serpens interfecerat.

Æacea fiebant de Æaco apud Æginam.

Marathonea ob taurum a Theseo interfectum, ubi Thiala argentea dabatur præmium. Thebis etiam fiebant Heraclea. Oenomaus primus apud Elidè ludorum spectaculum, equorumq; cursum edidit. apud Romanos Romulus in Sabinarum raptu. unde Ouid. Primus sollicitos fecisti Romule ludos. Ad certamina Gymnica nō admittebantur scemina. Unde Statius, Exclusæq; expectât præmia matres. In ludis illis certabatur quinq; generibus disco, hasta, saltu, iaculatione, luctatione. Qui in omnibus uincebat, uocabatur Pécathlus.

Dionysia fiebant in honorem Bacchi, ubi maxima bibendi licentia permittebatur. his intererant populus, & athletæ passim coronati: omnium certaminum præcipua quatuor fuerunt genera, Olympia, Pythia, Nemæa, Isthmia: quorum præmia erant Oleaster, laurus, apium, pinus. fiebantq; in honorem Pelopis, Apollinis, Archemori, & Palemonis. aliqui ad Iouem & Neptunum Olympia & Isthmia referunt. Unde Statius lib. i. Thebarum, Non aliter quàm Piseo sua lustra tonanti Quum redeunt.

Ludi Circenses, qui fiebant in circo, ubi loca erant, & subsellia equitibus patribusq; designata. primus circū designauit Tarquinius Priscus. spectaculum faciebant equi, pugilesq; , ex Etruria maximè acciti. de his Tranquillus in Cæsare, Circensibus, inquit, spacio circi ab utraque parte pro ducto in gyrum. Eurippo addito, quadrigas, bigas, & equos



defultorios agitauerunt nobilissimi iuuenes. Troiam lustrima duplex maiorum & minorum puerorum. Troia autem erat equestre simulacrum, seu umbratica equitum pugna, in qua equi in orbe se inuicem petebant. huius ludi originem Virgilius lib. 5. describit.

Venationes erant spectacula, in quibus posita in theatro feræ, ut tygrés, elephanti, & leones, gladiatoribus congredebantur usq; ad mortem & casum alterutrius partis. Suetonius, Venationes editæ per dies quinque, ac nouissimè pugna diuisa in duas acies, quingenis peditibus, elephantiis uicenis, tricenis equitibus hinc & inde commissis. in uenationibus, & gladiatorii soli conducti, aut damnati & ambitiosi ad ostentationem suarum uirium adhibebantur, quoniam maximum uitæ discrimen imminabat.

Ludi Sæculares, in honorem Apollinis, & Dianæ instituti, fiebant centesimo quoq; anno, præcone per compita clamante, Venite ad ludos, quos nemo mortalium uidit, neq; uisurus est. Hos instituisse fertur Val. Publicola propter exactos reges. celebrauit Philippus imp. anno post urbem conditam millesimo. in quibus fuerunt Elephanti xxx. Alces x. Tygres x. Leones mansueti xl. Leopardi mansueti xxx. Hyenæ x. Gladiatorum fiscalium paria mille; Hippotamii quoque, Rhinoceros, Archoleontes, Camelopardi, Onagri, & Equi feri.

Taurij ludi fiebant in honorem deorum inferorum.

Plebeiij instituti sunt exactis regibus pro libertate plebis, quos postea L. Sylla instituit.

Gladiatorij instituti sunt ad exercendam armis iuuentutem, ut iuuenes ipsi (si quando res postularet) assuescerent non expauescere congressum hostilem.

Ludi Scenici dicuntur a scena, in qua celebrabantur a theatricis actoribus. instituti sunt ob pestilentiam, accitis ex Etruria ludionibus, ad tibicinis modos saltantibus. Ludi scenici fiebant in theatris, uenationes & gladiatorij in Amphitheatris. ludicros & scenicos actores Censoria damnauit nota, ut improbos mente & nihili homines.

Spectacula uarii generis edita sunt a diuersis principibus. Cæsar exhibuit munus Gladiatorum; ludos etiam regiona-

rim urbe tota & per omnium linguarum histriones ; item Circenses athletas ; Naumachiam in foro depugnauit . Furius Leptinus stirpe prætoria , & Q. Calpenus senator quondam , actorq ; causarum Pyrrhicam saltauerunt . Venationes edidit per dies quinque , sublati metis , quò latius dimicaretur . Athletæ cucurrerunt per triduum . Defossus est in monte Cælio lacus ad nauale prælium , in quo biremes , ac triremes Tyriæ & Ægyptiæ classis magnò pugnantium numero conflixerunt . ad quæ spectacula tantum confluit hominum , ut præ turba elisi , & exanimati sint plurimi , & in his duo senatores .

De spectaculis Augusti sic scribit Tranquillus : Spectaculorum assiduitate & magnificentia omnes antecessit . fecit nonnunquam uicatin ; athletas quoq ; , extructis in campo sedilibus ligneis , nauale prælium circa Tiberim ; ad scenicas quoq ; & gladiatorias operas equitibus Romanis quandoq ; usus est ; milites secreuit a populo ; multis è plebe ordinem assignauit , prætextatis cuneum suum , & proximum prædagogis ; scæminis gladiatores spectare solum ex superiore loco concessit ; uirginibus Vestalibus locum in theatro separaturn contra prætoris tribunal dedit ; uoluit primum subselliorum ordinem uacuum senatoribus relinqui ; athletarum spectaculo muliebrem semouit sexum ; athletis priuilegia confirmauit ; histrionum licentiam compescuit ; in Circo aurigas , cursoresq ; , & confectores ferarum produxit ; Troiæ ludum edidit frequentissimè puerorum delectu ; exhibuit Rhinocerotem apud septa , Tygrin in scena , Anguem quinquaginta cubitorum pro comitio ; nulli Græco certamini interfuit , quo non pro merito certantium quemq ; honorauerit ; spectauit studiosissimè pugiles , maximè Latinos , nec legitimos atq ; ordinarios solum , sed & cateruari-nos oppidanos , inter angustias uicorum pugnantes temere , ac sine arte .

Caligula imper. munera edidit gladiatoria , quibus inseruit cateruas Afrorum , Campanorumq ; pugilum ex utraq ; legione electissimorum ; nec spectaculis semper ipse præsedit , sed interdum magistratibus , aut amicis præsidendi munus iniunxit . Scenicos ludos uarii generis fecit ; quosdam no-

Aurnos, accensis tota urbe luminibus. Panaria cum obsonio uiritim dedit. edidit & Circenses plurimos a mane usque ad uesperam interiecta modò Africanarum uenatione, modò Troiæ decursione. Minio & Chrysocolle construxit circum. Hæsticos ludos egit Syraculis, in Gallia Lugduni Miscellos, idest multiugis ludicris uariisq; ludionibus resectos. item certamen Græcæ Latinæq; facundiae, in quo uictoribus uicti præmia contulerunt; & eorundem laudes componere coacti sunt. Qui autem maximè displicuissent, scripta sua spongialingua uel delere iubebantur, nisi ferulis obiurgari, aut in propinquo flumine mergi maluissent. Idem Imp. Mirmillonem rudibus secum dimicantem & sponte prostratum confodit ferrea sica, & more uictorum cum palma discurrit.

Cæsar Claudius fecit Sæculares ludos, quasi anticipatos ab Augusto, nec legitimo tempore reseruatos, Circo maximo marmoreis carceribus auratisq; metis exulto. propria senatoribus constituit loca promiscuè spectare solitis, & super quadrigarum certamina, Troiæ lusum exhibuit. exhibuit & Thessalos equites, qui tauros per spatia Circi agebant, insiliebantq; defessos, & ad terram cornibus detrahebant. item Pantheras, quas conficiebat equitum prætorianorum turma ducibus tribunis.

Nero edidit Iuuenales, Circenses, & Scenicos ludos, item Gladiatorum munus. Iuuenalibus senes quoque cōsulares, anusq; matronas recepit ad lusum. Circensibus loca equiti secreta ceteris tribuit. exhibuit & Camelorum quadrigas. Ludos pro æternitate imperii susceptos appellari maximos uoluit, in quibus plerique ex utroque ordine & sexu partes ludicras sustinuerunt. Nouissimus eques Rom. per Caradromum decurrit insidens elephantum. Fabulam Afranii togatam. Incendium nomine (quo Troiæ ruina continebatur) induxit, concessitq; scenicis, ut ardentis domus suppellectilem diriperent, ac sibi haberent. Sparxit & missilia omnium rerum, id est, uarii funeris munera, quæ erant occupantium singula quotidie millia auium cuiusque generis. exhibuit etiam ad ferrum quadringentos senatores sexcentosq; equites Rom. ad conficiendas feras in arena; item naumachiam



aqua ex mari proximo inducta, in qua innabant belluæ; itē Pyrrhicas saltationes per ephebos, quibus peracta opera, diplomata & priuilegia ciuitatis Romanæ singulis obtulit. fecit etiam, ut Taurus Pasiphaen in ligneo iuuenæ simulacro abditam iniret, quod multi spectantium crediderunt. instituit & quinquennale certamen more Græco triplex, Musicum, Gymnicum, Equestre.

Domitianus spectacula edidit magnifica & sumptuosa in amphiteatro, & circo, ubi præter bigarum & quadrigarum cursus duplex etiam commisit prælium equestre, ac pedestre; & in amphitheatro nauale quoque uenationes, & gladiatores exhibuit, noctibus etiam ad lychnos; pugnas præterea non uirorum modò, sed & scæminarum; toto gladiatorii spectaculi tempore habuit ante pedes suos puerulum coccinatum, portentoso paruòque capite, cum quo plurimum fabulabatur. edidit nauales pugnas effosso circa Tiberim lacu, quas inter maximos imbres spectauit; fecit & ludos sæculares; instituit quinquennale certamen Capitolino Ioui triplex, Musicum, Equestre, & Gymnicum; fecit certamen Græci, Latiniq; sermonis; celebrauit & in Albano monte quorannis quinquatria Mineræ.

Hadrianus imp. fabularum recitationem omnis generis in theatro ad scenam & Orchestram dedit; histriones aulicos publicauit; in Circo multas feras & sæpe centum leones interfecit.

Antonius Pius munera edidit, in quibus Elephantia, Crocutæ, Rhinocerotes, Crocodili, Hippotami, & omnia ex omni terrarum orbe animalia, etiam Tygres fuere. in munere publico tam magnanimus fuit, ut centum leones una missione simul exhiberet sagittis interfectos.

Gordianus imp. XII. populo R. spectacula per singulos XII. dies dedit, ita ut gladiatorum nonnunquam quingenta paria, & nunquam minus centum quinquaginta feras Libycas uno die, quandoque mille ediderit. erat ei sylua, in qua habuit ceruos ducentos, Britannos equos feros xxx. oues feras albas mille, decem aureas capreas, quas inaurari fecerat; struthiones Mauros miniatos ccc. onagros xxx. apros cl. ibices cc. damas cc. quæ omnia populo

diripienda concessit, die muneris, quod sextum edebat, Philippus Arabs imp. sæculares ludos & munera edidit Circensia, in quibus dati sunt Elephanti xxxi. Tygres xx. Leones mansueti lx. Hyenæ c. Gladiatorum fiscalium paria mille, Rhinoceros unus, Archoleontes x. Camelopardali x. Equi feri xl. Leopardi mansueti xxx.

Heliogabalus quaternos canes ad currum iunxit, eoque modo uestatus est. idem iunctis quaternis ceruis in publicum processit. sed & leones coniunxit, se Cybelem appellans. iunxit & Tygres, se Liberum patrem uocans. iunxit etiam quaternas mulieres, nudusq; a nudis uestus est.

Firmus imp. uestus est ingentibus Struthionibus, adeo ut magis uolare, quam gestari uideretur.

Sunt & singularium ludorum nomina, ut Astragalus, Sphæristerium, Latrunculi, Alea, Par impar, & alii id genus.

Astragalus latine Talus ludus, ex ossiculorum pedis coniunctura, quibus Apollonius in Argonauticis puerum Cupidinem ludentem ponit. Volaterranus ait Germanos & Traſpadanos hunc adhuc ludum obseruare. Homerus scripsit Elpenora lapsus scalarum exanimatum esse, quum fregisset Astragalon, id est, iuguli coniuncturam.

Ludus pilæ repertus est ab Anagalli puella Cercyræ, uel à Pytho quodam secundum Plinium, aut Lydis secundum Herodotum. uocatur aliter Sphæristerium. Tranquillus in Flauio Vespasiano, Valetudine prospera usus est, quamuis ad tuendam eam nihil amplius, quam fauces ceteraq; membra sibi met ad numerum in Sphæristerio defricaret. Pilam primùm lusit Phacia iuuentus. de hoc ludo Homerus in Odyſſea locutus est, cuius uersus latinos fecit Volaterranus. Ille pilam dextra missurus ad astra reflectit Terga retro, rursusque ad magnum protinus ictum Conſurgens terram procumbit pronus ad imam.

Est & Ludus Latronum, seu Latrunculorum, de quo Martialis, Infidiosorum si ludis bella latronum, Gemmeus iste tibi miles, & hostis erit. Seneca, Latrunculus ludimus. Volaterranus ait, Magiolinum Florentinum fuisse in eo ludo adeo exercitatum, ut memoriter per alium luderet, minime respiciens, aduersario tamen diligenter aduertente.

Aleam Palamedes reperit in castris Græcorum contra Troianos, dum esset in ocio. Lusoria tabula uocatur Phimum, seu Aleatorium. Aleæ tessera duodecim habet puncta. Martialis, Hic tibi bisseño numeratur tessera puncto, Calculus hic gemino discolor hoste perit. Aleatorium etiã quãdoq; pro aleæ ludo sumitur. Sidonius, Atq; illic Aleatorium lassus consumpto Sphæristerio satiat. Qui alea ludunt, uocantur Aleatores, & Aleones. Catullus, Nisi impudicus & uorax & aleo. Suetonius scribit, Domitianum imperatorem (quoties ocium esset) alea se oblectasse. Alea Romanis legibus erat uetita. Horatius, Seu mauius uetita legibus alea. Hinc Cic. Lenticulum collusorem Antonij de alea cõdeminatum fuisse scribit. Quum autem Alea dicatur omnis ludus in uarietate fortunæ consistens, factum est, ut pro periculo periculiq; dubitatione accipiatur. Lucanus, Placet alea fati Alterutrum mensura caput. Liuius, In dubiam imperij seruitijq; aleam imus. Cæsar dubitans an traiekturus esset copias ultra Rubiconem aduersus Pompeium, tandem, relicta cunctatione, Eatur, inquit, quõdeorum ostenta & inimicorum iniquitas uocat, iacta est alea. Petronius Arbitrarius tradit Cæsarem dixisse, Iudice fortuna cadat alea. Aleam iacere ille dicitur, qui se periculis fortunæq; committit. Dicimus ludere aleam, & alea. Tranquillus in Augusto, Aliquando ut uincat, ludit assidue aleam.

Turricula seu Fritillus, id est quod apud Græcos Pyrgus dicitur, erat uasculum in modum turriculæ, quò inclusæ tesserae iactabantur ad tollendam ludentis fraudem. Martialis, Querit composita manus improba mittere talos, Si per me misit, nil nisi uota facit. Fritillus autem dicitur tabula lusoria, quò tesserae coniectæ agitataeque mittuntur in alueolum. Iuuenalis Saty. 14. Paruoq; eadem mouet arma fritillo. Martialis lib. 13. Hæc mihi charta nuces, hæc est mihi charta fritillus.

Ludere par impar, moris fuit antiquitus, quod illo carmine Horatiano constat: Ludere par impat, equitare in arundine longa.

Ludere nuciis, nostri temporis pueruli ab antiquis didicerunt. nam & maiores hoc usos fuisse ludo, docet illud



## LVDI, ET SPECTACVLA DIVERSA.

Perſianum, Et nucibus facimus quæcunque relictis, Quam ſapimus patruos. Noces autem relinquate, eſt omiſſis ſtudiis, & nugis puerilibus ad grauiora, magiſq; ſeria conuerſi. Hinc etiam ortæ illæ dicendi figuræ, Nunquam a nucibus recedere, Redire ad nuces, Nuces abiicere, Nuces inſermere, Nucibus indulgere, Nuces repetere.

Chartarum, Sortium, ac Diuinationis ludi a perditis hominibus inuenti ſunt. qui quamuis noſtro quoque ſæculo damnentur adeò, ut piaculum uideatur, illis tamen adhuc luditur.

Sortiri digitis ludus fuit Italorum, maxime paſtorum, ut repente porrectis digitis uterque numerum diuinet. Mantuanus Eclog. i. Sortiri digitis res iniucunda uoluptas, Magna prius tanti dum mens erat inſcia morbi. Simile eſt illud, Micare digitis. Cic. lib. de Diuinatione, quid eſt enim ſors? idem propemodum, quod micare, quod talos iacere, quod teſſeras. M. Varro, Micandum erit cum Græco, utrum ego illius numerum, an ille meum ſequatur. Nemeſianus, Digitos iactare micantes. Vnde natum adagium, Dignus quocum in tenebris mices, id eſt, cui ſecurè credas, & iniurato fidem habeas. Is enim, quocum in tenebris micamus, poteſt nos fallere, ſi uelit.

Porro autem ueterum monumentis proditur ſummos uiros, & multa laude præſignes, luſu non abſtinuiſſe. nã Herculem illum portentorum domitorem, Iouis & Alcmenæ filium, ferunt cum puerulis ſæpius colluſiſſe, eoq; modo curas animi remiſiſſe. Ab Alcibiade quandoq; deprehenſus eſt Socrates cum Lampocle infantulo colludens. Ageſilaus cū filio arundinem interdum equitabat, qui pueri iſmos eſt, alludente Horatio: Ludere par impar, equitare in arundine longa. Tarentinus Archytas cum pueris de ſamulicio luſus agitabat, hiſq; oblectabatur plurimum, dum agigaret conuiuia. Volaterranus ait Coſmum Medicem ſiam ſenem, & patriæ principem, nepotibus paruis colluſiſſe, & ex his cui dam aduenam in medio foro apſaſſe.

## GYMNASIA.

**G**ymnasium propriè dicebatur locus, in quo nudi palæstricæ oleo peruncti concertabant. nunc pro quocunque exercitii loco solet accipi. unde & Gymnastes præceptor, Gymnasiarcha gymnasii magister.

Cranæum gymnasium erat apud Corinthum.

Est & Cillaræum gymnasii nomen apud Plut. in Cleomene.

Lyceum, Academia, Prytaneum, Canopum, Pœcile, Tempe, gymnasia Athenis fuere. nam & Canopum agnoscit Philostratus in Herodis Attici uita. Pœcile uerò porticus uaria a Latinis appellatur, nobilitata etiam præter pieturam Marathonicæ pugnæ Zenonis Stoici conuentu, unde a porticu Stoici dicti. Lyceum Aristotelis, Academia Platonis scholæ fuerunt. uersus Ciceronis, Inq; Academia umbrifera, nitidoque Lyceo Fuderunt claras sæcundi pectoris artes. De Prytaneo, Cicero lib. i. de Oratore, Et, ut ei uictus quotidianus in Prytaneo publicè præberetur.

## STADIA DIVERSA.

**S**tadium XII. nostros efficit passus. Hoc est pedes DCCXXV. Hoc Censorinus Italicum uocat. Olympicum pedibus DC. constat. Pythicum circiter mille. Vitruuius stadiatas domorū porticus appellat prælōgas, & magnificas

TELORVM BELLICORVM, ET  
gladiorum nomina.

**T**elorum uocabula Gellius lib. i. r. cap. 25. multa ponit ad hunc modum: Hasta, pilum, phalarica, semi phalarica, soliferrea, gesa, lancea, rumigestri, faces, tragula, fræmæ, mesanculæ, cateiæ, rompheæ, scorpius, scibones, silices, ueruta, enses, sicæ, macheræ, spathæ, lingula, pugiones, clunacula.

Lingulam ueteres dixerunt gladiolum oblongum in speciem linguæ factum. cuius meminit Næuius apud eundem Gellium: Sine mihi gerere morem, uidear lingula. Domitius in Martialem ait, lingulam etiam capi pro instrumēto, quod ad similitudinem linguæ conflatum usui esse potest ad

armata tractanda, ut in illo uersiculo Martial. Gracilesq;  
lingulæ, carei que, chartæ que.

Rompheæ genus est teli Thraciæ nationis. Val. Flaccus  
lib. 6. Argon, Æqua; nec ferro breuior, nec Romphea li-  
gno. Mantuanus mediam produxit, dicens: Quam gerit ad  
uersus feriat Romphea cohortes.

Spara minimi generis sunt iacula, a spargendo dicta. sunt  
autem rustica tela in modum pedis recurua. Virg. lib. 10.  
Agrestisq; manus arnat Sparus. nam utrumque dicimus in  
masculeo & neutro genere. Sallust. Ceteriq; ut quosque ca-  
sus armauerat sparis, aut lanceis, alii præcintas fides por-  
tabant. Lucil. Tum spara, tum murices portantur tragula  
porro.

Manobarbulus genus est teli, similis plumbeæ pilæ, quò  
utebantur milites, qui manobarbuli dicebantur.

Materis telum est oblongum, breuius tamen lancea. Sisen-  
na, Gallia materibus, Sueui lanceis configunt.

Runa teli genus latam habentis cuspidem.

Sibina, seu Sibinis, telum est uenabulo simile, Illyriis pe-  
culiare. Ennius, Illyriis restant fisis, sibinisque fodentes.

Veruina telum est simile ueru. Sidonius, Cui noster, fer-  
mo erit pro ueruina.

Machæra Græcè, gladium, seu cultrum Latinè significat.  
Apuleius, Comminabatur sese concisurum eum machæra  
frustratim. Plautus, Si tibi est machæra, & nobis est urbi  
na domi. Quod adagium dici solet, quum malum malo op-  
ponitur. Urbina enim etiam genus est teli.

Sarissa dicitur hasta prælonga, Macedonum genti pecu-  
liaris. unde & Alexandri stipatores sarissophoros uocat  
Curtius. Liuius, prælongas hastas Macedones Sarissas uo-  
cant. Luc. lib. 3. Primi Pelleas arcu fregere Sarissas. Ouid.  
libro 12. Qui clypeo, gladioque, Macedoniaque Sarissâ  
Conspicius.

Harpe incuruus est Mercurii gladius, quo usum ferunt  
Perseum. Lucanus, Et subitus præpes Cyllenida sustulit  
Harpen: Harpen alterius monstri iam cæde rubentem. Por-  
tius lib. 4. de Scellis, Quæ Martem clypeo, galeaque ada-  
mantideque Harpe instruxit.



Acynacis gladius est Parthorum genti peculiaris . Horat. lib. 1. Car. Vino & lucernis Medus Acynacis immane quantum discrepat . Q. Curtius lib. 5. Strictoq; acynace interfectorius uidebatur , ni propè Bessus Bactrianiq; deprecarentur .

Idem Curtius ait Copidas esse gladios leuiter curuatos , Falcibus similes , quibus appetebant belluarum manus .

Framea gladius est Marti peculiaris . Iuuenalis , Et Martis frameam , & Cyrrhæi spicula uatis . Martianus Capella , Gradiui frameam non ausus poscere falcem . Cor. Tacitus , ubi de populus Germaniæ loquitur , frameas pro hastis uidetur accipere , dicens : Rari gladiis , aut maioribus læcis utuntur . Hastas , uel ipsorum uocabulo Frameas gerunt à gusto , & breui ferro , sed ita acri , & ad usum habili , ut eodem telo , prout ratio poscit , uel cominus , uel eminus pugnent . Et eques quidem scuto , Frameaque contentus est , pedites & missilia spargunt .

Æganea species est leuioris iaculi , auctore apud Cælium Eustathio .

Est & Ancyle iaculum quoddam , quo qui utuntur , uocantur Ancylistæ , quamuis etiam Ancyle significet ansam iaculi .

Sigymnum iaculi genus est . Cæl. ex Lyophrone .

Geus , siue Geum , dicitur telum omnino ferreum .

Dolones tela sunt bellica , a lædendo dicta , auctore Donato . nam dolos Græcè læsio dicitur . Sylius lib. 3. Nec te reti dextras in pugnam armata Dolone . Tranquillus in Claudio Cæsare , Reperti & equestris ordinis duo in publico cū Dolone , ac uenatorio cultro præstolantes .

Spatha genus est gladii . Iulius Capitolinus de Maximino imp. Fecit & Spathas argenteas , fecit etiam aureas , & omnino quidquid pulchritudinem eius posset iuuare .

Culter , seu Cultrum ( utrunque enim dictum ) propriè dicebatur gladius uictimariorum , quo scindebantur uictimæ . Hinc Cultrarii dicebantur uictimicidæ . Propertius , Quum fallenda meo pollice cultra forent . Eius propè generis sunt Clunaculum , & Secespita .

Clunaculum dicitur a scindendis uictimarum clunibus .

# TELO RVM ET GLA-

Seceſpita, a ſecando, gladius erat ferreus & oblongulus, manubrio eburneo rotundo, quo Flamines, Flaminicæ, & Pontifices utebantur ad ſacrificia. Tranquillus in Cæſare Tiberio, Nam & inter pontifices ſacrificanti ſimul pro ſece ſpita plumbeum cultrum ſubiiciendum curauit.

Sica, gladius eſt occultus, & inuaſorius, qui inclufus ligno, formam habet baculi. Hoc qui utuntur, Sicarij uocantur. Horatius, Si quis erat dignus deſcribi, quòd malus aut fur, Quòd mœchus foret, aut Sicarius. Martialis libro 11. Inuaſit medicus Sica Phrenericus Eucli.

Cateia, gladius eſt falcatus, Germanis olim frequens. Sylius, Panda manus eſt armata Cateia. Ponto libro 5. de Stellis, Armaque, Pilaque, Cateias.

Nouacula culter eſt raſorius, cuius artifices dicuntur No uacularij. Mart. da ferramentis tonſorii: Tòdentiſ hæc arma tibi ſunt apta capillis, Vnguibus hæc longis utilis illa genis.

Parazonium, gladij genus, quod accingi ſolet zonæ.

Paltum, teli genus eſt, ſeu minoris iaculi, quòd in itinere torquetur.

Pugio, genus teli, ſeu gladij breuiuſculi, a pugnando dicitur, uel quòd punctim feriat, uel quòd punctim teneatur. hinc diminutiuum Pugiunculus. Cic. Hiſpanienſem pugiunculum Cn. Piſonem appellabat.

Haſta dicitur, quòd ſtans uel a ſtante ferri ſoleat. unde & haſtile deductum. moris erat antiquitus haſtæ ſubiicere res, quæ exponebantur uenales per auctiorem. hinc Haſtarium dicebatur auctiionaria illa uenditio. Tranquillus in- Auguſto, Ipſum, bonaq; eius ſubiecit haſtæ. Haſtici ludi, qui haſta conficiuntur. Idem auctor in Caligula, Edidit & perægrè ſpectacula in Sicilia Syracuſis haſticos ludos. Haſta pura dicitur nullo ferro præpilata. Virgil. Ille uidet pura iuuenis qui nititur haſta. Suetonius in Claudio, Poſſidem ſpadonem Britannico triumpho inter militares uiros haſta pura donauit. Haſtis puris enim milites ob fortitudinem donabantur. Hinc ſcribit Plinius, Sicinuum Dentatum donatum fuiſſe haſtis puris duodeuiginti.

Triphorum, dicitur telum longitudine trium cubitorum quod Catapulta mittitur. Ennius, Aut permaneret paries

percussus triphoro.

Sagitta iaculum, quod arcu mittitur. hinc Sagittare uerbum, id est iaculati. Hieron. Ut sagittent in occultis immaculatum. Sagittarius, qui sagittas intorquet. Tranquillus in Flauio Vespasiano, Syriacum præmisit exercitum. hinc XL. millia sagittariorum. Sagittarios equestres Græci Hippotoxatas uocant. Omnium optimi sagitarij sunt Parthi, qui fugientes & auersi iaculantur, & lædunt perinde ac diuersi. Lucanus, Ocyor & missa Parthi post terga sagitta. Fiunt etiam compolita Sagittifer, & Sagittipotens. Cicero in Arati Phænomenone, Mense sagittipotens solis quum sustinent orbem. Ruffus Festus, Membra sagittigero cedunt postremo reuecto.

Iaculum, quidquid iaci potest. hinc Iaculati uerbum. Iuuenalis Satyra i. Et quantas iaculetur Monycus ornos. Dicimus etiam Iaculo & Eiaculo.

Tragula a traiciendo, uel quòd infixæ scuto trahatur. Metaphoricè pro dolo capitur. Plautus, Tragulam in te iniicere adorant.

Pila dici potest quinque pedum hastile. Sulpicius ait, Pila Romanorum esse missilia trium pedum, utrinque præfixa ferro trigona unciarum nouem. Lucanus, infestisq; obuia signis Signa, pares aquilas, & pila minantia pilis.

Flaces, Harpagones, Fundæ, Fustibalæ, Plumbatæ, Onagri, Scorpiones numerantur a Vegetio inter tela naualia. Fundis qui utuntur, uocantur Funditores.

Catapulta dicitur uelox Iaculum, uel sagitta. Plautus, Atque ita te nerno torquebo, ut Catapultæ solent.

Aclides, Seruius ait tela esse adeò antiqua, ut nec usquam cõmemorentur in bello. Legitur tamen, quòd sint clauæ cubito & semis factæ, eminentibus hinc inde acuminibus, quæ ita in hostem iaciuntur religatæ loro uel lino, ut peractis uulneribus possint ad dominos redire. Putatur tamen esse teli genus, quod per flagellum in immensum iaci potest. Virg. lib. 7. Æn. teretes sunt aclides illis Tela, &c.

Verutum est telum breue & angustum, auctore Nonio. Sallustius 3. Hist. Auxiliumq; monebant in modum Veruti militaris.



## TELA, ET SCEPTRA DEORVM.

Gesa Gallorum sunt tela. Virg. lib.8. *Æn.* Duo quisque Alpina coruscant Gesa manu.

Venabulum uenantium hasta lato præpilata ferro. Ouid. in epi. Phedræ, Siue tenes lato uenabula cornea ferro.

Ansatæ sunt iaculamenta cum Ansis.

Sequenti iaculorum nomina enumerantur a Crinito, ubi de telorum generibus meminit, Spari, Cateiæ, Frameæ, Caiæ, Rumigesti, Mesanculæ, Sibini, Gesa, Veruta, Aclides, Rompheæ, Lanceæ, Pila, Sarissæ, Scibones, Tragula, Telones, Hastæ, Sudes, Phalaricæ, Issi, Faces, Semi phalaricæ, Cæstra, Soliferrea, Scorpj.

## TELA PROPRIA GENTIVM.

Framea Germanorum: Rompheæ, Thracum: Lancea, Hispanorum: (unde Varro Apud Gellium ait, Lanceam nõ Latinum, sed Hispanorum esse uerbum.) Pila Romanorum: Issi, Boiorum: Sarissæ Macedonum: Sibini Illyricorum.

## TELA, ET SCEPTRA DEORVM.

**H**Arpe gladius est Falcatus Mercurii. unde & Ouidius Harpen uocat Cyllenidem lib.5. Met.

Frameam poetæ uocant Martis hastam.

Simulacro Apollinis apponebatur arcus, sagittæ, clypeus & lyra. Claudianus, Mars clypeo melior, Phæbus præstantior arcu.

Sceptrum & Fulmen Ioui tribuuntur. unde & poetæ Iouem appellant fulminatorem, fulminigerum, fulguratorem, tonitrualem, scæptrigerum. Quinctianus in Orpheo, Astant cælicolæ intenti, quæ fulminiger rex Præcipiat. Bap. Pius, Iunxit Agenoridæ sceptrifer ipse tonans.

Claua fuit Herculis telum. Ouid. in epist. Deianiræ, Instruxitq; manum claua domitrice ferarum. Idem li.15. Vulnera clauigeri quæ fecerat Herculis arcus.

Fuscina telum fuit trifulcum, insigne Neptuni, ut apud Priapeiam: Neptuni Fuscina telum. Martia. lib.1. Fuscina dente minax nexu fuit anchora curuo. Dicitur & Tridens, uelut tres habens dentes. Neptunus apud Virg. lib.1. *Æn.* & Lucanus 4. Ouid.8.

## IMPOSSIBILIA FACTV.

**I**Oui Fulmen, Herculi clauam, Homero uersum subtrahere: tria hæc olim credita sunt impossibilia, auctore Macrobio lib. 5. Saturnaliorum. Quod etsi fieri posset, alium tamen nullum deceret, uel fulmen præter Iouem iacere, uel certare præter Herculem robore, uel canere, quod cecinit Homerus.

MACHINÆ QVÆDAM BELLICÆ,  
& tormenta.

**B**ombardam Galli uocant machinam a bombo & ardeo, ut autumat noster Nicolaus Beraldus: execrabile prorsus inuentum, quo nihil fulmini magis simile, luce, impetu, & odore teterrimo. cuius inuentori (ut inquit ille) robur & æs triplex circa pectus erat, illum parentis crediderim sui cervicem, & penetralia sparsisse nocturno cuore hospitis, &c.

Graphicam tormenti huius descriptionem, uide apud eundem Beraldum in Rusticum Politiani, ex uersibus Ioannis Mariæ Catanèi. Ricardus Bartholinus Bombardam uocat turrifragam, nouo sed tamen conuenienti epithero. Volateranus ait Bombardam primam a Germanis dono Veneris datam, quâ hi apud Clodiam fossiam Genuenses obsiderent.

Vegetius ait Testudinem machinam fuisse bellicam, de materia ac tabulatis contextam, quæ ne exureretur incêdio, coriis, uel ciliciis, centonibusq; uestiebatur. Hæc intrinsecus accipiebat trabem adunco præfixam ferro, quod Falx uocatur, ab eo quòd incurua est, ut de muro lapides extrahat. Idem ait caput eius uestiri ferro, appellariq; Arietem, quòd frontem habet durissimam, quæ subruat muros, & arietum more retro cedat, ut cum impetu uehementius feriat. Habet autem testudo machina similitudinem cum testudine ueranam sicut hæc modò reducit, modò profert caput; sic illa interim reducit trabem, & quandoq; exierit. Vide Ammianum Marcellinum quoq; . De Ariete Virg. labat ariete crebro Ianua, & emoti procumbunt cardine postes. Ouid. lib. 11. Meta. Nec leuius pulsata sonat, quàm ferreus olim Quum laceras aries, ballista ue concutit arces.

Hinc Arietare uerbum. id est cum impetu percutere. Virg. Arietat in portus, & duros obice postes. De Ariete Pamphilus, Rumpo fores, murosquatio, demolior arces: Cornua ferrata sub trabe dura gero.

Vineæ (quas aliter Catto uocant) fiebant hoc modo. De lignis leuioribus machina colligabatur, lata pedibus octo, alta pedibus septem, longa xvi. huius testum munitione duplici tabulatis cratibusq; contexebatur: latera sepiabantur uimine, ne saxorum telorumq; impetu penetrarentur: extrinsecus autem, ne immisso concremaretur incendio, crudis ac recentibus coriis ac centonibus operiebatur: mutris in ordinem iunctis se supponunt milites, qui tui penetrant ad excauanda murorum fundamenta. De Vineâ Propert. lib. 4. Dumq; aries murum cornu pulsabat ahenò, Vineaque inductum longa tegebat opus.

Plutei contexebantur ad similitudinem cassidis è uimine: ciliciis protegebantur, coriis, ternisq; rotulis, quarum una in medio, duæ in capitibus opponebantur: admonebantur in quancunq; partem, more carpenti, & applicabantur muris: horum munitione protecti obsessores, sagittis, fundis, & missilibus obsessos, de propugnaculis ciuitatis exturbabant, ut scalis ascendendi facilior pateret occasio.

Musculi dicuntur minores machinæ, quibus protecti obsessores urbis fossatum (uerbum est Vegetij) comportatis lignis & lapidibus complent, & solidant, ut turres ambulatoriæ sine impedimento admoveantur, & applicentur muris. Minores sunt uineis, & pluteis firmitiores. Vocantur autem a similitudine musculorum piscium. nam quem admodum illi quum minores sint, tamen Balænis auxilium adminiculumq; exhibent, ita quoq; hæ machinæ subsidio sunt ambulatoriis turribus ad parandam uiam, præmunientaq; itinera.

Turres ambulatoriæ sunt machinamenta trabibus tabulatisque compacta, crudis coriis, & centonibus communita, ne hostili crementur incendio. fiebant interdum tanta proceritate, ut muros & lapideas turres altitudine superarent. uolebantur multis rotis arte mechanica suppositis. quum muris admovebantur, præsens erat ciuitatibus periculum, nam



sursum uersum habebant scalas, quibus irrumpebatur in urbem. deorsum uersum arietes, quorum impetu diuellebantur muri. in earum fastigio collocabantur sagittarij, qui obsessos contis, & saxis missilibus protrudebant, eoq; modo capiebant ciuitatem sine mora. obsessis enim nulla spes erat auxiliij, quum supra se aspicerent altiore hostium murum.

Sambuca fiebat ad similitudinem citharæ. nam ut in cithara sunt chordæ, ita in trabe, quæ turri admovebatur, erant funes, qui pontem de superiori parretrocleis laxabant, ut descenderent ad murum, exhibantq; statim bellatores, & per eam transeuntes mœnia urbis inuadebant.

Exostra, pons erat turris ambulatoriæ, per quem obsessores in muros obsessarum urbium transinebant.

Obsessi ab obsessorum machinis tutabantur se ballistis, arballistis, onagris, scorpionibus, fustiballis, & sagittariis fundis.

Telenon, machina fiebat hoc modo. Trabs una in terrâ præaltè defigebatur, in cuius uertice connectebatur altera longior, dimensa medietate eo libramento, ut depressio uno capite, erigeretur alterum. in unoquoque capite cratibus & tabulatis contexebatur machina, in qua pauci collocabantur milites. depressio itaque per funes altero trabis capite, altero uerò (in quo erant) eleuato, imponebantur in murum.

Scorpiones machinæ sunt, quæ Vegetij tēpore dicebantur Manuballistæ. idè autem nomen hoc traxerunt, quòd paruus, subtilibusq; spiculis inferrent mortem. Alter Scorpion uocatur Onager, quòd asini feri quum a uenantibus agitantur, ita eminus lapides post terga calcitrando emittunt, ut perforent pectora sequentium, aut perfractis ossibus capita ipsa displodant. Saxis autem per Onagrum contortis, non solum equi elidebantur & homines, sed etiam hostium machinamenta frangebantur.

Cocleæ dicebantur rotundæ machinæ, in quibus per circuitum obsessores conscendebant in muros inimicorum.

Ballista, bellicum erat tormentum ex ferro, aut taxo, aut osse, quo magni lapides mittebantur, ut ait Sulpicius.

Ouidius lib. 1. de Trist. Quàm graue ballistæ mœnia pulsant onus. Cic. lib. 2. Quæst. Tuscul. Ut enim ballistæ lapidum, ita reliqua tormenta telorum. Ballista formabatur ea magnitudine, ut lapides cxx. pondo eiacularetur. Ballista maior saxa contorquet. hæc a Phœnicibus reperta est. de hac Sylius lib. 1. Phocais effundit uastos ballista molares. Ballista minor hastam iacit, & parua spicula. de hoc uidentur intellexisse Lucanus lib. 3. dicens: Nec enim solis excussa lacertis Lancea, sed tenso ballistæ turbine raptâ.

Phalarica, genus erat teli, quod ex phalis, id est, turribus ligneis intorquebatur. erat autem præfixa ualido ferro in modum hastæ intra tubum: cuius hasta sulphure, resina, bitumine, & stuppis conuoluebatur, infuso oleo, quod incendiarium uocabant, & è ballista emittebatur.

Inter nostri temporis machinas habentur Colubrina, & Serpentina, quod oblongæ fiant, habeantq; effigiem propè Serpentis & Colubri. Pamphilus Saxo, Vis, sonitus, rabies, motus, furor, impetus, ardor Sunt mecum: Mars hæc terreus armâ timer.

Arcuballistæ, & Carroballistæ, dicebantur minores machinæ, quæ curriculis ferebantur.

Malleoli erant quædam missilia, quæ arcu iaciebantur, materiam habentia ad comburendum. Liuius, aliqui uenerunt ferentes stuppam, picem, & malleolos.

Inter machinas etiam numerantur Trifaces, Cataphractæ, Plumbatæ, Tribali.

Falces, & Harpagæ armorum genera sunt apta murorum oppugnationi. Sisenna apud Nonium, Falces iniectas comminuunt, Puteos propius collocatis Harpagis deiciunt, mittunt è turribus.

## ARMORVM VARIA GENERA,

& bellorum instrumenta.

**G**alea dicitur cassis, seu ferreum instrumentum, a Galeo, quo ueteres usi sunt. Ouid. in epist. Et galeam pressa sustinuisse coma. Ea ornata cristis & pennis maiorem solet incutere terrorem. Vnde Virgil. lib. 8.

*Æneid.* Terribilem cristis galeam, flammisque uomentem .  
Idem significat *Cassid*: dicimus etiam *Cassida* . *Prop.* Aurea  
cui postquam nudauit cassida frontem .

*Ancyle* dicitur breue scutum *Nonio* . Hoc ex utroque la-  
tere recisum erat , ut nullus uideretur angulus , & summū  
infimumq; latus eius medio pateret . Ferunt *ancylia* princi-  
pante *Numa Pompilio* cælitus fuisse demissa . *Ouid.* lib. 5.  
*Fast.* Ecce *ancyle* uocant , quod ab omni parte recisum est ,  
*Quæq;* oculis spectes , angulus omnis abest .

*Parma* fuit breue scutum , peditibus peculiare . *Vir.* lib.  
11. Ense leuis nudo , *Parmaque* inglorius alba . Dicimus  
& *Parmula* . *Horat.* Tecum *Philippos* & celerem fugam Sē  
si relicta non benè *parmula* .

*Pelta* dicitur *Clypeus Amazonum* , in modum *Lunæ* re-  
curuus . *Virg.* Ducit *Amazonidum* lunatis agmina peltis .  
*Stat.* lib. 5. *Syl.* Hinc *peltiferæ* dicuntur *Amazones* . *Ouid.*  
*Qui* modò *peltiferas* fudit *Meotidas* , &c.

*Cætra* scutum est loreum , quo utuntur *Afri* & *Hispani* .  
*Luca.* lib. 7. Illic pugnaces commouit *Iberia* *Cætras* . *Vir-*  
*gil.* *Læuas Cætra* tegit . *Cætrati* dicuntur qui utuntur hu-  
iusmodi scutis .

*Ocreæ* dicuntur crurum munimenta . *Apuleius* , Ille ga-  
lea caput , ille crura *Ocreis* inuoluit . hinc *Ocreati* , *ocreis*  
ornati . *Plinius* , Ad reliquos usus laboriosè euehitur *ocrea-*  
*tis* cruribus . *Vegetius* , *Pedites* scutati præter *cataphractas* ,  
& *galeas* etiam *ferreas* , *Ocreas* in dextris cruribus cogerē-  
tur accipere . *Virg.* lib. 7. *Æn.* Aut *ocreas* leues lento du-  
cunt argento .

*Thorax* dicitur ferreum pectoris munimentum , & quid  
quid a collo ad coxendicem protenditur in anteriori corpo-  
ris parte . *Thoracati* , *thorace* induti . *Plin.* *Parrhasius* pin-  
xit *Nauarchum* *thoracatum* . Fiebant olim *thoraces* crati-  
bus costarum ferreis , unde & *nexiles* uocantur & multi-  
plices . *Statio* lib. 12. *Multiplicem* *tenuēs* iterant *thoraca*  
*cateruæ* .

*Phaleræ* ornamenta sunt equorum , qui inde uocantur  
*phalerati* . *Virg.* lib. 5. *Æn.* *Primus* equum *phaleris* insignē  
uictor habeto .



## NOMINA DIVERSA AD

Ephippia sunt strangula, quibus equi integuntur, uel sella, eis ad insidendum positæ. Cato, Fuit mihi equus sine ephippio. Equi ephippiarii dicuntur, quibus imponuntur sellæ, ne graui incessu uulnerent sessorē. ephippiati equi, suis phaleris ornati. Horatius adagium fecit: Optat ephippia bos, piger optat arare caballus. ubi quis uult ea curare, quorum est ignarus.

Capistrum, & Frænum, uincula sunt capitis equorum, Martialis, Paret purpureis aper capistris.

Stapedes, maniculæ sunt ferreæ, quibus pedes sustinent equitantes.

Pharetra, repositorium sagittarum, quanquam & pro sagittis interim capiatur Ouid. lib. 1. Met.

Lorica dicitur ferreum corporis munimentum, quale aponebatur antiquis regum, & imperatorum statuis. Dicitur autem Lorica, uelut connexa loris. Squalibat ferri laminis, ut crustis cochlearum. Vitruuius, Non patietur lorica testacea lædi latera. Modestus, Centuriones nimium bellicosas loricas transuersis cassidum cristis (ut a suis facilius noscerentur) habebant. Martial. Inuia Sarmaticis domini lorica sagittis. hinc Loricare est armare, seu lorica induere. Plin. de Ichneumone in Aspidem certaturo, Mox, inquit, ubi pluribus eodem modo se coriis loricauit, in dimicationem pergit.

Umbo dicitur pars clypei eminentior. capitur & pro toto clypeo. Virg. lib. 10. sed sustinet æreus umbo. Statius lib. 18. Euboicum duris rumpunt umbonibus agmen.

## NOMINA DIVERSA AD militiam spectantia.

**E**Xercitus dicitur magnus militum numerus, ab exercitatione, cui præest, qui legiones cum suis auxiliis comministrat. eiusque officium consistit non solum in danda, sed etiam obseruanda disciplina. is uocabatur a Romanis Tribunus militaris, cui iubebantur parere milites, eius intererat milites in castris continere, ad exercitationes producere, clauis portare, uigilias interdum circuire, annonæ & comineatibus consulere, compescere tu-

multus militares, delicta secundum auctoritatem castigare, audire commilitonum querimonias, & multa id genus alia. Dicebantur autem Tribunus a tribu, quoniam Romulus pri- mus milites ex tribu legit. Tribunorum militarium alij di- cebantur Ruffuli, qui creabantur in exercitu: alij Comi- tiati, qui designabantur in comitiis. dicti sunt & Rutuli, quod Rutilius Ruffus legem de his creandis ab exercitu quandoque tulerit. Equestris ordinis nomen sæpe mutatum est. nam qui ad equitatum trahebantur, primum Flexumi- nes, & Trofuli dicti sunt, quum oppidum in Tuscis eo no- mine soli sine peditatu cepissent.

Miles suberat Centurioni: Centurio Tribuno: Tribu- nus Legato: Legatus Consuli: Consul Dictatori: Centu- rio centum peditibus præerat. Is erat, quem nunc primi- pilum dicimus. Myrias continebat decem millia. Hinc My- riarches, qui decem millibus præest.

Legio a delectu militum dicta est, auctore Nonio. Ro- manorum legiones habebant singulæ sena millia, & inter- dum amplius, ubi res postulabat. Differebant autem ab au- xiliatoribus. nam Auxiliatores conducebantur ad prælium ex diuersis locis, nec disciplina inter se, nec noticia, nec affectione consentientes, aliisque institutis utentes, & dis- simili armorum usu. Iungebanturq; legionibus adminicu- li, non principalis subsidij loco. Legio autem propriis co- hortibus constabat, habebatq; grauis armaturæ principes Hastarios, Triarios, & Antesignanos. Item levis armatu- ræ Ferentarios, Sagittarios, Funditores, Ballistarios, ut proprios unoque animo, & pari consensu castra munien- tes. Erat in legionibus tanta armorum exercitatio, & fidu- cia, ut nusquam legantur plures fuisse legiones, quam duæ. Qui legionum matriculis inseri uolebant, hoc est, nume- rari inter legionarios, solebant iurare. idque Sacramentum dicebatur. Iurabant autem per deos & imperatoris maie- statem, se fidem seruaturus inuiolatam, æternumq; famula- tum suo principi exhibituros, militiam nunquam desertu- ros, nec recusaturos mortem pro rep. Habebat legio decem cohortes. quarum prima habebat pedes MCV. equites lo- ricatos CXXXII. Secunda pedites DLV. equites lori-

## NOMINA DIVERSA AD

catos LXVI. Tertia pedites DLV. equites itidem LXVI. Quarta pedites DC. equites LXVI. Quinta totidem. Hæ autem primæ ordinabantur in prima acie, tanquam magis strenuæ. Sexta pedites DLV. equites LXVI. Septima pedites DLV. equites LXVI. Octava, Nona, & Decima singulæ totidem. His decem cohortibus perficiebatur legio, quæ habebat peditum sex millia, equites DCCXXXII. A numero & ordine legionum milites dicebantur Primani, Secundani, Decumani, primæ, & secundæ, aut decimæ legionis.

Cohors diuidebatur in quinquaginta manipulos, Manipulus in uigintiquinque milites. Manipulum autem Varro ait esse minimam exercitus manum, quæ unum sequitur signum. de quo uerbo Ouidius, Illa quidem sæno (sederat reuerentia sæno, Quantum nunc aquilas cernis habere tuas) Pertica suspensos portabat longa manipulos, Vnde Manipularis nomina miles habet. Lucanus libro I. Conuocat armatos extemplo ad signa manipulos. Hinc Manipulares milites, dicti a manipulo sæni, quod sequebantur.

Centuria dicebatur centenarius militum numerus, cui qui præerat, uocabatur Centurio.

Constabat Turma ex triginta duobus equitibus. Varro turmam ait dictam esse mutata e, in v, quasi ternam, quod terni milites ex tribus tribubus, Lucerum, Rhamnensium, & Tatientium fiebant.

Phalanx dictio est Macedonica, quadratam aciem, & cuneum militarem propriè significans, quando pes pediti, clypeus clypeo, uir uiro in acie conserebatur: quim mos erat Macedonum peculiaris. Curtius, Macedones, inquit, phalangem uocant peditum stabile agmen, quum uir uiro, & armis arma conserta sunt. Capitur tamen pro quouis exercitu. Virgilius lib. 6. At Danaum proceres, Agamemnoniæque phalanges. Quoniam autem uocabulum est Macedonicum phalanx, proprio epitheto uocatur Sarissigera, a Sarissis Macedonum hastis.

Porrò autem Hastati dicuntur, qui pugnant hastis: Pila ni, qui pilis.



Ordinarij dicuntur, qui in prælio præfunt, & primos ordines ducunt.

Augustales dicebantur, qui ab Augusto ordinariis iuncti fuerant.

Aquiliferi, qui portabant aquilam Romanorum inſigne. Lucan. Pares aquilas, & pila minantia pilis.

Imaginarij, uel Imaginiferi, qui imperatorum portabant imagines.

Signiferi, qui ſigna portant.

Tesserarij, qui tesseram per contubernia militum nunciant. Tessera autem uocatur præceptum ducis, quo ad bellum, aut aliquod opus mouetur exercitus.

Campigeni dicuntur antesignani, ideo quòd eorum opera, atque uirtute exercitii genus crescit in campo.

Metatores, qui præcedentes locum deligunt castris.

Beneficiarij, qui tribunorum beneficio promouentur.

Librarij, qui in libros rationes referunt ad milites pertinentes.

Tubicines, Cornicines, Buccinatores, qui tuba, æreo cornu, uel buccina committere soleant prælium, ut Liticines, qui lituo canunt. Marcellinus, Poſt exactum iam diem occinente liticine, reuocatus inuiſtiſſimus miles, prope ſupercilia Rheni tendebat. Dicuntur etiam Ænatores. Suetonius in Cæsare Dictatore, Inter eos, inquit, & ænatores rapta ab uno tuba proſiluit ad flumen. Marcellinus, Quum ſuper'eſſet exiguum noctis ænatorum clangore ductore urbem, ut mox caſuram, terribili corona cinxerunt. Buccinatores, auctore Vegetio, ornamentum erant totius legionis in ingreſſu conſiſtus, & eius reſtitu: hinc per metaphoram Buccinator pro laudatore ſolet accipi.

Menſores, qui in caſtris demetiuntur loca, in quibus tentoria milites ſigant, uel hoſpitia in ciuitatibus præſtent.

Torquati ſimplares, & Torquati duplares, quibus torquis aureus ſolidus uirtutis fuit præmiu, quem qui meruiſſet, præter laudem interdum duplas conſequebatur annonas, duplares, duas.

## NOMINA DIVERSA AD

Candidati milites dicuntur, qui privilegiis muniuntur: reliqui uocantur municipes, quod propter munera facere militiam cogantur.

Antesignani dicebantur milites, qui erant ante signa, quos tanquam duces reliqui sequebantur. Apul. Antesignani nostri partem (qua manus humerum subit) ictu per articulum medium temperato prorsus abscidimus.

Vexillarij, & Vexilligeri, qui uexillum gerunt. Idem Apul. Tunc itaq; inquit, sublimis ille uexillarius noster Lamachus. T. Liuius, Ordo, inquit, sexagenos milites, duos centuriones, uexillarium unum habebat. Idem auctor est sub uno uexillo fuisse homines CLXXX. Vexillationes antiqui nominauerunt alas equitum eadem ratione.

Aquiliferi dicebantur, qui aquilas, Romanorum signa, ferebant. Sueton. in Cæsare, Inclinatam, inquit, aciem solus sæpe restituit, obsistens fugientibus, retinensque singulos, & contortis faucibus conuertens in hostem, & quidem adeo plerumque trepidos, ut aquilifero moranti cuspide sit comminatus.

Draconarij, qui dracones ferebant in uexillis, ut aquilas. Claudianus, Stant bellatrices aquilæ, sæuiq; dracones. Primum signum, inquit Vegetius, legionis est aquila, quam aquilifer portat. dracones etiam per singulas cohortes a Draconariis feruntur ad prælium.

Primipilus, seu Primipilaris, dicebatur Centurio, qui IIII. centurias, id est cccc. milites regebat in acie prima: eratq; caput legionis. Tranquillus in Tiberio, Quum, inquit, Pollentina plebs funus eiusdem primipilaris non prius ex foro misisset. Idem in Caligula, Testamenta primipilarium (qui ab initio principatus neque illum, neque se heredes reliquissent) ut ingrata rescidit.

Manipli, seu Manipulares dicebantur signiferi, qui impetrante Romulo, quum Romani & Latini sub uno centurione, bellum aggressuri essent, Maniplo herbæ hastæ alligato pro signo utebantur. Ouidius, Vnde Manipularis nomina nules habet.

Nauarchus dicebatur naui princeps, qui in bello nauali remigibus & militibus exercendis quotidianam curam, &

iugem exhibebat industriam.

Bellatores qui ad decertandum instruuntur, armisque ad uersarium inuadunt.

Imbelles in exercitu dicuntur, qui sequuntur copias ad alium, quàm conflictus usum: ut medici, tabernarij, & serui.

Velites dicuntur leuissimæ armaturæ milites. Hi lorica non induebant, nec ocrea muniebantur. non clypeum aut scutum graue ferebant, sed telis tantum utebatur, & sagittis. Ouid. in Ibin. a Velitibus fit Velitari uerbum, id est leuiter contendere, & Velitatio, leuis contentio. a leui armatura Velites aliter dicebantur Expediti.

Peltati inter leuis armaturæ milites numerabantur, a Pelta breui paruoque scuto, quo utebantur, cum contis Sarissa paulò breuioribus.

Cataphracti dicuntur, qui nō solum sua corpora, sed etiam equos lorica undiq; muniunt. hos Marcellinus Cataphractarios uocat, ubi ait: Et ne qua interueniret mora, adhibitis Cataphractariis solis & ballistariis parum ad tuendum rectorem idoneis, præcurso eodem itinere ad arua Succorum peruenit. est etiam Cataphracta militaris lorica siue thorax. de Cataphractis Marcellinus, Sparisq; inquit, cataphracti equites (quos Clibanarios dictitant) personatim thoracum muniti ligaminibus, & lumbis ferro cinctis. Idem, Inter quas, inquit, cataphractarij erant sagittarij, formidabile genus armorum.

Hastati dicuntur qui manus conferunt, & cominus hasta decertant: unde & Tranquillus in Caligula, Hasticos uocat ludos, qui hasta conficiebantur.

Scutati, Cætrati, & Clypeati, qui scuto & clypeo se præmuniunt. nam Cætra scutum est breue & loreum, quo (ut iam diximus) utebantur Afri & Hispani. Sylius, barbarica plaudentem carmina cætra. Frequens est apud Liuum Cætratorum mentio. Scutatos Marcellinus & Scutarios uocat. Nec Scutarios, inquit, adesse didicerat. Item Suetonius Augusto, Affuit & clientibus sicut Scutario euocato quondam suo.

Scutigerulus a Plauto dicitur armiger, qui gerit scutum domini in bello. de clypeatis Marcellinus, Et incedebat



hinc inde ordo geminus amatorum clypeatus & cristatus. Ferentarii equites dicuntur, qui eminus solent dimicare. quorum alii iaculis, alii arcu utuntur. Ferentarii etiam dicebantur ab auxilio ferendo, erātq; levis armaturæ milites, ex cursu leues, armis grauib; non impediti, ense tantum & telis instructi. Sallustius, Postquam eò uentum est, unde a Ferentariis prælum committi posset.

Architenentes, & Sagittarii, qui arcu utuntur, & sagittas intorquent, uocantur etiam Sagittiferi.

Vbi pugnabatur Elephantis, qui uni tantum præerat, uocabatur Zoarchus ab animalis præfectura, qui tribus Therarchus, qui quattuor Epitherarchus, qui octo Ilarcha, generali uocabulo Elephantorum. præfectus dicitur Elephantarcha. auctor Ælianus.

Chiliarchi dicebantur, qui mille militibus præerant. Chilas enim dicitur millenarius numerus.

Tyrones dicuntur noui milites, fortes tamen & robusti ad perferendos labores militiæ; quorum prima exercitatio uocatur Tyrocinium uelut rudimentum, unde & Tyrunculi dicuntur etiam qui sunt rudes in re aliqua. Tranq. in Cæs. Tyrones neq; in ludo, neq; per lanistas, sed in domibus per equites R. ac etiam per senatores peritos armorum erudiebant. Hieronymus in fœmineo genere Tyrunculas puellas uocat. Tyrocinium etiam præter illud militare rudimentum, dicebatur ab eruditis, quum adolescentuli togam sumebant, & ponebant barbam, eloquentiamq; in foro auspicabantur. nam tunc etiam dicebantur Tyrones. Seneca in decla. Ille in foro primum dicturus, tyro dictus est.

Classarii dicebantur buccinatores, qui cornu ducebant exercitum, quiq; Classicum canebant imperatore præse. Classarii etiam dicuntur remiges, & frequentius milites in classibus. Cor. Tacitus, Anicetum centurione classario comitatum. Tranquillus in Cæsare Tiberio, Vnde Damnatos post longa & exquisita tormenta præcipitari coram se in mare iubebat, excipiente Classariorum manu.

Rorarii, testimonio Varronis, dicebantur, qui primi omnium in conflictum prodibant, erantq; levis armaturæ, ut uelites: nec dimicabant acriter, sed leui quadam contentione

tione prælium tentabant, quemadmodum ros prius inchoat, quam pluvia.

Exactorati milites dicebantur, qui obligatione militari stipendio soluti erant habuerantq; missionem, hoc autem uerbum quandoq; in malam partem capitur, ut apud Lampfidium, qui scribit Alexandrum tumultuantes legiones exauctorauisse. nam orta quondam seditione militari, non timuit conscendere tribunal, & oratione seuerissima tumultuantes increpare, quamuis omnes armati circumfisterent. postremò illis adhuc frementibus quum inclamasset, Disce dite, arma deponite; omnes depositis armis, sagulisq; militariibus ad diuersoria recesserunt. tunc unam legionem totam exauctorauit, quam mos loco suo restituit. Simile est dictum Tranquilli de Cæsare dictatore scribentis, Nonam legionem apud Placentiam quanquam adhuc in armis Pompeius esset, totam cum ignominia missam fecit.

Gregarii milites dicebantur vulgares, non electi. Tranquillus in Augusto: Nam quum spectaculo ludorum gregarium militem in XIII. ordinibus sedentem excitari per apparitorem iussisset.

Triarii milites erant omnium fortissimi, qui in postrema legionum parte collocabantur, in his autem sita erat tota spes, & ultimum perfugium. erant omni armorum genere instructi, genu posito subsidebant, ut si primam aciem uinci cõtigisset, ab his integrato prælio uictoria repararetur. de his Modestus ad hunc modum scribit: Hi ut requieti & integri inuaderent hostes, post ultimas acies sedere consueverunt; & si quid in primis ordinibus accidisset, de eorũ uiribus, reparationis spes tota pendebat. Hinc formatum adagium, Res ad triarios rediit; ubi propè desperatur uictoria, resq; eò periculi redacta est, ut extremo conatu, summisq; uiribus sit eritendum; quibus si nihil proficiatur, iam nullus relictus est effugij & salutis locus.

Elaphri dicebantur equites leuiter armati, qui discursu faciles erant, iaciebantq; missilia, seu sagittas.

Accensi dicebantur, qui ministerio ac seruitio publicè adiciebantur legionibus, quum fas non esset milites, (qui pecunia publica alebantur) cuiquam seruire, dicebanturq; Ac

## NOMINA DIVERSA AD

cenſi uelut accedentes .

Dimachæ dicuntur, qui duplici pugnæ genere decertant, equo ſcilicet , & ut pedites , ubi regio non eſt apta equitatu . Hos primò ferunt inſtitutos ab Alexandro , qui etiam triginta puerorum millia ad militarem diſciplinam curauit inſtruenda .

Finguntur etiam quandoq; huiusmodi nomina a nominibus telorum , ut Lancearii , Doriphori , id eſt ſpiculatores . Dori enim Græce, lanceam ſignificat Latinè . Tranquillus in Nerone , Et quum aſſatim deſcuiſſet , ut conficeretur à Doryphoro liberto .

Machærophori à ferendis Machæris gladiis . Cicero , Machærophoris centum ſequentibus miros riſus nobis edidere .

Enſiferi , a feredis enſibus .

Sariſſophori a Sariſſis, quas Macedonum haſtas eſſe diximus .

Spathiferi a ſpathis .

Mucronigeri , Cultriferi , Cultelliferi , Teligeri , Teligeruli , Iaculiſeri , Iaculatores , Spiculiferi , Spiculatores , Hiſtigeri , Haſtiliferi , Vrbiniſeri , eadem forma dicuntur .

Tortores quandoque dicuntur , qui lapides tormentis iaciunt . Vnde & tortores balliſtarum uocat Ammianus .

Scorpionarii , qui ſcorpionibus , ſeu machinis iaculantur . Eiufdem notæ ſunt Balliſtarii , Arcuballiſtarii , Colubrinarii .

Funditores , Fundibularii , qui funda lapides intorquent . Salluſtius , ipſe cum expeditis cohortibus adhuc funditorū & ſagittariorum delecta manu .

Pyrrobolarii , qui ignitas glandes tormentis eiaculantur .

Clauigeri a ferenda Claua , Græcè uocantur Corynophori .

Sunt & quædam principatū & præfecturā nomina , ut Imperator , Rex , Dominus , qui in malam partem olim accipiebatur pro tyranno . Virg. Vendidit hic auro patriam , dominūque potentem , Impoſuit .

Megiſtanes dicuntur proceres & primates . Cornel. Ta-



citus, Et Megistanes Armenios, (qui primia nobis defecerant) pepulit sedibus.

Monarcha, seu Monarches unicus omnium princeps, & Monarchia, principatus ipse.

Hecatôtarchus cētum hominum uel ciuitatum princeps.

Dynastes dominus regni, Dynastia potentatus. Cic. ad Atticum, Erit nebulo iste cum istis Dynastis in gratia.

Nauarchus princeps nauis.

Strategus dicitur præfectus militaris, & Stratagea præfectura ipsa. unde & legimus Thraciam fuisse diuisam in Strageas 50. Ita enim uocant præfecturas.

Archipolis princeps ciuitatis.

Demarchus tribunus plebis, Demarchia tribunatus.

Agoranomis apud Plautum uocatur ædilis, ubi ait in Ca pitius: Hunc fecerunt sibi Ætoli Agoranomum.

Eparchus dicitur prouinciæ præses. Eparchia prouincia.

Ethnearches princeps gentis. Ethnearchia principatus.

Genearchia generis princeps. Genesis est generatio.

Irenarches, seu Irenarcha, qui præficitur in ciuitate ad auferendas discordias, pacandosque tumultus ciuiles.

Philarchus amator imperii, Latine dici potest imperii candidatus.

Cosmoarchus mundi princeps.

Democraticus, qui fouet principatum populi. Democratia, populi principatus.

Ephorus dicitur præfectus, & super inspector. Ephori magistratus erant tales apud Lacedæmonios, quales apud Romanos Tribuni plebis.

Dicæarchus iustus princeps.

Decarchus, qui decem præest militibus.

Tetrarcha, qui quartam regni partem obtinet.

Dubenus apud antiquos capiebatur pro domino. Pacuius, Tum Dubenus seruos ligatos pessimè uerberat.

Trierarchus præfectus triremis. Cic. Actione 3. in Verrem, Qua de re Charidemum Chium, testimonium priore actione dicere audistis, quum esset Trierarchus.

## SAGITTARII, ET IACULATORES peritissimi.

**I**Nter sagittarios principem locum obtinet Apollo, quem Ideò poetæ Sagittiferum, & Sagittipotentem dicunt, unde Claudianus, Mars clypeo melior, Phœbus præstantior arcu. Horat. lib.1. Car. Nec te metuende certa Phœbe sagitta. Valerius Flaccus, Arcupotens aduerte precor nunc denique Apollo.

Hippocoon, Mnestheus, Eurytion sagittarii fuerunt; qui, te ste Virgilio, contenderunt de palma, & unà iaculati sunt in ludis illis exequalibus, quos Æneas ad tumulum patris Anchisæ celebrauit, quum relicta Africa in Italiam nauigaturus rediit per Siciliam.

Idem Virg. lib 9. ait Chorineum Italum fuisse peritum iaculatorem, Asylum uerò Troianum, arcu & sagittis nobilem.

Acastus uenator fuit sagittis clarus qui cum Meleagro ad occidendum aprum ( qui Calydonia uastabat ) profectus est. Ouid. lib.8. Metam. Leucippusq; ferox, iaculoq; insignis Acastus.

Fuit Paris adeò sagittandi peritus, ut Achillem solo pede uulnerabilem telo traiecerit. Virg. lib.6. Æneid. Dardana qui Paridis direxti tela. Ouidius in Epistol. Paridem sic loquentem inducit, Ne'ue putes, non me nisi còminus esse timendū, Figitur in iussu nostra sagitta loco. Stat. lib.3. Syl.

De Lycota Ouid. l. 12. iaculatoremq; Lycotam Sternit.

Mopsium Cretensem ab arte sagittandi commendat Syllius Italicus lib.1.

Ilerdes fuit iaculator quispiam, qui tam certis iaculabatur ictibus, ut etiam uolucres in medio aere percuteret. Syllius, iam socius uolucresq; uagas deprendere nube Asietus iaculis idem & bellator Ilerdes, cui ludus nullam cursu non tollere damam.

Alcò Cretensis fuit sagittarius, cuius filium quum rapuisset Draco, tanta arte sagittam direxit, ut illæso filio, Draconem ipsum confecerit. Val. Flac. lib.1. Argon. Vacua nam lapsus ab arbore, paruum Ter quater ardenti tergo circum uenit anguis. Stat procul intendens dubium pater an-

xius arcum. Sidonius, Venuisses Castora frænos, Pollucem cæstus, Alconem spicula nosse. Ang. Politianus in Epigram. Vidit ut implicitum puero pater anxius anguem, &c.

Saxo Grammaticus scribit Enarum fuisse sagittarium magno corporis artisq; robore præditum, qui tanto rigore arcum intendebat, ut excussum ab eo iaculum nulla rerum duritia sisteret, quominus citato motu uniuersum penetraret obstaculum.

Deucalion Hypereus filius ex Hypso nymphea, fuit etiam peritus sagittarius. Valer. Flaccus lib. i. Argon. Deucalion certus iaculis.

Æthalides præco fuit insignis, qui propter eloquentiam Mercurii filius creditus est. Hunc etiam telis claruisse testis est Valerius Flaccus lib. i.

Carènes miles fuit, qui ictibus adeò certis destinata feriebatur, ut aues quoque ab ipsis nubibus exciperet. auctor Q. Curt. lib. 6. de gestis Alexandri.

Fuit Domitianus Imp. doctus adeò sagittarum, ut inter distentos uiri procul positi digitos tela transmitteret. auctor Sex. Aurél. Tranquillus ait centenas uarii generis feras, in Albano secessu, sagittis plerumq; confossas multis uidentibus. ex industria ita quarundam capita nonnunquam figebat, ut duobus ictibus, quasi cornua effingeret. nonnunquam in pueri procul stanti præbentisq; pro scopo dispanfam dextræ manus palmam, sagittas tantâ arte direxit, ut omnes per interualla digitorum innocuè euaderent.

Toco miles fuit quispiam auctore Saxone doctus adeò sagittator, ut sermone inter cōuiuas temulentius habito, iactauerit tanto iaculandi usu se præditum, ut exiguum quod libet pomum, baculo procul & longissimè remoto superpositum prima spiculi directione feriret.

Pontanus Asparem quendam Garamanta a præstantia torquendorum missilium his uerbis commendat: Hinc Aspar Garamas, quo non præstantior alter Aut torquere manu iaculum, aut dare uulnera funda.

Docuit Hercules, quanta sagitrandi arte clareret, dum Cætaurum Nessum, quamuis remotum, & certuam æripidem certo traiecit ictu, Harpyasq; uolucres in medio confecit



## SAGITTARII, ET IACVLATORES

ære, dicente Seneca, Petiit ab ipsis nubibus Stymphalidas.

Eurytus rex Oechaliæ pater Ioles Herculem sagittandi artem docuit.

Commodus Imperator Faustinae & Marci principis filius centum ictibus in arena totidem feras strauit, tam ualidis uiribus, ut multas uno conficeret ictu. Adeò certa fuit illi manus, ut quicquid oculo destinasset, iaculo & sagitta contingeret. Herodianus lib. 1. & Sabellicus in Exemplis.

Nihil erat tam paruum tamq; exiguum, quod plumbea ænei tormenti pila non concuteret Andreas Agidarius, si illud oculo consequi posset.

Getæ, Scythæ, Ithuræi, Persæ seu Parthi, Sarmatæ, Cretenses, Arimaspi & omnes propè Orientales arcu & iaculis clarauerunt.

De Getis, Scythiæ populis, Ouid. lib. 5. de Trist. Sarmaticæ maior, Geticæq; frequentia gentis, Per medias in equis itq; reditq; uias. In quibus est nemo, qui non Coryton & arcum, Telaq; uiperea lurida felle geret. Et lib. 1. & 3. de Ponto, & in Ibin.

De Scythis Septentrionalibus populis Claudianus: De spoliis Scythicos arcus, aut rapta Gelonis Cingula. Plinius lib. 4. Vt sit planè arcus Scythici forma.

Ithyræ, seu Ithura, urbs est in Tauro monte Parthiam uersus, cuius habitatores Ithuræi arcu & sagittis clarauerunt, quod quemadmodum in ceteris arguitur poetarum epithetis, quum arcum uocant Ithuræum, sagittas Parthicas, nunc uos Geticos, pharetras Sarmaticas, & ita in ceteris. Sabellicus in Oraculo, quæ turba pharetris Certat Ithuræas sumptis imitariæ artes.

Parthi, seu Persæ Orientales populi, sagittis adeò clarauerunt, ut fugientes a tergo iacularentur, auersiq; sequentes hostes læderent, perinde ac aduersi, ut iam diximus. Lucanus, Ocyor & missa Parthi post terga sagitta. Catullus, Siue in Hilcanos, Arabasq; molles, Seu Sacas, sagittiferosq; Parthos. Ouidius lib. 1. de Remedio, Vince Cupidineas pariter, Parthasque sagittas. Io. Franc. Mirandula, In molli pharetræ Persidos urbe.

A Sarmatæ Scythiæ populis doctissimis iaculorum, ar-

cus uocatur Sarmaticus . Ouid. lib. 1. de Ponto , Mōris an oblitus patris contendere discam Sarmaticos arcus .

Cretenses omnes hac etiam arte clarissimi extiterūt . Virgil. in Cyri , Attica Cretæa sternebat rura sagitta .

Inter insulæ Cretæa populos , præcipui sagittarii fuerunt Dictæi , Gnosiaci , Gortyniaci , Cydonii , a Dictæ , Gnosio , Gortyna , & Cydone urbibus dicti . De Dictæis Sylius lib. 13. Dictæa per auras Tranat , & in medium perlabitur urbis arundo . Statius lib. 4. Theb. Dictæaq; tela Ipsam & Amyclæas humeris aptasse pharetras .

De Gnosio & Gortyna urbibus Cretæa Lucanus , Gnososq; agitare pharetras Docta , nec Bois peior Gortyna sagittis .

A Cydone , Cretæa oppido , tela Cydonia dicuntur , quod eius loci incolæ periti fuerint sagittarii . Virgilius , Ire libet Partho torquere Cydonia cornu Spicula , tanquam hæc sit nostri medicina doloris . Statius lib. 7. Thebaid. Cydonias anteibant Gesa sagittas . Claudian. Quæ uires iaculis , uel quum Gortynia tendis Spicula , quàm felix arcu , certique petitor Vulneris , & certum mentiri nescius ictum , Scis quo more Cydon , qua dirigat arte sagittas Armenius , refugo quæ sit fiducia Partho .

De orientalibus populis Val. Flac. lib. 5. Quos neq; Iber neq; tuta suis Aurora sagittis Sustinet . Per auroram intelligit Orientales . Sylius lib. 12. Eois quanquam certet Gortyna sagittis . Statius lib. 3. Syl. Et Eois iaculo damnare sagittas .

Lycia regio minoris Asiæ , populos habuit peritos iaculandi . unde Virgilius Lycias uocat sagittas , lib. 8.

Erithræ quoq; siue Erithra , Asiæ ciuitas , arte sagittandi clauit . Sidonius , Fortè sagittiferas Euam populatis Erithras . Crinitus ait Scotos ( qui vicini sunt Britannis ) in dirigendis sagittis acres esse & egregios .

Paulus Diaconus ait Gotthorum gentem nullo armorum genere magis , quàm arcubus uti consueſſe .

Arimaspi populi iuxta Riphæos in torquendis sagittis ( quarum sunt peritissimi ) alterum inflectunt oculum , ut altero melius cernant . Hinc & nomen traxerunt . nam & Ari Scythicè unum , & Maspos , oculum significat .

In Balearibus (quæ sunt insulæ maris Hispani) primum re-  
pertus est usus fundæ, & adeò celebratus, ut matres filios  
suos aliis auibus uesci non paterentur, nisi quas funda fuis-  
sent adepti. Virg. lib. 1. Geor. Stupea torquentur Balea-  
ris uerbera fundæ. Stat. lib. 1. Roboraq; & grauidas fundæ  
Balearis habenas.

VENATORES.

**H**elymus & Panopes, Acestæ regis Siciliæ comites, uena-  
tores fuerunt, teste Virg. lib. 5. Æn. Tum duo Trinac-  
rii iuuenes, Helymus, Panopesque Assueti syluis, comi-  
tes senioris Acestæ.

Fuit & Lausus, Mezentii filius, ferarum debellator maxi-  
mus. Virg. lib. 7. Æneid. Lausus equum domitor, debella-  
torque ferarum.

Idem uocat Amycum ferarum uastatorem lib. 9. ubi ait :  
inde ferarum Vastatorem Amycum, quo non felicius alter  
Vngere tela manu, ferrumque armare ueneno.

Idem lib. 11. Ornithum quendam inter uenatores repo-  
nit, his uerbis : procul Ornithus armis Ignotis, & equo ue-  
nator Iapige fertur.

Cephalus Atheniensis, Procridis maritus, uenator fuit,  
quem poetæ fabulantur ab Aurora adamatum. Ouid. in ep.  
Phædræ, Clarus erat Cephalus syluis, multæq; per herbam  
Conciderant illo percutiente feræ. Nec tamen Auroræ ma-  
lè se præbebat amandum, Ibat ad hunc sapiens a sene diua  
uiro. & lib. 1. Met. inducit Cephalum sic loquentem : Sum  
nemorum studiosus, ait, cædisque ferinæ.

Eius quoq; uxor Procris uenationi uacasse arguitur testi-  
monio eiusdem poetæ scribentis, Montibus errabat studiis  
operata Dianæ. De Cephalo Stroza pater, Venanti' Cepha-  
lo cura minor ne fuit?

Atalanta mulier fuit Arcadica, quæ tumentes uteros for-  
minarum, laboresque conceptum perosa, uirginitati, ac  
uenationi setotam deuouit : adeò ut immanem aprum toti  
formidolosum Arcadiæ prima percusserit cum Meleagro.  
Ouid. libro 8. Venit Atalante Schœnei pulcherrima uir-  
go, &c.

Abas Centaurus inter uenatores reponitur uerbis Ouid.



lib. 12. scribentis, Et Pholus, & Melaneus, & Abas prædator aprorum.

Callisto, Lycaonis regis Arcadiæ filia, uenatrix fuisse dicitur, quod docet Ouid. lib. 2. Fast.

Dianam poetæ fingunt perpetuo uenandi studio duci: quod ideo fabulantur, ut doceant magnopere his cauendam esse desidiam, quibus curæ est uirginitas: nam, ut inquit Seneca, amor iuuentæ gignitur luxu, ocio nutritur inter lætâ fortunæ bona. Et Ouid. Ocia si tollas, periere cupidinis artes. De Diana idem Ouid, lib. 2. Fast. Mille feras Syluis Phœbe uenata redibat.

Ferunt & Hippolytum Thesei filium sese in consecrandis feris exercuisse, studio uirginitatis, & ocii uitandi causa. Phædra apud Ouid. Si Venërem tollas, rustica Sylua tua est. Et apud Senecam in tragædiis.

Ouid. lib. 5. Fastorum ait, Cranem fuisse nympham lustrandis Syluis deditam. hæc eius uerba, Inde sacra est nympha, Cranen dixere priores, Nequicquam multis sæpe petita protis: Rura sequi, iaculisq; feras agitare solebat, Nodasque cana tendere ualle plagas.

Adonis, Cynaræ ex Myrrha filius, dum uenaretur, ab apro interfectus est. Ouid. lib. 1. de Arte, Cura deæ syluis aptus Adonis erat.

Carpophorus fuit Romanus quispiam, imperatori Domitiano carissimus propter uenandi peritiam. nam imperator ipse eo studio delectabatur adeo, ut si quando esset ocium, nihil curaret ardentius, quam feras insequi. de Carpophoro Martialis li. 1. Summa tuæ Meleagre fuit quæ gloria famæ, Est quota Carpophori portio fusus aper?

Idem lib. 12. ad Priscum uenatorem hoc modo scribit, Parcius utatis moneo sapiente ueredito Prisce, nec in lepores tam uiolentus eas. Sæpe satisfecit prædæ uenator, & acri Decidit excussus, nec rediturus equo.

Aconteum uenatorem fuisse docet Statius lib. 7. Theb. donec Flammatus Aconteus Strage uirum, cui sueta feras prosternere uirtus. Sylius lib. 16.

De Mopso Cretensi uenatore iam diximus in cap. de Sagittariis.

## V E N A T O R E S .

Orion uenator ( ut fabulantur poetæ ) quum uirū us fideus gloriaretur , nullam esse feram , quam non conficeret , diis insolens uerbum ulciscantibus contigit , ut terra scorpionem pareret , a quo uulneratus occubuit . Pamphilus , Errauit , quoniam cecidit uenator Orion . Idem , Valle sequebatur iaculis uenator Orion , Sæpe uagas ista retibus atque feras .

Nota est Acteonis fabula , qui Aristæi filius , indignatione Dianæ ( quam inter uenandum nudam repererat ) mutatus in ceruum , & a suis canibus dilaniatus dicitur , ut scribit Ouid. lib.3. Met.

Arethusa uirgo fuit uenatrix Dianæ comes . unde Virg. lib.4. Geor. Et tandem positis uelox Arethusa sagittis .

Amimone , Danaï filia & uenatrix fuit , quæ dum in syluis iaculo se exerceret , Satyrum læsit , & postmodum a Neptune ibidem compressa est .

Britona nympha , Martis filia , inter uenatrices puellas , & Dianæ comites numeratur .

Crocum poetæ dicunt uenatorem fuisse , Musarum precibus in astra relatum .

Hippe mulier Chironis Centauri filia , in Pælio Thessaliæ monte sese exercuit uenando , ubi deorum commiseratione in equam mutata est , dum patris indignationem expauesceret . alio nomine Thea dicitur .

Philoctetes quum cruciaretur non ferendis doloribus , propagabat tamen uitam aucupio sagittarum , configebat tardus celeres , stans uolantes , pennarumq; contextu corporis tegumenta faciebat . Cic. lib.5. de Finibus .

Nicias fuit uenator quispiam , qui , dum uenandi studio feras immixtis canibus præceps insectaretur , in fornacem carbonariam decidit , ubi canibus circum gannientibus , & rapta ueste conantibus dominum educere , crematus est , auctore Cælio .

Perdix uenator fuit , qui infanda correptus libidine matri congressus , fecit ut Perdix libido in prouerbium abiiret . Cælius cap.15. lib.16.

Ferunt Melanionem quendam odio mulierum , & seruandæ castitatis desiderio consecrandis feris se totum deuouis-

se: nec unquam a solitaria illa, & umbratili uita reuocari potuisse.

Endymiona pastorem poetæ dicunt quandoque in monte Lathmo uacasse confectandis feris. Val. Flac. libro 8. Argon. Lathmius æstiuæ residet uenator in umbra, Dignus amore dexæ.

Horatius lib. 1. epist. ait, Gargilium uenatorem fuisse, qui spectante populo ceruos cum plagis & uenabulis per medium forum iubebat transire, ac demum emptum aprum palam referre, ut cepisse aliquid uideretur. Hæc eius uerba, uenemur, ut olim Gargilius, qui mane plagas, uenabula, seruos Differtum transire forum, populumque iubebat, Vnus ut è multis populo spectante referret Emptum Mulus aprum.

Ferunt Mithridatem uenandi studio adeo intentum fuisse, ut septem annis neque urbis, neque ruris tecto uteretur.

Ceterum Casses, Plagæ, Retia, Venabula, instrumenta sunt uenatoria. Est & Podostrabe, uenatorium instrumentum, capiendis feris concinnum.

### CANVM QVORVNDAM NOMINA.

**L**ycisca nomen est canis apud Virg. in Buccol. dicentem, Excipere insidiis multum latrante Lycisca. Palladius Soranus, Non lepus in trepidum timido fugat ore Lyciscam.

Hylax, itidem nomen est canis. Virg. in Buccol. Nescio quid certè est, & Hylax in lumine latrat.

Vmber. Virgil. lib. 12. ac uiuidus Umber Hæret hians. sed fortasse Umber, uocabulum est Appellatiuum, pro carne Vmbriæ. Val. Flac. lib. 6. Argon.

Lælaps canis est apud Ouid. lib. 7. Met. Poscor & ipse meum consensu Lælapa magno (Muneris hoc numen) iam dudum uincula pugnat Exuere ipse sibi.

Volantes. Stroza pater, Ille pedum cursu præstans animoque Volantes Occubuit trucibus pestis acerba feris.

Gargitius canis fuit, Cerberi Epirotici frater, qui Geryonis tricornis seruabat armenta. hunc Hercules una cum domino interfecit. Incolæ mortuo sepulcrum ere-



ixerunt.

Alcibiades inusitata magnitudine canem emit lxx. minis, quem amputata cauda spectante populo ducebat uinctum, ut garrulorum & importunæ loquacitatis hominum linguas ea in re occuparet, ne quid deterius in eius nomen obloquerentur. Plut. testis.

Biorno quidam inter Danos spectatæ uirtutis adolescens, canem habuit horrendæ acerbitalis, & formidolosæ, quæ sola plerunq; bisseuos uiros oppressit, & Offoti gigantis inter pascua tutata est armentum.

Pilaster. Pontanus in Lepidina, Quum canere inciperem, atrox hic dente Pilaster Latrat, ibi ipsa fuga sepem, insidiasque reliqui.

Vertagus canis est apud Martialem: Non sibi, sed domino uenatur Vertagus acer, Illæsum leporem qui tibi dæte feret.

Scymnus etiam nomen est canis, fictu a Baptista Pio scribente: Vertagus, aut Gallo nutritus Scymnus in aruo præcipiti sequitur lustra ferina pede.

Graucis, nomen est catellæ, qua Arethusa absentis mariti desiderium solabarur. Proper. lib. 4. Graucidos & catullæ uox est mihi grata quærentis, &c.

Issa nomen est catellæ, quam Publius habuit in deliciis: Martialis, Issa est passere nequior Catulli: Issa est purior osculo columbæ: Issa est blandior omnibus puellis: Issa est charior Indicis lapillis. Issa est deliciæ catella Publi.

Apud historicos legitur Perses fuisse catellus filiæ Emiliij Pauli.

Chiron, canis fuit Codri poetæ pauperissimi. Iuuenalis, Et recubans sub eodem marmore Chiron.

Mera, canis fuit Icarii patris Erigones, cuius ductu Erigone ipsa cadauer patris ab agrestibus interfecti reperit.

Durides, canis fuit Lyfimachi, qui accenso domini rogo iniecit se flammæ. Plin. lib. 8.

Atalanta, Arcadica uenatrix, canem habuit Auram nomine, quam quum interfecisset aper Calydonius, sepulcro ab indigenis ornata est.

Ouid. lib. 3. Met. Actæonis canes enumerat his uerbis: Dum dubitat, uidere canes, primusque Melampus, in

EQVORVM, ET EQVARVM NOM. 191  
de runt alii rapida uelocius aura, Pamphagus, & Dor-  
ceus, &c.

Alia quorundam nomina ponuntur apud Cēliū ex Æchy-  
lo: ut Corax, Harpyia, Charon, Lycitas.

Hylax, Harpagalus, Lycisca, Tygrina, Melampus, Fal-  
co, Serpens, Ragonia, Ichthia, Helor, nomina sunt ca-  
num apud Mantuanum lib.4.

Fuit Hippocentaurus canis Xenophontis.

Lethargus Hippammonis, qui etiam cum mortuo domi-  
no tumulatus est.

Lampurus, apud Theocritum in Daphnide & Menalca,  
nomen est canis: apud Herod. Syagrus: apud Aristopha-  
nem Acalanthis.

Celebrantur etiam Catenarius, Lucernarius, & canis  
Attrali, qui tanto fuit oris rictu, ut oblatum cibum deglu-  
tiret.

Fuit & Aristogiton canis Cydimachi.

Agrus canis fuit Vlyssis, qui reuersum ab expeditione  
Troiana dominum post annos uiginti fertur agnouisse.

Canis Pyrrhi Epirotarum regis in rogam dominum se con-  
iecit.

De natura canum quoniam prolixè & abundè locuti su-  
mus in Epithetis nostris, plura loqui nunc superfedimus.

Cetera nomina canum in præcedenti posita catalogo, le-  
guntur apud Xenophontem in libro de uenatione.

## EQVORVN, ET EQVARVM celebrium nomina.

**C**yllarus equus fuit Castoris. Virg. lib.3. Georgic. Ta-  
lis Amiclæi domitus Pollucis habenis Cyllarus, &  
quorum Graii meminere poetæ. Vbi Pollucem pro Casto-  
re equorum domitore posuit, poetica licentia: ut Quas  
illa Philomela dapes, pro Progne. Item, Reuocato a san-  
guine Teucris, pro Dardani, inquit Seruius.

Mezentius pater Lausi equum suum, Rhebum nomine  
his uerbis alloquitur apud Virg. lib.10. Rhebe diu (res si,  
qua diu mortalibus ulla est) Viximus, aut hodie uictor spo-  
lia illa cruenta, Et caput Æneæ referes.

*Æthon* fuit equus *Pallantis*, *Euandri* filii, quem *Virgilius* lib. 11. ait in exequiis domini sui collacrymasse:

*Postbellator* equus positis insignibus *Æthon*

*It lacrymans*, guttisq̃ue humectat grandibus ora.

*Equos Turni* *Virg.* lib. 12. magnis laudibus commendat,

*Pegasus*, *Neptuni* & *Medusæ* filius, equus fuit alatus, quo *Bellerophon* expeditionem sumpsit contra *Chimæram*.

Hic saxo in *Helicone* pedis ungula percussio fontem nomine

*Hippocrenæ* aperuisse dicitur. *Ovidius* lib. 3. Fast. Suscipe,

*Gorgonei* colla uidebis equi, Creditur hic cæse grauida cer-

uice *Medusæ* sanguine resperlis profluisse comis. Huic su-

pra nubes, & sub æther sidera lapsa Cælum pro terra, pro pede

penna fuit. Idem lib. 4. *Metam.* & 4. de *Ponto*.

*Arion* fuit equus, quem *Neptunus* dedit *Adrasto*. *Statius*

lib. 1. Syl. Hunc & *Adrastæus* uisum extimuisse *Arion*. *Pro-*

*per.* lib. 2. Qualis & *Adrasti* fuerit uocalis *Arion*, Tristis ad

*Archemori* funera uictor equus. *Statius* huius equi uirtutē

& alacritatem lib. 6. describit hoc modo, Dicitur ante om-

nes rutilæ manifestus *Arion* Igne iubæ, &c.

*Pholoe*, *Iris*, *Thoes*, nomina sunt equarum *Admeti* apud

*Statium* lib. 6. *Theb.* scribentem, Nominibusq̃; cient *Pho-*

*loen*, *Admetus*, & *Irim*, Funalemq̃ue *Thoen*.

Alia equorum nomina ab eodem ponuntur his uerbis,

rapidum *Danaeus* augur *Ascheron* increpitat, meritumq̃;

uocabula *Cygnum* Audit, & *Herculeum* *Styrion* *Cromis*,

*Euneon* audit *Igneus* *Æthion*, tardumq̃; *Cydonia* lacellit

*Hippodamus*, *Pharium*q̃ue *Thoas* rogat ire *Podarce*n.

De *Tago* *Syllius* lib. 1. Iam *Tagus* auratis agnoscebatur

in armis.

De *Gargano* idem *Syllius* lib. 4. *Theb.* Nos *Gargane* uo-

cant superi ad maiora, uides ne *Quantus* erat *Chrixus*? iam

nunc tibi præmia pono.

*Lampon*, *Panchates*, *Pelorus*, *Camphasus*, nomina sunt

equorum apud *Syllium* lib. 9. De *Lampone* scribit hoc mo-

do: Euolat ante omnes, rapidoq̃; per aera cursu *Callaicus*

*Lampon* fugit, atque ingentia tranat Exultans spacia, & uen-

tos post terga relinquit. De *Panchate*, sed proximus ibat

*Astur* *Panchates*, patrium frons alba nitebat Insigne, &



patrio spes omnis concolor albo. De Peloro, Cyniphio rector radiabat fronte Peloro Camphasus, ipse asper, nec qui ceruicis amaret Applausæ blandos sonitus, clausumq; cruento Spumeus admorsu gauderet mandere ferrum. At docilis fræni, & melior parere Pelorus Nonnunquam effusum sinuabat deuius axem.

Herpe, apud eundem nomen est equæ matris Pelori ubi ait, eductum genitrix effuderat Herpe Nobilis.

Idem de Ciro, percussus uocibus altis Spectantium Cireus, fertur sublime per auras.

Lamus, Sicoris, Ilerdas, Theron, etiam nomina sunt equorum apud eundem lib. 36. ubi ait: Tum Lamus & Sicoris, proles bellacis Ilerdæ, Et Theron potator aquæ sub nomine Lethes.

Equum Alexandri Bucephalum a capite bouis nominatū & talentis XIII. emptum, testis est Cares apud Gellium. ubi ornatus erat, armatusq; ad prælium, nullum altum sessorum, præter dominum, admisit. Idem in bello Indico sagittis undiq; perfossus, regem è mediis hostibus, licet exanguis, & moribundus, uiuacissimo cursu retulit, atque ubi extra teli iactum portauit, domini iam superstitis securus, ibidem expirauit. Quod beneficium Alexander pensauit opido in honorem equi condito, ut docet Plin. lib. 6. & 8. ubi ait, Propter quæ, Rex defuncto eidem duxit exequias, urbemque tumulo circumdedit nomine eius. Curtius ad hunc modum scribit, Excepti sunt quidam, inter quos equus regis, Bucephalum uocabant, quem Alexander non eodem (quo ceteras pecudes) animo æstimabat. nam ille nec in dorso insidere patiebatur alium, & regem (quum uellet ascendere) sponte sua genua submittens, excipiebat, credebaturque sentire, quem ueheret.

De Harpya & Pelago Politianus in Ambra, Quos Zephyro peperit geminos Harpya Podarge, &c.

Claudianus in sextum Honorii Consulatum, equos Rhæsi Thracum regis commendat sequentibus uersibus:

Graiaque retulerat raptos ad castra iugales,

Quorum (si qua fides argentibus omnia missis)

Imperus excessit Zephyros, candorque pruinas.

Æthon apud Homerum lib. 8. Iliados, nomen est unius equorum Hectoris.

Harpynna & Pſylla equæ fuerunt Oenomai, quibus contendebat cursu in procos filæ suæ Hippodamiæ. hos suis uersibus dignatus est Lycophron.

Plinius ait equam Hecratidis Theſſali, quamuis prægnantem, uiciſſe in Olympia.

Plutarchus in Artaxerxe ſcribit equum in Cyro fuiſſe immitem, & eſſænem, Paſacem nomine.

Cimon Athenienſis equabus ſuis ( quibus ter Olympia uicerat ) monumenta erexit.

Equus Tiberij Cæſaris uidebatur flammæ ore euomere, indicio magnæ alacritatis. Cælius cap. 26. lib. 8.

Parthenia, & Eripha, equæ fuerunt Marmacis, unius ex procis Hippodamiæ, quas Oenomaus puellæ pater iugulauit, & poſtmodum ſepeliri iuſſit.

Boriſthenes equus fuit Hadriani Imperat. quo in uenando propter alacritatem plerumq; utebatur. Dion Caſſius ait, Imperatorem mortuo ſepulcrum feciſſe, columnamq; erexiſſe cum epigrammate incifo.

Iulius Cæſar, auctore Tranquillo, utebatur equo inſigni, pedibus propè humanis, & in modum digitorum ungulis ſciſſis: quem maxima cura aluit, honorauitq; ſtatua, quod aruſpices eo imperium orbis terræ ſignificari dixiſſent, tum etiam, quòd nullum alium ſefforem reciperet.

Biorne quidam inter Danos clariſſimus, equum habuit præſtanti corpore, & tanta uelocitate præpetem, ut quem ceteri nequirent, indefeſſus obſtrepentem uorticem ſolus ſuperaret.

Artibius, Perſarum dux, equum habuit, qui primo pugnæ congreſſu in hoſtes laniandos morſu aſſurgebat, calcibusq; & impulſu longè lateq; faciebat ſtragem. auctor Herodotus.

Gellius ſcribit, equum Cn. Seij de genere equorum Dio medis primogenitum, & a Corn. Dolabella centum millibus ſeſtertiis emptum, fuiſſe inuſitata magnitudine; ſed eo tamen fato, ut quiſquis eum haberet, is cum omni domo ac familia miſerè periret. quod experti ſunt Marc. Antonius,

Corn.

Corn. Dolabella, C. Cassius eius possēssores.

Equus Nicomedis regis Bithyniæ tanto fuit in dominum affectu, ut eo mortuo oblatum recusauerit cibum, & inedia se confecerit.

Equus Antiochī, capto uel mortuo domino, Centaretum quendam ē Galathis alumni sui uictorem, domitis frānis excussit, & in terram deiectum pedibus ad mortem proculcavit. Plinius lib. 8. cap. 42.

Equus à Dionysio Syracusarum tyranno relictus in salebra & luto, ubi se expediuit, domini, licet ingrati, uestigia tamen securus est.

Nero equas habuit Hermaphroditas ex agro Treuerico, quas carpento suo subiuges ostendebat.

Equus Augusti sepulcrum à domino meruit.

Scythius primus fuit omnium equorum à Neptuno productus.

Hirpinus nomē est equi apud Martialem lib. 3. Epigram. ut Corithæ nomen equæ apud Iuena. Satyr. 8. de Hirpino Mart. Hirpini ueteres qui bene nouit auos. De utroq; Iuuenalis; Sed uenale pecus Corithæ posteritas, & Hirpini, si rara iugo uictoria sedit.

Celebratur Maronis carmine equus Troianus, quē Græci diuina Palladis arte edificarunt, acernisq; trabibus contextuerunt, Epeo machinæ auctore. de hoc Propertius li. 3. & Lucretius lib. 1. Durateum, id est ligneum uocat. ubi ait: Nec clam Durateus Troianis Pergama partu Inflammasset equus nocturno Graui genarum.

Equi Parthorum hippice herba pasti, famem sitimque multos dies perferunt: ad quod allusit Proper. lib. 4.

## E Q V I A C H I L L I S.

**D**E Balio & Xantho Politianus in Ambra. - balium Xanthumque iugales Quos Zephyro peperit geminos Harpyia Podarge: Et te captiuo. funalem Pedasē collo Igneus extimulat. Claudianus: Et flauum Xanthum spreuisset Achilles. Virgilius lib. 3. Georgic. Martis equi biuuges, & magni currus Achillis.



## E Q V I M A R T I S .

**H**I duo numerantur a Seruio inter equos Achillis : poetæ tamen Pauorem & Terrorem Martis equos faciunt . unde Statius ; Fræna ministrat equus Pavor armiger .

## E Q V I S O L I S .

**D**E his nominibus Ouid. lib. 2. Met. scribit : Interea uolucres Pyrois , Eous , & Æthon solis equi , quartusque Phlegon hinnitibus auras Flammiferis implent , pedibusque repagula pulfant . Pyrois , Pyroentis flectitur , ut Simois . Val. Flac. lib. 5. Argon Et formidantem patrios Pyroenta dolores . Sunt qui dicant Xanthum inter equos Solis numerari , propter dictum Martialis : Quid cupidum Titana tenes ? iam Xanthus & Æthon Fræna uolūt . Thomas Radinus : Equi quattuor : qui aurei licet forent , colore tamen quisque proprio noscebatur : Pyrois rubens , Eous candicans , Æthon coruscās , Phlegon nigricās , hinnitibus flāmiferis , claris naribus auras implebāt , erraticis cursibus uagabātur incertis . Sabellicus : Hic equidē ambigūe uergit , quā lucidus Æthō .

## E Q V I P L V T O N I S .

**D**E quattuor primis nominibus , Claudianus lib. 1. de Raptu sic meminit .

Orneus crudele micans , Ethonisque sagitta  
Ocyor , & Stygij sublimis gloria Nycteus  
Armenti , Ditisque nota signatus Alastor .  
Stabant ante fores iuncti , sæuumque fremebant ,  
Crastina uenturæ spectantes gaudia prædæ .

## A V R I G Æ , E T E Q V O R V M domitores .

**A**utomédon fuit Achillis auriga Virg. lib. 12. Æn. Vnā ingens Periphas , & equorum agitator Achillis Armiger Automedon . Ouid. lib. 5. de Trist. Nunquid Achillæos inter fera prælia fidi Deseruit leuitas Automedontis equos ? Idem lib. 1. & 2. de Arte .

Phaeton , Solis filius , dum currum patris , regendum susce

pisset: equis ignotum aurigam excutientibus, cecidit in Padum, cælo passim conflagrante, hinc equi Phaetontis, pro equis Solis solent accipi. Virgilius lib. 5. *Æn.* Auroram Phaetontis equi iam luce uehebant. Ouidius lib. 11. *Meta.* Hic situs est Phaeton currus auriga paterni.

Idæus fuit auriga Priami. Virgilius lib. 7. *Æneidos*: Idæumq; etiam currus, etiam arma tenentem.

Metiscus Turni. Idem lib. 12. Aurigam Turni media inter lora Metiscum Excutit. Ausonius: Nec celeres mulas ipse Metiscus agas.

Naubolus Lai regis Thebarum. Statius: Naubolus Hippasides tuus o mitissime Lai, Hospes adhuc currus securaq; lora tenebat.

Cirrus Melampodis, Durius Pelori, Athlas Camphasi, Iberus Panchatis equorum fuerunt aurigæ. de Cirno Sylius lib. 16. Quò Cirneruis (nam Cirrus agebat) Verbera dimitte, & reuoca moderatus habenas. Iberus ad Panchatem apud eundem sic loquitur: Tene Astur certante feret quisquam æquore palmam Erepto: consurge, uola, per labere campum. Durius ad Pelorum: Quò ruis, aut quisnam hic rapidi certaminis est mos?

Ferunt etiam Iolaum Herculis fuisse aurigam.

Arceptolemus, Enipeus, Cabrion Hæctoris aurigæ fuisse memorantur. Mortuo Arceptolemo, successit Cabrion eius frater.

Myrtilus auriga fuit Oenomai, cuius ruina mari Myrtoo nomen imposuit. Ouidius in *Ibin*: Proditor ut sæui periit auriga tyranni, Qui noua Myrtoæ nomina fecit aquæ.

Tortellius ait, Memnonem fuisse aurigā Idomenei, Mnesteum Diomedis, Midonem Pylemenis, ducis Paphlagonû;

Amphitus & Telchius Castoris, & Pollucis aurigæ fuerunt, testimonio Plinij lib. 6. scribentis: Sunt qui conditam eam ab Amphito & Telchio, Castoris & pollucis aurigis, putant. Ammianus: Vbi (inquit) inter ciuitates alias Phasis est nomine fluuij dictitata, & Dioscorias nunc usque nota: cuius auctores Amphitus & Telchius Spartani traduntur, aurigæ Castoris & Pollucis. Alii dicunt castoris & Pollucis aurigas fuisse nominatos Rhecam, & Amphistratum.

## AVRIGÆ, ETEQVOR. DOMIT.

Legitur in Træzeniorum historia Sperum fuisse Pelopis Aurigam, quanquàm alii in Olympia fuisse Cyllam tradant.

In Illyria ciuitas fuit Harpyia, prope Enchelias, in quam Amphiarai auriga Baton absorpto domino se contulit. Cælius.

Cebares fuit equiso, cuius astu Darius regnum Persarum adeptus est. nam quum magi inter se pacto conuenissent, ut is, cuius equus primus hinniret, regeo potiretur, Cebares manum uulæ equinæ prius admotam, naribus equi præbuit olfaciendam. quo odore irritatus equus primus dedic hinnitus. Herodotus.

Patiramphis fuit Xerxis auriga. Idem Herodotus: Postquem (inquit) ipse Xerxes uehebatur curru equorum Niseorum præcedente auriga, cui nomen erat Patyramphi, Othonis filio.

Poetæ Bellonam Martis auriga faciunt, flagello armatâ sanguineo, ut docet Statius.

Picus fuit equorum domitor, dicente Virg. lib. 7. - læuâq; Ancyle gerebat Picus equum domitor.

Idem de Mefapo lib. 7. Æneid. At Mefapus equum domitor Neptunia proles.

Anniceris Cyræneus nobilis fuit equorum agitator, qui artem Platoni ostentaturus, ante Academiam currus iunxit, sæpeq; eundē cursum iisdē uestigiis nihil delirâdo repetiit. Erichthonius Atheniensis quadrigas primus iunxit. Pontanius libro tertio de Stellis: Qualis Erichthonius currus & quattuor ausus Iungere equos, rapidisque rotis insistere uictor.

Astur Memnonis fuit auriga, a cuius nomine Astures populi Gallecis proximi dicti sunt.

Constat Felicem Russatum fuisse aurigam uerbis Plinij libro septimo scribentis; Inuenitur in actis Felicis Russati aurigæ, iam igne illato in rogi eius, unum è fauentibus iecisse sese.

Inter eos (qui equitatu claruerunt) Castor principem locum obtinuit. Politianus: Vixq; bonum frænis Castora frater amet.



## CURRVS DEORVM, QVIBVS ANI-

malibns trahantur.

**C**urrus Bacchi, Lyncibus, & Tygribus. Propertius de Ariadna rapta a Baccho. Lyncibus in celum uesta Ariadna tuis. Ouid. in Epist. Phædræ: Inque capistratis tygribus alta sedet. Idem lib. 3. Meta. Quem circum tygris simulacraq; inania lyncum. Idem lib. 4. Met. & lib. 1. de Arte. Virg. lib. 3. Geor. Quid lynces Bacchi uariæ?

Currus Leucothoes deæ marinæ, Delphinis. Virg. in Cyri: Illa etiam magnum iunctis quæ piscibus æquor, Et glauco bipedum curru metitur equorum Leucothoe.

Currus Cybeles, leonibus. Virg. lib. 3. Et iuncti currum dominæ subiere leones. Ouid. lib. 10. Dente premunt domito Cybeleia fræna leones. Catull. Vbi iuncta iuga resoluens Cybele leonibus.

Currus Veneris, cygnis. Ouid. lib. 10. Metam. Iunctisq; per aera cygnis Carpit iter. Sil. lib. 7. Tum matris currus niueos agitabat olores. Statius lib. 1. Sil. Thalamiq; ingressa superbum Limen Amycleos ad fræna citauit olores. Statius lib. 3. Dum petit & molles agitat Venus aurea cygnos. Hor. lib. 4. Car. ad Venerem: Tempestiuus in domo Pauli purpureis ales oloribus Commestabere maximi.

Corrus Thetidis, Delphinis: quemadmodum & Leucothoes. Tibul. Vesta est frænato cærulea pisce Thetis.

Currus Neptuni, equis. Virg. lib. 5. Iungit equos curru genitor, spumantiaq; addit Fræna feris, manibusque omnes effundit habenas. Silius lib. 3. Extremamq; petit Phœbea cubilia Thetyn Frænatis Neptunus equis.

Currus Dianæ, Ceruis. Claud. Dixit & extemplo frondosa fertur ab Alpe Trans pelagus, Cerui currum subiere iugales.

Currum Iunonis trahunt pauones. Currum Lunæ, boues. Currum Nemesis, gryphes. Currum Solis, equi. Currum Saturni, serpentes. Currum Martis, equi. Currum Prothei, phocæ. Currum Oceani, balæne. Currum Tritonis, pisces. de his omnibus Politianus in Ambra.

Bistoniis Mars instat equis. Tu iungis olores, Phœbe Terapnos. Getica Mars fulgorat hasta.

## NAVIGIORVM DIVER-

Contendis tu Phœbe fides, arcusq; retendis.  
 Lynceas agit Bromius, Pavos Saturnia pictos,  
 Tardos Luna boues, annosas Delia ceruas;  
 Gryphes Hyperboreos Nemesis, Cytherea columbas.  
 Fert pedibus pinnas puer Arcas, crine galeruus.

Item Ioan. Franciscus Mirandula:

-Paphios non iungit olores  
 Cypria, terribilem non concinit ægida Pallas,  
 Non uolucres sequitur ceruos pharetrata Diana,  
 Nectere odori sequos loris afflueta Laconas.  
 Non iunctis fertur Iuno super æthera Pavis,  
 Dum Samon, aut tecta inuisit Carthaginis altæ,  
 Cynthia nec bobus carum Endymiona fatigat.

## NAVIGIORVM DIVERSA GENERA.

**M**Yoparo genus erat nauigii, quo utebantur pyratæ,  
 auctore Nonio. Cicero lib. 3. de Rep. Nam quum  
 quæreretur ex eo, quo scelere impulsus mare haberet in-  
 festum uno Myoparone, Eodem (inquit) quo tu orbem ter-  
 ræ. Sallust. lib. 4. Marique placido a duobus prædonum  
 Myoparonibus circumuenta.

Erant & Parones, genera quædam nauium. Varro: Iamq;  
 duos Parones habebant iustructos. Budæus ait Paronem  
 hodie uocari Brigantinum.

Acatium nauis erat actuaria. Iulius Pollux ait fuisse ue-  
 lum in naui maximum, sicut minimum Dolonem.

Anchiromachus nauiginm est aptum ferendis anchoris,  
 ceterisq; nauticis instrumentis.

Baris erat cymba, qua Ægyptij suorum cadauera ad tu-  
 mulum comportabant. Propert. lib. 3. Romanamq; tubam  
 crepitanti pellere sistro, Baridos & contis rostra Liburna  
 sequi. Herod. lib. 2.

Catafscopium dicitur nauis exploratoria, ut Catafscopus  
 circumspector, quod etymo dictionis cognoscitur. Cæsar  
 in commentariis: Litteris celeriter in Siciliam conscrip-  
 tis, per Catafscopium missis.

Celox dicitur breue nauigium, à celeritate. Apuleius:  
 Qui celocem regere nequit, oneraria petit. Plautus in Au-

lul. Quò hanc celocem conferam? Varro. Nautæ remiua-  
gam mouent celocem.

Corbita nauis est târda, & grandis. Plaut. in Pœn. Tar-  
diôres quàm Corbitæ sunt in tranquillo mari. Dicuntur  
autem Corbitæ, quòd in earum malo corbes pro signo su-  
spenderentur.

Cydarum. Calepinus ait esse nauiculæ genus: sed quale,  
ut in plerisque, tacet.

De Cymba Virg. lib. 6. Æn. -gemit sub pondere Cym-  
ba Sutilis. Ouid. lib. 1. Met. Occupat hic collem, cymbæ  
sedet alter adunca.

Cyrceus, nauis est prægrandis Afiana. Plautus apud No-  
nium: Quum percontor portitores, & quæ nauis uenerit  
ex Asia? negant uenisse. Conspicatus sum interim Cyrce-  
rum, quo me maiorem non uidisse censeo. Idem: Ædificat  
nauium Circerum, & merces emit.

Faselus. est nauigium Campanum, eodem Nonio teste.  
Sallust. lib. 3. hist. Et fortè in nauigando cohors una, gran-  
di faselo uecta, à ceteris deerrauit.

Geseorta nauis est, quam nonnulli Prosumiam uocant.  
Halius dicitur breuis scapha.

Horiam Nonius ait nauim esse piscatoriam. Plautus in  
Rudente: Mea opera laboratur & Rete & horia. Diminu-  
tium est Horiola. Idem: Malo hunc alligari ad horiam,  
ut semper piscetur, etsi sit tempestas maxima.

Lembus dicitur nauicula breuis, & uelocissima. Plautus:  
Dum hæc aguntur, Lembo aduehitur tuus pater paucillu-  
lo. Virg. Lembum si fortè remisit, Atque illum in præceps  
prono rapit alueus amni. Plin. lib. 7. ait Cyrenenses fuisse  
reptores Lembi.

Linter dicitur nauicula cauatis arboribus facta. Hac ute-  
bantur quondam Germani Danubium habitantes. Nonius  
ait Lintres naues esse fluminares. Ouid. ad Liuiam: Quem  
semel umbrifera nauita Lintre tulit. Sidonius: In pugnam  
Pyrata coit, pars Lintre cauata.

Monoxylon dicitur nauis ex integro ligno, & non conci-  
so in trabes. Monon enim unum, & xylon lignum dicitur.  
Pontones dicuntur, quibus pontium loco utimur in trai-



ciendis fluuiis . Apuleius : Et si uado non poterunt , pontonibus transibunt .

Profumia genus est nauigii speculatorii . Cæcilius apud Nonium : De nocte ad portum sum profectus profum : Idē : Qui pro gubernatore se gerens prope uertit profumiam .

Scapha , naucula est in ligno cauata . Hor. lib. 3. Carm. Tum me biremis præsidio scaphæ Tutum . Vegetius : Scaphas quoque de singulis trabibus excauatas cum longissimis funibus , interdum etiam ferreis catenis legio portat . Nonius ait , Scaphas nauculas esse , quæ maiores naues consequuntur .

Schedia nauigium est rude & impolitum , & trabibus inter se connexis factum , cuiusmodi sunt rates .

Sorrillum , nauigium est Istriticum , quod lino & sparto conferitur & condensatur .

Stlata , naus est lata , quales fortè sunt , quibus equi , & currus transuehantur . Antiqui stlatum , & stlites pro latum , & lites dicebant .

Trieris naus est magna , quam remiges tribus utrinque remorum ordinibus impellunt . Latine Triremis dicitur , & trium ordinum naus , quemadmodum Quadriremes & Quinqueremes apud antiquos legimus , & apud Græcos Ep ter es , Enneres , & Deceres , quæ naues septenum , nouenum , denumq; ordinum significant . Biremem primum fecit Damastenes , auctore Plinio : Triremem , Ammocles Corinthius : Quadriremem , Carthaginienses : Quinqueremem instituit Nefichthon Salaminus : Sex ordinum , Xenagoras Syracusanus : Decem remem , Nefigiton . Instituit Alexander Magnus ad duodecim ordines . Ptolemæus Sother ad 15 . Demetrius Antigonis ad 30 . Ptolemæus Philadelphus ad 11 . Ptolemæus Philopator ad 1 .

Plutarchus in uita Periclis ait , Damenam esse quandam nauim rotundam & concuam , & in uentris similitudinem formatam , ut mare percurrere , ac celeriter couerti possit . atque hoc illi inditum nomen quod in Samo primum reperta sit , & a Polycrate tyranno ibidem ædificata .

Hippago , seu Hippagium , naus est lata & expansa , quæ equi & currus transmittuntur .

Liburni dicebantur bellicæ naues, & uelocissimæ, à Liburnia Dalmatiæ parte, cuius exemplo fabricantur, uel quòd Liburni populi olim nauibus citissimis Ionium mare insulasq; prædarentur. hinc naues leuitate præstantes Liburnicas dixerunt. Horatius in Epodo: Ibis Liburnis inter alta nauium Amice propugnacula. Dicimus & Liburnica. Suetonius in Augusto: Vtrobique parte Liburnicarum demersa. Dicuntur etiam Liburnæ. Luc. Ordine contentæ gemino creuisse Liburnæ.

Embolum genus est nauigii uelocissimi. alii pontunt pro rostro æreo, quod ex prora nauium eminet.

Lenunculus, dicitur nauis piscatoria. Sallust. apud Nonium: Primo inducit forte per noctē in Lenūculo piscantis.

Onerariæ naues dicuntur negotiatoriæ, & propter onera tardæ.

Actuariæ uerò dicuntur agiles, & præstantes celeritate. Sallustius: His actuariæ naues circiter triginta, Onerariæ decem erant.

Nauium appellationes apud Gellium libro 11. cap. 25. sunt Gauli, Corbitæ, Caudicæ, Hippagines, Cercuri, Celoces, Oxix, Remieculi, Actuariæ, Profumix, Geseortæ, Orioles, Cattæ, Scapha, Pontones, Nustucciæ, Mediæ, Phaselli, Parones, Myoparones, Lintres, Caupulica, Mareplacidæ: Cydarum, Ratarix, Catafcopium.

Porro autem nauem primi excogitarunt Tiphys, & Argo nauta: uel Tyrij, ut mauult Tibullus scribens: Prima ratem uentis credere docta Tyros. Danaus nauem primus in Græciam ex Ægypto aduexit. nam prius ratibus nauigabatur in mari Rubro ab Erithra repertis. Antiquitus fiebant ex corio circumsuræ in Oceano Britannico. in Nilo ex papyro, scirpo, & arundine. Longa naue primum Iasonem nauigasse, testis est Philostephanus. Egeſias hoc tribuit Parrhalo, Ctesias Samiræ, Stephanus Semiramidi, Archimachus Ægeoni, Bibliographi Noæ. Onerariam Hippus Tyrius inuenit, Lembum Cyrenenses, Cymbam Phœnices, Celocem Rhodii, Cercurum Cyprij, Siderum obseruationem in nauigando Phœnices, Remum Copæ, Latitudinem eius Plateæ, uela Icarus, Malum, &. Antemnam Dædalus;

Tectas longas Thasij, Rostra Piseus, Tyrrheni anchoram, Anacharsis, Harpagones, Adminicula Tiphys, classe primus depugnauit Minos.

Naumachia uocatur pugna nautica: Naumachiarum, qui nauale proelium committunt. Suetonius in Claudio: Sed quum proclamantibus Naumachariis, Aue imperator, morituri te salutant.

Naui uocabulum est generale. Naualia, nauium stationes. Nauarchus, naui princeps. Nauclerus, seu Naucle-riacus, ductor. Nauta & Nauita idem.

Carina dicitur concavitas naui, & capitur pro tota nau. Virg. Frondentesq; ferunt remos, natat uncta carina. Carinare instar carinae formare.

Puppis posterior naui, prora anterior. Proreta, rector prae.

Rates dicuntur rudes, & impolitae trabes inter se con-nexae. Ratis tamen capitur pro nau. Ouidius lib. 4. de Ponto: Et freta ueliuolas non habitatura rates. Ratiarii, ratis ductores.

Classis capitur pro multitudine nauium, & quandoque pro unica nau. Virg. Et Lyciae ductorem classis Orontem.

Remiges nautae qui remos agunt. Remigare remos agere.

Helciarum qui maiores naues funibus trahunt canabinis aduersus undas.

Rudentes dicuntur funes nautici. Lucanus lib. 8. Aut la-queum collo, tortosq; aptare rudentes.

Anchora ferrum est repandum, & utrinque acutum, quo sistuntur naues, unde adagium, Naui tua fulta est duabus anchoris.

Antemur instrumenta sunt annem antefecantia, uiamq; nauibus facientia. Virgil. Cornua uelatarum obuertimus antemurum.

Vela dicuntur linea uel canabina tegmina, quae dispassa malo nauis alligantur, ut uentos recipiant. Hinc mare ue-liuolum.

Carbasus linum est tenuissimum, quo uela nauium fie-bant quondam: unde & Carbasa pro uelis accipi solent.



Transstra tabulæ sunt, in quibus sedent remiges; uel per quas ad regimen navis deambulant.

Celeuma dicitur clamor nauticus.

Naulum & Portorium merces nautarum & portitorum.

Vrinatores dicuntur natatores subaquatiles.

Vrinati, seu urinare, sub aquis natare.

PROPRIA QVÆDAM NAVIVM  
nomina.

**A**rgo dicitur fuisse prima navium, quæ Iason, Typhys, Castor, Pollux, & alii (quos inde Argonautas dicimus) profecti sunt Colchos, ad rapiendū uellus aureū. Sumpsit autē nōmen ab Argo architecto. Vnde Val. Flac. lib. 1. Ad cærum Tritonia deuolat Argū, Moliri hunc puppē iubet & demittere ferro Robora, Peliacas etiā comes exit ad umbras. Vel ab Argiuis, qui in ea nauigarūt. Hæc nauim poetæ multis ornant epithetis. Vocant in primis fatidicā & loquaculā, quòd beneficio Mineræ facta sit ex quercu Dodonæa, quā Sophocles tradidit fuisse nō tantum uerbosā, at etiā futurī præfagam, ut in periculis Argonautas moneret. unde Claud. licet omnia uates In maius celebrata ferant, ipsamq; secandis Argois trabibus iactent sudasse Mineruā &c. Arbore præfaga tabulās animasse loquaces. Val. Flac. Prima deum magnis canimus freta peruia nautis, Fatidicamq; ratem. Vocatur præterea Pegasia, a Pegasa urbe Thessaliæ, apud quam fuit ædificata. Item Pelias, a Peliō monte. Tritonis, quoniam beneficio Mineræ & ingenio facta est. Magnesiæ seu Magnesiæ a Magnesiæ regione Macedoniæ proxima. Argoa, & Argiua, ab Argiuis nautis. Hæc ex auctoribus confirmari possunt, ut Ouid. lib. 7. Metam. Val. Flac. 1. & 8. Statius l. 5. & Pontanus lib. 5. de Stellis, & Propert. lib. 1.

Pristis, Centaurus, Chimera, Scylla, nomina sunt nauium apud Virgil. lib. 5. Æn. De Pristi & eius rectore Mnesteo sic inquit: Velocem Mnesteus agit acri remige Pristim. De Chimera, Ingentemq; Gias ingenti mole Chimeram. De Cætauro et Scylla: Sergestusq; (dom⁹ tenet a quo Sergis nōmē) Cætauro inuehitur magna, Scyllaq; Cloäthus Cærulæ,

Fuit & Palinurus gubernator navis Æneæ Virg. lib. 3. Ipse gubernator puppi Palinurus ab alta.

Telonem Massiliensem Lucanus à nauigandi astrorumq; pericia laudat lib. 3. ubi ait : Dirigit huc puppim miseri quoque dextra Telonis , Qua nullam melius pelago turbante carinæ Audiuerunt manum , nec lux est notior ulli Crastina , seu Phœbum uideat , seu cornua Lunæ , Semper uenturis componere carbasa uentis .

Idem commendat Phœceum quendam urinatore ad eundem natandi peritum , ut mergeret se , ac demum emergeret quum uellet . hæc eius uerba : - pugna fuit unus in illa Eximius Phœceus , animam seruare sub undis , Scrutarique fretum , si quid merisset arenis : Et nimis affixos unci conuellere morsus , &c.

Opheltis fuit nauta & circumuentor scelestissimus Sidorius : Qui uigor in pedibus frustra tibi notus Ophelte . Canopus auctore Plinio , fuit gubernator navis Menelai , à quo hostium Nili Canopicum nomen sumpsit , ubi ictu Aspidis Mortuus est ille .

Fuit Saro quispiam nauta , qui moribus suis in elegantibus & in urbanis sequenti adagio locum fecit : Sarone magis nauticus .

Simonides apud Plutarchum testis est Amarsyadem Phereclum fuisse gubernatorem navis Thesei in Cretam ad Minotaurum nauigantis . Philochorus ibi ait : Nausticheum & Phœacem rectores fuisse eius navis .

Idem in Themistocle ait Ariomenem Xerxis fuisse nauarchum . eodem teste Petiti fuit gubernator navis , in quam Pompeius post fugam conscendit .

Acessæus fuit ignauus quispiam nauta , qui ut nauigationem prorogaret , dicebat se Lunam magis opportunam expectare . unde natum adagium : Accessæi Luna , in comprehenditores , qui semper causas comminiscuntur , quod negotium different . Erasmus in Chilia .

Mandro fuit quispiam nauicularius , qui aspirante fortuna tandem factus est imperator , unde etiã factus adagio locus ; Fuit & Mandroni ficulna navis . in eos , qui præter meritum ad opes euecti , pristinæ conditionis non meminerunt .

## P O R T I T O R E S.

**E**rasmus .

Phrontis nauta fuit Menelai, filius Onetoris, cæsus a Phœbo .

Amyclas nauta fuit, ad quem tempore belli ciuilis accessit Cæsar, ut ab eo transfugeretur in Italiam. Lucanus lib. 5. -mollis confurgit Amyclas Quem dabat alga, toro .

Herodotus in Melpomene ait Colæum fuisse gubernatorem cuiusdam nauis Samiorum .

Phereclus fuit architectus, qui naues Paridis ad raptum Helenæ ituri fabricauit, unde & nauis proprio epicheto Phereclæa dicitur .

Pelorus fuit gubernator nauium Hannibalis fugientis ,

## P O R T I T O R E S.

**C**ælius scribit Phaonē fuisse portitorē, eoq; se fouisse artificio. Hic quā Venerē trāsuexisset, unguentū ab ea fertur accepisse, quo delibutus, factus est hominū pulcherrim⁹ .

Phorcus Græcè Porthmeus, Latine Portitor dictus est, quod per mare deferret colonias, teste Berofo .

Charon dicitur portitor inferorum. Virg. lib. 6. Portitor ille Charon. Idem portitor has horrendus aquas & flumina seruat Terribili squalore Charon. Proper lib. 3. Portorium, Porthmeum, Telonarium, Minerval, stips Charontica, Naulum dicitur portitorum merces. Seneca de Charonte: Hunc seruat annē cultu & aspectu horridus, Pavidosq; manes squalidus gestat senex. Idē in Oedipo: Quinq; capaci turbida cymba flumina seruat durus senior nauita Charon .

## P I S C A T O R E S, E T V R I N A T O R E S.

**D**ytis fuit piscator quispiam, qui educauit Perseum, de quo Statius lib. 2. Sil. Fluctuagus uolucrum comebat Persea Dyctis.

De Herminio Silius lib. 5. Nec minus Herminium primis obtruncat in Armis, Astuetum Thrasyмене tuos prædantibus hamis Exhaustire lacus, patriæq; alimenta senectæ Dacere suspensō per stagna latentia lino .



Herodotus ait Scylliam fuisse urinatorem Sicyoniū Themistoclis etate, qui etiam in naufragio ad Peliū factō, multā pecuniam Persis seruauerit, plurimamq; sibi lucratus sit.

Nicolaus quidam Calapiscis cognominatus ex Apulia oriundus, a puero aquis assuetus, degebat inter marinas belluas multos dies continuos illæsus & profunda pēlagi scrutabatur, futurasq; tempestates prædicebat.

Plinius ait Ichthyophagos populos, Troglodytis uicinos, natare cœu maris animalia.

## P E R I C V L A M A R I N A .

**C**harybdis periculum est marinum, in Siēilia, prope Taurominitanum litus, quod crebris aquarum uorticibus infremere, assiduīsq; fluctuum concursibus rapta absorbere dicitur. Ouid. lib. 4. de Ponto: Nēc potes infestis conferre Charybdin Achæis, Ter licet epotet, ter uomet illa fretum.

Scylla, sæxum est in mari Siculo, mare ipsum reddens inportuosum & plenum periculi, quod assiduīs aquarum concursibus latratum uideatur emittere. Poetæ fabulantur Scyllam Phorcī filiam mutatam in monstrum supernē uirginē, infernē uerō piscem, & sex caninis capitibus latrans, quum se lauisset in fonte, quem Circe ueneno infecerat. Ouid. lib. Met. - cinctaq; sæuis Scylla rapax canibus Siculo latrare profundo. Plin. lib. 3. In eo freto est scopulus Scylla: Item Charybdis, mare uorticofum, ambo clara sæuitia. Cicero Actione 6. in Verrem, Non enim Charybdin tam infestam, neque Scyllam nautis, quā istum in eodem freto fuisse arbitror.

Malea promontorium est Laconix scopulosum, quod per quinquaginta millia passuum in mare protensum periculofam reddit nauigationem, propter aduersos uentorum flatus. hinc natum prouerbium, Quum ad Maleam deflexeris, domesticos obliuiscere. Est autem penultima dictionis indifferens. Virg. Ionioq; mari, Maleaq; sequacibus undis. Stat. lib. 4. Theb. Idem in Achil.

Caphareus mons est Euboix altissimus, Hellepontus uersus, impetuofus & formidolosus propter scopulorum

frequentiam, & crebros undarum uortices. hic Nauplius, rex Euboiae, mortem filij Palamedis, Vlyssis dolo interfecit, ultus est. nam quum Græci Troia redirent, Nauplius facem in uertice montis posuit, ut locus fidem portus faceret. quò quum uenissent, multi naufragium fecerunt. Stat. in Achil. Quum reduces Danaï, nocturnaqué signa Caphareus Exeret.

Syrtes duo sunt loca in finibus Africae Ægyptum uersus, ubi mare fertur esse uadosum & importuolum, propter aquas reciprocas. Seneca: Et amica nautis antè promittere uada Incerta Syrtis. Sil. lib. 17.

Et semper naufraga Syrtis.

Ouid. lib. 12. Elegiarum de quibusdam sic meminit.

Cum domina Libycas ausim prærumpere Syrtes,

Et dare non æquis uela ferenda Nothis.

Non quæ uirgineo portenta sub inguine latrant,

Nec timeam uestros curua Malea sinus.

Nec quas submersi ratibus saturata Charybdia

Fundit, & effusas ore receptat aquas.

## PISCINARI I.

**P**iscinarij dicuntur, qui piscinas habent refertas piscibus, easque magno studio curant. Ostrearum uiuaria, primus omnium Sergius Orata inuenit, optimumque saporem Lucrinis adiudicauit.

Licinius Murena reliquorum piscium uiuaria primus instituit.

Lucullus ad piscium receptacula montem excidit iuxta Neapolim, maiorem impendio, quam uillam ædificauerat, admissio mari.

Varro scribit, M. Catonem Uticensem (quum heres testamento Luculli seu Lucilij esset relictus) pisces de piscina eius XLIX. millibus uendidisse.

Murenarum uiuaria excogitauit C. Hirrius, qui cenis triumphalibus dictatoris Cæsaris sex millia murenarum mura appendit, & dedit in pondus.

Vedius Pollio, quum piscinas magno studio coleret, solebat seruos suos occidere, eosque piscibus uorandos præbere, ut hominum cruore pasti delicatiores essent.

Curauit

Curauit & piscinas Hortensius Orator, Murænamque adeò dilexit, ut mortuam multos dies atratus fleuerit.

Antonia Drusi murenæ, quam diligebat, inares addidit. Cochlearum uiuaria primus instituit Fuluius Hirpinus.

## PISCES DIVERSI.

**S**cripserunt de Piscium natura Oppianus, Aristoteles, Plinius, & aliquot alii magnæ celebritatis uiri, qui quoniam acutè adeò, & diligenter negotium hoc attigerunt, ut nihil posteris reliquisse uideantur, uacantis esset operæ, multa moliri uelle post illos, quorum nec umbram quidem possit quisquam pertingere. Propterea satis erit nobis quædam admodum pauca decerpere, quæ notiora & maiori emolumento futura uidebuntur. Nam nihil indiscussum relinquere uelle, illud esset retexere telam Penelopes. Dicamus ergo de piscibus, quorum nomina apud auctores frequentiora sunt. piscis Græcè Ichthyis dicitur, unde Ichthyophagi populi Trogloditis uicini, qui uescuntur piscibus. Ichthyopolæ, piscium uenditores, qui & Cetrarii uocantur, Ichthyopolium forum piscarium. Capiuntur pisces hamis, nassis, tragulis, excipulis. qui piscantur hamo, uocantur Hamiotæ, ut faciebat Augustus animi laxandi gratia. Tranquillus scribit Neronem aureo rete piscari solitum.

Piscium alii teguntur corio & pilis, ut uituli, hippotami, alii corio tantum, ut Delphini. Cortice, ut testudines, Silicum duritia, ut Ostreae, conchæ, Crustis, ut locustæ. Crustis & spinis, ut Echini: Squamis, ut Carpio: asperacutæ, ut Squatina, qua lignum & ebora poliuntur, molli ut muræne, alii nulla, ut Polypus. Quæ pilo uestiuntur, animal pariuunt. Spirant pisces. Nam & pulmonem habent, aut aliqua pulmonis loco uiscera. Annotata est enim in quibusdam æstiuo calore anhelatio, & in aliis oscitatio, Interim quoque dormiunt. Oua pariuunt, quæ squamis integuntur. Coeunt plerunque in occurso, paruo contactu, mensibus Martio, Aprili, Maio: Autumno pauci, ut Salpa, & Sargus, Piscium alii sunt plani, ut Rhombi & soleæ, aliqui longi, ut Murenæ, conger. Placet Aristoteli nullas esse piscibus mæ-



mas, nec meatum ullum genitalium perspicuum, sed excrementorum tantum locum. Partes quoque audiendi, odorandi, sentiendi nullas esse perspicuas præter oculos. Sunt qui gregatim errant more armentorum, uolant aliqui, accipitres, hirundines, cæpiæ. Sentiunt hiemem procellosam, cuius horrore multi limo se prouoluunt, alii sub petris glomeratim conquiescunt, nonnulli ima petunt, quod sentiant, summa pelagi tempestatibus obnoxia. Redeunte uerò serenitate profiliunt, & libenter littus prospiciunt. Partu differunt inter se. Luppus bis anno parit, Mullus ter, ceteri semel, ac aduersis temporibus. Præguantes gaudent aquis dulcibus. In Africa tamen feruntur uiuere nonnulli in feruenti palude. Sunt qui colorem mutant. nam Menæ hieme cædidæ fiunt, æstate nigriores. Mutat & Phycis reliquo tempore candida, uere uaria. Amicitias inter se, & inimicitias exercent. Inimici sunt Delphinus & Balæna, Cæstres, & Lupus, Muræna & Congrus. Sunt & qui docilitatem nescio quam præ se ferunt. Nam in Lymira fonte Lyciæ ter fistula euocati ueniunt ad augurium, teste Plinio. Hierapoli Suriæ in lacu Veneris, ædituorum uocibus parent uocati, exornati auro ueniunt adulantes, scalpuntur, ora hiantia manibus inferendis præbent. In Stabiano Campaniæ ad Herculis petram Melanuri in mari panem abiectum rapiunt, iidemque ad nullum cibum, in quo hamus sit, accedunt.

Acipenser piscis est, qui squamis ad os uersis contra aquam nando meat. Fuit olim in magna mensarum dignatione, & inuentu rarus, ut docet Cicero libello de Fato, apud quem dicitur Scipioni Numantio acipenserem esse paucorum hominum. Quod etiam docuit Plautus scribens, Qui mihi in mari Acipenser latuit, cuius latus in latebras dedam meis dentibus.

Alosa, piscis est de Clupearum genere, qui alio nomine Cryssa dicitur. Alosæ dicuntur esse laudatissimæ in Tiberi.

Attilus piscis est inertia pinguescens. Frequens est in Padō, adeo ut ad mille quandoque libras capti sint, qui nisi iugis bouum extrahi potuerunt.

Aurata, pisces sunt omnium timidissimi, qui in maris re flexu sub littoralium arborum radicibus se occulunt, ibique

frondium agitatione exterriti, facile capiuntur, quadam uelut deditione. Eorum uiuaria primus instituit Sergius Aurata. inde nomen adeptus. Martialis, non omnis laudem pretiumq; Aurata Meretur. Hic piscis nomen accepit ab auri colore. Commendantur Auratæ, quæ sunt ex Lucrino lacu. Coeunt attritu uentris, & oua concipiunt.

Anguillæ pisces sunt oblongi, uolubiles, & serpentibus similes, qui piscium soli exanimis non fluitant. Dicuntur Anguillæ, quod anguibus similes sint. Viuunt annis 8. durant sine aqua senis diebus. Generantur scopulorum attritu, sine coitu, sine ouo, nec est alia earum procreatio. Frequens habet lacus Benacus, auctore Plinio. Vescuntur limo & edulibus, si quis apponat, sed plurimæ dulci humore uiuunt. Gaudent aqua semper affluente, & effluente quæ nisi limpida fuerit, breui intereunt. Æstiuo tempore de lacu in piscinam translata uiuere nequeunt, hieme uero mutationem loci tolerant facillimè. Reperiuntur in Gange tam inusitata magnitudine, ut tricenos pedes impleant. Optimæ, & præpingues capiuntur in Timaio lacu. Reperiuntur etiam in limosis locis prope Syracusas, tanta multitudinem, ut piscari uolentibus lata adsit præda. De Anguilla Iuuenalis Satyra 5. Vos anguilla manet longæ cognata colubræ. Aristoteles ait anguillam neque marem esse, neque feminam.

Alec piscis est, qui sola aqua nutritur. Martialis, Cui porrat gaudens ancilla paropside rubra Alecem, sed quam protinus illa uoret, Diminutium est Alecula. Colu. lib. 9. Datur Cammarus, & riuales Aleculæ, uel si quæ sunt incrementi parui fluuiorum animalia. Capitur etiam Alec pro falso liquamine. Martialis lib. 3. Capparin & putri cepas alece natantes.

Aries piscis est, qui grassatur ut latro, & grandium nauium in solo stantium occultus umbra expectat, si quem mandu uoluptas inuitet, raptamq; prædam abnatans mergit.

Aphyæ pisciculi sunt, qui ex aqua & pluuiâ procreantur. Aphyæ in ignem, Prouerbum est de rebus, quæ celeriter intereunt & absumentur, uel quæ statim conficiuntur. Nam Aphyæ piscis ad motus igni protinus decoquitur.

Astacus piscis est, qui si longius a mari exportatus dimit-

## PISCES DIVERSI.

tatur, ad eundem irrepit locum, ubi captus fuerat.

Acus piscis est gracilis, iustum uteti tempus non expectans, sed abruptens uterum, & matrem interimens. Pariunt enim Aci contracto ventre, multitudine partus exigui pretij. Græcè dicuntur Bellones. De his Martialis lib. 10. Et satius tennes ducere credis Acos.

Anthia piscis est frequens apud Chelidonias insulas. celeriter capitur, paruo nauigio & concolori ueste, eademq; ora per aliquot dies continuos piscator enauigat certo spatio, escamq; proiicit. Solus hic multos dies ad pisces accedit incommitatus. postremò greges innumeros adducit, quos si inuolauerit Hamiota, parcit ductori. Præterea. Anthiæ quum unum hamo teneri uiderint, spinis (quas in dorso serratas habent) lineam secare traduntur, ea quæ tenetur extendente, ut præcidi possit.

Æluri pisces sunt, quorum oculi ad uices Lunæ aut ampliores sunt aut minores.

Aulopa piscis est magnitudine ingentis Thynni, ceruice firmissima, oculis patentibus atq; amplis, dorso cæruleo, uentre albente, corpore linea aurei coloris discriminato, quæ a uertice ad caudam desinit.

Barbo piscis est geminam habens barbam in labro inferiore. alio nomine uocatur Mulus. unde & Cicero in paradoxis Mulos uocat Barbatulos.

Bocas pisciculus est uocem quandam mugitui similem reddens.

Balæna piscis est omnium maximus, qui partum lacte nutrit, spirat non branchiis, sed fistula quadam. in fronte gerit ora. fertur summa aqua, hebetatur sensibus ob corporis molem, propterea duce indiget, qui prælongus & albus, & capite procero, angusta cauda præit, extremaq; balenam contingit, & tanquam remone ad eam regendam utitur. Sole ardente Balæna interdum exit ad littus, & prostrata dormit in arena. Reperiuntur Balænæ in mari Indico quaternū iugerum, & Elephantis quintuplo maiores. sunt & prægrades in mari Britannico. Iuven. Saty. x. Quantum delphinis Balæna Britannica maior. Balænis infestæ sunt Oræ.

Carpio piscis est nobis frequens, & in Bænaco laudabilis.



Cephalus etiam nomen est piscis. Ambrosius, Ille finus maris Cephalos alit, lupos ille, Ille saxatiles. Sordidi sunt cephalii, summo pelago quandoque urinantes sese abluunt. oua eorum non attinguntur, unde & numerosi sunt. quum adoleuerunt, corripiuntur a ceteris. Marini flumineis præstant.

Concha est de genere cancrorum. Conchæ & ostrea dicuntur pisces testæ firmioris. & testæ ipsæ duriores uocantur Conchæ. Ouid. Ostreaque & conchis tuta fuere suis. Columella, Implicitus conchæ limax. Conchis optimis abundant Lucrinus, Bibaga indiæ insula, & mare rubrum.

Congrus seu Conger etiâ genus est piscis, quem inter saxatiles ponit. Plinius. Similis est anguillæ, duriore tamen carne, & sapore inferior, Grillum Nicander uocauit.

Cybius piscis est ita scissus, ut medium pateat æquè in omnes partes ad similitudinem tesseraum.

Coracini pisces sunt Nilo peculiares. Martialis, Princeps Niliacis raperis Coracine macellis, Pelle prior est gloria nulla gula. Coracinus oculos frequenter mouet.

Citharædus, piscis est, qui a cauda ad uerticem lineas habet instar neruorum musici instrumenti distentas, unde nomen accepit: frequens in mari rubro.

Cetus piscis est maximus in Atalantico mari. Ambrosius, Virtute mitigauit mare, Disciplina Cetos strauit. Plinius lib. 32. scribit, Cetos sexcentorum pedum longitudinis, & trecentorum latitudinis intrasse in flumen Arabiæ. sunt enim tantæ magnitudinis, ut si aquis supernatent, insulæ uideantur. Dicimus etiam Cete, in neutro genere, & plurali numero. Statius lib. 1. Achil. Armigeri Tritones eunt, scopulosaque cete. Cetarii dicuntur maiorum piscium uenditores.

Cyprinus piscis est fluuiialis palatum habens carnosum pro lingua.

Channa piscis est mollis carnis, Hyatulam Gaza cōuertit.

Cantharus piscis est zelotipus, qui pro consorte ad internicionem cum suo genere pugnat.

Cestreus piscis est, qui reliquis mutua deuoratione uictis tantibus, solus ab aliorum carnibus abstinet, ideoq; non ca-

## PISCES DIVERSI.

pituresca, sed in limum abdit sese, quo ibidem pascitur. Vbi uerò in metu caput occulit, arbitratur totum corpus esse tutum. Nonnulli ferunt hunc piscem deuorari a Congro, ut Congrum a Muræna. Theodorus Gaza Mugilem fecit Latine.

Cancris pisces sunt multipedes, & præposterè gradientes, ut Calenius in Croaco graphicè describit, Illis dena pedum uestigia, denaque in arcus Crura recuruantur, laterumque a margine ludunt Ambiguumque iter est, &c.

Reperiuntur in phœnicia littorales cancri tantæ uelocitatis, ut comprehendi nequeant.

Cordillæ pisciculi sunt, de quibus Martia. lib. 3 Ne nigra cito raptus in culinam, Cordillas madida tegas papyro.

Canicula piscis est foetus suos a partu natantes deuorans, ut eos ab omni iniuria tueatur.

Coruus piscis marinus fuluus est, è stagno nigricans, alga uestitur, & bis parit in anno.

Callionymus piscis habet multum fellis in dextero latere, in sinistro uerò iecur.

Charace piscis pinnas habet utrinque maximas, caudam auri fulgore purpureis dissectam lineis.

Cocleæ tam aquatiles, quam terrestres exuunt se domicilio, binaque ceu cornua protendunt, contrahuntque; oculis carent, idè corniculis prætentant iter.

Clupea pisciculus est, qui uenam quandam in Syluri faucibus mira cupidine appetens, Sylurum ipsum morfu exanimat.

Daetylus piscis est è genere concharum ab humanorum unguium similitudine appellatus. Remoto in tenebris lumine, alio fulgore claret, lucet in ore mandentium, in manibus, in solo, & ueste, decidentibus guttis, ut etiam natura illa uideatur esse in succo, quem habet in corpore.

Delphini pisces sunt puerulorum amatores, Fœmina mulieris instar habet hubera, quibus copioso lacte mares pascit, Parui unâ gregatim natant, Parentes foetus comitantur etiam adultos, Citò adolescunt, Decem annis ad summam proueniunt magnitudinem, Agunt uere coniugia, Pariunt catulos decimo mèse, & æstiuo tempore, Viuunt an-

nis xxx. In terram quandoq; erumpunt incerta de causa, & statim tellure tacta moriuntur. Linguam habent contra naturam aquatiliū, mobilem, breuem, & latam, non differentem suillæ: Hominem amant, arte musica mulcentur: Pro uoce gemitum edunt humano similem, Dorsum habent repandum, & rostrum simum, unde & Simonis nomine gaudent. Obuiam nauigiis ueniunt, alludunt etiam & quamuis plena prætereunt uela, Nullum est animal, quod celeritate non excellant, Paruos semper aliquis grandior natu comitatur, ut custos. Plin. ait, uisos esse, qui defunctum portarēt, ne laceraretur a beluis. Si quis eorum captus fuerit, ceteri adnatant, supplicatum specie captum. reposcentes. Varia sunt apud Plinium exempla de eorum amore in pueros.

Draco marinus caput & oculos habet ad similitudinem terrestris, reliquum corpus, ut ceteri pisces, squamas habet præduras, aculeosq; solo tactu uenenum relinquentes. Apprehensus dextra manu renititur, correptus uerò læua obsequitur.

Echeneis pisciculus est, qui naues quaslibet impetuoso uento concitatas, adhærens retinet. Plinius, Est, inquit, paruus admodum piscis, petris assuetus, Echeneis appellatus. Hoc carinis adhærente, naues tardius ire creduntur. Inde Latini Remoram uocant, & Remiligenem. Lucanus vi. Non puppim retinens Euro tendente rudentes, In mediis Echineis aquis, oculique draconum. Fertur hic piscis fluxum grauidarum utero filtrere, partusque ad puerperium continere.

Elops piscis inter raras delicias quondam habitus est, alio nomine accipêser dicitur. Plinius commendat Elopem Rhodium. De Elope sic scribit Ælianus, Elopem quidam existimant esse, quem Homerus piscem sacrum appellauit, in uentu rarum, nec nisi in mari Pamphilio, captus trahitur magno acclamantium plausu.

Echini pisces habent pro pedibus spinas. Ingredi est his in orbem uolui, propterea detritis sæpe aculeis inueniuntur. Ora habent in medio corpore in terram uersa, Oua amara numero quina: Sæuitiam maris præfagiunt, ac propterea cor eptis se muniunt lapillis, & calculum arripiunt, ne flucti-



## PISCES DIVERSI.

bus exultantur: Oua habent plenilunio hieme. Frequentes sunt Echini apud Misenum promontorium. Horatius, Miseno oriuntur Echini. Captum Echinum si concerpseris in frustra, & in mare preieceris, paulò post partes conuenire ac reuiuiscere aiunt.

Exocoetus piscis est in siccum somni causa exiens. Hunc habet Arcadia.

Encraules pisces sunt minutissimi, albo colore, præda ceterorum, qui turmatim conglobantur; adeò feruntur, ut scapha aut remis urgentibus dissociari nequeant.

Galeus piscis est, qui pastinacam piscem uenenatum prosequitur. auctore Plinio.

Glanii pisces sunt, quorum frequentia Glanio Cumarum fluuii nomen imposuit.

Gobio piscis est præstantis saporis, & parui nutrimenti. Albus præstat nigro. Laudatissimis olim mēsis adhibebatur, De hoc Iuuenalis Satira xi. Nec cupias mullum, quum sic tibi Gobio tantum. dicimus & Gobius. Mart. In Venetis sint lauta licet conuiuia terris, Principium cœnæ Gobius esse solet. Gobiones arena gaudent, gregatim degunt, unde & inter pisces gregales numerantur.

Glaucus piscis est, qui tanta in sobolem caritate teneri dicitur, ut paruos foetus nunquam deserat, præstoq; adsit eis contra noxia. in periculis solidos deuorat, deinde reuomit. Aristotelem ponit in genere serratorum & carniuorum.

Grues pisces frequentes sunt in Corinthio pelago, magnitudine pedum xv. os & ceruicem habent grui alicui simili, & squamas instar pennarum eius. Sunt graciles & prolixæ, subsultimq; natant. Fœminæ libidine accensæ maribus blandiuntur, eosq; salientes non patiuntur. Huic genitura in aquas decedente ex mari uelut parente procreantur.

Garus piscis est, cuius fel recens & inueteratum uino auribus utilissimum est. auctore Plinio.

Gerres pisces sunt uilissimi, & falsi, ex genere locustarum. Mart. lib. 3. Teque iuuant Gerres, & pelle Melandria cana.

Hippocampus piscis est, cuius uentrem si quis ex aceto & melle hauserit, contra canis rabiosi morsum auxilium sentiet.

Hirci, pisces sunt in Cyrenaico, & Sardoo mari oberrantes cum delphinis. Mares alba uitta frontem habent redimitam, Fœminæ uerò sunt cristatæ, ut galli gallinacei. Rapacissimi sunt, ut qui homines, nauigiaq; inuolent. Spiritu graui & uehementi, quo odore uelut instrumento ad ceterorum prædam uruntur. Vitulos marinos insectantur maxime, quos proflatu, perinde ac iaculo, expugnant.

Hygrophœnix, piscis est in mari rubro, magnitudine lacertorum; ore semper hianti, & oculis uiridantibus, zonis distinctus binis, altera a branchiis ad caudam aurea, altera argentea medium corpus intercidente, maculis deinde intercrustantibus cæruleis.

Iulides, pisces sunt saxatiles, & morsu uenenato.

Lampetra piscis est a lambendis petris nomen adeptus.

Loligo piscis est, qui extra aquam sese afferens uolitat, caput habet inter pedes, & uentrem, & cruorem nigrum instar atramenti. unde Horat. Hic nigræ succus loliginis.

Lutariæ dicuntur testudines, quæ in dulci aqua uiuunt, Has Græci Emidas uocant.

Lupus piscis marinus dictus est a uoracitate, & quòd solus natet. Lenis est & mollis, Cancros marinos insectatur maxime. Habet nescio quem lapidem incapite. Fluuiialis potior est marino. Præstantissimi saporis capitur in Tiberi fluuij inter duos pontes. auctore Plinio. De hoc Martia. lib. 9. Appetitur posito uilis oliua lupo. Idem, Læneus Euganei lupo excipit ora Timani, Æquoreo dulces cum sale pastus aquas. Hic piscis rete circumdatus, arenas arat cauda, atque ita conditus euadit. Quum hæsit in hamo, tumultuoso discursu laxat uulnera, donec excidant insidiæ. Lupus & Mugil mutuo flagrant odio. Plinius ait, Luporum laudatissimos esse, qui appellantur Lanati, a candore molliatque carnis.

Lucerna, piscis est, qui lingua ignea per os exerta serenis noctibus lucet. eodem Plinio teste.

Lagnis piscis est sobolis amantissimus. nam ubi femina enixa est, mas curat communes fœtus. tutaturq; ab insidiis atq; etiam hamum deuorat. Similis est propè Siluro. Ræquens reperitur apud Mæandrum & Licum Asia, itemque

## PISCES DIVERSI.

apud Strimonem Europæ fluuios.

Lepus marinus gignitur in limo unâ cum Aphyis, quibus cum aliquando capitur. in magno mari reperitur omnia similis terrestri, præter uillos, quos aculeatos, & erectos habet. natat in summa aqua, uelocissimus est, ac propterea difficilis captu: nec unquam ad nassas, aut hamos accedit. si quis eum attigerit, aut manu, aut baculo (dum in morbo est) animi defectum incurret.

Leo piscis regitur concha, Carabo similis, præterquàm quòd gracilior est. eius brachia cancris similia sunt.

Locustæ pisces sunt Polypis inimici, & Murænis, qui obliquis cornibus procedunt in metu. Gignuntur in limo, sed diuerso, in cœnoso Ostrea. in arenoso Conchæ. Incolæ Cassij montis contra terrestres Locustas Iouis auxilium implorant. Tessali, Illyrii, & Lemnii ab his etiam iuuantur. Magnesi & Ephesi ordine militari in eas procedunt. In mari Indico locustæ aquatiles quaterna implent cubita. Sunt in India ternum pedum longitudinis, cruribus & femoribus ferrarum usum præbentes quum inaruerunt.

Luscus piscis est denticulatus, de quo Ausonius, Luscus obscuras uulua cœnoq; lacunas Obsidet.

Labrax, piscis est lato oris rictu, qui escam totam unâ cum ære faucibus corripit, atque ob id facile capitur. Prægrandes autem Labraces apud Miletum Asiæ ciuitatem esse dicuntur. unde adagium, Labrax Milesius, in auidum & uoracem.

Mugil, piscis est capitosus, omnium (qui squamis integuntur) uelocissimus, aded ut transuersa nauigia interim supernatet. Ridetur eius natura, quòd abscondito in metu capite, totum se occultari putet. Coitus tempore, marem lineæ alligatum, & in mare proiectum, fœminæ sequitur ad littus, & mares fœminam partus tempore. Bellum habent Mugiles cum Lupis. Sciunt esse in esca hamum, insidiasq; non ignorant. Auiditas tamen tanta est, ut cauda uerberando excutiant cibos.

Muræna piscis est longitudine anguillæ: parit quocunq; tempore eiusque oua citissimè crescunt. Vocantur a Latinis Flutæ, quod in superficie aquarum fluant, & superna-



tent. Quin in summis aquis apricantur, sole torrefactæ, amplius se curuare, aut aquis mergere nequeunt. Vnde Martialis, Quæ natat in Siculo grandis Muræna profundo. Non ualeat exultam mergere sole cutem: Fuit olim Muræna in tantis deliciis, ut nomen Liciniorum familiæ dederit, teste Varrone, & mortua defleta sit in piscina, & alia in aures ab Antonia Drusi meruerit. Principatum obtinet in Sicilia, ubi præ pinguedine in summum pelagus erumpit. Habet etiam delicatam urbs Hispaniæ Tartessus nomine, aded ut inter cibos electiles numerata sit, auctore Gellio. Murænis infelissima est ferrularum nature, hamum deuorant, admoventque dentibus lineas, atque ita erodunt. Licinius Macer apud Plinium ait, eas fœminei tantum sexus esse, & concipere è serpentibus, & ob id sibilo a piscatoribus euocari. Animam habent in cauda, qua percussa exanimantur, uerum ictu capitis raro. Laudantur inter saxatiles. Congros odio prosequuntur.

Murex, est piscis marinus, est genere concharum, qui & Conchylum dicitur. Plinius. Conchylia & purpuras omnes ore atterit. Ex eius humore fit color purpureus. Vnde & pro purpura solet accipi. Horatius. Te bis Afro murice tinctæ uestiunt lanæ, Frequens est hic piscis, & nobilis apud Tyrum, ubi usum purpuræ præbet. Virgil. lib. 4. Ænei. Tyrioque ardebat murice lana. Muricum cinis cum oleo tumores tollit, & mammas cum melle efficaciter sanat. Latent circa canis ortum tricenis diebus. Congregantur uerno tempore purpurarum instar, muruoque attritu lentorem cuiusdam ceræ saluant. Pariunt uere. De murice Martialis, Sanguine de nostro tinctas ingratis lacernas Induis, & non est hoc satis, esca sumus. Horatius, Murice Baiano potior Lucrina Pheloris.

Mustella piscis est murenæ similis, cui secundas in deliciis partes nonnulli tribuunt. Sunt qui hirundinem eam uocant, a similitudine palustris hirundinis, quæ sanguinem fugit.

Mullus piscis ter anno parit. Maritimorum uoracissimus est. Alga uescitur & humano cadauere. Moriens apparet uersicolor cum multiplici squamarum rubentium mutatione.

## PISCES DIVERSI.

Binas libras maximus non excedit. geminam habet barbam, in labro inferiore. Hinc Barbatuli Mulli dicuntur a Cicero, ne libro ad Atticum secundo, ubi ait, Nostri autem principes digito se cælum putant attingere, si mulli barbati in piscinis sint, qui ad manum accedant. Volaterranus putat Mullum eum esse, quem hodie Barbum dicimus. De mullo Martialis lib. 2. Mullum dimidium lupumq; totum. Idem, Spirat in adueto, sed iā piger æquore nullus Laguescit, uiuū de mare, fortis erit. Fenestella ait, Mullum accepisse nomen a colore molliorum calciamentorum. quum expirat, uersicolori squamarū mutatione nitescit. Asinius Celer tempore Claudii Mullum octo millibus nummum emit. Mullos septentrionalis gignit Oceanus, & pars Occidēis proxima.

Myrus piscis est, seu serpens maximus, cui si eruaturs oculus, fronti q; hominis appendatur, ophthalmiam dicitur sanare, pisci uero renasci. Ferunt præterea altero eum capi lumine, qui uiuentem non dimiserit. Plinius & Gaza Oculatam eum uocant, Volaterranus putat eundem esse cum Lampræta.

Meryx piscis est, qui ruminare dicitur.

Melanuri pisces sunt omnium timidissimi, nam tranquillo celo & mari ima pelagi petunt, seque petris multa obductos alga condunt. per brumam uerò quum ceteros uiderint pisces undis agitados & uentis profundum petere, illi tunc confidentes superiora repetunt, iuxtaq; litus spuma tempestatis & procellarum operi feruntur ad ora piscatorum incogniti. Vescuntur obuiis quibuscunq; ad hamum non accedunt, capiuntur sagena.

Mus araneus piscis est, qui uisā orbita currus, statim uti pedicis impeditus capitur.

Mures marini exeūt in terram, oua pariunt, quæ obruūt terra, ac demum trigesima die refodiunt, & foetus ad aquas ducunt.

Musculus, piscis est, qui iter Balænae, oculis eius pondere superciliorum obtusis prænatans dirigit, oculorumq; uice fungitur. frequens est hic piscis in Stymphali Arcadiæ.

Merula piscis pluribus foeminis sui generis congregitur, easq; in recessus petrarum additas, tanquam in thalamis se

cum continet. zelotipus esse dicitur. puerperium & mās curat. assistendo, cibumque fœtæ ministrando.

Margari pisces sunt rotunda specie. qui gregatim. natāt, regem sectantes, more apum, quo capto, ceteri attoniti, capiuntur facillimè, in mari rubro, in locis prominentibus ac portuosis, condunturq; in doliis salsamentariis, donec exsiccata carne durescant in lapidem aurei coloris. Reperiuntur in indico, & Britannico Oceano. in terra non inueniuntur nisi fossiles, & adulterini.

Melandria piscis est cæsis quernis assulis simillima.

Miluago piscis est, quæ, quoties cernitur extra aquam uolitans, tempestates mutari, Trebius Niger apud Plinium auctor est.

Mirinum Aristoteles ait esse murænæ marem, qui generat, sed ramen hoc differre, quòd muræna uaria & infirma sit, Myrinus unicolor, & robustus, dentesq; extra os habeat.

Mytilus piscis est in arenosis sponte proueniens. nullius est saporis, sed crassitudini gingiuarum, sordidisq; ulceribus medetur. Martialis lib. 3. Sumitur inciso Mytilus ore mihi.

Minutal piscis est maximus, quem Apitius addito liquamine, oleo & uino condiebat. De hoc Martialis: Hinc exit uarium coquo Minutal.

Narica piscis est minutulus, qui a nando nomen sumpsit. Plautus apud Festum, Naricam bonam atque Canicam.

Nautilus alius piscis, dictus quòd nauigantis effigiem habeat, a quibusdam Pompilus dicitur.

Orphus piscis est oblongus, anguillæ similis.

Ostrea, seu Ostreæ pisces sunt operi concha, qui non uulgarem in cibis gratiam habent. Sergius, Orata optimum saporem Lucrinis adiudicauit, quæ etiam commendat Martialis, Ebria Baiano ueni modo concha Lucrino. Horarius, Non me Lucrina iuuerit Conchyliæ. Omnium ostrearum, cōchylionum & concharum corpora lunari potestate augeri & rursus minui, testis est Plinius.

Orca piscis est magnitudinis miræ, infestus balænis. Plinius scribit Orce restatu depressum quandoque nauigium fuisse, & immersum in oculis suis, quam in Ostiensi portu



## PISCES DIVERSI.

debellauerit Claudius Imperator.

Orcynus piscis est, qui mira sagacitate hamum ui deorum trahit, ut sese illidat petris, & absoluat laqueo, aut laxato uulnere profiliat.

Orchis piscis est rotundus, & sine squamis, totusq; capite constans, & omnium durissimus. auctore Plinio.

Oxyringus os habet prælongum in modum rostri, oculos fulgentes, alba supercilia, dorsum uiridans, pennas priores nigras, reliquas albas, caudam prælongam & uiridem, quam aurea linea mediam discriminat. Colitur Ægyptiis ut Crocodilus.

Otia pisces aurem habent uentri coniunctam.

Pectunculus piscis est de genere mollium, extra aquam sese efferent sagittæ modo. Pectunculus Chius inter cibos electiles numeratur a Gellio. Laudatissimi pectines reperiuntur Mitylenis, teste Plinio, & Tarenti, dicente Horatio, Pectinibus patulis iactat se molle Tarentum. Mobiles sunt pectines, adeo ut plerunque retibus exiliant, & penè putentur uolare.

Pelamides appellantur Thynni, quum annum tempus exceßerunt: morantur in luto. Iuuenal. Sat. 7. Quod uocis pretium, succus Petaunculus & uas Pelamidum. Horum piscium copiam habent Alyzones populi, reperiuntur & in angustiis Byzantii.

Peloris piscis est de genere concharum, dictus a Peloro promontorio, ubi scætet. Hor. Murice Baiano porior Lucrina Peloris. Pelorides Plin. teste emolliunt aluum.

Physerer piscis est marinus inusitata magnitudine, de quo Rufus in Arati Phænomenone, Delphinos uirides, & Physereras anhelos. hos Plinius inter beluas marinas reponit.

Phocæ pisces sunt, qui a mugitu boues marini dicuntur. Virg. lib. 4. Geor. Et turpes pascit sub gurgite phocas. Hic piscis corio & pilis tegitur, Parit in terra pecudum more, & coit instar canum, in somno mugit, unde & uituli meruit nomen. Spirat & dormit in terra.

Polypus piscis est de genere mollium, a pedum multitudine nomen adeptus. fraudulentus est, & colorem mutat. Itaque petris adherens plurimos pisces, prædonem non agno-

scentes, cassibus furtiue artis includit. Reddit enim colorem petrarum, in quibus delitet. tanta est in eo uoracitas, ut nec a suo quidem genere absteineat. Carabum piscem ex pauescit, adeo ut coniectus in retia ubi ille fuerit, quando que captus statim exanimetur. Æstiuo tempore uisi sunt Polypi exire in agros, maritimasq; arbores fructuum auditate scandere. tanta est salacitate, ut effæto corpore nulla sit ei aut natandi, aut prædam assectandi facultas. Fœminæ breuior est uita, & facilius capitur. Rapaces sunt eius pedes. unde natum prouerbiū de hominibus furacibus, apud Plaut. in Afin. Ego noui hos, inquit, Polypos: quidquid attingunt, tenent. Item aliud: Polypi mentem habet, in hominem, qui moribus est uersatilibus. Est etiam polypus narium morbus. Martialis lib. 12. Nasutum uolo, nolo polyposum.

Pristis piscis est marinus angustī corporis & longissimī. Dicitur autem Pristis ab undarum sectione. Scindunt enim fluctus mirum in modum propter renuitatem. Pristin Græci sectionem uocant. Plinius scribit Pristes esse in mari Indico cc. cubitorum.

Pistia piscis est, quem nonnulli passerem dicunt. Aristoteles: Torpedo occulit sese & pastinaca, & asellus, & rana, & pistia, & squatina.

Pastinaca piscis est quandoq; natans, interdū etiam uolans. Rostrū habet præacutū & uenenatū, & cui nullum ferre sit remediū. Pastinacæ iecur decoctum in oleo pruritum & scabiē non hominū modò, sed & quadrupedū efficacissimè sedat. eiusdē radius adalligatus umbilico faciles partus facit. pinnas non habet. latrocinatur ex occulto trāscentes radio, quod telū est ei figens. Argumentum magnæ in hoc pisce solertiæ est, q̃ quum sit piscium tardissimus, Mugilē omnium uelocissimū in uentre habere quādoq; reperiatur. Contra suum ictum remedio est, cinere suo ex aceto illito.

Phagrus nomen est, piscis anguillæ simile, & saxatilis.

Pauo, piscis est uarii coloris, rubentibus lineis, e genere serratorum & solitiorum.

Pholis piscis est de genere Rhomborum, qui mucore suo spumaq; cubile sibi substernit.

## PISCES DIVERSI S.

*Phuca pisciculus*, solus piscium in alga nidificat.

*Pediculus*, piscis est parasitus Delphini. Eius enim prædam & escam sectatur, quam libenter impertit, propterea pediculi pingues sunt, & obesi.

Porcum Græci *Astrogoriscum* uocant. Quum capitur, more porcorum grunnit. Appion apud Plinium maximum piscium esse tradit.

*Pardalis* piscis est similis terrestri, colore & maculis.

*Physalus* piscis est colore sinaragdi, uenenatus, qui si capiatur, more pilæ aut uesicæ intumescit.

*Phari* pisces sunt, quos uenerantur, qui Syenē incolunt. *Paguri* pisces integuntur crusta. more serpentum senium exuunt, renouata crusta. Vocantur a *Palladio* *Cancri marini*.

*Purpura* (quam aliqui *Porphyram* uocant) *conchyliorum* uoracissima est. linguam habet prælongam, semperq; uibrantem, per quam potitur præda, quam affectatur. Eius cruori maxima dignatio in tingendis lanis, præcipuè si lapidis istu cædatur. *Purpurarum* quædam augentur in-signi magnitudine, ut quæ ad *Sigæum*, & *Lectum Idæ* promontoria gignuntur. Aliæ parue sunt, ut in *Euripo*, & *Caria*, *Marinæ* magnæ sunt & scabræ. Capiuntur tempore uerno, quum fruos extruunt. Flos inde extrahitur specie membranæ candicantis, qui contritus manum inficit. *Purpuræ* uiuunt annis septenis. latent sicut murices contra canis ortū tricenis diebus. congregantur uerno tempore, mutuoque attritu lentorem cuiusdam ceræ saluant. succum (quo tinguntur lanæ) euomunt cum uita. propterea piscatores uiuas capere contendunt. Capiuntur paruulis rarisque conchis, textu ueluti nassis in alto iactis. Inest his esca, quam appetunt *purpure*, porrectisq; linguis infestant. At illæ aculeo extimulatæ claudunt sese, comprimuntq; mordentes, ita pendentes auiditate sua *purpuræ* tolluntur.

*Pompilus* concha munitur, quam connexam turbato mari natando gerit, ne fluctibus oppleta testa deprimatur, Trā quillo resupinat carinæ modo, acetabulis utrinque pro remis utens, & cartilaginem (quam in medio retinet) pro uelis pandens. Si quando merus beluarum inuadentiū ingruit, repleta



repleta concha sub undis sese demittens, latitat. Rursus uitato periculo resilit. Profunda petit, ceu terram oderit. Adnarat nauibus cum aliis suæ speciei, assultansq; circa conglobatur. Eadem est ferè nautili natura.

Pinna immobilis in hæret saxi, custodemq; habet Pinnotherem, quo quum priuatur, statim perit. Hic ei dapes suggerit, piscesq; in prædam deducit. Plinius ubi de Cancris loquitur, Pinnotheres, inquit, uocatur minimus ex omni genere, ideoq; oportunus iniuriæ. Huic solertia manibus ostrearum testis se condere, & cum accreuerit, migrare in capaciores.

Perna piscis est ex concharum genere, frequens circa Pontias insulas, Stant autem Pernæ ueluti suillo crure longo in arena defixæ, hiantesq;, qua limpitudine est pedali non minus spatio. Cibus uenantur, dentes in circuitu marginum habent pectinatim spissatos. Intus pro spondylo grandis caro est auctore Plinio lib. 32.

Platanistæ rostrum habent & caudam Delphini, Reperiuntur in Gange Indiæ magnitudine xv. cubitorum,

Pulmones marini in pelago dierum hiemem portendunt. Montium item sonitus, nemorumq; mugitus prædicunt. Eorum cineres adalligati profluuiâ purgant. Pulmonibus si confricetur lignum, ardere uidetur, adeo ut faculam ita præluceat.

Passier planus est, nomen traxit à passere auicula. Optimus in cibis iudicatur. Passier & Rhombus situ tantum corporum differunt. Dexter resupinatus est illis, Passieri læuus.

Rhombus piscis est planus, in deliciis quondam habitus.

Laudatissimus fuit Rauennæ. Martialis: Quamuis lata gerat patella rhombum, Rhombus latior est tamen patella.

Commendatur etiam Hædriaticus. Iuue. Sat. 4. Est etiã Rhombus instrumentum incantatorum, quo fila torquebantur, ut apud Mart. lib. 9. Quæ nunc Thessalico lunam deducere Rhombo.

Rana piscis est notissimus, lato uentre, cæruleis uariatus maculis, Græcè Batrachos dicitur. Ranarum terrestrium quædam in uepribus tantum uiuunt. dicunturq; Rubetæ, quibus in terra, & in humore uita est. Aquatiles cœ

unt noctu extra aquam mare scœminam inuitante, Hydrum maximè reformidant, quo accedente, clamore se glomerant & aduersus eunt turmatim. Earum coaxatio solito maior pluuiam portendit. in Seripho insula mutæ sunt: Hinc adagium, Rana Seriphia: in elingues. Theophrastus aquarû eius regionis frigiditati hoc tribuit. Ranæ insidiantur apibus aquantibus, nec earum ictus sentiunt. Prima lingua eis cohæret, intima absoluta a gutture, qua uocem mittunt. Rana, quæ ab argumento piscatrix dicitur, seras habet quasdam a ciliciis exrantes ac prolixas, quarum adminiculis natura ministrante struit insidias, latitans in limosis, auisq; locis. Frontem cum fetis uidendam loco escæ pisciculis porrigit. Illi accurrentes, deceptiq; ac paullatim in arcum deducti, ab ea rapiuntur. De eius usu in medicinis, uide Plin. Eodem ferè modo Raia pisciculos agit in prædam, Cartilaginè habet pro spina. auctore Plinio.

Sepia uenenofo est morsu. Quum uidet insidias parari sibi, effuso atramento ( quod habet pro sanguine ) sese abscondit. Persius: Nigra quod infusa uanescat sepia lymphæ. Sepiarum mares uarii sunt, & nigriores, constantiæq; maioris. Percussæ tridente scœmine auxiliantur. At scœmina icto mare fugit. Sepiæ atramento tanta uis est, ut in lucerna ad dito, Æthiopes uideri, ablato priore lumine, tradat Anaxilaus apud Plinium.

Scarus piscium solus natando uescitur, & ruminat. Hunc piscem è Carpathio mari primus aduexit Optatus Helipertius, præfectus classis sub Claudio principe, & inter Ostiensem & Campaniæ oram disseminauit, Fuit quondam in honore mensarum. Ælianus hunc salacissimum piscem esse testatur, Venerisque gratia in prædam agi, scœmina eius generis per littus ducta. De Scaro Opianus inquit: Hic Scarus saxa frequenter, Quia mites inter pisces clamore tremendo Intonat, & solus pallentes ruminat herbas. Martialis lib. 5. Hic piscis inclusus nalis non fronte erumpit, nec infestis uimnibus caput inserit, sed auersus caudæ ictibus crebris laxat fores, atque retrorsum ita erumpit: quem luctatum eius si fortè alius Scarus extrinsecus uideat, apprehensa modicus cauda nixum iuuat erumpentis. Tranq. scribit Scaro-

rum iecinora fuisse in patina Vitellii inter lautiores ciborum primitias. In hac, inquit, Scarorum iecinora, phasianorum & pauonum cerebella, linguas phœnicopterum, murenarum lactes, à Carpatio usque, fretoque Hispaniæ per nauarchos ac triremes commiscuit. Quod autem iecinora Scarorum & viscera iucundioris sint saporis, docet Martia. in Xenii ubi ait: Hic scarus æquoreis qui uenit obesus ab undis Visceribus bonus est, cetera uile sapit. Quintilianus ait, Scarum non capi in nostro mari. At eundem capi in Siculo, docet Petronius Arbitrator, dicens: Ingeniosa gula est, Siculo Scarus æquore mersus. Ad mensam uiuus perducitur. Habet etiam Scaros Carpathium mare. Vnde Horatius: Non me Lucrina iuuerint conchylia, Magis ue Rhombus aut Scari, Si quos Eois intonata fluctibus. Hyems ad hoc uertat mare. Eois fluctibus, dicit propter mare Carpathium, quod est in Oriente.

Sargus Mullum semper comitatur, antris inhabitat. Ex animalibus maximè capris sollicitatur. Prodest eius caro cōtra Presteris morsum.

Synodon piscis est sociabilis: carne uescitur, & mollia appetit. Euenit huic & hyatulæ, ut (quum pisces minores in sectantur) uenter procidat, quod is ori coniunctus sit.

Silurus tanta est in prolem caritate, ut absumpta foemina, mas oua seruet, sæpeque unà capitur, dum filios capros subsequitur. peculiaris est Nilo, quanquàm & in Danubio reperiatur. Ambrosius: Captus est Silurus, & inutilis præda decepta est. Idem: Et Silurum, qui minorum piscium uisceribus aluum repleret.

Scombrus de genere est Thynnorum, unde salsamenta fiunt. In aquis sulphureum præ se fert colorem: extra aquam uerò; quem & ceteri. Ab huius frequentia & multitudine Scombraria insula maris Hispani meruit nomen. Martialis Hesperius Scombri temperet oua liquor. Plin. ait Scombrum laudatissimum esse in finibus Carthaginis.

Sphyrena (quam Gaza Malleolum conuertit) latiore in naslis plagam, unde profiliat, querit. Palatum carnosum habet pro lingua.

Salmo fluuiatilis in Aquitania præfertur marino, Inueni



tur in Rheno, & Rhodano.

Salpa piscis coqui non potest, nisi ferula percutiatur. Reperitur apud Ebusum.

Sola plana est & lata, numeratur inter cibos lautiores. Lyeni imposita medetur.

Stella insidiatur conchyliis. Eius natura tanti est feruoris ut omnia contacta adurat. Paruam intus habet carnem, extrâ uerò est duriore callo. Omnem peragit, & concoquit cibum. Aiunt mala medicamenta nocere non posse, Stella marina uulpino sanguine illita, & affixa limini superiori, aut clauo æreo ianux.

Scolopendra, quam Gaza Centipedem uertit, terrestri ferè similis est. Si quis eam attigerit, excitabitur ei pruritus, perinde ac si contigisset urticam. Visæ sunt inusitata magnitudine, capite caudaque extantibus per undas in modum triremium ferri, utentes pro remigio pedibus sublati, quos habent plurimos. Theophrastus apud Plinium scribit Otretieres populos à Scolopendris deletos. Porro Scolopendræ hamo deuorato, omnia intraneæ euomunt, donec hamum egerant, deinde resorbent.

Scorpius siccioris est carnis, bis anno parit, alga uescitur. Varius est. Icesius medicus dixit, stagnorum Scorpios nigrantes esse, marinos uerò fuluos. Similitudinem habet cum Scorpena, licet Aristot. discrimen ponat.

Simia piscis, ore, & colore similis est terrestri, dorso testudineo, fuluis circa collum maculis. Pinnae auium modo pandit, uolanti similis.

Sagittarius Echini specie, oculos habet solidos & prolixos.

Spongiarum triplex est genus, Spissæ, raræ, asperæ: omnes ad saxa nascuntur, aut iuxta litus, litoque aluntur. nam capte, limo refertæ omnes cernuntur. Imbecilliores sunt spissæ, quàm raræ, quòd minus altè adherent. Spongiæ molliissimæ sunt circa Lyciam, in Hellesponto asperæ, densæ circa Maleam. Aluntur etiam conchis & piscibus. Intellectum inesse his apparet: quia ubi auulso rem sensere contractæ multo difficilius extrahuntur. quod etiam fluctu pulsante faciunt. uiuunt esca, quia minutæ in his conchæ repertæ sunt.

Putrescunt in apricis locis. Ideoq; optimæ sunt in gurgitibus uiuentibus. Fistulas habent quasdam, per quas pasci existimantur. Viuunt longo tempore. Pessimum genus est earum, quæ Aplysiæ uocantur, quia erui non possunt.

Strombi è genere concharum, regem habent, quem sequuntur, quocunque concesserit. Hunc capienti aut aspicienti bonum omen portendi dicunt. Apud Bizantios Atticæ drachma proposita est illum expiscantibus.

Squatina de genere planorum, cutem habet rigidam, quæ propter asperitatem ligna & eburnea poliuntur. Numeratur inter Carthilaginea.

Sparulus piscis est exiguus & uilissimus. Mart. Res tibi cum Rhombo est, at mihi cum Sparulo.

Thymallus piscis est pretiosus, de quo Ambrosius: Neque te, inquit, inhonoratum nostra persecutione Thimalle dimittant, cui a flore nomen inoleuit, seu Ticini uada te fluminis, seu amœni Atheſis umbra nutrierit, flos es. Quid specie tua gratius? quid suauitate iucundius? quid odore fragrantius? Quod mella fragrant, hoc tu corpore tuo spiras. Cubitalis est eius magnitudo. Medius est inter Lupum & Cephalum. Naribus admotus herbam, unde cognominatur, spirat, ad hamum non accedit.

Torſio similis est Delphino, præterquam rostro. Distat & tristitia aspectus. Abest enim illa lasciuia maximè, tamen rostris canicularum maleſcentiâ assimulatus. Hunc gignit mare Ponticum.

Trochus est ingens corpore, ceruice & spina prominentibus, ut supra undas cõspiciatur, seipsum init. Quare Theodorus Gaza eum Masculo fœminam uertit.

Trissæ laudatissimæ reperiuntur in Tiberi. Eas hodie uocari Romæ Lacias, Florentiæ Cleopias, Neapoli Alosas tradit Volaterranus. In Ægypto circa Meroæ stagnû Trissas flebilibus numeris & melodiis escæ uice deceptas expiscant.

Trocta piscis est uoracissimus, dentes habet continuos. Captus hami lineam præcidit; stipatus multis suæ speciei piscibus Delphino congreditur, & depugnat.

Thinnus piscis est altero captus oculo, quare natando partem (qua uidet) terram uersus applicat. Hinc adagium.

## PISCES DIVERSI.

Thynni morè uidere: quum quis oblique aspicit. Vbi bruma deprehenditur, Thynnus hibernat ibidem: mox uere procedente, multi unà exeunt in Pontum Euxinum, ac maiores soli præunt, ceteri gregatim, ueluti pecudes, subsequuntur. connëxis inter se corporibus, ut mutua iuuentur umbra contra solis æstus, Strabo ait, Thynnos miræ magnitudinis esse in Hispania, quos glande uestigi prodit. Membratim cæsi ceruice & abdomine commendantur edulio recenti, cetera asseruantur sale. Præcipua (inquit Plinius) magnitudine Thynnos inuenimus talenta xv. pependisse. Eiusdem caudæ latitudinem duo cubita & palmum. Thynnorum captura est à Virgiliarū exortu ad Arcturi occasum: Reliquo tempore latent in gurgitibus, imis, nisi tempore aliquo euocati aut plêniluniis. Pinguescunt in tantum, ut dehiscant. Nô excedunt Biennium. Thynnoscopos Budæus uocat homines è littore Thynnos speculari solitos, qui Latine Thynnarii dicuntur.

Trichias nonnulli Sârdas uocant. Istrum subeuntes non remeant. Plinius. Intrantium (inquit) pontum, soli non remeant Trichiæ.

Tritonem Romæ se uidisse Pausanias dicit, colore ranarum palustrium, squamoso corpore, branchiis sub auribus, naso & ore humanis, dentibus firmis, oculis glaucis, manibus digitisq; similibus concharum, testis, cauda sub aluum uicè pedum, ut Delphini.

Reperiuntur Testudines marinæ, & quæ in aquis dulcibus uiuunt, quas Lutarias appellamus. Testudo oua gignit in terra, quibus arena obrutis statim ad mare redit. Mox diebus lx. peractis iterum ad oua reuertit, quæ arena refossa, ut iam animata comperit, paullatim deducit in pelagus. Reperiuntur in India, quarum conuëxum scaphæ magnitudinem æquat. Et in Taprobane insulâ usum lecti domibus ligneis præbent, Chelonophagi populi testudinum superficie casas integunt, & carnè uestuntur. Trogloditæ cornigeras habent, quarum cornibus natando, remigio se adiuant.

Torpedinem si quis attigerit, morbo afficietur, a quo illa suum nomen traxit. Quo etiam modo pisces in prædam



agit, Occultat enim se limo, & supra natantes facit torpere, quos emergens deuorat.

Trigla piscis est, qui a nostris Mullus & Barbo dicitur.

Voligo piscis est a uolâdo nominatus, aliter dicitur Loligo,

Vitulus marinus, qui & Phoca dicitur, animal est amphibium, tam in aquis, quàm in terra degens. Fœtus parit in terra, paullatimque ad undas assuefacit, sed non ante duodecimum diem, breuissimus est a partu, postea tum euadit maximus, albus uentre, & dentibus frendens. Ipse imbellis & animo degener, non tantum uiribus quàm uastitati corporis fidit. Vescitur piscibus, & humano cadauere, unde & piscantibus struit insidias. Pedes habet a scapulis manibus similes modo ursæ, pedesque posteriores quinque discretos digitis. Nunquam pertutitur fulmine. Nullum animal grauiore premitur somno. Vnde Mart. Dormitis nimium glires, uiculiq; marini. Iuba apud Plinium tradit uitulos marinos ternas heminas capere. Mitescunt interdum. Pilo uestiuntur. Canum modo coherent. Nunquam plures geminis pariunt. Educant mammis fœtum. Interficiuntur disculter, nisi capite eliso. In somno mugiunt. Tenent discipulam, uoceque pariter & uisu populum salutant. Pinnis, quibus in mari utuntur, humi quoque uice pedum serpunt. Aiunt dextris eorum pennæ uim soporiferam inesse, somnosque allicere subditis capiti. Eis oculi in mille colores trahunt sicut hyenæ.

Vertibulum, piscis dicitur a testæ duritie, adhæret suæ testæ, qua contegitur, habet duo foramina exigua, quibus humorem recipit, & reddit.

Urtica, adhæret saxis, manum in fame depascitur, ut Pölypus. Ora in medio corpore continet, & de medio saxo quasi de testa uiuit. Adnatantesque circa assultantesque pisciculos corripit, Noctu uagatur, noctuque muratur. Vescitur carne. Vim habet pruritu mordacem, ut terrestris urtica. Frontis est carnosæ. Noctu pectines & Echinos perquirat. Dum admotam sibi manum sentit, colorem mutat & contrahitur. Tacta uredinem mittit, paillumque si fuerit interualli, absconditur. Ora ei in radices esse traduntur, Excrementa per summam tenui fistula reddit.

Vua marina in uino putrefacta iis, qui inde biberint, cædium uino affert.

Non repèritur finem hæc historia, nec etiam uirés & ingenium sufficerent. si singulorum naturas uerbis consequi uellem. nam præter fluuiatiles piscès, Plin. ponit CLXXVI. genera animalium in mari uiuentium. Multos dedita operâ omisimus, quorum hæc sunt nomina, Nereides, Elephanti, Rotæ, Dromones, Cornutæ, Gladij, Serræ, Hippotami, Percæ, Afelli, Alopecæ, Box, Batis, Banchus, Balanus, Vranoscopus, Cinædi, Chametrachæ, Gliciamerides, Colycia, Pendaetylides, Bales, Echinophoræ, Cutumis, Cynopus, Cynofdexia, Erythinus, Hippus, Hippulus, Halipleurus, Mena, Merix, Mormylus, Mystocetus, Ophidion, Oltria, Phytarus, Tyndarides, Percides, Rhina, Sargus, Scylla, Purus, Scorpena, Sciadeus, Sciena, Smyrus, Scepinus, Simarides, Tornus, Thurianus, Thesia, Tethea, Vrene, Bopgyrus, Orphus, Rhæcinus, Mormyra, Teragus, Labrus, Epoda, Channe ex seipsa concipiēs, Glaucus ætate nunquam apparens, Pomphilus semper nauigiorum cursus comitans, Chironus in aquis nidificans, & alia propè infinita huiusmodi.

## P O P V L O R V M D I V E R S I

mores, & ritus uarii, ordine litterarum.

**A**gat hirs, populi Scythis uicini, abundant auro: capillos habent cæruleos, quos una cum toto corpore diuersis coloribus inficiunt. Virg. lib. 4. Æn. Cretesque, Dryopesque fremunt, pictique Agathirs. Mantuanus in Apollonia: Vsque Melanchlenos: Vsque ad pictos Agathyrso. In commune cum mulieribus coeunt: Nihil liuoris aut odii mutuo exercent.

Aborigenes, antiquissimi Italiæ populi, uagi erant, & sine laribus.

Alani Scythiæ populi carne uescuntur nec panem māducant, semper sunt pugnaces. unde Lucanus libro 8. Et sequeretur duos æterni Martis Alanos. Patientissimi sunt laboris: nam centum millia cursu continuo interdum conficiunt.

Amazones, Scythicæ mulieres, dextras mammas nascentibus foeminis inurebant, ne ferendis armis essent impedimento: Masculi sexus liberos interficiebant. Imperabant sine uiris. Vesciebantur lacertis & testudinibus.

Ambrones, Galliæ populi, quum subita maris inundatione sedes suas amisissent, animum rapinis adiecerunt, & latrocinis.

Androgynæ, populi sunt in Aphrica, utriusque naturæ, uicibus inter se coeuntes. His dextera mamma uirilis est, læua muliebris.

Antropophagi, Scythiæ populi, humana carne uescuntur: Bibunt ossibus humanorum capitum.

Areopagitæ, Atheniensium magistratus, iudicabant in templo Martis de cæde, & de statu reipub. prouidebant, idque sub dio.

Arimaspi, Scithiæ populi, unum habent in fronte oculum. unde & nomen traxerunt. nam Arima Scytharum lingua unum signat; Spu uerò oculum.

Ærymphæi, populi sunt prope Riphæos montes, iustitiæ & æquitatis obseruantissimi, & mira tranquillitate inter se degentes. Sedes illis nemora, alimenta baccæ. Capillus iuxta foeminis uirisque in probro existimatur. Ab ipso natali dicuntur esse calui, simisque naribus, & ingenti mento. Studiosi non sunt rei pecuariæ. Sub arbore quisque cubitat. His nemo mortalium iniuriam facit. Sacti enim dicuntur, esse, nihilque armorum possident. Controuersias finitimorum dirimunt.

Ægyptij, diuinarum rerum peritissimi fuerunt, unde Macrobius Ægyptum uocat artium matrem. Ab Ægyptiis Greci disciplinas omnes mutuati sunt. Diem obseruabant a media nocte in aliam. Hominum sunt antiquissimi. Olim gaudebant unguentis. Eorum mulieres septenos quandoque uno edebant partu. Serunt omni mense, ubicunque imbrēs æstiu non sunt. Apud eos aliqui singula annorum millia uixisse produntur: sed hoc intelligendum esse de annis menstruis, qui terminantur lunæ senio. Cæpas & allium inter deos habent: Apim, bouem, colunt pro numine, & quædam animalia, ut canem, felem, accipitrem, Ibin, lepidon



tum & oxyrinchum pisces, crocodilum etiam uenerantur, quem mortuum in urnis sepeliunt. Crocodili adipe ægrotos ungunt. Brassicam non edunt, Inuentores fuerunt picturæ. Mortuorum asseruant cadauera: unguentis fœtorem impredientibus referta. Solertes fuerunt in reperiendis artibus, & in agnitione rerum indaganda sagaces. Furta omnia impunè permittunt. Ventrem mortuorum eximunt, ut omnium peccatorum causam. Flac. Vopiscus scribit Ægyptios esse uersificatores, epigrammatarios, & ad cantilenas publicas propensos. Primi omnium Solem & Lunam deos putauerunt, Solem Osirim, Lunam Isim nuncupantes. Idem ait, Ægyptios esse uentosos, furibundos, iactantes, iniuriosos, & auidos rerum nouarum. Imperator Hadrianus ad Seruianum consulem scribens dixit, homines esse seditiosissimos, uanissimos, & iniuriosissimos. Et Q. Curtius eos infamat ut gentem uanam, nouandis quàm gerendis rebus aptiorem. Antiquitus frequentissimè ea obibant munia, quæ nunc geruli, & uestandis corpore oneribus quæstum faciebant, unde Aristophanes apud Cælium: Currus impoluit duos, ac mortuos toridem, quos nec Ægyptii quidem tollerent centum. Hinc adagium: Ægyptius laterifer. Brant & admirabiles in nectendis machinis, pro cliues in uinum, cuius quum essent inopes, excogitauerunt potionem ex hordeo. Viginti millia urbium habitauerunt regnante Amasi. Frequentissimè afficiuntur elephantiali morbo propter calores & æstum. Sale abstinent, nec panibus uescuntur sale conditis. Ammianus Marcellinus, celebris auctor, uocat Ægyptios genus hominum controuersum, & assuetudine perplexius litigandi semper lætissimum: subfusi sunt, attrati, gracilenti, aridi, ad singulos motus excandescentes, controuersi & reposcenes acerrimi. Olim apud eos mulieres cauponabantur, & institoria obibant munia. Viri intra domorum parietes terebant, & operabantur muliebriter. Domi uentrem exonerant, in publico uerò uescuntur: dicentes ea, quæ sunt turpia, in occulto fieri debere, quæ honesta, in propatulo. Mulier neque Dei, neq; deæ ulla sacerdos est, sed uiri deorum omnium & dearum Sacerdotes derasi sunt in funeribus. Omnes capillos nutri-

unt; barbam tamen tondent. Vescuntur cum feris, alii frumento, alii hordeo. Viri binas uestes habent, sc̃eminæ singulas. Potant in poculis æneis, quæ singulis diebus purgāt. Linea semper ferunt uestimenta. Virilia circumcidunt munitiæ gratia. Sacerdotes lauantur quotidie; frigida interdum ter, noctu his. Fabas neque ferunt, neque alibi natas comedunt. Robusta habent capita. Salubri sunt corpore aeris beneficio, qui nunquam mutatur. Panem vescuntur, quem ex farre conficiunt. Visitant piscibus partim crudis sole arefactis, partim salsugine conditis; coturnicibus item, anatibus, & quibusdam aliis auiculis, Minores maioribus natuscedunt, ac in uia defleunt, uenientibusque assurgunt è sedili. Anni rationem primi excogitarunt, deinde in portiones xi i. quæ de Lunæ senio Menses nuncupantur, distribuerunt. Primi aras excitauerunt, cōstruxerunt simulacra, & tēpla cōstruxerunt. Olim uescebantur herbis, palustriq; caule, quæ Agrosim uocant. Onera capitibus gestare uiuorum est, humeris sc̃eminarum. Sc̃eminæ stantes urinam egerunt, uiri sedentes. Maribus nulla necessitas alendi parentes, filiabus summa. Litteras habent bifarias, sacras, & populares. In Deorum cultum magno feruntur seruire & studio. Sacerdotes amiculis utuntur lineis, calceis papyraceis. Suillum pecus detestantur adeo, ut si quis porcum attigerit, cum indumentis omnibus in flumine abluatur. propterea subulcis interdicitur templis omnibus. Laneas uestes intulisse templo, prophanum. Scelus item, inuolutum eis cadauer condidisse. Decedente aliquo, muliebris familia caput & uultum sibi deformat luto, excurrit deinde per urbem, ac plangit. Viri se conuerberant nudatis pectoribus. Muliebre cadauer diutius domi asseruatur, ne Venerea sc̃editate a salinariis, quibus incumbit sepultura. inquinetur. apud eos Amasis regis edicto cogebatur quorannis unusquisque destinato magistratui ratiocinari, quo se foueret artificio. Quod si quis non faceret, pœna erat illi extremum supplicium. Proripientes se è lectulis solebant suffire corpus resina, ut aerem expurgarent disgregatione.

Andabatae. populi clausis pugnant oculis.

Atlantes, degeneres sunt humani ritus. neque ullorum

nominum appellationem habent. Solem orientem occidentemque dira imprecatione contuentur, ut exitialem suis ageris. Neque insomnia uisunt, qualia ceteri mortales. Nulla uescuntur animante.

Arabes, mitrati degunt, aut intonso crine. Barbam abradunt: præterquam in superiore labro. Duas habent æstates, ac totidem hiemes. Solstitia quattuor, quæ sunt inter æquinoctialem & tropicum Cancræ. Sagittas inficiunt ueneno. Fratres filios honore ante eunt, quia maiores nati. Con sanguinei omnia habent communia. Maximus tamen ætate in omni re præcedit ceteros. Communis item uxor, imò uxor una omnibus. Ingressurus ad eam, baculum ante fores deponit. Omnes enim baculum gestant. Eo uiso, reliqui congressu parant. Illa tamen noctes agit cum seniore. Matri coire non censetur impium. Congressus cum alterius sanguinis fœmina censetur adulterium, quod morte plectitur. In prædia inimicorum lapides aggerant, quo significat interituros mala morte, qui ea coluerint, insidiis eorum, qui lapides posuerunt. Abundant balsamo. Præter ceteros mortales fidem seruant inuiolatam. Dionysium & Vraniam solos deorum esse arbitrantur. Quisque permanet in patrio instituto.

Agriophagi uescuntur leonum & pantherarum carnibus.

Arthabatæ, instar ferarum quadrupedum sunt uagi.

Astomi, Indiæ populi sunt sine ore, corpore toto hirti. Uescuntur frondum lanugine. Halitu tantum uiuunt in odore, quem naribus trahunt. Nullus illis cibus, nullus potus. Tantum radicum florumque uarios habent odores, & siluestrium malorum, quæ secum portant longiore itinere, ne desit olfactus. Grauiore paullo odore non difficulter exanimantur. Plinius lib. 7.

Agrigentini impendio & sumptu magnifico mensas parabant, & conuiuia. Propterea Plato dicebat, eos ædificare ac si uicturi perpetuo forent: itemque conuiuari, uelut semper morituri. Utebantur lechyti & xistris argenteis, habebantque lescicas totas ex ebore.

Æthiopes Hesperii solebant crines in nodum complicare. Martialis: Atque aliter tortis crinibus Æthiopes.



*Æthiopes ipsi omnium sunt nationum serui . Viuunt sine institutis & legibus . Finitimorum præda sunt , & ceterorum mancipia . Parentes ipsi liberos uendunt mercatoribus , & frumēto mutant . Olim nulla in re utebantur auro , quàm pœnalibus catenis . Qui sunt ab ortu Solis , promissos habent crines : qui ex Africa , crispissimos .*

*Axones , accolæ Axonis fluuii , in finibus Remorum , longis utebantur hastis . Lucan. lib. 1 . Longisq; leues Axones in armis .*

*Aruerni , olim gloriabantur se oriundos à Troianis , ac propterea dici uolebant Romanorum fratres . Lucanus libro 1 . Auerniq; ausi Latios se fingere fratres , Sanguine ab Iliaeo populi .*

*Aquileienses , tanta fide contra Maximinum pro senatu fuerunt , ut funes de mulierum capillis necerent , quibus sagittas excuterent , penuria neruorum .*

*Athenienses , crudelissimè sepeiebant in eos , qui à sua ditione defecerant , adeò ut decreto iusserint manum dextrarum pollices abscindi Æginetis , quòd rebellassent , ne amplius hastam ferre possent , aut remis inter nauigandum uti . Mitylenæos uerò eadem ob causam cum puberibus iugulari statuerunt , & Samiorum frontes , si corriperebantur , inuri stigmatibus . Apud eosdem tanta fuit sepulcrorum cura , ut peremptos bello , si quis dux honestare sepulcro neglexisset , capite plecteretur . Nefas non putabant sororem in matrimonium capere . Lanificium , oleum , uini usum , serendiq; frumenta docuerunt . Pueros statim ab initio erudiebant , ut nandi usum , propter bella naualia , & litteras condiscerent . Laborarunt tamen auaritiæ nota adeò , ut prouerbium fluxerit , Atticus moriens porrigit manum . Fuerunt & impudentissimi . Vnde Atticus aspectus dedit etiam prouerbio locum . Insuper adulescentes maximi . Publicis consiliis diuinos quosdā sacerdotes adhibebant . Lubrici erant tum ad iram , tum ad misericordiam . Suspiciones arripiebant celeriter . Laudantibus arridebant , ad opem humillimo cuique ferendam erant promptissimi . Si quem mortuum reperissent in uia , sepeliebant . Nunquam immolabant bouem , cuius opéra in curru , aut aratro fuerant usi . Nulla prius puella tradi-*

batur uiro, quàm sacra Dianæ obiiſſet. capillorum cincinnis aureas addebant cicadas.

Arii Germaniæ populi habebant nigra ſcuta, tinſta corpora. Nigras ad prælia noctes legebant, ipſaq; formidine atque umbra feralis exercitus terrorem inferēbant, nullo hoſtium ſuſtinente nouum ac ueluti infernum aſpectum.

Albani curam mortuorum agere nefas arbitrantur. Corpore ſunt prægrandi, nec inueniſto, ingenio minimè ſucato, aut ſubdolo. Ultra centum numerando non progrediuntur. Pondera, meſuras, modum ciuilitatis & agricolationis non norunt. Linguarum apud eos uarietates xxvi. Deos habent Solem, Iouem, Lunam, Sacerdos Lunæ primas habet poſt regem. Sacris præeſt ſeruus, & ſacræ religioni. Seruorum plerique nupiniſ afflatu uaticinantur. Præcipuū ex his ſacerdos annuiſ epuliſ ſaginat, mox ad immolationē producit. Admotus aræ ſeipſum gladio confodit. Plurimus ſenectuti habetur honoſ. Pretioſa cum mortuiſ inſodiunt, licet meminiffe mortuorum habeant ſcleris loco.

Apud Armenioſ rubētes quandoque uiſuntur niues, quòd loca illa ſcateant miniq. Perſicis diiſ immolant, & Anaitidem colunt, eiſq; miniſterio nobilitate præſtanteſ dedicāt filiſ, quæ innibi corporiſ pudicitia in uulguſ data, mox traduntur uiriſ uelut anguſtiores factæ. Arcubus clarent Armeni; unde Statioſ lib. i. Sil. Arcuq; horrenda fugaci Armenia.

Auſeſ populi Africæ capronaſ è fronte demiſiſſe gaudēt. Virgineſ quotoſanniſ in honorem Mineræ certamen edunt. Arma ſunt lapideſ, & ſuſteſ. Si qua ex iſctu deceſſerit, falſa cenſetur uirgo. Quæ omniū præſtantiſſimè de præliata, eſt, a ceteriſ, armiſ decorata, ſubuehitur curru per ambitum Tritonidiſ paludiſ. Promiſcuuſ illiſ cum muliere congreſſuſ.

Afri paſtoſeſ quadrimiſ filiſ uerriciſ uenæſ, adhibita lana ſuccida, inurebant compeſcendiſ è capite fluctionibuſ. Propterea inter omneſ proſpera utuntur ualetudine. Afræ muliereſ ſuper uestē nudaſ geſtant caprarum pelleſ ſimbriaſ & rubrica litaſ. In Sica Africæ ciuitate matronæ corpore proſtituto ex paſſiuo concubitu dotem ſibi quærunſ ex

patria consuetudine.

Abydenis mos fuit si quem ciuem aut hospitem conuiuio exciperent, ut post unguentum & coronas infantes a nutribus inducerentur, circumferrenturq; suauandi;

Arcades, suis ritulis suoq; auspicio nullū hostem unquam superarunt, uerū alius suppetias ferebant per sepe. Eorum uetustissima est origo adeo, ut glorientur se priores fuisse luna. Seneca in Hippolyto: aut te stellifero despiciens polo Sidus post ueteres Arcadas editum Colebant Pana deum pecoris. Quid. lib. 2. Fast. Pana deum pecoris ueteres coluif se feruntur Arcades Arcadiis plurimus ille iugis.

Solebant Assyrii ægrotos in uis proponere, & exquirere a prætereuntibus, scirent ne remedium aliquod morbi. Coma utebantur non admodum magna. Defunctos melle condibant, & cera. Clipeos gestabant, & pugiones. Clauas item ligneas ferro inductas ac lineos thoraces Deum, quem summum habent, Ad aduocant, deam uerò Adargatim.

Apud Atrios populos qui uel minima furantur, lapidibus obruuntur.

Alexandrini fallaces fuerunt, alia semper cogitantes, alia simulantes.

Andrimarchidæ uirgines nupturas exhibent suo regi, qui pulchriorem & gratiorem sibi deuirginat.

Asbitæ populi Lybiæ quadrigis Vehuntur.

Bisaltæ Scythiæ populi nutriuntur equorum sanguine permisto lacte, ut docet Virgilius lib. 3. Georg.

Bathylli populi madent unguentis, auctore Plin.

Borysthenidæ Scythiæ populi perpetuo frigore torquentur. De his Propertius: Gloria, ad hibernos lara, Borysthenidas.

Britanni antiquitus omnes se inficiebant glasto. Est autem Glastum herba similis plantagini. Propertius: Nunc etiam infectos demens imitare Britannos, Lūdis & externo tincta nitore caput. Martialis. Barbara de pictis ueni Bascauda Britannis. Erant olim capillis promissis, in humani suis hospitibus. Horatius: Visam Britannos hospitibus ferros. Nullam aurem aliam ob causam se inficiebant, quam ut ea ratione horridiores uiderentur hostibus. Apud eos



fratres cum fratribus, & cum liberis parentes, uxores olim habebant communes. Præter uim & audaciam nullum habebant ad prælia adiumentum.

Burgundiones dicti sunt, quòd olim uicos habitarent, quorum lingua Burgi uocantur.

Belgæ optimè regebant currus cameratos. Lucanus: Et docilis rector monstrati Belgæ Couini. Cæsar in commentariis ait, Belgas esse Gallorum fortissimos, quòd ad eos minime commēent mercatores, qui comportent, quæ ad molitiam, & effeminandos animos pertinent.

Bactriani horridis sunt ingeniis, & à Persarum luxu abhorrentibus, auctore Curtio: Senio uel morbo confectos canibus deuorandos obiciunt, ad hoc de industria enutritis, quos sepulcrales uocant Mille quondam urbes habitauerunt. Apud eos, qui pauca furantur, spūis dehonestari solent. Bellicosi sunt & potentissimi.

Babyloniorum mores corruptissimi fuerunt, & ad irritandas uoluptates aptissimi. Liberos & coniuges cum hospitibus stupro coire (modò pretium flagitii daretur) parentes maritique permittebant. In uinum & ebrietatem maxime erant effusi. Fœminarum conuiuia sineuntium in principio modestus erat habitus, deinde summa quæque amicula auferabant profanato pudore, ad ultimum opus ima corporum uelamenta proiciebant, non meretrices tantum, sed matronæ & uiri, apud quos comitas habetur uulgati corporis uilitas, auctore Curtio lib. 5. Duabus utuntur tunicis, una linea usque ad pedes demissa, altera super hanc lanæ. Capita mitris uelant, unguentis toto corpore delibuti. Anulum signatorium singuli gestant. Vbi uirginēs factæ sunt nubiles, omnes unum in locum congregant, easq; circumstante uirorum frequentia, præco sigillatim uendit secundum ordinem formæ & pulchritudinis. Medicis non utuntur. Sepulcra eisdem sunt in melle. Vbi uir & maritus coiuerunt, sub diluculum abluuntur ambo, nec ullum uas prius attingunt, quàm se aqua perfuderint. auctor Herod.

Bithyni conscendebant montium cacumina, ibiq; Iouem consalutabant.

Ætoli rudes fuerunt & agrestes, maleq; audierunt stoliditatis

ditatis nomine. Horatius : Bæotum in crasso iurares aere natum . Plutarchus scribit Bæoros ab Atticis fuisse notatos tanquam brutos, stupidos, & pingues propter edacitatem .

Brachmanes Indorum sapientes dicebant, præsentem uitam esse ueluti conceptum uitalem : mortem uerò , egressum ad ueram uitam . Item mundum habere tempus initiale, tendereq; ad interitum. Deum uniuersorum opificem per cuncta meare . In philosophiæ communionem uxores non admittebant . Abstinebant ab omni carnis cibo . Subdiales agebant, & ueritatem præcipuè amplexabantur. Lineis utebantur amictulis .

Byzantii notati sunt à Græcis ut acolasti, & intemperantes, quòd in Venerem & uinum ferrentur præcipites . plurimum enim uersabantur in caupona .

Berhyæ certam ætatis metam transgressos perimunt, uiros immolantes , mulieribus præfocatis .

Ferunt Brutios pastores pecudibus, equabusq; misceri solitos .

Budini populi Scythiæ pediculos esitant. Cæsiis sunt oculis . Rei pecuariæ dant operam . Libero patri agunt Trieterica , & Bacchanalia .

Barcææ mulieres gustu uaccinæ & suillæ carnis abstinēt.

Cimmerii populi perpetua caligant obscuritare. Homerus apud Erasmus: Illic sunt populiq; & mœnia Cimmeriorum, Nubibus & cæca assiduè caligine testa: Illos haud unquam radiis sol aspicit ardens , Nec quando astriferum curru petit arduus axē , Nec rursus ad terras magno deuectus olympo, Sed nox incumbit miseris mortalibus atra. Ouidius finxit domum somni esse in hac regione, ubi ait, Est prope Cimmerios longo spelunca recessu Mons cauus, ignaui domus & penetralia somni , Quòd nunquam radiis oriens medius'ue , cadens'ue Phœbus adire potest , nebulae caligine mistæ . Exhalantur humo , dubiaq; crepuscula lucis . De his Tibullus lib. 4. Cimmerion etiam obscuras accessit ad oras , Queis nunquam candente dies apparuit ortu , Seu supra terras Phœbus , seu curreret infra .

Chalybes habitant iuxta Paphlagoniam, in Ponto . Optimo abundat metallo . De his Val. Flac. lib. 4. Argon. Non

ita sit metuenda tibi sæuitissima quamquam Gens Chalybū,  
duris patiens cui cultus in aruis, Et tonat afflicta semper  
domus ignea massa. Idem lib. 5. Nocte sub extrema clausis  
telluris ab antris Peruigil auditur Chalybum labor.

Casyri Indorum ad Scythas uersi humanis corporibus ues-  
cuntur.

Campani in Italia semper superbi fuerunt bonitate agro-  
rum & fructuum, & urbis pulchritudine.

Candei seu Ophiophagi uescuntur serpentibus, quarum  
fertilissima est eorum regio.

Cyclopes & Læstrigones humana carne olim uesce-  
bantur.

Choromandæ sunt sine uoce, stridoris horrendi, hirtis  
corporibus, oculis glaucis, dentibus caninis.

Cirni qui Corsicam incolunt, uiuunt annis centenis qua-  
dragenis.

In Calingis Indiæ gente quinquennes concipiunt femi-  
næ. Octauum uitæ annum non excedunt.

Colophonij & Castabaleses ppter bella cohortes canū  
habuere. quæ primæ dimicabāt in acie, nūquā detrectantes.

Cauci septentrionales populi altos habitant tumulos, &  
casas nauigijs similes, a quibus quum recedit mare, fugien-  
tes cum aquis pisces circa tuguria uenantur. Nullas habent  
pecudes, neque aluntur lacte ut finitimi. Vlua & palustri  
iunco funes neſtunt ad prætexenda piscibus retia. Captum  
manibus lutum uentis magis quàm sole siccant. Potus non  
nisi imbre seruato scrobibus in uestibulo domus.

Celenophagi, Carmanix populi, non alia quàm testudi-  
num carne uiuunt.

Cimbrorum mulieres amicos suos & affinitate sibi con-  
iunctos solebant interficere, quos uidebant in bello turpi su-  
ga salutem sibi quærere. auctor Plutarchus.

Cyrenæi eò deliciatum prouecti sunt, ut legum condi-  
torē habere Platonem concupiuerint. Qui tamen illorum  
admiratus ignauiam, indignos duxit, quibus obsequeretur.

Carthaginienſes humanas hostias immolabant Herculi.  
Fraudenti erant, & mendaces, non genere sed natura loci.  
Non solum optimos, sed & diuissimos censebant magistra-



tibus admouendos. Impossibile enim putabant eum qui egestate premeretur, rectè & incorruptè magistratum gerere posse.

Cretenses ingrediebantur prælia præcinente tibicine . auctor. Gell. Apud eos erant sapientes, quos Prophetas uocabant, qui non tantùm abstinebant carnibus, sed & coctis omnino cibis . Apud eosdem lata quoque lege passim permittebatur Venus mascula , amplexabanturq; pueriles amores usq; ad stuporem. Nauigandi peritia, maritimarumq; rerum usû principatum olim tenuerunt . Hinc natum adagiû quod per ironiam dici solet, Cretensis nescit pelagus. Masculis amoribus in tantû flagrabant ut ad amatos ui corripere . Amorem conciliabat non tam forma , quàm roboris præstantia. Infamati sunt improbitate, perfidia, mendacio. & ignauia. Liberæ condicionis pueri leges mandabant memorie , mox deorum hymnis animum adiiciebant .

Cilices hircos habent uillo tonsili, unde uestes faciunt quas Cilicia & Cilicina dicimus . Mar. l. 7. Qualem forpibus mittit supinis Tonfor Cinyphio Cilix marito . Infames fuerunt immanitatis & crudelitatis nomine , ob assiduas hospitem deprædationes, & pyratricam, quam exercebant .

Cares populi mercede cœperunt militare, ac proinde ut uiliores passim infamati sunt . Hinc adagium, Homunculus ex Caria. Canem diis immolabant: unde & Carica uictima transit in prouerbiu de uili munusculo .

Caspîi parentes inclusos fame necant, quum annum 70. ætatis excesserunt . Si quem autem aduolantes aues unguibus ac rostris conerspserint, felicitatis argumentum suspicantur . Si a feris aut canibus conuellatur, non ita suspicantur . Quod si a nullo attingatur, desunt perinde ac infelicissimum .

Coi Iunoni sacrificantes seruos a conuiuio reiiciebant, ut sacrificarent liberius .

Curetes instar mollium puellarum comam fouebât, nec succidebant .

Chalcidenses ardebant nefanda puerorum libidine . Laborabant etiam auaritiæ nota.

Chaldæi uice numinis colebant ignem.

Calleci erant sine deo & numine, Mulieres monilia gestabant ferrea, comamq; circumuectebant galericulo atri coloris superiecto.

Cantabricæ mulieres oppressæ bello, filios leguntur interfecisse, ne in hostiles manus uenirent. Opere rustico sumptum suum exercebant. Puerperæ uiris ipsarum uice decumbentibus administrabant. Edicum infantem fluminis abluebant ripis. Ferunt etiam Cantabros olim iuris hostium factos, & patibulo affixos, in tanta supplicii diritate nihilominus perinde ac gestantes Pæana cecinisse. Eiusdem quoque gentis illud erat, ut uiri uxoribus numerarent dotem, filiasq; ex esse heredes constituerent.

Carmanis fuit peculiare, ut percussâ faciei uena profluentem inde cruorem uino permiscerent propinarentq; amicitiae finem statuentes, sanguinem gustasse mutuum. Mox uerò unguentis caput collinere, reperiendi uini exhalationibus. apud eosdem nemini licebat uxorem ducere, nisi prius caput occisi hostis ad regem detulisset. Rex autem interfectorum caluarias in regia locabat. Linguas uerò faucibus exertas, & minutatim concisas, paneq; permistas illis porrigebat degustandas, qui attulissent.

Chii calentes mero, quum Spartam uenissent, itassentq; ad curiam Ephorum, in curulibus magistratuum sellis, uentri onera per summam fœditatem deiecerunt. Hinc natum adagium, Chius omnia percacans.

Cercyræis populis quoniam crebris seditiōibus agitantur, moris erat gestare flagra ingentia ansis eburneis exornata.

Crotoniatæ erant egregij athletæ, adeò ut in palæstra uictoriam sæpe numero reportarent.

Cercopēs populi fuerunt in Epheso notæ fraudulentiae, qui conati sunt ipsi etiam Ioui imponere. Hinc adagium, Cercopum cœtus: de improborum conuentu.

Calabri quum piris abundant, consueuerunt ea hospitibus affatim apponere, deinde saturos bellariorum uice domum auferre iubent. Horatius teste.

Apud Crestones populos singuli plures habent uxores.

Quum autem uir aliquis moritur, tunc oritur magna discipatio inter feminas, quæ nam illum carius adamaret uiuentem. Id ubi compertum est, quæ beneuolentiæ & amoris palmam meruit, ad mortui tumulum ducitur exornata, ibiq; a propinquis mactatur, & humatur cum uiro.

Cisii populi uicini Persis pro pileis mitram ferunt.

Cyziceni notati sunt timiditatis & mollitiei.

Cadurci populi Galliæ in tomentis culcitrarum ex suo lino palmam obrinuerunt.

Apud Dacos & Sarmatas ipsi etiam mares corpora sua succis herbarum linunt.

Derbices dilecta omnia, etiam minima, ulmo digna supplicio censent. Tellurem deam agnoscunt. Rebus diuinis nullam adhibent feminam, sed nec in mensam admittunt: Septuagenario grandiores iugulant, aduocat ad epulas proximo quoque. Vetularum carnibus non uestuntur, sed præfocatas modò condunt. Si cui fatalis dies aduenerit ante meram præstituram, sepeliunt.

Dardanei sub Illyride populi ter tantum in uita balneis operam dabant. Apud Danos feminæ pleræque formam suam in uirilem habitum commutantes, militiam adibant. Omnes perosæ delicias, corpus & animum patientia ac labore solebant durare: totamq; feminæ leuitatis mollitiem abdicantes, uirilem exercere sæuitiam. Bella pro basiis intentabant: manus telorum, non telarum obsequiis exhibebat. auctor Saxo Grammaticus.

Essedones, Scytharum Asiaticorum populi, solent parentum funera cantu prosequi, & conuocatis uicinis cadauera ipsa aliis carnibus admistis absumere, & ex ossibus capitum conficere sibi pocula. Apud eos quoties pater alicui decessit, omnes eius propinqui pecora adducunt, conciduntq;, & mortuum aliis commistum carnibus ei exhibent, a quo inuitati sunt ad conuiuium. Caput tamen defuncti denudatum, purgatumq; inaurant, eoq; pro simulacro utuntur, & quotannis cæremonias eidem faciunt. Iustitiam obseruant diligentissimè. Vxores æquè fortes sunt ac uiri.

Essei Iudæorum populi abstinebant uino, carnibus, & uxoribus. Ieiuniis ita assueuerunt, ut ipsa in naturam uerte-



rint. apud eos proprium nemo aliquid possidet. Omnibus in medio positis communiter utuntur. Habitant simul, & conueniunt quasi sodales. Quumq; pro communi utilitate faciant omnia, alia aliorum negotia sunt, quę certatim peragunt, non frigus, non calorem, non aliquam mutationem aeris formidantes. Quum a laboribus mercedem ceperunt, apud Quæstorem deponunt: is omnia diligenter procurat, quibus egent: Plerique ex his nullas ciuitates colunt, neq; seruos habent, quando omnes uelut mater eadem genuit natura Triplici regula uitam transigunt, amore in deum ardentissimo, uirtutis cultu diligentissimo, caritate in proximum feruentissima.

Apud Epizephyrios Locros si quis salutis causa uinum hauisset largius, medico non imperante, morte expiabatur libera illa compotatio, perinde ac grande aliquod scelus.

Apud Eleusinos capitale erat quidquam ex mylteriis in uulgus efferre, cuiusmodi erant apud Romanos sacra Bonæ deæ.

Epheſii habebant notulas quasdam & uoces magicas, quibus utentes, in omni negotio uictores euadebant. Hinc adagium, Ephesus uti litteris.

Fanefu populi in oceano septentrionali tam grandes habent aures, ut iis nuda integant corpora.

Fennis Germaniæ populis mira erat feritas, & fœda paupertas. non arma, non equi, non penates. Victus herba; uestitus pellis, cubile humus. sola in sagittis spes, quas inopia ferri ossibus asperabant. Idem uenatus uiros pariter ac feminas alebat. Passim enim comitabantur, partemq; præde petebant. Viuebant in siluis, quod beatius arbitrabantur, quàm ingemere agris, illaborare domibus. auctor Cor. Tacitus.

Geloni Scythiæ populi solebant se pingere. Virg. lib. 2. Geor. Eoasq; domos Arabum, pictosq; Gelonos. Claudianus: Membraq; qui ferro gaudet pinxisse Gelonus. Sanguinẽ equinum bibebant cum lacte. Idem Vir. Bisaltæ quomodo solent, acerbq; Gelonus. Quum fugit in Rhodopen, atque in deserta Getarum, Et lac concretum cum sanguine potat equino, Sidonius; Aut ad paludicolas Sicambros, aut

ad Caucaſigenes Alanos, aut ad Equimulgas Gelonos. Sunt præterea ſagittarij. Virg. lib. 8. Hinc Lelegas, Carasque, ſagittiferoſque Gelonos Finxerat. Multas ſinguli habent uxores. Valler. Flac. lib. 7. Argo. Hei mihi uel ſæuo coniux nos una Gelono. De hoſtium cutibus ſibi indumenta, & equi regmina conficiunt. Contenti uiuunt ſuis finibus. Hor. lib. 2. Car. Intraque præſcriptum Gelonos Exigus equitare campis.

Getæ nullos habent in agris limites, ſed fruges liberas & communes. Hor. lib. 3. Car. Viuunt & rigidi Getæ, Immetata quibus iugera liberas Fruges & Cererem ferunt, Nec cultura placet lógiſior annua. Gaudent ſagittis & pharetris. Ouid. lib. 5. Triſt. Iuncta pharettatis Sarmatis ora Getis. In reguntur ferarum pellibus. Idem Ouid. lib. 4. de Ponto. Hic mihi in Euxino bis tertia ducitur æſtas Littore, pellitos inter agenda Getas: Bibunt & equinum ſanguinem permiſto, lacte. Sido. Solitoſque; cruentum Lac potare Getas, & pocula tingere uenis. Non ueſcuntur carnibus. Solebant olim moruis uiris uxores interficere Ouid. de Getis ſcribit: In quibus eſt nemo, qui non Coryton & arcum. Telâque; uipereo lurida felle gerat: Vóx fera, trux, uultus, ueriſſima mortis imago, Non coma, non ulla barba reſecta manu. Dextera non ſegnſis fixo dare uulnera cultro, Quem uinctum latèri barbarus omnis habet. Mortem ſuorum læticia proſequebantur.

Garamantes matrimoniorum expertes, paſſim cum feminis degunt, nullas certas habent ſedes. Sub ciliciis ſemper agunt. Mulieres ſeruilia ubique miniſteria ſemper faciunt.

Gamphaſantes nudi præliorumque: expertes, nulli externo congregantur. Obuios quoſque fugiunt ac reformidant. Habitant in parte Libyæ.

Hermani feminas quaſdam fatidicas tâquàm deas habuerunt. Magnas olim ferebant lanceas & haſtas. anguſto & breui ferro, quas frameas uocant. Hoc telo & ſcuto contenti arant equites. Pedites & miſſila ſpargebant nudi, aut ſagullo leues. Scura lectiſſimis coloribus diſtinguebant. Corpora ſuorum etiam in deliciis præliis reſerebant. Scutum reli

quisse præcipuum erat flagitium. Reges ex nobilitate, du-  
 ces ex uirtute sumebant. Nec regibus infinita erat ac libera  
 potestas. Neque animaduertere, nec uincire, nec uerbera-  
 re quenquam, nisi sacerdotibus licebat. Ad matres & con-  
 iuges ferebant uulnera. Nec illæ numerare, nec exigere  
 plagas pauebant. Cibos & hortamina ferebat pugnantibus,  
 adde ut memoriæ prodatur, quasdam acies inclinatas, & iā  
 labantes, a feminis restitutas constantia precum, & obie-  
 ctu pectorum. Nec earum consilia aspernabantur. Mercu-  
 rium colebant, qui certis diebus humanis litabant hostiis.  
 Herculem & Martem concessis animalibus placabant. Lu-  
 cos & nemora consuecrabant, deorumq; appellabant nomi-  
 nibus. Auspicia & sortes obseruabant maximè: equorum  
 quoq; præfagia & monitus experiebantur, obseruatis eorū-  
 dem hinnitibus. Nec ulli auspicio maior habebatur fides.  
 De minoribus principes consultabant, de maioribus om-  
 nes: ita tamen ut ea, quorum penes plebem arbitrium erat,  
 apud principes pertractarentur. Dierum numerum non cō-  
 putabant ut nos, sed noctium. Silentium per sacerdotes, qui  
 bus ius erat coercendi, imperabatur. Rex uel princeps di-  
 cturus audiebatur magis auctoritate suadendi: quàm iubendi  
 potestate. Si displicebat sententia, fremitu aspernaban-  
 tur: si placebat, frameas concutiebant. Erat distinctio pœ-  
 narum ex delicto. Proditores & transfugas arboribus sus-  
 pendebant. Ignauos, & imbelles, & corpore infames cœ-  
 no, ac palude, iniecta insuper crate mergebant. In leuiori-  
 bus delictis pro modo pœnarum, equorum pecorumq; nu-  
 mero conuicti multabantur. Principes, qui iura per pāgos  
 uicosq; reddebant, nihil neque priuatæ rei, nisi armari age-  
 bant. Nemini tamen prius licebant arma capere, quàm ci-  
 uitas probasset. Tunc autem principum aliqui, uel pater,  
 uel propinquus scuto frameaq; iuuenem ornabāt. Hęc erat  
 apud illos toga, hic primus iuuentæ honos. In acie turpe  
 erat principii a suis uirtute uinci, turpe comitatuui uirtutem  
 principis non æquare. Infame uerò & per omnē uitā pbro-  
 sum ducebatur, si quis superstes discessisset, relicto principe.  
 Princeps pugnabat pro uictoria, comites pro principe. Si  
 aliqua ciuitas longa pace aut otio torpuiisset, earum indige-



næ adoloscenſes petebant ultrò eas nationes, quæ bellum aliquod gererent: quia ingrata erat genti quies. Pigrum & iners putabant ſudore acquirere, quod potuiſſet parari ſanguine. Dum ceſſabant a bellis, non multum uenatibus, plus per otium tranſigebant dediti ſomno ciboq; . Fortiſſimus qſ que feminis ſenibusq; & inſirmiſſimo cuiq; rei domeſticæ curam delegabat, ipſe quieſcens. Gaudebant finitimarum gentium donis. Nullas habitabant urbes, nec patiebantur inter ſe iunctas ædes. Colebant diſcreti ac diuerſi, ut fons ut campus, ut nemus placuerat. Vicos locabant, non tamē connexis aut cohærentibus ædificiis. Suam quiſq; domum ſpatio circundabat, ſiue aduerſus caſus ignis remedium, ſiue inſcitia ædificandi. Apud illos nullus erat cæmentorum aut regularum uſus. Materia ad omnia utebantur informi, & citra ſpeciem, aut delectationem. Aperiebant & ſubterraneos ſpecus, quos multo ſimo onerabāt, ſuffugium hiemī & receptaculum frugibus. Tegumen omnibus erat ſagum, ſi bula uel ſpina conſertum. Locupletiffimi ueste diſtinguebantur, non fluitante, ut Sarmatæ & Parthi, ſed ſtriſta & ſingulos artus exprimente. Gerebāt & ferarum pelles. Nec alius feminis quā uiris erat habitus, niſi quòd feminæ ſæpius lineis amictibus uelabantur, eoſq; purpura uariabant & partem uestis ſuperioris in manicas non extendebant, nudæ brachia & lacetros. Contenti erant ſingulis uxori- bus, exceptis paucis, qui non libidine, ſed ob nobilitatem multas ducebant. Dotem non uxor marito, ſed uxor maritoſ afferebat. Intererant pãrentes, & munera p̄tobabant, nō ad delicias muliebres quæſita, nec quibus noua nupta come- retur, ſed boues, ſcutum cum framea & gladio. In hæc munera uxor accipiebatur, atq; inuicem ipſa armorum aliquid uiro afferebat. In ipſis auſpiciis matrimonii nupta moneba- tur uenire, ſed laborum periculorumq; ſocia, idem in pace, idem in prælio aſſura paſſuraq; : Hoc iuncti boues, hoc pa- ratus equus, hoc data arma denuntiabant. Litterarum ſecre- ta uiri pãriter ac feminæ ignorabant. Patuiffima erant adul- teria, Adulteram acciſis crinibus nudatã coram propinquis maritus expellebat domo, & per omnem uicem uerbere agebat. Nemo illic uicia ridebat. Infantes nudi erāt in domi

# POPVLORVM DIVERSI

bus Sua quemq; mater uberibus alebat, nec ancillis, aut nutricibus delegabantur. Nullum erat deliciarum discrimen inter dominum & seruum. Inter eadem pecora, in eadem humo degebant. Sera iuuenum Venus: nec nisi iam prouectis etate & uiribus concedebantur matrimonia. Sui cuique liberi erant heredes sine testamēto parentum. Si defuissent liberi, succedebant propriores cognatione, Conuictibus & hospitii indulgebat amicissimè, adeo ut nefas haberetur quencunq; mortalium arcere tecto. Hospites externos pro fortuna quisque paratis excipiebant epulis. Abeuntibus si quid poposcissent, moris erat concedere. Separatæ singulis sedes, & sua cuiq; mensa Diem noctemq; continuare potando nulli erat probum. Crebræ in compotationibus rixæ, quæ sæpius cæde & uulneribus, quàm conuiuiis transigebantur, Postea tamen conciliabantur facilè, & deponebant inimicitias. Nuda erat omnium mens, & secreta pectoris aperiebant licentia ioci. Potus erat his humor ex hordeo aut frumento in similitudinem uini corruptus. Cibi simplices agrestia poma, recens fera, & lac concretum. Famem explebant sine apparatu & blandimentis. Aduersus sitim non eadem temperantia. Spectaculorum genus habebant hoc unum. Nudi iuuenes quibus id ludicrum erat, inter gladios & frameas saltu se coniiciebāt. Exercitatio parabat artem, ars decorem. Aleam sobrii inter seria exercebant, tanta lucrandi perdendiue temeritate, ut quum omnia defecissent, extremo ac nouissimo iactu de libertate, & de corpore contenderent: Victus uoluntariam subibat seruitutem, & quam uis iunior ac robustior, alligari tamen se ac uenire patiebatur. Seruos huius condicionis per commercia tradebant, ut se pudore uictorie exoluerent. Verberare suum ac uinculis & opere exercere, infrequens erat & rarum. Solebant tamen occidere, non disciplina & seueritate, sed impetu, & ira, ut inimicum. Fœnus & usaras nesciebant. Agri pro numero cultorum per uitces ab uniuersis occupabantur. Funerum nulla erat ambitio. Corpora clarorum uirorum certis lignis cremabantur. Struē rogi nec odoribus, nec uestibus cumulabant. Sua cuique arma iniiciebantur. Sepulcrum cespes erigebat. Monumentorum arduum honorem asperna-

bantur. Lamenta & lacrymas citò ponebant. dolorem ac tristitiam tardè . Fœminis honestū erat lugere uiris meminisse . Hæc præcedentia de Germanorum moribus collegimus ex Cor. Tacito. Priusquàm pubertatem attigissent , nesciebāt operimenta, corporum nuditate gaudentes. Latrocinijs nō abstinebant . Crudis quandoque uescebantur carnibus. Feminarum congressus ante uicesimum annum sine probro nō appetebant . De his Seneca : Quid, inquit, Germanis animosius? Quid armorum cupidius, quibus nascuntur inutritū turq; , quorum una illis cura est . alia negligentibus ? Quid induratius ad omnem patientiam ? Hos tamen Hispani, Galli; nec non Asiæ, Scythiæq; molles bello uiri antequàm legio uisatur , cedunt ob nullam rem aliam oportunos, quàm ob iracundiam. Horatius Germanos uocat Cæruleos, propter Cæstros oculos . Nam qui sub septentrione agunt immanibus sunt corporibus, candido colore, directo capillo & rufo, cæstis oculis, & multo sanguine. Qui uerò ad axem meridianum uergunt, breuioribus sunt corporibus, colore fusco, capillis uibratis, oculis nigricantibus, crucibus inualidis, sanguine exiguo .

Gymnites Æthiopix nudi degunt .

Cor. Tacitus ait Cattis Germaniæ populis dura esse corpora, strictos artus, minacem uultum, & maiorem animi uigorem . Malum habent rationis ac solertiæ, Præponunt electos, audiunt præpositiones. Nascunt ordines, intelligūt occasione, differunt impetus, diem disponunt, uallant noctem. Fortunam inter dubia, uirtutem inter certa numerāt. Plus reponunt in duce, quàm in exercitu. Oblato elephantis pretio pudicitiam amatoribus substernunt feminae, nullo inde præfloratæ famæ dispendio . Virgines quum esse nobiles cœperint, in publicū a parentibus producuntur, accurrente iuuenum multitudine, ex qua datur illis optio eligendi; quem uirum uelint .

Gymnosophistæ torporem animi atque otium oderant . Nudi degebant in siluis, ab exortu ad occasum perstabant cōtuentes solem immobilibus oculis . Feruentibus arenis toto die alternis pedibus insistebant. Apud eos omnes adulescentibus ex diuersis locis & officiis cōueniebant ad cibū.



Magistri perrogabant, quid frugis ab ortu ad illud diei tempus fecissent. Qui nihil habebant, quod offerrent, impransî foras ad opus trudebantur.

Non erubescabant Græci uinum bibere unguento mistû. Mendacii notam præter ceteros mortales sibi compararût. Claruerunt tamen ingenio, laudis audiores, quàm pecunia. Vnde Horatius in arte: Graiis ingenium, Graiis dedit ore rotundo Musa loqui, præter laudem nullius auaris.

Getuli insidunt equis inornatis. Lucanus: -semperq; paratus Ineulto Getulus equo.

Gnidanum populorum Africæ, uxoris simbriarum copia perstrepunt. Pretium id concubitus est. Quò pluribus quæ que uisitur exulta, eò plausibilior eius forma.

Galli sagittas helleboro collinebant, quòd iis transfixæ feræ multò uiderentur ad cibum delictiores. Rescindebant tamen partes, quæ ambibant uulnus, propter hellebori contagium. Cicero scribit, Gallos iusiurandi, ac deorum religione non commoueri. Nam ceteræ gentes inquit, pro religionibus suis bella suscipiunt: Galli contra omnium religiones. Quin imò & cùm diis immortalibus bella gessere, & impetu hostili Delphicum oraculum inuadere sunt ausi. Si quando uerò metu perciti, propiciandos deos arbitrantur, humanis hostiis templa fœdant. Strabo tamen ait Gallos esse simplices, & nulla morum malignitate. Vnde Martialis: Et tumidus Galla credulitate fruar. Cæsar Gallorum consilia incessit ut subita & repentina. Sed & Gallos omnes deditos religionibus tradit, uerùm affectos grauioribus morbis, aut periculis homines, p uictimis immolare cõsueuisse. Hominẽ præterea diuinationi destinatum in tergo ferietes, ex ipso impatientiæ & torquendi modo uaticinia concipiebant. Quosdam sagittis configebant, patibulo etiam in sacris ædibus suffixos. Arbitrabantur insuper se prognatos a Dite patre. propterea temporum spatia metiebantur, non dierum, sed noctium numero. Vestes ferebant intonsas, uariiq; coloris, quas Braccas uocant. Dicti sunt Galli a niueo lactis colore, qui Gala dicitur: quòd eorum corpora lactis instar albescerent, ob uehementem hiemem. unde Virg. Virgatis lucent sagulis, rum lactea colla Auro innectuntur.

Mantuanus : Ignea mens Gallis & lactea corpora nomen A candore datum. Veterum Gallorum mores longè discrepāt ab his, qui nunc uiuunt. Liberos enim ad conspectum suum uenire prius non patiebantur, quàm per ætatem adoleuissent, ac subeundis militaribus periculis essent idonei. Viuentes amicis mutuò concedebant, quæ apud inferos creditoribus exoluerent debitores. Viri quantas ab uxore pecunias nomine dotis acceperant, tantundem domesticarum fortunarum æqua æstimatione cum doce conferēbant. quid quid inde fructuum succrescebat, asseruabatur, eratq; eius, qui alteri fuisset superstes. Viri in uxores sicut in liberos uitæ & necis potestatem habebant. Si qua ueneficii fuisset cō uicta, a mariti sui propinquis incendio aliisq; cruciatibus consumebatur. Quæ uiuentibus cara fuisset, cum eisdem defunctis in funere cremabantur, uel ipsa etiam animalia, De rep. nisi in publicis conciliis, nemini licebat loqui. Qui ultimus in concilium uenerat, morti dabatur. Ei, qui tumultuatus esset, minister publicus uestes rescindebat, adeò ut reliquæ partes prorsus essent inutiles. Prolixas nutriebant comas. Vestes auro pictas gestabant, & hirsutis utebantur sagulis. Promissis utebantur feminalibus. Pro tunicis scissos gerebant amictus, uix pudenda natesq; uelantes, lana quidem aspera, & oblongis uillis. Vnde Martia. Me pinguis Gallia uestit. Et lib. 4. Accipe Sequanicæ pinguem textricis alumnam. Hastas alii, alii arcus, pleriq; fundas, nonnulli fustes, in bella ferebant, oblongisque utebantur gladiis. Humi corpora resupinabant ad quietem. Strabonis ætate stramentis sedentes cenitabant. Lactē & suilla carne uestebantur, feroci omnes ingenio. Ducebantur maiore belli, quàm agrorum studio. Torques aureos pensiles collo portabant. Victoria efferebantur, stupebant uicti. Eorum (quos in bello cecidissent) capita equorum suorum ceruicibus appendebant. Mercurium præter ceteros deos uenerabantur, quē omniū artium prædicabant inuentorem. Ituri in pugnam, quidquid manubiarum inde retulissent, uoueant Marti. Fraudantes aliquid ex præda, graui supplicio puniebant. Nullum absque philosopho faciebant sacrificium: existimabant enim, per diuinæ naturæ consocios sacra fieri

oportere tanquam diis propinquiore. Horum intercessione, bona a diis censabant perenda, quorum consilio in bello & pace uterentur. Vnde & Druydæ uetustissimi eorum sacerdotes, solebant curare sacrificia publica & priuata. Religionem itæ interpretari, adolescentes disciplinis instituire, rerû naturalium causa scrutari, de cæde, de finibus, ceterisque cõtrouerſis agnoscere, ita ut si quis decreto non stetit, eidem sacrificiis interdicerent. Sacerdotes ipsi hominum cõgressum, & sermonem declinabant, ne contagione polluerentur. Vnus omnibus præerat, in cuius defuncti locum, suffragio alius sufficiebatur. Animas credebant non interire, sed in alia migrare corpora. Multa de sideribus disputabant, de mundi & terrarum magnitudine, de rerum natura & potestate. Tanta fuit Gallicarum mulierum uirtus, ut inter infestas ciuilem furoris acies quandoq; se immiserint, & lacrymis precibusq; oblitterata discordia pacem procurauerint. Propterea quum de bello aut pace consultabant, mulieres adhibebantur. Hæ si qua incidisset controuerſia, sedebant arbitre. Vehiculis utebantur, quæ Effeda uocamus, apud Celtas primum repertis. Virg. Belgica uel molli melius feret Effeda collo. Sylius ait, Celtas ex uacuis mortuorum parentum capitibus inauratis pocula sibi factitasse hæc eius uerba: At Celtæ uacui capitis circumdare gaudent Oſta (nefas) auro, & mensis ea pocula seruant. Quamuis autem Galli artium & disciplinarum ignari a plerisque iudicati sint, antiquius tamen apud ipsos quam Latinos aut Græcos floruerunt litteræ. Nam ut scribit Berofus, anno 1111. Nini litteris & legibus Celtas formauit Samothæ Dis cognomento, & Celtiberos Tubal, a quibus demum mille post annis Græci suas acceperunt, non a Cadmo: nam quas primum aduexit rudes paullo ante excidium Troianum Cadmus quintus, eas a Galatis traxerat, quas Galatæ & Mæones prius a Gallis susceperant. Non ergo Galli a Græcis, sed potius a Gallis Asia & Græcia cum coloniis etiam litteras & disciplinas susceperunt. Aliquot deinde annis post reuertum litterarum usum regnauit apud Celtas Sarron, qui ut hominum tum recentum ferociam contineret, publica primus instituit gymnasia, à quo Celtarum theologos &



philosophos uocauerunt Sarronidas . Quin etiam dea illa dicendi præses Pytho nomine, quam alii Suadâ , Suadela<sup>m</sup> Leporem, Flexanimam, Græci Psychagogem uocant, maximi loco numinis habita est apud Gallos. Quo tempore Romani longè lateq; imperabant, nulla gens uixit Romano populo magis formidolosa . Cum nulla unquam gente Romanus ipse populus intra extraq; Italiam maiore hominû strage, maioribus ducum & exercituum periculis debellauit . nam licet ex eorum exercitu centum hominum millia quâdoque desiderata sint , nihilominus tamen animosi pugnam acrius instaurabant, pudorem ulcisciebantur, ad unum interfici, aut interficere uolente . Certarunt Romani cum finitimis de principatu, cum Carthaginensibus de Imperio, cû Gallis de uita semper . De his Strabo lib. 4. Vniuersa, inquit, natio, quam hæc ætas Gallicam nominat, Martis studio, & animorum ardet impetu, conferendæ pugnae alacritate impigra, semperq; spectantes in Boream, aut Oceano propiores, conferendis pugnis sunt audaciores . Florus de Senonibus sic inquit . Galli Senones, gens natura ferox, moribus incondita, ad hæc ipsa corporum mole per inde ac armis ingentibus adeò omni generi terribilis fuit, ut planè nata ad hominum interitum & urbium stragem uideatur. Hi quondam ab ultimis oris & cingente omnia Oceano ingenti agmine profecti, quum media uastassent, positis inter Alpes & Padum sedibus, ne his quidem contenti per Italiam uagabantur. Roman quin etiam aggressi uniuersum populû in Capitoliû se suaq; omnia recipere cõpulerunt . Quaquauersum transibant, non fulminantes, sed planè fulmina uidebantur, dolebantq; expertè cruoris uictoriâ sibi concedi, ac sine ruina transitû patere . Titus Liuius audas armorû Gallicas gentes semper . fuisse scribit . De his etiam Trogus apud Iustinum lib. 4. Galli, inquit, abundantî multitudine, quû eos nō caperēt terræ quæ generât, treceta milia hominû ad sedes nouas quærendas, uelut peregrinari uimiserunt . Ex his enim portio in Italia consedit, quæ & urbem Româ captâ incendit . & portio in Illyricos sinus per strages Barbarorum penetrauit, & in Pannonia cõsedit. Gēs Aspera audax, billicosa, q̄ prima post Herculē Alpiû inuicta

iuga, & frigore intractabilia loca transcendit. Ibi domitis Pannoniis per multos annos cum finitimis uaria bella gesserunt. Hortante deinde successu, diuisis agminibus alij Græciam, alij Macedoniam, omnia ferro proterentes, petiuere. Tantusq; terror Gallici nominis erat, ut etiam reges non lacesciti, ultrò pacem ingenti pecunia mercarentur. Libro item 25. ait: Ea tempestate Gallorum iuuentus tantæ fecunditatis fuit, ut Asiam omnem uelut examine aliquo implerent. Denique neque reges Orientis sine mercenario Gallorum exercitu ulla bella gesserunt, neque pulsî regno ad alios, quàm ad Gallos confugerunt. Tantus terror Gallici nominis, siue armorum inuicta felicitas erat, ut aliter neque maiestatem suam tutam, neque amissam recuperare se posse sine Gallica uirtute arbitrarentur.

Hyperborei septentrionales populi, excoriatas belluarû pelles habent, pro uestimentis. Virg. lib.3. Geor. Talis Hyperboreo septem subiecta Trionis, Gens effrena uirum Riphæo tunditur Euro, Et pecudum fuluis uelantur corpora fetis. Annofo uiuunt quo. Domus iis nemora, luci que, & deorum cultus. Discordiam & omnem ægritudinem ignorant, uiritim gregatimq; degentes. Satiati uita indulgent epulis & uoluptatibus. Demum ex quadam rupe in mare defiliunt. Frugum primitias Delon mittebant Apollini. Viuunt annis mille.

Heruli populi nudi pugnabant, uerenda corporis duntaxat operientes, siue ut expeditius pecuterent, siue ut illatum ab hoste uulnus uiderentur nihili facere. auctor Paulus Diaconus.

Hedui olim dicti sunt fratres Romani. Corn. Tacitus ait, Heduos omnium primos senatorum in urbe ius adeptos fuisse, datumq; id fœderi antiquo: quia soli Gallorum fraternitatis nomen cum populo R. usurparent.

Hammonii, populi Africæ, dispersis tuguriis habitant. Medium nemus pro arce habent, triplici muro circumdatû.

Hyporeæ Æthiopiarum populi atrî coloris, tota corpora rubrica illinunt.

Hellusij & Oxiones Germaniarum populi erant, ore & uultu humano, reliquo corpore similes feris. auctor Corn. Tacit.

Tacitus .

Hæſſeni populi in occidentali Iudææ parte , uiuunt ſine fœmina , omni Venere abdicata , & ſine pecunia . Tanta libertatis ducuntur auditate , ut principem unum ſolumq; fateantur Deum . Speciem mortis nullam expaueſcunt . Cognatorum negligunt ſupplicia . Amicorum interitus non magnificiunt . Animas putant immortales , quas aiunt a corporibus abſolutas , rãquam e longa & graui ſeruitute , lætitiã perfundi maxima , & ferri ſublimis , ultraq; Oceanum degere in locis peramœnis , qui nulla infeſtantur intemperie .

Apud Hebræos lege cãuebatur , ne hoſtem inſepulcũ quidem relinquerent . Doctrina his fuit ſecretior , & quaſi diuinitas quædam , ut Moſis uolumina , & prophetarum uaticina docent .

Hirpiæ familiæ fuerunt . in Agro Phaliſcorum , quæ annuo ſacrificio , quod fiebat in Soracte monte , ſuper ambuſtã ligni ſtruem ambulantes non comburebantur ,

Hiſpani quondam oblectabãtur capillorum longitudine . Vnde Martialis . Hiſpanis ego contumax capillis . Crinem ſibi ſine ullo artifice formoſi quatiebant , non aliter quàm iuſſam generoſa animalia . Hiſtorici ſcribunt Hiſpanos inquit eſſe ingenio , auidoq; in nouas res . Olim hoſtem adoriebantur punctim magis , quàm cæſim . Propterea gladiis utebantur breuitate habilibus mucronatiſq; . Ibant in bellum in duti prætextis purpura tunicis , candore miro fulgentibus ,

Heptacomeræ , Barbari ſunt in Ponti regione , quorum nonnulli ſuper arbores degunt , alij in turribus .

Hircani , canes nutriunt quibus obiciunt mortuos . Veſcuntur uenatibus : abundant tigribus : teguntur ſeminibus ; plerique marinis muribus ſuſtentantur .

Homolotti , populi diſſecto in minimas particulas boue fœdus iungunt ,

Heniochi , populi in Ponto , gaudebant humanis carnibus ,

Halifones , Scythiæ populi ueſcuntur cæpe , lente ; allio , & milio .

Indi , uxores plurimãs habent . Apud eos lex eſt , ut uxor cariſſimã cum defuncto marito cremetur cum ueſtimentis



sendum præbet, præcurrunt cum argenteis turibulis ministri, qui uniuersum iter odoribus uaporant. Ipse autem gestatur lectica, margaritis hinc inde propendentibus. Lucet amictus auro & purpura. Lecticam muniunt corporis custodes, circumpendentibus auiculis, quas ad hoc imbuunt. Regia fulcitur auratis columnis, quæ nulla non hora pateat uolentibus. Vbi rex incumbit ornamento capitis, tunc admittuntur legationes, & redduntur populis iura. Si quando prodire uelit in uenationem, feræ leporariis inclusæ conficiuntur in conspectu meretricum. Si aliquanto longius eundum sit, meretrices ipsæ uestantur curru, quem ducunt elephantantes. Impudicis & prostitutis mulieribus uti solent, dū uolunt uacare genio. Itaque relictis domi uxoribus illas sibi asciscunt, non prolis, sed uoluptatis gratia. Vxores uerò adhibent in rebus honestis tantum, ubi scilicet, aut proli uacant, aut præter modum non lasciuunt, ne nimio luxu corrumpant, quas esse pudicas uolunt. Nec unquam permittunt geniales illas & liberas uoluptates coram uxoribus exerceri, quæ aliquam pudicitia iacturam asferre possunt. Vbi somni tempus accessit, regem uino grauem, dormientemq; eubiculo inferunt pellices, Diis noctium & tenebrarum patrio ritu aduocatis cum cantu. Filii senio confectos patres interficiunt, & eorum carnibus uescuntur, teste Herodoto. Matronæ celebres sunt pudicitia. oblato tamen elephantri precio, pudicitiam amatoribus substernunt, nullo inde præstoraæ famæ dispendio. Virgines quum esse nubiles cœperunt, in publicum à parentibus producuntur. Accurrente adolescentum multitudine datur illis optio deligendi sibi uirum ex tota iuuenum turba. Fœnus ignorant. Maximū opinantur nefas, uel iniuriam pati, uel facere. Proinde nulla illis syngrapha, nullum depositum. Quum quis ægrotat, familiares illum interimunt, ac demum epulantur. Nullam animantem occidunt. Nihil serunt, herba uisitant, domos parandas non putant. Coitus in propatulo est, sicut pecorum. Herod. lib. 5. cap. 5.

Iberi, iacula ferebant, multis hamis ferreis conferta. ferinis erant moribus. neque enim abnuebant ex lotio, quod intra cloacas diutius asseruatum esset, lauacra comparare:

retrimentis denique contusis dentifricia sibi, & coniugibus quærentes. Cubitabant humi. Res plurimas minimi faciebant, & avaritiæ studio semel tantum interdiu cibum capiebant. Erant & Hydropotæ. Vestibus utebantur pretiosissimis. Mortuis tot erigebant obeliscos, quot hostes interfecerant illi, dum uiuerent. Maleficiorum infamia laborarunt. Seruos mactabant, & inde concipiebant uaticinia. Mirandula in hymnis. Afflatus Lunæ seruos mactabat Iberus, Captiui & iugulo fundebat carmina uates.

Ionum mollieties quondam abiit in prouerbium. Primi ugenti, coronarumq; in conuiujs dandarum, & secundæ mensæ consuetudinem reppererunt. Hinc Horatius, Motus doceri gaudet Ionicos Matura uirgo.

Apud Iudæos quinquagesimo quoque anno debitæ relaxabantur pecuniæ, donabanturq; serui libertate. Quæ uilius uæniissent, redibant ad possesores.

Lotophagi, populi Africæ, uescuntur fructu arboris, quæ dicitur Lotos. Politianus in Nutricia: Nec faciles Ciconas, fortunatosque ciborum Lotophagos. Solebant hi populi suos defunctos in mare obicere, parum interesse asseuerantes, humo ne, an aqua, an igne dissoluerentur.

Læstricones, humana carne uesciebantur:

Himantopodibus, natura est serpendo ingredi.

Virgilius libro 9. de moribus Latinorum sic ait: Canitiem galea premimus, semperq; recentes Conuetare iuuat prædas, & uiuere rapto. Idem: Durum a stirpe genus natos ad flumina primum Deferimus, sæuq; gelu duramus & undis.

Leuci, populi Galliæ Belgicæ, & Remi fuerunt optimi iaculatores. Lucanus lib. 1. Optimus excusso, Leucus, Remusq; lacerto.

Lacedæmonii, summi bellatores, non cornuum tubarum uel signis, sed tibiarum modulis in prælijs utebantur, non ut excitarentur, aut euibrarentur animi, sed contra. ut moderatiores, modulatioresq; fierent: nihil in principiis præliorum ad salutem uirtutemq; aptius rati, quàm si permultis sonis mitioribus, non immodicè ferocirent. auctor Gellius furandi usum concedebant impunè, non ob turpia lucra,

neque ad sumptum libidini præbendum, comparandam uē opulentiam, sed pro exercitio, disciplinaq; rei bellicæ, quòd & furandi solertia, & assuetudo acueret animos adolescentium, & ad insidiarum astus, & uigilandi tolerantiam & obrepēdi celeritatem aptos, procliuesq; redderet. Regibus suis augures dabant assessores. Ante belli congressum Amori sacrificabant, quòd is unus uictoriam pariat. Lex erat, ut senes iam effœti, qui desperabant prolem, eligerent aliquē ex adolescentibus, eumq; ad uxores suas admitterent, & natum inde partum ut suum & legitimum educarent. Gerebāt in scitis suis Lambda litteram, insignoris notæ gratia. Solebant insupet liberorum suorum indolem experiri publicè uerberibus admotis, illosq; hortari, ut flagellorum ictus fortiter perferrent: item laceros, ac semianimes rogare, ut uulnera præberent uulneribus. Vnde Cic. Cretum quidē leges, inquit, itemq; Lycurgi, laboribus erudiunt iuuentutem, ut nando, currendo, esuriendo, sitiendo, algendo, æstuando. Spartæ pueri ad aram uerberibus sic accipiuntur, ut plerisque sanguis à uisceribus exeat. Nonnunquam etiam quum ibi essem, audiebam ad necem, quorum non modò nemo exclamauit unquam, sed ne ingemuit quidem. Litteras modò pro necessitate discebant: Reliquarū disciplina rum nihil omnino admittebant. Parebant honestè, labores constantissimè tolerabant, pugnando uincere uolebant aut interire. Furabantur impunè ex cibariis, quidquid uellēt. Sordidi tamen erant, & præparci omnes. Nam parua, & pretii propè nullius magnificiebant & admirabantur, ardebantq; auiditate pecuniæ. Erant & inhospitales: siquidem non omni tempore licebat peregrinis adire Spartam, sed præstitutis diebus. Quoscunq; plectendos censebant, noctu plectebant. auctor Herodotus. Præcones, tibicines, & coci in paterno succedebant artificio, & coquus ex coquo, tibicen ex tibicine, præco ex præcone gignebatur, omnesq; perseuerabant in paterno opere. Ex institutis Lycurgi sponsus noctu clam accedebat ad sponsam, extincto lumine, & cum ea quadam uelut religione timidus coibat, & uerecundus. Antequam rex pugnam iniret, sacrificabāt Mufis, quò & oratione & memoria in primis digna promerent



facinora.

Leprei populi deprehensos in adulterio, per triduum uinctos circa ciuitatem ducebant, mox toto uitæ tempore habebant contemptibiles. Adulteræ uerò mulieres diebus undecim in foro stare discinctæ cogebantur tunica perlucida circumuestitæ.

Lacones, breuissimi erant in sermone. propterea vulgi uerbum erat, Facilius multò esse philosophari, quàm Lacōnum sermonem imitari.

Lucani erant admodum iusti & hospitaes. Apud eos lege fuit sancitum, ne quis post occasum solis inuertentem hospitem exigeret. Quod si fecisset, agebatur reus, eiq; dicebatur multa.

Lusitani, apti erant insidiis. Inspectis humanis extis futura coniectabant. Dextras captiuorum præcisas offerebant numinibus. Erant Hydropotæ. Mitrati pugnam iniebant. Hircum habebant inter epularum delicias. Strabo libro 3.

Lydorum mulieres passim substratæ amatoribus, hospitali benignitate eosdem plerunque confouent, & pluribus afficiunt donis, quàm ipsæ accipiant: solos tamen condignos in fœdera turpitudinis admittunt. Priusquàm coniugium iniherent, seipsas prostituiebant: si post coniugium deliquissent, uenæ spēs nulla.

Lydi primi omnium caupones fuerunt & institores. Alexulsum, tesserarum & pilæ excogitauerunt. Mancipati fuerunt auguriis & diuinationum superstitionibus. Furaces erant adeò, ut non discerent, nisi re aliqua prius sublata. Fuerunt insuper molles & libidinosi, adeò ut non tantum noctu uacarent uoluptati Venereæ, uerumetiam in meridie lasciuirent, fœdum opus manibus peragentes.

Lesbii, fœdissimi fuerunt in Venereis, adeò ut ne capiti quidem parcerent. quam fœditatem excogitarunt ipsi, & in muliere experti sunt primi. Vulgò quoque malè audiuntur ob uanitatem. Lesbiani uerbum est irrumare, libidinari, & lasciuire, quod turpitudinem fellationis, & irrumationis, quæ per os agitur, primi inuenerint.

Libyci, quos in uenatione uel pugna elephantes attriue-

rint , magnificè sepeliunt , & hymnos concinunt .

Leontinos , Siciliae populos , quum expugnasset Phalaris , ademptis armis ad comotationes & uoluptates eos reiecit , ne rebellionem pararent . Hinc adagium , Semper Leontini iuxta pocula .

Lacyadæ , seu Placiadæ , populi Atticæ , raphanos in eorum pudenda membra impingebant , quos habebant adulterii compertos .

Lyræ , populi Scythiæ , uenatione uictitant hoc modo : Conscensis arboribus , quas habent frequentes , insidiantur feris . Singulis adest canis , & equus in uentrem cubare edoctus , humiliter subsidendi gratia . Vbi quis feram ab arbore uidit , sagitta percurit : percussam si fugiat , conscenso equo persequitur , comitante cane .

Massagetæ , Scythiæ populi , quum per deserta discurrunt , equorum suorum sanguinem cum lacte bibunt . Claudian . lib. 1. in Ruf. Et qui cornipedes in pocula uulnerat audax Massagetes . Seneca in Oed. Lactea Massagetes qui pocula sanguine miscet . Lucanus , Longaque Sarmatici soluens ieiunia belli . Massagetes quo fugit equo , uolucresq; Geloni . Senio confectos in frustra consecant . qui intereunt morbo , feris obiciuntur in prædam . Solem præcipuè uenerantur , cui equum immolant : reliquos deos habent neglectui . Singulis sua sunt coniugia , sed & cum alienis congressus , non tamen clandestini . Coeunt in propatulo . Morbo emori turpissimum putant . Clarent equestri & pedestri militia . Arma illis arcus , gladius , thorax , & securis ænea . Aureis cinguntur zonis , gladiis diadematæ cultis , habent & aurea equorum ornamenta . Argento carent , habent modicum ferri , quum ceteris metallis abundant . Insulares uictitant radicibus herbarum . Indumenta faciunt ex arborum libris . Potum succo pomis expresso . Piscibus etiam aluntur . Tegumenta corporum è phocarum coriis sibi consuunt . Filii senio confectos parentes interficiunt . Quum afficiuntur desiderio libidinis , suspensa ad plaustrum pharetra palam cum mulieribus sine pudore coeunt . Herod. lib. 2.

Marfi , populi in Italia , à Circes filio orti , uim habuerunt naturalem contra serpentes , & uenena : adeò ut eorum sali-

ua iſtæ ſerpentes, ut ſeruentis aquæ contactu fugiant. Gel-  
lius lib. 16. cap. 11. Gens, inquit, in Italia Marſorum orta  
fertur eſſe à Circes filio Marſo. propterea Marſis homini-  
bus ui quadam genitali datum, ut ſerpentium uirulentor-  
um domitores ſint, & incantationibus, herbarumq; ſuccis  
faciant medelarum miracula.

Mandi Indorum, locuſtis uiuunt. Trecentos habent ui-  
cos. Quadragenos non excedunt annos. Eorum ſœminæ ſe-  
mel tantum pariunt.

Meniſmini Æthiopix, uiuunt lacte Cynocephalorum,  
quorum armenta paſcunt, maribus interemptis, niſi ſobo-  
lis cauſa.

Myconii liguritores fuerunt, & alienæ appetentes meſæ.  
Hinc adagium: Myconius uicinus, in eum, qui non uocatus  
ad conuiuium accedit.

Mofini, populi Aſiæ Septentrionem uerſus, turres ligne-  
as ſubeunt. Notis corpus omne præſignant. In proparulo  
ueſcuntur. Promiſcuè Venerem exercent. Palàm reges de-  
ligunt, uinculisq; & artiſſimâ tenent cûſtodia.

Maſſyli, populi Libyæ, equos habent, quos uirga, non fræ-  
no gubernant. Martialis: Et Maſſylæum uirga gubernet e-  
quum. Lucanus lib. 4. Et gens quæ nudo relidens Maſſylia  
dorſo, Ora leui fleſcit, frænorum neſcia, uirga Maſſylien-  
ſes luxu perdiri, muliebrem in modum ornabantur, comis  
unguento delibutis, capillisq; religatis. Mulieres tamen  
erant Hydropotæ, ut in Milero factum eſt, & quondam  
apud Romanos.

Moloſſi, populi Epiri optimos habent canes uenaticos.  
Martialis lib. 12. Retia dum ceſſant, latratoresq; Moloſſi.

Mazax, populus prope Naſamones, periciſſimus eſt iacu-  
landi. Lucanus lib. 4. æquaturusq; ſagittas Mædorum, tre-  
mulum quot torſit miſſile Mazax.

Magnetes, populi Theſſaliæ, optimi ſunt equorum do-  
mitores. Lucanus: Et Magnetes equis Minyæ gens cogni-  
ta remis.

Mardi, Perſarum populi, ſpecus in montibus fodiunt,  
in quos ſe, coniuges, ac liberos conduunt. Pecorum & ſera-  
rum carne ueſcuntur. Ne ſœminis quidem pro nature habi-



tu molliora sunt ingenia . Comæ prominent hirtæ . Vestis est super genua , Funda uinciunt frontem . hoc & ornamentum capitis & telum est . Fuit hæc gens cultu uitæ aspera , & latrociniis assuetâ .

Macedonibus nullum fuit tam solemne militiæ munus , quàm suos sepelire . Eorum regibus lege cautum est , ne uictis hostibus trophæum erigerent . Lege cauebant eos capistro cingi , qui nullum hostem interfecissent .

Myi Deorum cultui adeò mancipati fuerunt , ut esitandis animalibus abstinerent . Viuebant melle , lacte , & caseo .

Myforum populus usque fuit uilis & contemptus , ut sequenti prouerbio locum fecerit , Myforum postremus . Finitimorum postea incursionibus malè uexabantur . Hinc etiam orta parçemia , Myforum præda , de his , qui impunè à quibuslibet læduntur ac diripiuntur .

Mœdis opera menta corporum sunt Tyara , Cytaris , Pileus , Manicata tunicæ , Anaxyrides , & Stola . Clarent equitandi solertia . Sagittas doctè excutiunt . Reges adorant . Regum est uxores multas sibi quærere , mulieribus decorû uiros habuisse complures . Paucitas deformat : & infelicitatis genus putatur , si quaternarium non excesserint . Qui ad Aquilonem uergunt , ex frugiferis arboribus alimenta sibi conquirunt , ex costis amygdalis panem conficientes : pomâ perficcant , teruntq; , inde conglobant in massas . Vino utuntur , quod ex certo radicum genere conficiunt . Vescuntur & ferarum carnibus . nam mitia pecora negligunt .

Mosynæci , populi è lignis desiliunt in peregrinos . assultatione sanguinaria .

Messienij , M litteræ nota se cognobiles præbebant . Lacedæmonij Messenios , quod iterum & iterum descuiissent , in seruitutem redegerûnt , eosq; durius etiam quàm reliquos seruos tractarunt , ne denuo res nouas molirentur . Hinc adagium . Seruiliior Messena .

Macæ summa capitis curiosius deradunt , relictis in medio capillis . quos succrescentes eadem cura detondent .

Machyles , populi Africæ , comam in occipitio conuertiunt , capillosq; decutiunt in sinistra parte . Minio linunt corpora , seq; à Trojanis prognatos fabulantur ,

# POPVLORVM DIVERSI

Olim Megarenſes malè audierunt, tanquam fraudulentis, ac ficti, quòd aliud ſentirent, aliud loquerentur.

Melancleni, populi in Scythia, nigris integuntur uestibus. ab eſu humanæ carnis non abſtinent.

Mendefij, populi Ægypti, capras & hircos uenerantur, & caprarios præcipuo afficiunt honore.

Monomeri populi ſunt ſeptentrionales ſingulis cruribus ſalcuatim currentes, uiuaciſſimæ pernicitatis auctor Gellus.

Numidæ, ſeu Nomades mapalia ſua plauſtris circūferūt: propterea uagi uocantur à Lucano lib. 4. Alueos nauium in uerſos etiam habuerunt pro tuguriis. Apud eos medius locus erat honoris locus, auctore Salluſtius. Lacte, ferina carne, & elephantis uſcuntur. Viuunt in tabernaculis. Omnis eorum uita occupatur in paſcendis gregibus. Equos regunt non fræno, ſed uirga. unde Virg. infrænos uocat Numydas. Sylius, Hic paſſim exultant Numidæ, gens inſcia fræni: Queis inter geminas per ludum mobilis aures, Quadrupe dem ſeclit non cedens uirga lupatis. Vxoribus perinde ac ſeruis utuntur. Nullas certas habent ſedes.

Nigroæ regem habent monoculum.

Norici, populi ſunt iuxta Pannoniam ferro nobiles. Martialis, Grato non pudeat referre uerſu Sæuo Bilbilin optimam metallo, Quæ uincit Chalybasq; Noricoſq; Et ferro Plateam ſuo ſonantem.

Neruii, Galliarum populi, uergentes in occidentem, Belgas quondam increpabant, quòd ſe populo Rom. dedidiſſent. Vnde à Lucano dictum eſt: Multumq; rebellis Neruius, & caſi pollutus ſanguine Cottæ.

Nafamones, populi Africæ, naues Sirtibus illiſas, ſpoliāt. Lucanus, Quas Naſamon gens dura legit, qui proxima ponto Nudus rura tenet, quem mûdi barbara damnis Syrtis alit: nam littoreis populator arenis Imminet, & nullos portus tangente carina Nouit opes. ſic cum toto commercia mundo Naufragiis Naſamones habent. Et Mantuanus lib. 1. de Cala. Naſamonum ſingulis adſunt uxores plures, cum quibus palam congregiuntur, prætento baculo. Nuptiali cœna diſcumbentium ſingulos adit noua nupta Veneris gratia.

Congrediuntur illi domo allatum donum contribuentes.  
Ad maiorum monumenta, futurorum scientiam aucupantur  
incubantes mabibus. Fidei sanctio maxima, idem sibi pro-  
pinasse poculum. Seditum habitu mortuos astituant, id-  
ipsum inter moriendum attendentes, ut sedentes expirent.  
In diuinationibus sua sequuntur somnia. In præstanda fide  
de manu alterius uterque sumpto poculo bibit. Quòd si de  
fuerit humor, collectum è terra cinerem lingunt.

Nabathæi dediti sunt cumulandis diuitiis. Apud eos mul-  
ta dicitur publicè iis, qui rem aliquo modo imminuerint.  
Crescentibus opibus augetur honos. Rara inibi seruitia.  
Ministris utuntur plurimum cognatis, uel sibi unusquisque  
minister est. In conuiuiis plura duodenis exicasse pocula  
ignominiosum est. Rex quandoque sibi & aliis ministrat.  
Vrbes habent nullis clausas mœnibus. Utuntur camelis  
equorum uice. Perfuncta fato corpora habent stercoreis lo-  
co. Regis cadauer in sterquilinum deiicitur. Sol illis sacra-  
tissimum numen.

Ophiogenes, populi sunt in Hellesponto, qui serpentum  
ictus contactu leuant, & manu imposita uenena extrahunt  
corporibus. Plinius lib. 7. cap. 2.

Pelusiota non comedunt carne. Capillum tondent sene-  
scente Luna.

Pyratæ Cilices olim uiuebant furto, & marinis latro-  
ciniis.

Phœnices magnam meruerunt laudem in inuentione si-  
derum, litterarum, naualiumque, ac bellicarum artium.

Pandæ, seu Pandæi, Indorum populi, soli regnantur for-  
minis.

Pamphagi omnia mandunt.

Psylli populi sunt Africæ, quorum corpori ingenitum fuit  
virus exitiale serpentibus, ex cuius odore sopirent eas.

Pygmæi sunt cubitales, infestantur a gruibus. Insiden-  
tes arietum caprarumque dorsis & sagittis armati, ueris tem-  
pore uniuerso agmine ad mare descendunt, & oua, pullos-  
que earum alitum consumunt. Ternis mensibus eam confi-  
ciunt expeditionem, aliter futuris gregibus non resisterent.  
Casas luto pennisque & ouorum putaminibus construunt.



permittitur . Quum Mithræ Deo diuina rex peragitur , saltat etiamnum . Equitare insuper , & saltare discunt , existimâtes , illum corporis motum robori plurimum conferre . Non prius potui & propinationibus indulgent , quàm se expleuerint cibo . Homines amant adunco naso , quod eiusmodi fuisse Cyrum regem prodant annales , Vbi licentius uolunt indulgere conuiuuiis , non uxores , uerùm pellices admittunt . Cum regibus legitimæ mulieres ad mensam accumbunt , & unâ comessantur . at quum lasciuire uolunt , meretriculas adhibent . Qui regis filius regno succedit , eius natalem quicumque in regno sunt , celebrant , simulque in posterum quotannis eâdem lucem sacris & festis uniuersa Asia prosequitur . Omnes ferè sunt subnigri , uel liuido colore pallentes , caprinis oculis toruis , & superciliis repandis , non indecoris barbis , capillisq; prolaxis hirsuti . Omnes promiscuè uel inter epulas festosq; dies gladiis cincti cernuntur , Pro opibus quisque asciscit sibi matrimonia plura , uel pauca . Nemo post satietatem superfluos accipit cibos . Abundant inanibus uerbis , magnifici , graues & tetri , minaces iuxta in aduersis rebus & prosperis , calidi , superbi , crudelēs , uitæ necisque potestatem in seruos & plebeios uendicantes . Cutes uiuis hominibus detrahunt . Nec ministranti apud eos famulo hircere licet , uel loqui , uel spuerē . Ingratos ante omnia seuerissimè puniunt . Ad iudicandum , usu rerum spectari , & alienis non indigentes consiliis , destinantur . Utuntur armillis & monilibus aureis & gemmis , præcipuè margaritis . Fœminarū mira pulchritudo . Nihil apud eos pingitur uel fingitur , præter uarias cædes & bella . Liberos instituunt , ut non nisi uera loquantur , & à mendacio abstineant . Mentiri turpissimum putant . Regi non licet quempiam interficere . Ab infantia utuntur pileis & tyariis . Vnde & fragilia habent capita . Corruptissimi fuerunt luxu & deliciis , &c . Qui plura de Parthis scire uolet , petat Herodot . & Cælium cap . 2 . lib . 5 .

Pictones uberimos calce agros quondam fecere . Plinius .

Paramedecidæ , agreste hominum genus , Bactrianis ad occidentem coniuncti sunt . Tuguria latere primo struunt in montibus , foramine supernè relicto , unde lumen accipiunt .

Altis præmuniuntur niuibus .

Pharisei deliciis & mollitiei minimè indulgebant. Prosequerantur quod dictabat ratio. Maiores natu uenerabantur, ut ne uerbo quidè læsos uellent. Fato geri omnia credebant; neque tamen liberi arbitrii potestatem auferebant. Iudicium Dei futurum sentiebant . nam & animas fatebantur immortales : bonas aiebant migrare in aliena corpora , malas trāsmitti ad æterna supplicia. Tantam suæ uirtutis concitarunt opinionem , ut numerosi populi multitudo ad eos uidēdos conflueret . Dicti sunt Pharisei ab instituto uitæ , quòd à ceteris abiuncti purissimè uiuerent . nam Phares Hebræorum idiomate interpretatur segregatio. Quiescebant in angustis tabulis , aut etiam spinis , uel lapidibus , ad comprimendas corporis titillationes. Decalogum scribebant in membranis , legebantque in fronte . Hæc Cælius ex Philonis commentariis .

Phaselitæ populi in Pamphilia pisciculos salso diis immolabant , & Cabro Deo salsamentis rem peragebant diuinam .

Pariani, populi in Hellesponto , Amorem inter Deos uenerantur .

Pedali, Indorum populi , nihil in sacrificiis aliud à diis petebant , quàm iustitiam , arbitrati se omnium rerum compotes futuros , si eam consequerentur .

Pannonii feroces fuerunt , & idonei bello. Ausonius, Armiferis alui quos ego Pannoniis. Et alibi , Saluere Augustū iubeo , natumq; patremq; Imperiis grauidas qua seco Pannonias . Mira fuit eius gentis in uictu lautitia . Omnes cuiusq; ætatis culinariam norunt artem . Auidissimi erant audiendi , studendi non ita . Vestium in patria neglectus , alibi non ita erant negligentes .

Pontici populi aduersus frigoris iniuriam braccis utebantur . Ouidius , Pellibus & laxis arcent mala frigora braccis .

Phigalei , qui Messeniis adiacent , uino adeò gaudent , ut non alibi , quam in cauponis habitent , hospitibus domos eloquentes cum uxoribus . Hostilis tubæ ne in somno quidem sonum perferunt .

Quodam tempore quum in Pſyllorum finibus Auſter per quàm ualidus & diuturnus flauiffet, eoq; flatu uniuerſa eorum aqua exaruiſſet, dolote moti conſtituerunt ulciſci inuſſam illam. Propterea communi edicto omnes ſumptis armis in Auſtrum perinde, quaſi hoſtem, iure belli profeſti ſunt. Atque ita profeſtis uentus magno ſpiritus agmine uenit obuiam, & uniuerſos cum omnibus copiis, armisq; cumulis arenarum & montibus operuit. eaq; ruina omnes ad unum perierunt. auſtor Herodotus.

Romæ in publicum egredi togatæ cogebantur mœchæ.

Rhodienses ſacrificium quoddam peragebant, ubi res iurgis, & uerbis malè ominatis peragebatur. Quum Dianæ Lydiæ ſacrificabant, dies aliquot apud aram deæ conuiuia prorogabant, atque inibi perpetuò manebant.

Rhegini ignaui fuerunt in rebus bellicis, animiq; præpauidi. Hinc adagium, Rheginis timidior.

Seres, populi orientales, ex ſuis arboribus depeſcunt lanas tenuiſſimas, quas Bombyces uermiculi aranearum inſtar conſciunt ex tenuiſſimis filis. Virg. libro 2. Geor. Velleraq; ut foliis depaſcant tenuia Seres. Auſonius; Iam pelago uolitat mercator ueſtiſſus Ser. Seneca, Quæ Phœbeis ſubditus Euris, Legit Eois Ser. arboribus. Idem, Et quocunq; loco iacēt Seres uellere nobiles. Iuſtiſſimi ſunt, & ducentiſimum uitæ annum excedunt. Rutilas habent comas, oculos cæruleos. Frugaliffimi ſunt, & pacatoris uitæ cultores, uitantes reliquorum mortalium cœtus. Aduenis illuc euntibus ad emenda ſila, nulla ſermonum uice, rerum pretia ſolis proponunt oculis. Nihil ipſi comparant ad ueſtitium. De his Martianus Capella, Seres, inquit, undis aſpergunt arbores ſuas, ut lanugo, quæ Sericum creat, poſſit admitti. Aliarum gentium homines aſpernantur ac reſugiunt.

Scythæ, populi domos habent uolubiles in pluſtriis. Horatius libro 3. Carm. Campeſtres melius Scythæ, quorum pluſtra uagas ritè trahunt domos, Viuunt. Vnde & Lucanus eos errantes uocant libro 3. ubi ait: - tinxere ſagittas Errantes Scythiæ populi. Duodenoſ dies durant in ſame & ſiti, uirtute cuiuſdam herbæ quæ uocatur Spartania



Strepunt equitatus gloria. Quum uident se magnopere in-  
 dultisse potui, arcuum chordas pulsare consueuerunt, ut dis-  
 solutum uoluptatibus animum ad pristinam continentiam  
 reuocent. Vescuntur humanis carnibus. Hospites immo-  
 lant, intersectorum caluarias habent pro pateris. Vtru-  
 tur acie cuneata. Albi sunt, & animosi, propter, frigidissi-  
 mam regionem, quam inhabitant. Solent inter epulas ho-  
 norum causa mortuos uocare. Sagittarum aciem tingunt ui-  
 perina sanie, & humano sanguine, ad irremediabile nocu-  
 mentum. Captas autem uiperas, ubi iam perierunt, diebus  
 aliquot sinunt liquefcere; mox ubi satis computruerunt, in  
 ollam sanguinem hominis unius totum infundunt, adobru-  
 untque sterquilinio, uase diligenter obturato, ubi uero san-  
 guis ipse contabuit, eximunt, & saniei uiperinx commi-  
 scent. Scythorauri furtorum licentia uictum solent sibi com-  
 parare. Aduenas cadunt hostiarum loco. Scytharum plerif-  
 que communia sunt omnia, præter ensen, & cyathum. V-  
 xores ite & liberi sunt inter p̄miscua. Simplicissimi fuerunt  
 olim, & æquitatis obseruantissimi. eò demum improbitatis  
 peruaferunt, ut cunctis, ad quos accederent, nares præcide-  
 rent. Iracundi sunt. Peculiare est iis & Sarmatis, manibus  
 defuncti uiri uxores interficere. Pabulo & pecori, non ar-  
 uo student. Tympana ex corio curribus suis alligant, hiemi  
 & imbribus defendendis. Amiciuntur ferarum pellibus.  
 Furta maximè execrantur, ut qui communia habeant omnia  
 & immunita. Ebrietas plus nimio frequens est. Hinc Scy-  
 thisillare uerbum, est inebriari. In solemnibus conuiujs cir-  
 confertur ingens patera, quam nulli accipiunt, nisi qui ex  
 hostibus aliquot interfecerunt. Nullas habent urbes, nulla  
 moenia extructa. Domos secum ferunt singuli. Viuunt ex  
 pecoribus. Simulacra, aras, & delubra non putant facien-  
 da, præterquam Marti. Inopes sunt lignorum. propterea  
 quum pecudes excoriant, ossa quoque carnibus denudant,  
 & succensis ossibus carnes coquunt. Sues nolunt alere. In  
 bello, quem primum uirum ceperint, eius sanguinem potat.  
 Quosunque in prælio interemerint, regi offerunt. Ab-  
 lato enim capite sunt participes prædæ, quam arripuerint.  
 Hostium homicidas in magno habent honore. Qui nihil  
 præclari

præclari operis ediderunt, afficiuntur probro. Abundant uaticinatoribus, qui cum uirgis diuinant. Quum rex aliquos afficit morte, omnes simul liberos interficit, illæsis feminis. In faciendis fœderibus uinum sanguine mistum epotant. Regi nullus uenalicus ministrat. Eo mortuo quinquaginta ministrorum eius strangulantur, ac totidem præstantissimi equi,

Sauromatæ, seu Sarmatæ, qui sunt inter Borysthenem & Istrum, uagi sunt, & mutant domicilia. Statius lib. 5, Syl. An iuga Pannoniæ, mutatoresq; domorū Sauromatas quaties? Sanguinem equinum permisto potant lacte. Tanta sunt barbarie, ut pacem non intelligant. Promissa sunt barba & longis capillis: propterea uocantur intonsi. Seneca, Intonsis teritur qua uia Sarmatis. Inepti sunt, ad pedestrem pugnam auctore Cornelio Tacito.

Sicambri Germaniæ populi ad utranque Rheni ripam habitantes flauos habent capillos, quos, ubi satis creuerunt, quodam artificio in nodum complicant. Martialis lib. 1. Crinibus in nodum tortis uenere Sicambri. Claudian, Flauam sparsere Sicambri Cæsariem.

Siculi pollent acumine, & uasritia. propterea Maternus eos acutos uocat, & Apuleius libro 11. Trilingues. unde Sicilistare uerbum Plautinum, est astute loqui.

Satyræ nihil habent moris humani, præter figuram. Hirtili sunt, & uillofi toto corpore, gaudentq; sylvarum latebris, & hominum commercia refugiunt.

Suani gentes indomitæ auri tantum metalla fodiunt.

Sabæi ditissimi sunt sylvarum fertilitate odorifera, auri metallis, agrorum rigui mellis, cæræq; prouentu. corpora defunctorum non pluris faciunt, quàm stercore. quin etiam reges ipsos inter sterquilinia reiciunt.

Sarbotæ, populi Æthiopiæ ex Africæ parte, dicuntur esse octonum cubitorum.

Sciopodes in maximo æstu humi iacentes resupini, umbra pedum se protegent.

Soritæ Indorum piscibus uiuunt, quos unguibus dissectos sole torrent, & ita panem ex iis faciunt.

Sybaritæ, populi Calabriæ, deliciis & uoluptatibus adeo

Indulserunt, ut luxuriosa omnia dicerentur Sybaritica. Hinc Sybariticus luxus, & Sybaritici libelli, id est impudici. Cōuiuia celebraturi anno prius per uocatores fœminas inuitabant, quò luxu, roseis gemmis, auro, unguentis, & uestibus exquisiti impendii cultæ, omnium ora in se conuerteret. erant & fastu præurgidi. hinc adagium, Sybaritæ per plateas. Artes, quæ sono constant, à ciuitate reiciebāt, ne qua ratione interPELLARETUR quies. quin gallos quoque in urbe nutriri nolebant, Habebant in deliciis exigua statueræ homunculos, & catellos. Diuites si quando rusticarum ire uellent, curru uehebantur adeò lentè, ut diurnum iter tribus uix diebus conficerent.

Sardi, seu Sardiāni, uenales olim pronuntiabantur, quum quis ludos ederet in capitolio. hinc adagium, Sardus uenalis.

Solebant Sueui Germaniæ populi obliquare crinem, nodoq; substringere. principes habebant ornatiorem capillum quam plebei. Quosdam eorum mores describit Pontanus lib. 5. de stellis dicens: Heluetij, Vlsipetesq;, atque effera corda Sueui, Quis unum prædæ studium, ac durare sub ipsis Corpora fluminibus, teloq; assuescere dextrâ: Non urbis, non cura domus, agri ue colendi: Venatu ducunt uitam, atque è lacte liquente: Et quod Marte sibi spoliato ex hoste pararint Bella placent, fususq; hostili è corpore sanguis.

Sabarcæ Indorum regebantur populi, non regum imperio. auctor Curtius.

Sadducçi dicebant mortalem esse animā, simulq; cum corporibus interire, Fatum negabant. Deum constituiebant extra omnem mali patrationem, inspectionemq;.

Apud Indos duò erant Gymnosophistarum genera, Samarei, & Brachmanes: Samarej pomis, oryza, aut farina tantum alebantur. Rex eos colebat ut deos, illorum precibus pacem regno conciliari existimās. Existimabant animā esse in seruitute, quandiu concludebatur corpore; liberā uerò ubi separata esset: propterea uoluntariam plerunque mortem oppetebant. Hos domestici beatos existimabant: eos uerò, qui superessent, desolebant ut infelices.

Syri leues sunt, & rebus nouandis magnopere procliues,



Ludis præterea celebritatibusq; dediti. Perunguntur oleo precioso, & linuntur unguentis. Maximam diei partem in concœnationibus absument & potu. Masculi à XIII. anno Fœminæ à XI. usque ad LXV. tributo obligantur. Fortunâ colunt. Proni sunt in cachinnos, & scommata. Diuino cultui satis dediti. Vnde Statius lib. I. Syl. Quod ramis pia germinat Damascus. Operosissimi sunt in hortis. Hinc adagium Multa Syrorum olera. Nec caruerunt mollitiei. nota. Hinc Syrisflare uerbum, est molliter uiuere.

Sogdii, populi prope Bactrianos, læti ad mortem festinant, alacri etiam corporis motu.

Sabinorum sacerdotes æneo cultro tonderi solebant.

Apud Sardos parentes senio cōfecti fustibus cædebantur à filiis, & mox contumulabantur. turpe siquidem putabant multo senio cōfectum superesse diutius. Magistratibus cogebantur ratiocinari, unde uiuerent.

Herodotus ait Selenetidas mulieres oua parere, indeque nascentes homines quinquennes decies esse nobis ampliores.

Ætate beati Hieronymi Scoti uestiebantur humanis carnibus. & quum per syluas porcorum greges, & armentorū reperirent, tamen pastorum nates, & fœminarum papillas solebant abscindere, & has solas ciborum delicias arbitrari. Idem nullam propriam habebant coniugem, sed pro libidine more pecudum lasciuiebant.

Sarabaytæ sacerdotes Ægypti habitabant in foraminibus petrarum. induti porcorum & boum pellibus, cincti funibus, discalceati, & sanguine cruentati. cauernis demum exeuntes paupertatem & abstinentiam prædicabant, & barbam spectante populo sibi peruellebant, nummisq; tali astu & commento adeptis, remeabant in suas speluncas, & in summa lætitia furtim dapibus epulabantur.

Siracusani olim erant opibus florentissimi, uoluptatibusque ac deliciis addictissimi. unde & Syracusana mensa tranfit in prouerbium.

Sarracenorum mores sic describit Ammianus Marcellinus: Omnes, inquit, pari sorte sunt bellatores seminudi, coloratis sagulis puberenus amicti, equorum adiumento

perniciū , graciliūq; camelorum per diuersa reptantes in tranquillis uel turbidis rebus. nec eorum quisquam stituā apprehendit , uel arborem colit , aut arua subigendo quæritat uictum . sed errant semper sine lare , sine sedibus fixis , aut legibus. Vita est illis semper in fuga, uxoresq; mercenariæ , conductæ ad tempus ex pacto . Atque ut sit species matrimonii , dotis nomine futura coniux hastam & tabernaculum offert marito . Ita autem quoad uixerint , latè uagantur , ut alio loco mulier nubat , alio pariat , liberosq; procul ducat , nulla copia quiescendi permissa. Victus uniuersis caro ferina est, lactis abundans copia , herbæ multiplices , & quæ per aucupium capi possunt , uolucres .

Scriptorini perpetuis ferè niuib. rigent , crudisq; ferarum carnibus uescuntur , quarum pellibus indumenta sibi conficiunt , auctor Paulus Diaconus .

Olim Spartani sustulerunt omnem usum auri & argenti ex Lycurgi instituto , ferrūq; prætulerunt nummo ex eadem materia percussio .

Sigynnæ populi Scythiæ equos habent toto corpore hirsutos , pusillos tamen & gestandis uiris inualidos , sed iuncti currui perniciosissimi sunt .

Samij gymnasium Amori nuncuparunt , institutis sacris , quæ uocantur Eleutheria .

Apud Sotianos , Gallorum populos , rex sexcentos apud se habebat ex prudentioribus , qui regi ipsi conuiuiebant , & commoriebantur uolentes adeo , ut non sit inuentus , qui periculum subter fugeret .

Trogloditæ populi specus excauant , quas habent pro domibus . Victus illis serpentum carnes , stridor non uox , adeo sermonis commercio carent . Assidui sunt in uenationibus , & mira clarent uelocitate : nam super Æthiopiam uelociorēs sunt equis .

Incolæ Taprobanes insulæ ædificia habent modicè ab humo extantia ; item aurum , & argentum , & marmor testudinis simile ; preterea gemmas , & margaritas præcipuè bonitatis . Apud eos annona nunquam augetur . neq; sunt fora , neque lites . Herculem colunt . Populus regem eligit , senectâ , clementiaq; uenerandum , & liberos non habentem .

Et si postea gignat, abdicant, ne fiat hæreditarium regnum. Rectores ei dant xxx. nec nisi multorum sententia quisquā dānat capite. Appellatio est ad populū. Rex si delinquit, morte multatur, nullo interimente, sed auersantibus cunctis, & commercia etiam sermonis negantibus. Agros diligenter colunt: pomis abundant. Voluptas est in piscatu, testudinū maximè, quarum superficie domos incēgunt. Vita hominū centum annis modica.

Tonemphox canem habent pro rege, motu eius imperia augurantes.

Thraces calculos colore distinctos pro experimento cuiuscunque diei in urnam condunt, ac supremo die separatos dinumerant, atque ita de unoquoque pronuntiant. Feruntur esse tam fragilis memoriæ, ut quaternarium numerando non possint excedere. Utuntur acie cuneata. Bellicosi sunt. unde & Martem natum apud eos fabulantur poetæ. Vino se largius ingurgitant. Liberos in mercato uenundant. Virgines non asseruant, sed quibus libuit uiris concumbere permittunt. Vxores seruant uehementer, easq; à parentibus coernunt. Punctas notis esse frontes, nobile iudicatur: non esse notatas punctis, ignobile. Ociosum, esse, habetur pro honestissimo: agricolatorem, pro contemptissimo. Spoliis bellicis, & rapto uiuere pulcherrimum. E diis colunt Martem, Liberum, Dianam. Reges etiam Mercurium, per quē solum iurant, & à quo progenito se aiunt. Ad magnatum cadauera mactatis prius hostiis conuiuantur, priusq; deflent, deinde combusta sepeliunt, aut aliter humo contegunt. Aggesto insuper tumulo uarii generis certamina proponunt, præcipuè monomachiam, id est singulare certamen.

Tentyritæ, seu Tentyri, solo aspectu & olfactu fugant crocodilos.

Tapyri populi sunt in Parthia, qui uxores suas aliis uiris concedunt, quum ex eis duos aut tres liberos susceperunt. Vino perinde ac unguento oblinuntur. Iustitiam obseruant. Strabo libro ii.

Tibareni, populi Scythiæ in Asia, quos amant, senio confectos suspendunt in patibulis. Iustissimi sunt, nec prius bello congregiuntur cum aliquo, quàm diem, locum, ho-



## A R G V M E N T A

ram hosti ex fide denunciauierint . Si quando inibi pepere-  
rint mulieres , uiri uelut ægritudine simulata in lectulis de-  
cumbunt , ut puerperæ , hisq; iacentibus præministrant uxo-  
res . Lusum amplexantur ac risus , quod in iis maximam feli-  
citatæ partem arbitrentur esse constitutam .

Templarii hæretici fuerunt in Solymis ciuitate anno M.  
xxx. post imperium Augusti . Frequentes , & assidui uersa-  
bantur in templis , unde tractum nomen . Simulacrum habe-  
bant summo factum artificio , cui hominis cutem super indu-  
xerant , & binos præfulgentes carbunculos sub ipsa fronte  
collocauerant , qui promicabant oculorum uice . Huic au-  
tem simulacro sacra faciebant . Morientium præterea cada-  
uer in cineres adactum cæteris in potum conferebant , qua  
potione firmiores & constantiores se futuros putabant . Bos  
uerò , qui ex Templari uirginisq; coniugio fuissent nati , sub  
iecto igne torrebant , simulq; ex humore deliquato suum  
perungebant simulacrum , quod maiorem probarent religio-  
nem . Tenebantur amore masculorum sædissimo . Damnatis  
sunt tandem in Viennensi concilio , & concremati , quot-  
quot reperi sunt .

Apud Thrausos populos Thraciæ edito puero . propinqui  
assistentes lugent , miserias huius uitæ recensentes , quas  
passurus sit infans ille . Hominem fato functum per lusum  
& lætitiâ terræ mandant , referentes quot malis liberatus  
sit ille . Multas habent uxores . quæ si contingat uiro homi-  
nem exuere , cæratim contendunt eius mortem sequi .

## A R G V M E N T A A B I M P O S S I B I L I , ex diuersis poetis .

Virgilius Æcloga prima .

**A**Ntè leues ergo pascentur in æthere cerui ,  
Et freta destituent nudos in littore pisces ,  
Antè , pererratis amborum finibus , exul ,  
Aut Ararim Parthus biber , aut Germania Tygrim .

Idem Æcloga 8.

Iungentur iam Gryphes equis , æuoq; sequenti  
Cum canibus timidi uenient ad pocula damæ .

Idem in Battarum .

Antè lupos rapiunt hædi , uiculi antè leones ,  
Delphini fugient pisces , aquilæ antè columbas ,  
Et conuersa retrò rerum discordia gliscet .

Idem ibidem .

Pallida flauescant æstu sitientia prata ,  
Immatura cadant ramis pendentia mala ,  
Desint & syluis frondes , & fontibus humor .

Idem ibidem .

Flectite currentes nymphas uaga flumina , retrò  
Flectite , & aduersi rursus diffundite campis ,  
Incurrant amnes passim remeantibus undis .

Idem ibidem .

Dulcia amara prius fient , & mollia dura ,  
Candida nigra oculi cernent , & dextera læua ,  
Migrabunt casus aliena in corpora rerum .

Ouidius lib. 13. Metamor .

Antè retro Simois fluet , & sine frondibus Idæ  
Stabit , & auxilium promittet Achaia Troiæ .

Idem libro 14 .

-Prius inquit in equore frondes  
Glaucus , & in summis nascuntur montibus algæ .

Idem libro 15 .

Definet antè dies , & in alto Phobus anhelos  
Æquore tinget equos . Idem lib. 1. de Ponto ,  
Nam prius incipient turres uitare columbæ ,  
Antra feræ , pecudes gramina , mergus aquas .

Ouidius lib. 2. de Ponto .

Longa dies citior brumali tempore , noxq;  
Tardior hyberna solstitialis erit .  
Nec Babylon æstum , nec frigora Pontus habebit ,  
Calthaq; Pæstanas uincet odore rosas :  
Quàm tibi nostrarum ueniant obliuia rerum .

Idem in eodem .

Cinyphiæ segetis citius numerabis aristas ,  
Altaq; , quàm multis floreat Hybla thymis ,  
Et quot aues motis nitantur in aere pennis ,  
Quotq; natent pisces æquore , certus eris .

Idem in eodem .

# A R G V M E N T A

Nam caput è nostra citius ceruice recedet,

Et patiar fossis lumen abire genis.

Idem in eodem.

Nominis antè mei uenient obliuia nobis.

Idem lib. 4. de Ponto.

Nam prius umbrosa carituros arbore montes,

Et frera ueliuolas non habitura rates,

Fluminaq; in fontes cursu reditura supino,

Gratia quàm meriti possit abire tui.

Idem in eodem.

Et prius hinc nobis nimum contèrminus Ister,

In caput Euximo de mare uertet iter.

Vtq; Thyestæ redeant si tempora mensæ,

Solis ad Eos currus agetur aquas.

Idem in eodem.

Sed prius huic desint & bellum, & frigora terræ,

Inuisus nobis quæ duo Pontus habet.

Et trepidus Boreas, nec sit præfrigidus Ister.

Idem in epistola Oenonies ad Paridem.

Ad fontem Xanthi uersa recurrit aqua.

Idem in epistola Helenæ.

Terra precor uultus obruat antè meos.

Idem libro 1. Elegiarum.

Antè uel à membris diuidar ipse meis.

Idem lib. 1. de Arte.

Vere prius uolucres taceant, æstate cicadæ,

Mænalius lepori det sua terga canis.

Idem in Ibin.

Desinet esse prius contrarius ignibus humor,

Iunctaq; cum Lunâ lumina Solis erunt,

Parsq; eadem cæli Zephyros emittet & Euros,

Et tepidus gelido flabit ab axe Notus,

Et noua fraterno ueniet concordia fumo,

Quàm uetus accensa separat ira pira.

Et uer Autumnus, Brumæ miscabitur Æstas,

Atq; eadem regio uesper & ortus erit.

Idem lib. 1. Tristium.

Spiritus hic uacuas prius extenuandas in auras



Ibit, & in tepido deferet ossa rogo .

Idem lib. 4. Tristium .

Vere prius flores , æstu numerabis aristas ,

Poma per autumnum , frigoribusq; niues .

Idem lib. 5. Tristium .

Canæ prius gelido desint absynthia Ponto ,

Et careat dulci Trinacris Hybla thymo ,

Immemorem quàm te quisquam conuincat amici .

Lucanus lib. 1.

Omnia mistis

Sidera sideribus concurrent , ignea pontum

Astra petent , tellus extendere littora nolet ,

Excutietq; fretum . fratri contraria Phœbe

Ibit , & obliquum bigas agitare per orbem

Indignata , diem poscet sibi , totaq; discors

Machina , diuulsis turbabit fœdera mundi ,

Horatius lib. 1. Carminum .

Sed prius Appulis

Iungentur capræ lupis . Idem in Epodo .

Priusq; cælum fidet inferius mari

Tellure porrecta super . Idem ibidem .

Simul imis saxa renarint uadis regnata .

Propertius lib. 1.

Nulla prius uasto labentur flumina ponto ,

Annus & inuersas duxerit antè uices .

Idem lib. 2.

Nam citius paterer caput hoc discedere collo .

Idem in eodem .

Terra prius falso partu deludet arantes ,

Et citius nigros Sol agitat equos .

Fluminaq; ad caput incipient reuocare liquores ,

Aridus & sicco gurgite piscis erit .

Idem lib. 3.

Flamma per incensas citius sedetur aristas ,

Fluminaq; ad fontis sunt reditura caput ,

Et placidum Syrtis portum , & bona littora nautis .

Præbeat hospitio sæua Malea suo . Idem lib. 3.

Tu prius & fluctus poteris siccare marinos ,

Altaq; mortali deligere astra sono .

Perlius Satyra 5.

Sambucam citius caloni aptaueris alto .

Iuuenalis Satyra 10.

Promptius expediam, quot amauerit Hippiæ mœchos ,

Quot Themison ægros Autumno occiderit uno ,

Quot Basilus socios , quot circumscripserit Hylus

Pupillos , quot longa uiros exorbeat uno

Maura die , quot discipulos inclinet Amillus ,

Percurram citius quot uillas possideat nunc ,

Quo tondente grauis iuueni mihi barba sonabat .

Statius lib. 13. Sylvarum .

-Hybernos citius numeraueris imbres,

Sylvarumq; comas.

Idem lib. 15. Sylvarum .

-Potius fugientia ripas

Flumina deuincas , rapidis aut ignibus obstes ,

Quam miseros lugere uetes .

Statius lib. 17. Theb.

Antè hæc excusso frondescet lancea ferro ,

Inachus antè retro nosterq; Achelous abibunt .

Idem lib. 8.

-Citius me fulmina contra

( Infandum ) ruere , & magno bellare parenti

Aspiciat .

Idem lib. 3. Achill.

Sed pater antè igni , feroq; excisa iacebit

Scyros , & in tumidas ibunt hæc uersa procellas Mœnia .

Claudianus in cons. Manlij Theodori .

Promptius imponam glaciali Pelion Ossæ .

Idem de uictoria Stiliconis in Allaricum

Irriget Ægyptum Tanais , Mæotida Nilus ,

Eurus ab occasu , Zephyrus se promat ab Indis ,

Caucaseisq; iugis , calidoq; nigrantibus Austro

Gerulas Aquilo glacie constringat arenas .

Idem de consulatu Probi ,

Antè dabunt hyemes Nilum , per flumina damæ

Errabunt , glacieq; niger damnabitur Indus .

Antè Thyestæis iterum conterrita mensis

Intercisa dies refugos uertetur in ortus .

Pamphilus Saxus Elegia 12 .

Sidera quum radios spargent tellure sub ima ,

Aera quum piscis , quum colet æquor auis .

Quum ceruus pavidus Massylla per arua leones

Pellet , hyems tepidi tempore ueris erit .

Stroza pater lib. 1 . Eroticon .

Ergo prius tellus alimentâ negauerit orbi ,

Et nouus Hesperio surget ab axe dies .

Antè Pado Tagus , atq; Arhesi miscebitur Ister .

Idem lib. 5 . Eroticon .

Ergo Scylla prius , Scyllæq; aduersa Carybdis ,

Præbuerint fessis puppibus hospitium .

Antè suo Nereus gelidas admiserit Arctos

Æquore , terra polus fiet , & ignis aqua .

Mutatæ prius accipient noua corpora formæ .

Seneca in Hercule furente .

Prius extinguet ortus , referet occasus diem ,

Pax antè fida niuibus & flammis erit .

Et Scylla Siculum iunget Ausonio latus ,

Priusq; & multò uicibus alternis fugax

Eurippus unda stabit Euboica piger .

Idem in Thyeste .

- Æthereas prius

Perfundet Arctos pontus , & Siculi rapax

Consistet æstus unda , & Ionio seges

Matura pelago surget , & lucem dabit

Nox atra terris , Antè cum flammis aquæ ,

Cum morte uita , cum mari uentus fidem

Fœdusq; iunget . Idem in Thebaide

- Ipsa se in leges nouas

Natura uertet , Regeret in fontem citas

Reuolutus undas amnis . Et noctem afferet

Phœbea lampas , Hesperus faciet diem .

Idem in Hippolyto .

- Ignibus iunges aquas ,

Et amica ratibus antè promittet uada



Incerta Syrtis , Antè ab extremo sinu  
Hesperia Tethys lucidum attollet diem ,  
Et ora damis blanda præbebunt lupi .

Idem in Oetæo .

Iungentur antè sæua sideribus freta .  
Et ignis undæ , tartaro tristi polus ,  
Lux alma tenebris , roscidæ nocti dies .

Idem in Hercule Oetæo .

- Ante ab occasu dies

Nascetur Indis , antè glaciale polum  
Scythas ue tepida Phœbus afficet rota .

Idem .

Descendat astris Luna desertis licet ,  
Et bruma messes uideat , & cantu fugax ,  
Sit deprehensum fulmen , & uersa uice  
Medius coactis fugerit stellas dies .

Idem ibidem .

Antè nascetur seges in profundo ,  
Vel fretum dulci resonabit unda ,  
Antè descender glacialis ursæ  
Sidus , & ponto uetito fruetur .

Idem ibidem .

Mutetur orbis , uallibus currat nouis  
Ister , nouasq; Tanais accipiat uias .

Erasmus in adagiis

Acanthida uincet Cornix .

Carphurnius apud eundem .

Astyle credibile est , si uincat acanthida Cornix  
Vocalem , superet si turpior ædona bubo .  
Prius testudo leporem præuerterit .

Calentius lib. 1. Eleg.

Antè per ignotos errabunt sidera fluctus ,  
Pascenturq; leues æquora lata boues .  
Antè à squamiferis habitari piscibus æquor  
Desinet , antè freto currere curua ratis .

Antè polo similis populis insidiabitur , antè  
Proximus in uetitas corruet anguis a quas .

Pontanus lib. 1. de Stellis .

Sed prius Herculei torrentia sidera monstri  
 Solstitio uicina domus , locaq; edita cæli  
 Diffundent terris hyemem glacialibus Euris ,  
 Antè & conspicui summo de cardine mundi  
 Flaua Lycaonio surget Palantias axe ,  
 Atque diem auerso subteruehet auster olympo ,  
 Stabant & cæli septem labentia signa ,

Baptista Pius .

Nam prius in colles rebor uaga flumina ferri ,  
 Et Nilum hyberno diluere arua gelu . Idem .

Sed prius æquorei damis iungentur Echini ,  
 Et misto æripedi semine Gryphes equo .  
 Idem .

-Sithonio prius orbe repescere credam  
 Memnonio , & tingi posse colore nives .  
 Excelsæq; uagis undabunt piscibus Alpes ,  
 Nullaq; Atlantæi gurgitis unda fluet .  
 Hesperioq; nitens Phœbus consurget ab axe ,  
 Atque pari Euphrates Tygris & ore ruent .  
 Idem .

Anrè caput Nili deprehender , & ora Sesoistis ,  
 Deponet uirus & Stygis unda suum .  
 Idem .

Promptius expediam quot fulgeat ignibus æther ,  
 Et quora in Oceani bellua mole naret . Idem .

Astra sagittiferum præcedent fulgida mitram ,  
 Solis & obscura nocte uehantur equi .  
 Magnaq; nigram lux irradiabit Auernum .  
 Luror & ætheros cinget ubique polos .

Et superum iurare ( licet metus urgeat illos )  
 Sancta cohors Stygias non dubitabit aquas .  
 Per syluas uolitare canes , uolucresq; ferarum  
 Cernemus duri lustra habitare soli .

Committentq; lupi damæ sua corpora rostra ,  
 Et lepus Arcadico rostra habitata cani ,  
 Et Phaetontæi cygnus non immemor axis ,  
 Fulmineas cupiet scandere posse domos .  
 Desinet æquoreis caput obiectare procellis

ARGUMENTA AB IMP.

Æacus, & rapidi non petet ima maris.  
Turbaq; Memnonidum canet exequialia mitis  
Iusta, neque hæc tumuli tinget herilis humum,  
Congeretaeria nidum super arbore perdix,  
Thysbæas linquet blanda columba palas.  
Diliget immitem pia Dædaliona coturnix,  
Fida gemelliparæ quæ tulit auxilia.  
Cui uolucris subito data uersicoloris imago,  
Dum fugit omniuoli dulcia furta Iouis.  
Labilis audaci Congro muræna relinques.  
Et cum squamigeris Barre ferris odium.  
Nilicolamq; feram cautus Crocodilon Ichneumon  
Diliget, infidam rex Halietus auem.

Palladius Soranus.

Desinet ergo prius fragili mihi gutture lingua.

Idem.

Mella prius fierent, quæ sunt contraria dulci,

Duraq; spectares mollia saxa prius.

Idem.

Ergo mella prius fient, contraria dulci,

Mollia dura prius, fient & maxima parua.

Aut freta poma dabunt semper redolentia, flores,

Pascua, rura, domos, uiuentia cuncta fouebunt.

Et pisces quin terra feret, quam nauita prudens

Sulcabit, tumidos fluctus quæ concita tollit.

Petrarcha.

Tum nostro Galatea tuum de pectore nomen

Exibit, fugient propriis dum sedibus astra.

Mellis apes studium linquent, nidosq; columbæ,

Coniugium turtur, prædam lupus, arbutea capræ,

Custodita dolos mulier, mendacia seruus.

Idem.

-Validum prius ægra leonem

Sternet ouis, prius armigerum philomela tonantis

Vicerit.



240

DESCRIPTIO LONGI TEMPORIS,  
qua diu aliquid futurum significamus.

Virgilius Æcloga 5.

**D**um iuga montis aper, fluuios dum piscis amabit,  
Dumq; thymo pascentur apes, dum rore cicadæ,  
Ouidius lib. 1. Eleg.

Viuet Mæonides, Tenedos dum stabit & Ide,  
Dum rapidas Simois in mare uoluet aquas.

Viuet & Afcæus, dum mustis uua tumebit,  
Dum cadet in curua falce resecta Ceres.

Donec erunt ignes, arcusq; Cupidinis arma,  
Dicentur numeri culte Tibulle tui.

Idem in Ibin.

Pugnabunt iaculis dum Thraces, Iapyges arcu.

Dum tepidus Ganges, frigidus Ister erit,  
Robora dum montes, dum mollia pabula campi.

Dum Tiberis liquidas Thuscus habebit aquas.

Lucanus lib. 1.

-Dum terra fretum, terramq; leuabit,  
Aer, & longi uoluent Titana labores,  
Noxq; diem cælo totidem per signa sequetur.

Syllius lib. 6.

-Dum cæli sedem, terrasq; tenebit  
Casta fides, dum uirtutis uenerabile nomen Viueat.

Idem lib. 7.

Dum Cete innabunt ponto, dum sidera cælo  
Lucebunt, dum Sol inde se littore toilet.

olitianus.

-Dumq; in tacito uaga sidera cælo  
Fulgebunt, dum Sol nigris orietur ab Indis,  
Præuia luciferis aderit dum curribus Eos,  
Dum uer tristis hyems, Autumnum proferet æstas,  
Dumq; fluet spirans, refluatq; reciproca Tethys,  
Dum mista alternas cupient elementa figuras,  
Semper erit magnis decus immortale Maronis.

Sabellicus.

Dum mundi Solisq; uices uariabilis annus

# DESCRIPTIO LONGI TEMPORIS.

Sentiet, & solitos seruabunt sidera cursus.

Horatius in Epodo.

Dum pecori lupo & nautis infestus Orion

Turbarit hybernum mare,

Intonsosq; agitarit Apollinis aura capillos.

Seneca in Medea,

Dum terra cælum media libratum feret,

Nitidusq; certas mundus euoluet uices,

Numerusq; arenis deerit, & solem dies,

Noctem sequentur astra, dum siccas polus

Versabit arctos, flumina in pontum cadent,

Nunquam meus cessabit in pœnas furor,

Idem in Oedipo.

Lucida dum current annosi sidera mundi,

Oceanus clausum dum fluctibus ambiet orbem,

Lunaq; demissos dum plena recolliget ignes,

Dum matutinos prædicet lucifer ortus,

Altaq; cæruleum dum Nerea nesciet arctos,

Candida formosi uenerabimur ora Lyxi.

Tibullus libro 1.

Quem referant Musæ, uiuet dum robora tellus,

Dum cælum stellas, dum uehet annis aquas.

Stroza pater.

-Erunt donec uaga sidera cælo,

Donec erit tellus, æquora donec erunt.

Stroza filius.

-Phœbeia donec

Laurus & orbita erit, nomenq; Helyconidis umbræ.

Idem.

Dumq; polus uertet Pegaseæ signa carinæ,

Flacce tuæ dabitur palma secunda lyra. Idem

Dum fluet Eridanus patriæ prope mœnia nostræ,

Dum fluet & refluet Veneram maris unda per urbem,

Tinctile dum Scythicas armabit missile dextras.

docemus aliquid longè lateq; fieri.

Lucanus lib. 1.

**V**Nde uenit Titan, & nox ubi sidera condit,  
Quaq; dies medius flagrantibus æstuat horis  
Et quâ bruma rigens, ac nescia uere remitti,  
Astringit Scythicum glaciali frigore pontum.

Ouidius in fine Mer.

Quaq; patet domitis Romana potentia terris.

Horatius lib. 3. Car.

Dicar, quâ uiolens obstrepit Aufidus,  
Et quâ pauper aquæ Damus agrestium  
Regnator populorum.

Statius lib. 4. Sil.

Ibis, quâ uagus Hercules & Euan  
Vltra sidera, flammeumq; Solem,  
Et Nili caput, & niues Atlantis.

Tibullus lib. 2.

Qua sua de cælo prospicit arua Ceres,  
Quaq; patent ortus, & quâ fluitantibus undis  
Solis anhelantes abluuit amnis equos.

Seneca in Hercule furente.

-Quâ lucem premit

Aperitq; Tethys, quâ ferens Titan diem,  
Binos propinqua tingit Æthiopes face.

Idem.

Et quod Occasus uidet, & quod Ortus.

Idem.

Auroram inter & Hesperum,  
Et quâ Sol medium tenens,  
Umbras corporibus negat.

Quodcunque abluitur cælum,  
Longo Tethyos ambitu.

Idem in Theb.

Quâ lata terris spatia frugiferis iacent,  
Et quâ trahens opulenta Pactolus uada  
Inundat auro rura.

Idem in Hippolyto.



D E S C R I P T I O

Quæq; nascentem uidet ora Solem ,  
Quaq; ad occasus iacet ora seros .  
Si qua feruenti subiecta Cancro est ,  
Si qua maioris glacialis uræ ,  
Semper errantes patitur colonos .

Idem ibidem .

Quæ terra mari cingitur alto , quaq; æthereo  
Candida mundo sidera currunt .

Idem ibidem .

Quidquid Oceanus uagis  
Complexus undis , ultimo fluctu regit .

Idem in Troade .

Quidquid Sol oriens , quidquid & occidens  
Nouit , cæruleis Oceanus fretis

Quidquid uel ueniens , uel fugiens , lauat ,  
Ætas pægaseo corripiet gradu .

Idem in Medea .

Quodcunque placidis flexibus Phasis rigat ,  
Pontusq; quidquid Scythicus a tergo uidet ,  
Palustribus quæ maria dulcescunt aquis .

### DESCRIPTIO MAGNI, ET FREQUEN- tis numeri, per similitudines, & comparationes .

Virgilius lib. 4. Georgicorum .

**Q**uam multa in foliis auium se millia condunt ,  
Vesper ubi aut hibernus agit de montibus imber .

Idem lib. 6. Æneid .

Quam multa in siluis Autumni frigore primo  
Lapsa cadunt folia , aut ad terram gurgite ab alto  
Quam multæ glomerantur aues , ubi frigidus annus  
Trans pontum fugat , & terris immittit apricis .

Idem lib. 7. Æneid .

Quam multi Libyco uoluuntur marmore fluctus ,  
Sæuus ubi Orion hybernis conditur undis .  
Vel quum Sole nouo densæ torrentur aristæ ,  
Aut Hermi campo , aut Lyciæ flauentibus aruis .

Idem lib. 6. Æneid .

Quantus ab occasu ueniens pluuiabilibus hœdis .

Verberat imber humum, quàm multa grandine nymbi:  
In uada præcipitant, quum Iuppiter horridus austris  
Torquet aquosam hiemem, & cælo caua nubila rumpit.

Quidius lib. 11. Met.

Somnia uana iacent, totidem quot messis aristas.

Silua gerit frondes, eiecat littus arenas.

Idem lib. 4. Tristium.

Meq; tot aduersis cumulat, quot littus arenas,

Quotq; fretum pisces, ouaq; piscis habet.

Idem lib. 4. Trist.

Quot frutices siluæ, quot flaua Tibris arenas,

Mollia quot Martis gramina campus habet,

Tot mala pertulimus.

Idem ibidem.

Littora quot conchas, quot antena rosaria flores,

Quot ue soporiferum grana papauer habet:

Silua feras quot alit, quot piscibus unda natatur,

Et tenerum pennis aera pulsat auis:

Tot premor aduersis, quæ si comprehendere coner,

Icarix numerum dicere coner aquæ.

Idem ibidem.

Quàm multa madidæ cælantur arundine fossæ,

Florida quàm multas Hybla tuetur apes:

Quàm multæ gracili terrena sub horrea ferre

Limite formicæ grana reperta solent:

Tam me circumstat denforum turba malorum.

Idem lib. 4. de Ponto.

Quæ numero tot sunt, quot in horto fertilis arui

Punica sub lento cortice grana rubent:

Africa quot segetes, quot Tmolia terra racemos,

Quot Sicyon baccas, quot parit Hybla fauos.

Idem lib. 1. de Arte.

Gargara quot segetes, quot habet Methymna racemos

Æquore quot pisces, fronde teguntur aues,

Quot cælum stellas, tot habet tua Roma puellas.

Idem lib. 2. de Arte.

Quot lepores in Atho, quot apes pascuntur in Hybla,

Cærule quot baccas Palladis arbor habet,

225 M A G N I V M E R I.  
Littore quot conchæ, tot sunt in amore dolores.

Idem lib. 3.  
Sed neque ramosa numerabis in Ilice frondes,

Nec quot apes Hyblæ, nec quot in Alpe fera.

Idem.  
Quot noua terra parit flores, quum uere tepenti

Vitis agis gemmas, pigraq; fugit hiems.

Statius lib. 50. Siluarum.  
Hibernos citius numeraueris imbres.

Siluarumq; comas.

Silius lib. 7.  
Quàm multa affixus cælo sub nocte serena

Fluctibus è mediis sulcator nauita ponti

Astra uidet, quàm multa uidet feruoribus artis,

Quum Calabros urunt ad pingua pabula saltus

Vertice Gargani residens, incendia pastor.

Marullus.  
Non tot Attica mellæ, littus algas,

Montes robora, uer habet colores,

Non tot tristis hiems riget pruinis,

Autumnus grauidis tumet racemis,

Non tot spicula Mœdici pharetris,

Non tot signa micant tacente nocte,

Non tot æquora piscibus natantur,

Non aer tot aues habet serenus,

Non tot Oceano mouentur undæ,

Non tantus numerus Libyssæ arenæ,

Quot suspiria, quot Neæra pro te

Vesanos patior diè dolores.

Catullus.  
Quàm magnus numerus Libyssæ arenæ,

Laërpiciferis iacet Cyrenis.

Propertius lib. 2.  
Non tot Achæmeniis armantur Susa sagittis,

Spicula quot nostro pectore fixit amor.

Seneca in Hercule furente.  
Quantus incedit populus per urbes

Ad noui ludos audis theatri,



Qualis Elæum ruit ad tonantem,  
Quincta quum ludos reuocauit æstas.

Idem in Oedipo.

Non tot caducas educat frondes Oeta  
Nec uere flores Hybla tot medio creat,  
Quum examen alto nititur densum globo,  
Fluctusq; non tot frangit Ionium mare,  
Nec tanta gelidi Strimonis fugiens minas  
Permutat hiemes ales, & cælum secans,  
Torpente Nilo penfat Arctoas niues.

Baptista Pius.

Cærula quot pisces, quot Lesbia terra racemos,  
Mascula quot tellus tura Sabæa parit,  
Plumiferas quot habet uolucres agitabilis aer,  
Gargara quot messes, uina Phalermus ager.

Idem.

Promptius expediam, quot fulgeat ignibus æther,  
Et quota in Oceani bellua mole naret.

# DESCRIPTIO CVRSVS LEVISSIMI, & miræ celeritatis.

Virgilius lib. 10. Æneid.

**F**Vgit illa per undas  
Ocyor & iaculo, & uentos æquante sagitta.

Lucanus lib. 1.

-Et torto Balearis uerbere fundæ  
Ocyor, & missa Parthi post terga sagitta.

Idem lib. 5.

Ocyor & cali flammis & tygride foeta. Idem lib. 9.

-Calido non ocys austro Nix resoluta tepet.

Horatius lib. 2. Car.

Ocyor ceruis, & agente nimbo. Ociore Euro.

Statius lib. 6. Theb.

Quæ bello sic tela uolant, quæ nubila cælo  
Amnibus hiernis? minor est Iouis impetus igni  
Tardius astra cadunt, glomerantur tardius imbres,  
Tardius in summos decurrunt flumina montes.

Idem ibidem.

## CVRSORES VELOCISSIMI.

-Credas è plebe Cydonum  
 Parthorumq; fuga totidem exiliisse sagittas .  
 Non aliter celeres Hircanà per auia cerui ,  
 Quum procul impasti fremitum accipere leonis ,  
 Siue putant , rapit attonitos fuga cæca , metusq;  
 Congregat , & longum dant cornua mista fragorem .

Sidonius .

Non sic fulminis impetus trifulci ,  
 Non pulsa scythico sagitta neruo ,  
 Non sulcus rapidè cadentis austri ,  
 Non fundis Balearibus rotata  
 Vnquam sic liquidos poli meatus  
 Rumpit plumbea glandium procella .

Seneca in Thebaide .

Sagitta qualis Parthica uelox manu  
 Excussa fertur , qualis insano ratis  
 Premente uento , rapitur , aut qualis cadit  
 Delapsa cælo stella , quum stringens polum  
 Rectam citatis ignibus rumpit uiam .

Idem in Hippolyto .

Fugit insanæ similis procellæ ,  
 Ocyor nubes glomerante cauro ,  
 Ocyor cursum rapiente flamma ,  
 Stella quum uentis agitata longos Corripit ignes .

## CVRSORES VELOCISSIMI.

**I**N ludis exequialibus ( quos in Sicilia ad Anchisæ tumu-  
 lum celebrauit Æneas ) stadiodromi , seu decursores in  
 stadio fuerunt Euryalus , Nysus , Dioreas , Salius , Patron ,  
 Helymus , & Panopes .

Camilla regina fuit Volscorum , cuius celeritatem descri-  
 bit Virgilius in fine 7. libri , dicens :  
 Illa uel intactæ segetis per summa uolaret  
 Gramina , nec teneras cursu læsisset aristas ,  
 Vel mare per medium fluctu suspensâ tumentî  
 Ferret iter , celeres nec tingeret æquore plantas .

De Achille , Catullus : Nascetur nobis expertis terroris  
 Achilles , Qui persæpe uago uictor certamine cursus Flam

mea præuertet celeris uestigia ceruæ.  
 Bellerophon in expeditione contra Chimæram usus est  
 equo Pegaso, sanguine Medusæ nato.

Perseus uerò in Medusam certaturus, accepit a Mercurio talaria & ensen, quibus adminiculis ambo per aerem ferebantur. Propertius libro 2. Non si Pegaseo uertaris in aere dorso: nec tibi si Persei mouerit ala pedes. Sidonius: Ac iuuenem Stenobæa tuum, cui terga uetustas Pennati largitur equi.

Poetæ fabulantur Dædalum inclusum labyrintho, propter liberatum Theseum, quum iudicium capitis expauesceret, alas sibi confinxisse, eoq̃ue remigio periculum euasisse. Virgilius lib. 6. Æneid. Dædalus (ut fama est) fugiens Minoia regna, Præpetibus pennis ausus se credere cælo, Insuetum per iter gelidas enauit ad Arctos.

De Atalanta uenatrice Arcadica Ouid. lib. 10. Metam. Forsitan audieras aliquam certamine cursus Veloces superasse uiros. non fabula rumor ille fuit: superabat enim. nec dicere possis, Laude pedum, formæ ne bono præstantior esset. Statius lib. 6. Theb. Quis Mænaliæ Atalantæ Nesciat egregium decus, & uestigia cunctis Indeprensa procis. Hanc enim dicunt certasse cursu in Hippomenem, dum ab eo in uxorem peteretur. Vnde idem Ouid. Dum talia secum Exigit Hippomenes, cursu uolat alite uirgo: Quæ quamquam Scythicæ non segnius ire sagitta, Aonio uisa est iuueni, tamen ille decoris Mirator magis est, cursus facit ipse decorem, Aura refert ablata citis talaria plantis. Hanc cursus concertationem Sidonius describit dicens: Emicuit pernix populo trepidante uirago, Nil toto tactura gradu, quum pallidus ille Respiceret medium post se decrescere campum, Et longas ad signa uias statuq̃; propinquo Pressus in hostili iam curreret anxius umbra, Donec ad anfractum metæ, iam iamq̃; relictus, Concita ter sparso fregit uestigia pomo.

Mermeros, centaurus fuit pedum leuitate præstantissimus. Ouid. lib. 12. Quiq̃; pedum nuper certamine uicerat omnes Mermeros, accepta tuum uulnere tardior ibat.

De Phædimo & Dimante Statius lib. 6. Theb. Et bis in Isthmia cæa uictor, clamatus arena Phædimus, alipedumque



## CURSORES VELOCISSIMI.

*fugam prægressus equorum Antè Dimas.*

Claruit Opheltes nauta cursu uelocissimo. Sidonius:  
Qui uigor in pedibus frustra tibi natus Ophelte Sicaniam  
tribuit palmam, plantasq; superbas.

Thalus fuit quispiam, quem Iupiter æreis pedibus finxis-  
se dicitur, custodemq; Europæ adhibuisse, ac celeritate ter  
quotidie Cretam obuiisse. de quo nonnulli uolunt Catul-  
lum intellexisse illo carmine: Non custos frego fingar ille  
Cretum. quamuis alii ad Dædalum referant.

Philippides 160. stadia ab Athenis Lacedæmonem biduo  
cucurrit.

Canistius cursor Lacedæmonius & Philonides Alexātri  
magni à Sicyone Elin uno die 1200. stadia cucurrerunt.

Tiberius Nero uehiculis tribus ad Drusum fratrem in  
Germania ægotantem festinans, ducenta passuum millia  
ementus est.

Iuba apud Plinium testis est Troglodytarum gentem mi-  
ræ uelocitatis esse.

Ladas cursor fuit Alexandri uelocissimus. Mart. lib. 2.  
Quid si per graciles uias petauri Inuitum iubeas subire La-  
dam. Petauri autem dicuntur homines agiles, qui se per cir-  
culos immittunt, nascunturq; sub Delphine. Idem Mart. lib.  
11. Habeas licebit alterum pedem Ladæ, Inepte frustra cru-  
ce ligneo cures.

Atas puer Vipsano consule a meridie ad uesperum 75.  
millia passuum cucurrit, magna omnium admiratione. Mar-  
t. lib. 4. Siue leuem cursu uincere quæris Atan.

Philippus Lyfimachi frater, regem per ducenta stadia  
uestum pedes comitatus est, quum etiam lorica indutus  
arma gestaret, auctor Curtius lib. 7.

Iphiclus Philaci & Climenæ filius tanta fuit corporis  
agilitate & pedum celeritate, ut curreret super tri-  
ceas aristas, nec oblæderet. Demaratus uero etiam per mare in-  
cessisse prodidit. auctor Cælius cap. 5. lib. 5.

Orion Neptuni filius ex Euryale Minois filia natus fuit,  
cui cōcessum est, ut super fluctus curreret perinde ac in ter-  
ra super aristas ferretur, nec eas comminueret. Higinus.

Mithridates, rex Ponti, ad ultimum uitæ tempus equi-

tabat, iaculabaturq; & per mille stadia, dispositis per intervalla equis una die discurrebat. Currus sex & decem equis agitavit.

Haraldus quidam nonnulla inusitate agilitatis spectacula exhibuit: nam duobus equis in stadium admissis utroq; metram prior tenuit. Geminis siquidem bacillis inter currendum innixus crebris saltibus corpus cōcitabat. auctor Saxo.

Echion. Ovidius lib. 8. Met. Impiger Eurytion cursuq; inuictus Echion.

De Lycaste, Dianæ comite, Claudianus: Et cursus Zephyris nunquam cessura Lycaste.

## DESCRIPTIO ORTVS DIEI.

Virgilius libro 2. Æneid.

**I**amq; iugis sumina surgebat Lucifer Idæ,  
Ducebatq; diem.

Idem lib. 3.

Iamq; rubescebat stellis Aurora fugatis.

Idem lib. 4. & lib. 9.

Et iam prima nouo spargebat lumine terras

Tithoni croceum linquens Aurora cubile.

Idem lib. 7.

Iamq; rubescebat radiis mare, & æthere ab alto

Aurora in roseis fulgebat lutea bigis.

Idem lib. 11.

Oceanus interea surgens Aurora reliquit.

Idem lib. 11.

Aurora interea miseris mortalibus almam

Extulerat lucem, referens opera, atque labores.

Idem lib. 12.

Postera uix summos spargebat lumine montes

Orta dies, quum primum alto se gurgite tollunt

Solis equi, lucemq; elatis naribus efflant.

Ovidius lib. 2. Met.

Fulget tenebris Aurora fugatis.

Idem lib. 4.

Postera nocturnos Aurora remouerat ignes.

Solq; pruinosas radiis siccauerat herbas.

Idem lib. 7.

Postera depulerant Auroræ lumina noctem.

Idem lib. 9.

Postera lux radiis totum patefecerat orbem.

Idem lib. 15.

Postera sidereos Aurora fugauerat ignes.

Idem lib. 3. Fastorum.

Ortus erat summo tantummodo margine Phœbus,

Idem lib. 4. Fast.

Nox abiit, oriturq; Aurora.

Idem lib. 6. Fast.

Iam Phryx à nupta quereris Tithone relinqui,

Et uigil Eois lucifer exit equis.

Idem lib. 1. de Trist.

Cælo nitidissimus alto

Stella grauis nobis Lucifer ortus erat.

Idem lib. 1. Eleg.

Iamq; pruinosos molitur Lucifer axes,

Inq; suum miseros excitat ales opus.

Idem.

Iam super Oceanum uenit a seniore marito

Flaua pruinoso quæ uehit axe diem.

Lucanus lib. 1.

-Et ignes Solis lucifero fugiebant astra relicto.

Lucretius lib. 2.

Primum Aurora nouo quum sparsit lumine terras.

Idem lib. 5.

Aurea quum primum gemmantes rorè per herbas

Maturina rubent radiati lumina solis.

Stattius lib. 2. Theb.

Et iam Mygdoniis elata cubilibus alto

Impulerat cælo gelidas Aurora tenebras,

Rorantes excussa comas, multumq; sequenti

Sole rubens, Illi roseus per nubila feras

Aduertit flammæ, alienumq; æthera tardo

Lucifer exit equo, donec pater igneus orbem

Impleat, & radios ipsi uetet esse sorori.



Idem lib. 3.

Septima iam nitidum terris Aurora, deisq;  
Purpureo uehit ore diem.

Idem lib. 6.

Clara laboriferos cælo Titania currus  
Extulerat.

Idem lib. 2. Achill.

Iam premit astra dies, humilisq; ex æquore Titan  
Rorantes euoluit equos, & ab æthere magno  
Sublatum curru pelagus cadit.

Idem lib. 5.

Exuit implicitum tenebris humentibus orbem  
Oceano prolata dies, genitoq; coruscæ  
Lucis adhuc hebetem uicina nocte leuabat,  
Et nondum excussio rorantem lampada ponto.

Syllius lib. 1.

Pellebat somnos Tithoni roscida coniux.

Idem lib. 5.

Donec flammiferum tollentes equore currum,  
Solis equi sparsere diem, iamq; orbe renato  
Diluerat nebulas Titan, sensimq; fluebat  
Caligo in terras nitido resoluta sereno.

Idem lib. 6.

Iam Tartessiaci quos soluerat æquore Titan,  
In noctem diffusus equos iungebat Eois Littoribus.

Idem lib. 10.

Post ubi fulserunt primis Phaetontia fræna  
Ignibus, atque sui terræ rediere colores.

Idem lib. 11.

Postera lux Phaetontis equos proferre parabat,  
Iam rapidos omni curru splendente sub undis.

Idem lib. 15.

Aurora ingrediens terris exegerat umbras.

Sidonius.

Iam Sol adultus roscidæ noctis humorem radio crescente  
forbuerat.

Stroza pater.

Verum ubi iam cælo stellâs Aurora fugauit,

DESCRIPTIO ORTVS DIEI.

Et redit exorto lucida Sole dies .

Idem .

Anreus æquoreis ubi Sol caput exerit undis ,  
Oceaniq; Aurora torum formosa reliquit .

Idem .

Deseruit solito formosior æquora Titan .

Sabellicus .

Igneus interea Phœbus prodibat ab Indis .

Idem .

-Tenebris aurora fugatis

Tertia iam totum ueniens reserauerat orbem .

Pamphilus Saxus .

Tichoni croceum senis cubile ,

Aurora aurigeris comis refulgens

Iam surgit , roseosq; clara uultus

Ostendit , Phaethontis & citatis

Currunt flammigeri rotis Iugales .

Politianus in Nutricia .

Aurea quum radios Hyperionis exeruit fax .

Idem .

Extulerat roseo Cynthius ore diem .

Lactantius de Phœnice .

Lutea quum primum surgens Aurora rubescet ,

Quum primum rosea sidera luce fugat .

Catullus .

Sed ubi horis aureis Sol radiantibus oculis

Lustrauit æthera album, sola dura , mare ferum .

Reppulitq; noctis umbras uegetis sonipedibus ,

Seneca in Hercule furente .

Iam rara micant sidera pronò

Languida mundo , mox uicta uagos

Contrahit ignes , Luce nouata .

Idem in Troade .

Summa iam Titani iuga ,

Stringebat , ortus uicerat noctem dies

Idem in Otauia .

Iam uaga cælo sidera fulgens

Aurora fugat , surgit Titan

Radiante coma , mundoq; diem Reddit clarum

# DESCRIPTIO MERIDIEI.

Virgilius lib. 7. Æneid.

**S**ol medium cæli conscenderat igneus orbem.

Ovidius lib. 2. Metam.

Iamq; dies medius rerum contraxerat umbras,

Et sol ex æquo meta distabat utraque.

Idem in Arte.

Iamq; dies medius tenues contraxerat umbras.

Statius lib. 4. Theb.

Tempus erat, cum mediū solem in culmine mundi

Tollit anhela dies.

Idem lib. 5.

Sol operum mediis summo librabat olympo,

Lucentes ceu staret equos.

Marullus.

Et iam lampade torrida

Fulgebat medio Sol pater æthere.

Val. Flac. lib. 3.

Iam summas cæli Phœbus candentior arcēs

Vicerat, & longas medius renocaverat umbras.

Pontanus.

Et iam Sol medium clarus peragrabat olympum.

## DESCRIPTIO NOCTIS,

seu aduentus eius.

Virgilius 1. Æneid.

**E**t iam summa procul uillarum culmina fumant.

Maioresq; cadunt altis de montibus umbræ.

Idem Æc. 1.

Et Sol crescentes decedens duplicat umbras.

Idem in Culice.

Iam quatit, & biungis oriens heredo cit equos.

Et piger aurato uesper procedit ab Oeta.

Idem lib. 2. Æn.

Vertitur interea calum, & ruit Oceano nox.

Inuoluens umbra magna terramq; polumq;



# DESCRIPTION

Idem in eodem.

Tempus erat, quo prima quies mortalibus ægris

Incipit, & dono diuum gratissima serpit.

Idem lib. 3.

Nox erat, & terris animalia somnus habebat.

Idem in eodem.

Sol ruit interea, & montes umbrantur opaci.

Idem lib. 4.

Nox erat, & placidum carpebant fessa soporem

Corpora per terras, siluæq; & sæua quierant?

Æquora, quum medio uoluuntur sidera lapsu,

Quum tacet omnis ager, pecudes, pictæq; uolucres,

Quæq; lacus latè liquidos, quæq; aspera dumis

Rura tenent, somno positæ sub nocte silenti

Lenibant curas, & corda oblita laborum.

Idem lib. 8.

Nox erat, & terras animalia fessa per omnes,

Alituum pecudumq; genus sopor altus habebat.

Idem in eodem.

Nox ruit, & fuscis tellurem amplectitur alis.

Ouidius lib. 8. Met.

Iam labor exiguus Phœbo restabat, equiq;

Pulsabant pedibus spatium decliuis Olympi.

Idem lib. 10.

Tempus erat, quo cuncta silent.

Idem lib. 11.

Pronus erat Titan, inclinatoq; petebat

Hesperium remone fretum.

Idem in eodem.

Nox cælum sparserat astris.

Idem lib. 14.

Presserat occiduis Tartessia litora Phœbus.

Idem lib. 15.

Candidus Oceano nitidum caput abdiderat Sol,

Et caput extulerat densissima sidereum nox.

Idem lib. 1. Fast.

Nox erat, & uino somnum faciente iacebant

Corpora diuersis uicta sopore locis.

Idem lib. 2.

Nox erat, & tota lumina nulla domo.

Idem lib. 4.

Interea placidam redimita papauerè frontem

Nox uenit, & secum somnia nigra trahit.

Idem in eodem.

Dempserat emeritis iam iuga Phœbus equis.

Idem lib. 6.

Nox erat, & uinis oculiq; animiq; natabant.

Idem lib. 1. Tristium.

Iamq; quiescebant uoces hominumq; canumq;

Lunaq; nocturnos alta regebat equos.

Idem in eodem.

Tingitur Oceano custos Erymanthidos ursæ.

Idem lib. 3. de Ponto.

Nox erat, & bifores intrabat Luna fenestras.

Lucanus lib. 3.

Titan iam pronus iu undas

Ibat, & igniferi tantum demerserat orbis,

Quantum deesse solet Lunæ.

Idem in eodem.

Nox subit, atque oculos uastæ obduxere tenebræ.

Statius lib. 1. Sil.

Nox flet, & nigros imitantia murmura somnos.

Idem lib. 1. Theb.

Iamq; per emeriti surgens confinia Phœbi

Titanis latè mundo subuecta silenti,

Rorifera gelidum tenuauerat aera biga.

Iam pecudes uolucresq; tacent, iam somnus auaris

Inserpit curis, pronusq; per aera nutat,

Grata laboratæ referens obliuia uitæ.

Idem lib. 3.

Soluerat Hesperii deuexo in margine ponti

Flagrantes Sol pronus equos, rutilamq; lauabam

Oceani sub fonte comam.

Idem

Nox subiit, curasq; hominum, motusq; ferarum

Composuit, nigrosq; polos inuoluit amictu.

DESCRIPTIO MEDIÆ NOCTIS. 257

Val. Flac.

Et iam prona leues spargebant sidera somnos. Idem.  
Iamq; sopor mediis tellurem presserat oris;  
Et circum tacito uolitabant somnia mundo. Idem.  
Nox hominum genus & duros miserata labores,  
Rettulerat fessis optata silentia terris.

Martianus Capella.

Sed purum astrificis cælum scandeat hebenis  
Nox reuocans merso fulgentia sidera Phœbo.

Sabellicus.

Iam cælo propulsa dies concesserat umbris;  
Perdideratq; suos tellus obducta colores. Idem.  
Cœperat hesperio Titan se mergere fluctu,  
Versus in Antipodas, iam serus lumina Vesper.  
Compositura diem prono spargebat Olympo.

Idem.

Phœbus ad Hesperiam Tethium iam flectere cursum  
Cœperat.

Pontanus.

Nec color ullus erat rebus, tenebrisq; malignis  
Et cælum & terras nox circumfusa tenebat. Idem.  
Nox cælum tener, & fuscis iuga uersat habenis.

Tibullus lib. 2.

Ludite, iam nox iungit equos, currumq; sequuntur  
Martis lasciuo sidera fulua choro.

Seneca.

Nox prima cælum sparserat stellis.

DESCRIPTIO MEDIÆ NOCTIS.

Ouidius lib. 9.

Noctis erat medium, curasq; & corpora somnus  
Soluerat.

Horatius lib. 2. Ser.

Iamq; tenebat Nox medium cæli spatium.

Statius lib. 3. Achil.

Scandeat roseo medii fastigia cæli  
Luna iugo, totis ubi somnus inertior alis  
Defluit in terras, mutumq; amplectitur orbem.



# DESCRPTIO ÆQUINOCTII.

**L**ibra Phœbeos tenet æqua currus.  
Lucanus lib. 8.  
 Tempus erat, quo Libra pares examinat horas,  
 Non uno plus æqua die.  
Ovidius.  
 Impositamq; sibi qui non benè pertulit Hellen,  
 Tempora nocturnis æquà diurna facit.

**D**ibutades Sicyonius primus fuit figulus Corinthi, qui  
 ex creta docuit fingere: primusq; personas regularum  
 extremis imbricibus imposuit. Vide Plinium lib. 35. cap.  
 11. Sunt qui in Samo primos omnium plasticem inuenisse  
 Ideochum, Rherum & Theodorum tradant, auctor idem  
 Plinius.

Encirapus, & Eugramus Italiæ plasticen tradiderunt.  
 Hominis imaginem gypso ex ipsa facie primus omnium ex-  
 pressit, ceraq; in eam formã gypsi infusa emendare instituit  
 Lysistratus Sicyonius frater Lysippi. Hic & similitudinem  
 reddere instituit, & de signis effigiem exprimere inuenit.

Plastæ laudatissimi fuerunt Dimophilus & Gorgasus.

Calcosthenes crudæ opera fecit Athenis.

M. Varro tradit sibi cognitum Romæ Possuniũ, q; rubas, & pi-  
 sces fecerit, quos aspectu discernere à ueris nõ potuisses.

Idem magnificat Arcesilaum, Luculli familiarem, cuius  
 proplastiche pluris uenibat ab artificibus ipsis, quàm alio-  
 rum opera. Idem fecit, Venerem genitricem in foro Cæsaris.

Praxireles plasticen matrem statuariæ, sculpturæq; , &  
 cælaturæ esse dixit. neque unquam aliquid fecit, ante-  
 quam finxit.

Turianus Iouis effigiem fictilem in Capitolio dicauit.  
 fecit & Herculem eadem materia. tales enim effigies deum  
 tunc erant laudatissimæ. Hæc omnia habet Plinius li. 35.

Vatinius Beneuentanus calices uitreos faciebat. Hinc ua-  
 sa Vatinia dicuntur uitrea. Marr. lib. 10. Vatiniorem pro-  
 xeneta fractorum. Idem in Distichis, Vilia sutoris calices  
 monumenta Vatini Accipe.

Thericles figulus fuit Corinthius, à cuius nomine fictilia

SACCVLORVM NOMINA.

**S**Accus in primis dicitur culleus, seu maius marsupium, in quo frumentum, aut quid aliud reconditur. Diminutiuæ sunt sacculus & saccellus. Iuuen. Sat. 11. Sacculus è cælo descendit. Saccus niuiarius dicebatur pannus lineus, quo niues attenuabantur, unde refrigerabantur uina. De hoc Martialis, Attenuare niues norunt, & linæa nostra.

Saccularii dicuntur latrones & incisores marsupiorum. Plautus appellat zonarios sectores. Græci Balantiotomos. Æschines apud Cœlium, Adducunt, inquit, illum ueneficū, Balantiotomum, qui repub. incidit.

Locus, seu Loculamentū dicitur capsula, in qua seruatur pecunia. Martialis, Hos nisi de flaua loculos implere moneat Non decet, argentum uilia ligna ferent. Ouid. libro 6. Fast. Gramina continuo loculis depromit eburnis.

Marsupiū, Cato, Maiorem curam habere marsupii nostri, quam uitæ.

Mantica dicitur pera uiatoria.

Pera capitur pro sacculo. erat autem peculiaris Cynicis. Mart. lib. 4. Cum baculo pera que senem. Idem in Dist. Dormiat & tetrico cum cane pera rogat. Compositum est Hippopera equestris capsula. Et Sacciperium, ex pera & sacco.

Fisci, Fiscinæ, & Fiscellæ dicuntur marsupia, in quibus reconduntur pecuniæ publicæ. unde confiscare uerbum. Iuuenal. Satyr. 3. Res fisci est ubicunque natat.

De Pasceolo Plautus in Rudente, Nummi, inquit, octingenti auri in marsupio inferunt, præterea centum denaria Philippea in pasceolo seorsum. Idem de Sacciperio, & Vidulo, Quæ nam balæna, inquit, meum uorauit uidulum, aurum atq; argentum, ubi omne compactum fuit? Eadem illa credo, quæ meum marsupium, quod plenum argenti fuit in sacciperio.

De Hippoperis Anneus Seneca in Epistolis, Cantherio, inquit, uehebantur, & impositis quidem hippoperis, ut secum utilia portarent.

# LOCORVM INSIGNIVM

## TOMI PRIMII

Canibus occisi pagi	77
na	29
Artium uariarum periti	98
Aleonibus occisi	165
Athletæ, pugiles, & palæstri-	165
dem	
Aserpentibus occisi	28
Attride	164
Ab animalibus diuersis ama-	76
Auctarium morborum	
ti	132
Aurigæ, & equorum domito-	
res	193
Ab egs occisi, & discerpti	26
B.	
Achillis equi	193
Balbi	66
Actores	169
Bella, & alia quædam mala, &	
Adulteri, & adulteræ	124
mulieribus orta	145
Equinoctiî descriptio	257
Bella, in quibus multum cruo-	
Aloide	164
ris effusum est	151
Amazones	145
Bellicosi uiri cum illustri-	
Ancillæ quædam	120
bus uictoriis	152
Animalium, & aliarum rerû	
Bellorû instrumeta uaria	180
amatores	132
Bibliothecæ memorabiles	98
Animalia honorata sepul-	
Bruta statuis, & sepulcris ho-	
cris	51
norata	51
Apolexia mortui	46
C.	
Appellationes eorum, qui	
Cæci, & excecati	63
uariis laborant morbis	61
Canû quorûdam nomina	190
Aquis submersi	23
Casibus diuersis mortui	46
Argonautarum nomina	168
Castissimi	133
Argumenta ab impossibili	
Chirurgi	69
ex diuersis poetis	235
Cibo, & potu nimio mortui	
Armorum uaria genera, &	
pag.	40
bellorum instrumenta	180
Cinēdi	113
Articulari morbo mortui	45
Claudi	65
Artificiū officinæ	85
Combusti	34
Artium uariarum denomina	
Coronæ diuersæ	99



Cruce, & suspensio mortui	31	& miræ celeritatis	251
Curæes dicitur	164	Descriptio ortus diei	253
Currus deorum quibus animalibus trahantur	195	Descriptio meridiei	255
Cursoræ uelocissimi	251	Descriptio noctis, seu adnatus eius	255
Cursus leuissimi descriptio	251	Descriptio mediæ noctis	257
		Descriptio Equinoctii	257
Cyclopes	164	Disenteria mortui	46
		Docti uiri habiti in magno	
De diebus, annis, & tempore	89	precio, & honore	92
			E
De oleo	76	Effeminati, & molles	195
De uario inhumandi ritu	49	Equi Achillis	193
Decollati	44	Equi Martis	eadem
Deformes	108	Equi Solis	eadem
Denominationes à naturalibus, seu acciderariis calibus	83	Equi Plutonis	eadem
		Equorum domitores	eadem
Denominationes à uariis artium professionibus	77	Equorum, & equarum celebrum nomina	191
Denominationes à genere	85	Equorum lapsu mortui	27
Depurum amalii	109	Eunuchi & Spadones	123
Deorum, & hominum amantia	111	Excoriati	44
		Exercitus numerosi	148
			F
Deorum currus quibus animalibus trahantur	195	Fame & siti mortui	33
Deorum insignia	87	Ferarum morfu extincti	29
Deorum scēptra, & tela	178	Febre mortui	45
Descriptio longi temporis, qua diu aliquod futurum significamus	240	Feminarum quarundam illustrium nomina	142
Descriptio poetica, qua docemus aliquod longe, lateque fieri	249	Figuli	257
Descriptio magni, & frequentis numeri per similitudines, & comparationes	250	Formosi & formosæ ex historicis, oratoribus, & poetis	103
Descriptio cursus leuissimi		Fortissimi fortitudine corpora	158
		Fratrū, & sororū interfectores	18
		Frātres uterini	89

# L O C O R V M A I N S I G N I T V M

Fulmine percussus 30  
 Fulminari eadem  
 Fumo, aut uaporibus suffoca-  
 ti 44  
 Furiosi, & maniaci 66  
 Furæ tres 68

## G

Gaudio, & risu mortui 39  
 Gætium propria epitheta 86  
 Gentium insignia 86  
 Gigantum quorundam no-  
 mina, & aliorum inusitata  
 magnitudinis hominû 162  
 Gladiatores 168  
 Gladiorum nomina 176  
 Gratæ tres 141  
 Gymnasia 176

## H

Histriones, & actores 169  
 Hominum anafii 110  
 Hominum uota diuersa 87  
 Homines male olentes 62  
 Impossibilia factu 179  
 In carceribus mortui 43  
 In latrinis mortui, aut occi-  
 si 44  
 In mortuos qui saeuierunt 48  
 In uenereo actu mortui 40  
 Incestuosi 123  
 Indocti, & qui litteras ode-  
 runt 98  
 Inhumandi uarii ritus 49  
 Insipientes, & stulti 69  
 Intercutis morbo extincti 45  
 Iuuentis suis qui perie-  
 runt 52  
 Iugulati, & strangulati 42

Laboriosi & artiû uariarû  
 periti 198  
 Lapidibus, aut murorû ruina  
 obruti 41  
 Laterum dolore mortui 46

Liberi parentum interfecto-  
 res 17  
 Liberos qui multos habue-  
 runt 89  
 Libidinosi & lasciui 127  
 Litterarum & litteratorum  
 qui fuerunt amantiissimi 95  
 Lenones, & Lenæ 119  
 Lippi 62  
 Ludi, & spectacula 172  
 Lusci 62

## M

Machinæ quædam bellicæ  
 & tormenta 179  
 Maniaci 66  
 Martis equi 193  
 Medici, pharmacopolæ, &  
 chirurgi 69  
 Meridiei descriptio 255  
 Meretrices quædam 117  
 Militiæ nomina diuersa 181  
 Molles, effæminati, & elegan-  
 tes 114  
 Monoculi 62  
 Morbi diuersi 57  
 Morborum auctarium 76  
 Morbis qui aliquibus infecti  
 & affecti fuerunt 61  
 Mortui qui reuixerunt 48  
 Morte subita mortui 38  
 Mortem qui sibi uariis mo-  
 dis consciuerunt, aut se 2

illis commiserunt occiden-	Parentes liberorum interse-
dos	ctores
Mulieres, quæ maritos oc-	Parricidæ diuersi
ciderunt	Pathici
Mulieres partus dolore mor-	Patria, & locus natalium mul-
ruæ	torum illustriū uirorū
Mulieres habitum uirilem	Pediculari morbo mortui
mentis	Pericula marina
Mulieres bellicosæ, & mascu-	Peste mortui
læ uirtutis	Pestilentia memorabiles
Mulieres doctæ	Pharmaca
Murorum ruina extincti	Pharmacopolæ
Musæ nomen	Piscatores, & urinatores
Muci	Pisces diuersi
N	Piscinarii
Nani, & Pumiliones	Plutonis equi
Nauigiorum diuersa genera	Podagra mortui
pag.	Poetica descriptio, qua doce-
Nauium nomina quædam pro-	mus aliquid longè, lateq;
pria	fieri
Nautæ nonnulli	Populi, & homines re aliqua
Noctis descriptio	insignes, & clari
Nomina diuersa ad miliciam	Populorum diuersi mores, &
spectantia	ritus
Nothi, & spurii	Portitores
Nouercæ quædam	Potiones diuersæ
Numeri magni, & frequen-	Poru, & cibo nimio mortui
tis descriptio per similitu-	pag.
dines & cōparationes	Præceptores, & pedagogi
Nutrices diuersorum homi-	Præcipitati
num	Proci mulierū diuersarū
O	Pugiles, & palæstritæ
Obstetrices	Q
Officinæ artificum	Qui diu uixerunt
Otiosi	Qui suis inuentis perierūt
P	Qui senes genuerunt
Pædicones	Qui de regibus & populis tri-
Palæstritæ & uugiles	umphauerunt



Qui multa scripserunt	98	Suspensio, & cruce mortui	
R		pag.	131
Raptores diuersarum puel-		T	
larum	120	Tela propria Gentium	178
Riuales; seu eiusdem puellæ		Tela, & sceptræ deorum	178
amatores	eadem	Telorum bellicorum, & gla-	
Reges diuersarum gentium		diorum nomina	176
quibus nominibus appel-		Temporis longi descriptio,	
lantur	87	quia diu aliquid futurum	
Repositoria diuersarum re-		significamus	240
rum	85	Terra absorpti	36
S		Textrices, & lanificæ	148
Sacculorum nomina	258	Triumphatores, qui de diuer-	
Sagittis confossi	42	sis regibus & populis triu-	
Sagittarij, & iaculatores pe-		phauerunt	100
ritissimi	186	Tindardæ	164
Sanguinis fluxu mortui	46	V	
Scalarum ruinâ mortui	36	Vaporibus suffocati	44
Sibyllæ decem	141	Venatores	188
Siti & fame mortui	33	Veneno extincti	36
Solis equi	193	Ventris profluvio mortui	45
Sororum interfectores	18	Vestales quædâ uirgines	148
Spadones, & eunuchi	123	Viri bellicosi cum illustribus	
Spectacula, & ludâ	172	uictoris	256
Spurii & nothi	89	Viri mulierum habitum men-	
Stadia diuersa	176	titi	115
Statuas qui meruerunt	90	Viri uxorû interfectores	21
Strabones, luscî, & monoculi		Vnguenta quædam, & phar-	
pag.	63	macæ	73
Strangulati, & iugulati	42	Vota hominum diuersa	87
Stulci, & insipientes	69	Vrinatores	199
Supplicij apud inferos dam-		Z	
nati secundum poetas	52	Zelotypi	133

73  
78  
12  
76  
0  
am  
40  
36  
48  
uer  
u-  
00  
64  
44  
88  
36  
45  
48  
ous  
56  
en  
15  
21  
73  
87  
97  
33

